


GRÆCORVM
RES PVBLICÆ
ab
VBBONE EMMIO
Descriptæ.
Cum Privilegio.

LVGD. BATAVORVM.
Ex Officina Elzeviriana Anno 1632.
c. d. sculp.



68-4-13-4



3

C O N T E N T A
hoc libello.

VBBONIS EMMI

Status Reipublicæ duarum ci-
viratum Atticæ & Laconicæ
succincta delineatio.

I.

De Republica Atheniensium.

II.

De Inclinatione & interitu Rei-
publicæ Atticæ.


III.

De Republica Laconum.

IV.


Appendix descriptioni Reipu-
blicæ Laconicæ subjicienda.

Complexa historiam succin-
ctam labentis tum Reipub.
& Status, tum fortunæ Lace-
dæmoniorum.



VBBC-

68-4-B-4



3

C O N T E N T A
hoc libello.

VBBONIS EMMI

Status Reipublicæ duarum ci-
vitatum Atticæ & Laconicæ
succincta delineatio.

I.

De Republica Atheniensium.

II.

De Inclinatione & interitu Rei-
publicæ Atticæ.


III.

De Republica Laconum.

IV.

Appendix descriptioni Reipu-
blicæ Laconicæ subjienda.

Complexa historiam succin-
ctam labentis tum Reipub.
& Status, tum fortunæ Lace-
dæmoniorum.





U B B O N I S E M M I
S T A T V S
R E I P V B L I C Æ
duarum civitatum Atticæ &
Laconicæ succincta
delineatio.

Civitatum Græcarum florentibus ejus gentis rebus longe clarissima fuerunt *Athena & Lacedæmon*, velut oculi duo inter ceteras emicantes, amula inter sese, & de principatu non gloria solum, sed etiam potentia decertantes: acciditque ut plurimum, ut ad harum motus & contentiones universa ferè Græcia in diversa studia scinderetur. Ita sit, ut qui harum status ignarus sit, infelicitè in cognoscendis Græcorum rebus bello & pace gestis versetur. Vtriusque vero statum & rempubl. peculiaribus libellis delineatam summus auctor, quo nemo propius rem nosse poterat, *Xenophon* nobis reliquit, & multis sæculis post eum
Plu-

Plutarchus in vit. *Lycurgi & Solonis*
 sed delineatam tantum. Nam Xenophon
 ut de re passim suo saeculo nota scribens,
 stricte quadam de forma civitatis u-
 triusque notavit, magisque, quid in hac
 aut illa probaret aut reprehenderet,
 ostendit, quam quae ad cognoscendum to-
 tum statum pertinerent, exposuit. Plu-
 tarchus vero aliud agens hoc argumen-
 tum tractavit obiter, & multa omisit.
 Aristotelis libri de variis rebus pub. ac pra-
 cipue de *Attica & Laconica* ad nos non
 pervenere. Dicaearchus Siculus *Messa-*
nensis, auditor Aristotelis, praeclarus
 philosophus, cujus saepe meminit Cicero,
 πολιτικὴν Laconicam peculiari quoque
 libro expressam comprehendit: cui libro
 tantum honorem tribuere Spartani, teste
 Suida, ut lege lata praeceperint quotan-
 nis eum in curia ephororū recitari publi-
 ce, auscultantibus omnibus, qui erant in
 aetate pubere: idque diu observatum idem
 Suidas affirmat. Sed & hoc σύγγραμμα
 multo tempore ante nos interiit. Inte-
 riere etiam commentarii Dioscoridi de
 eadem Laconum republ. scripti, quos &
 Plutarchus citat in *Lycurgo*, & Athenaeus
 δ' *ἑπτασφιδίων* libro quarto. Aetate no-
 stra Atheniensem rempublicam Carolus
 Sigonius *Italicae antiquitatis sagacissimus*
 inda-

indagator & felicissimus illustrator, bono rei literaria prolixè quatuor libris descripsit; Spartanam Nicolaus Cragius Dānus pari ausu & industria, utinam pari quoque felicitate. Nos horum vestigia potissimum secuti, & laboribus adjuti, usque autem consilio & ordine nostro, quæ illi fusius exposuerunt, & veterum testimoniis confirmarunt, succincto, quantum patietur res, compendio constringemus.

Vide plures ab Aibeneo citatos, qui de politia Laconum libros ediderunt.





I.

D E

R E P V B L I C A A T H E N I E N S I V M .

*Status regionis & populi Attici sub
primis Regibus ante Theseum,
& sub Theseo.*



A T H E N A E , ut ab his or-
diamur, à Cecrope viro Æ-
gyptio in regione Atticâ
primum conditæ sunt, ubi
post summa urbs & urbis
arx fuit, juxta amnē Idissum, non procul
quidem mari, nec tamen ad mare sita,
novi regni caput, & regis sedes: totaq;
regio Attica in varios populos & vicos
hactenus sparsa in oppida præcipua XII
ab eodem contracta, quorum singula
sub regibus sequentibus suas curias,
suosque magistratus & ordinem civi-
lem habuere, membra tamen regni u-
nius, & uni regi parentia. Sed potestas
regum minimè herilis & indefinita fuit,
ut quicquid ipsis liberet, id vim juris in-
populo, & parendi necessitatem habe-
ret.

ret. Arguunt hoc vetustissima judicia penè cum regno nata, quædam priscorum regum tempore instituta, non aliorum solum, sed ipsorum quoque regum causas cognoscere solita: quemadmodum & ea, quæ de Theseo paulo post dicemus. Erat enim jam tum populi illius ingenium excelsum, æqui juris amans, servilis subjectionis impatiens. Itaque quamvis hereditarium regnum esset, tamen sine voluntate populi nemo in possessionem ejus veniebat. Sed hæc futuræ libertatis, quam divina providentia destinabat, velut nobilis ac illustris structuræ, infœmia quædam & indigesta signa solummodo fuere, à quibus deinde politis, & à structoribus operi aptatis opus ipsum, systema scilicet libertatis, sensim & per gradus diversaque incrementa ad perfectionem, hoc est, ad maturitatem suam pervenit.

Structuræ initium factum à Theseo rege decimo. Hic enim magni & excelsi, veræque gloriæ cupidi animi heros, & sapientiâ nulli secundus, cum nuper redux è Creta, re illic bene gesta, & patria intolerabili onere liberata, adhuc opido juvenis mortuo patre regnum iniisset, de eo quam optime formando simul & firmando cogitationes suscepit. Ad eam verò rem nihil potius
ac

REIP. ATHENIENSIVM.

ac rectius reperit, quàm si præcipuas regni vires per oppida & vicos distra-ctas, cum iis, penes quos publicum con-silium atque autoritas erat, in sedem unam, urbem nimirum regiam, con-traheret. Id enim roborandis viribus ob disjunctionem infirmis, & expedien-dis celerius rerum gerendarum consi-liis, & urbi regis augendæ nobilitan-dæque futurum censebat: quin etiam ad alendam regni ordinum concordiam, ac avertendam cuiusvis civili socie-tati exitiosam discordiam, quam norat aliquando apud majores suos in bella intestina erupisse, denique ad regni de-cus, & nominis sui gloriam idem hoc non parum facturum judicabat. Sed non parvam in eo ipso efficiendo diffi-cultatem reperiēbat. Nam translato populo, qui sparsim per oppida ac vi-cos habitabat, & in urbem, quam au-gere desiderabat, traducto erat opus. Qui verò lares suos, & sedes patrias de-serere, fundos domusque relinquere, ac longius ab iis discedere in gratiam ipsius aut boni publici, quod jactabatur, cu-perent, præsertim qui bono loco apud suos erant, & rempubl. qualemcunque illic gerebant, perpauci re tentatâ in-veniebantur. Spem enim incertam fu-turorum commodorum, quæ fereban-

tur, rebus certis & præsentibus anteferre stultitiæ esse credebant. Et ipsa dulcedo natalis soli plurimos, quò minus transferri vellent, morabatur. Quamobrem Theseus, ne proposito suo & spe excideret, dicitur obivisse totam regionem, & blandiendo promittendoque cum universis & singulis, ubi opus erat, in oppidis ac vicis egisse, & commodæ consilii sui posuisse ob oculos, denique, quod caput rei erat, libertatem omnibus bonis cæteris anteponendam esse pollicitus, atque ita demum animos plurimorum, ut assentirentur, commovisse, non paucos etiam metu potentie in obsequium traxisse. Tum multitudo omnis generis Athenas traducta, & novæ sedes circum urbem veterem, arcis instar editiore loco maximâ sui parte sitam, positæ, urbs amplitudine & hominum frequentia omnes Græcas ejus temporis multum superans subito nata, & mœnibus cincta. Simul verò rex, ut ex confusâ multitudine civitatem formaret, primum omnium in classes tres universos distinxit, quarum prima esset patritiorum, altera agrorum, tertia opificum: omnes autem communione juris, unius & ejusdem civitatis inter se devinctos ad speciem quandam æqualitatis redegit: in quâ dignitate patri-

patritii, utilitate agricolæ, numero ac robore opifices præstarent. Patritiis vero quibus maximè conciliatis habebat opus, & amplissimis promissis sese obligaverat, hoc præcipuum tribuit, si Plutarcho credimus, ut hi soli, id quod regum esse solet, sacra curarent, magistratus & dignitates caperent, leges interpretarentur, in iis, quæ ad religionem & religiosa pertinebant, quid fas esset, dijudicarent. Vtrum autem ex hac Thesei constitutione, iidem quoque jus acceperint, designandi eos ex classe suâ, qui magistratus gererent, an classibus cæteris hoc tributum sit, ut in communionem suffragiorum cum iis venirent, id ex verbis Plutarchi, ex quo hæc de Theseo habemus, non liquet. Verba ejus hoc tantum significant, tributum esse à rege patritiis, dare magistratus, *magíxv áρχοντες*. Quemadmodum cætera quoque de magistratibus iisdem ignota nobis manent, cujusmodi ii fuerint, quis eorum ordo, quæ potestas ac munus, & quanti temporis, aliaque his similia. Quòd si tamen conjecturæ aliquis locus, verisimile puto, suffragiis classium inferiorū, aut simul omnium ex classe summâ magistratus esse creatos. Nam si secus res habuisset, quomodo dici ab Isocrate potuisset, quod apud

cum

eum est in encomio Helenæ, & Panathenaicâ, à Theseo popularem statum esse introductum, & ad ejus formam à posteris eundem restitutum? quomodò à Plutarcho hoc ipso loco, noluisse eum democratiam suam confusam esse? quomodò à Pausaniâ in Atticis, Thesea popularis status fuisse autorem? Quæ enim populi partes in civitate, si jure suffragiû in creandis magistratibus & negociis similibus destituatur? Sed hoc in medio relinquo. Ad cætera me confero, quæ ex Plutarcho clarent. Theseus his in populum collatis se penè regio jure exuit, nomen modò regis, & custodiam legum institutorumque, ac imperium militare cum dignitate, sicuti promiserat, sibi reservavit: abolicis prytaneis, & curiis & magistratibus oppidorum aliorum, unum prytaneum commune, curiam unam, (βουλευτήριον vocat Plutarchus) constituit Athenis eo loco, ubi tempore Plutarchi adhuc erat. In harum rerum memoriam ab ipso solenne festum institutum esse, diversi autores prodidère, quod μεθίσκια à navigatione, σινοίικια à cohabitatione, παναθνώσια à celebritate cunctis Atheniensibus communi dixère, quotannis die xvi mensis Hecatombæonis instaurandum.

dum. Ipse ab omni posteritate alter Athenarum conditor tum ob ampliatam urbem, tum ob rempublicam secundum libertatem formatam celebratus. Et hic tamen ab eadem hac civitate tot beneficiis à se ornatâ per Mnestheum agnatum & æmulum suum, procereſque alios, qui adversis animis morem ei gesserant, & in sedibus prioribus procul à rege primas, quàm Athenas sub oculis regis secundas tenere maluerant, quos Mnestheus in partes traxerat, concitatâ, in exilium actus vitam in eo finit. Regnum Mnestheus invasit, & tenuit annos xxiii. Cum hoc lapsu fortunæ Thesei statum quoque reipublicæ ipso autore institutum, turbatum esse, ac in pejus ivisse, dubium non est. Et quanquàm extincto Mnestheo, qui ad Trojam cum reliquis Græciæ principibus militatum ierat, & in reditu vitâ decesserat, Demophoon, Thesei filius regnum receperit, tamen in integrum restitutam ab eo rempublicam esse, verisimile non est. Quis enim credat, filium regem non succensuisse populo ob extremam hujus in patrem suum ingratitude, & tanto patris beneficio indignum eum existimasse? Intereâ mansere reliquæ libertatis ex formâ Thesei: verum regia potestas aucta rursum

sum luminibus libertatis offecit, & in arctum eam redegit. Quod resuscitandæ gratissimæ memoriæ beneficiorum Thesei in animis populi fuit. Quæ cum tempore crevisset, maximus heroi honos à posteris habitus: *παραθεωσας* etiam *Θησεία* nuncupata, templum eidem structum, ac ossa demum diligenti curâ quæsitâ in insulâ Scyro, in quâ perierat, & in patriam relata. Et posteritas quidem ipsius cum ejusdem pronepotibus extincta fuit.

Ceteri reges Atheniensium.

SUCCESSERE ei reges alienigenæ: quod hoc modo accidit. Regnabat tum Athenis Thymætes Thesei pronepotum alter Oxynthæ filius nothus, qui ut regno potiretur, fratrem suum Aphidanta legitimo toro natum interemerat. Hunc exorto fortè inter Athenienses & vicinos Bæotos bello de finibus, cum finiendæ controversiæ causâ, Bæotorum rex ad duellum provocaret, detrectantiq; discrimen insultaret cum probro nominis Attici, præsto fuit Melanthus Andropompi filius adscititius civis, Pylo in Peloponneso oriundus, Periclimoni, qui frater fuit Nestoris, abnepos, cum aliis è patriâ profugus, & civi-

civitate Atticâ donatus, discrimen certaminis in sese pro republicâ & honore civitatis recepit, & cum provocante viribus fiso congressus, victoriâque nobili per fraudem potitus, dejecto Thymæte regnare jussus est. Atque ad hujus rei gestæ memoriam conservandam apaturiorum festum à populo institutum. Melanthe regnâte Iones armis Achæorum in patria pressi populariter ex Peloponneso Athenas venêre, & satagente rege in jus civitatis admissi urbem agrumq; multitudine repleverunt. Melanthi filius Codrus patri suffectus cum bello Dorienfi difficillimo pro salute reipublicæ morti se devovisset, in confertissimos hostes irruens & eorum telis se objiciens gloriosè occubuit, regum Atticorum postremus. A morte enim ejus nomen regum, quod id libertati grave videretur, abrogatum.

Archontes Atheniensium perpetui.

Successori filio ejusdem Medonti, principis seu prætoris nomen datum, (*ἀρχων* Græci dicebant,) & cum novo nomine, quod magis secundum libertatem erat, potestas etiam diminuta, ut esset dedendis rationibus obnoxia, quemadmodum nos docet Pausanias

ωειη-

Θέωνος libro quarto, licet duraret ad vitæ finem. Quo in principatu cum essent Medon & qui ei successit Acastus, ac hominum frequentiam nimiam urbs totaque regio laborarent, (nam & Athenienses libertatem, quam diximus, à Theseo adepti, non parum multiplicati erant affluente assidue novorum civium numero, & accesserat nuper Ionum ingens multitudo,) coloniam in Asiam ducibus Codridis regio sanguine natis missam, urbesque clarissimi nominis conditam aut auctam, Ephesus, Miletus, Priene, Teos, Lebedus, Phoea, Samus in insula, Myus, Athenarum filiam. Fuere autem archontes hujusmodi perpetui post Codri mortem ordine sibi succedentes è regio sanguine prognati numero XIII: duravitque status is per annos CCCXV. Ultimus illorum principum Alcmaeon cum biennium nondum in principatu fuisset, fato functus occasionem novandi iterum status civitati dedit.

*Archontes decennales & IX annui
cum initio plena libertatis.*

NAM pertaxa principatus perpetui, quo freti liberius principes agere occipiebant, eum in decennalem commutavit: primusque archon istiusmodi desit.

designatus est Cl.
sunt alii sex: quos *ἄρχωνες*
cum impleisset periculum
sextum sive mortem, *ἄρχων* deli-
ctū honore privatur. *ἄρχων* regis mihi
verosimile videtur, non *ἄρχων*, eique
multò maximæ mutationi fores ape-
ruit. Populus enim plenioris libertatis
desiderio inardescens, imperio unius
prorsus abrogato, ix archontes creavit
annuum tantummodò imperium ha-
bituros, suffragiis designatos ex iis, qui
genere, opibus, gratiā, quod *ἄρχων* in-
stituto congruum erat, in civitate præ-
valebant. Qui cum annum munus ex-
plessent, idem populus, ut lex habet,
et alios ex eodem civium numero
suffecit: idque repetitum deinceps
tempore quotannis. Erant *ἄρχωνες*
Novem-virūm, quos archontes dice-
bant, primis illis temporibus potestas
perampla, penè ut totam rempublicam
curā suā complecterentur, quanquā
multos magistratus inferiores sibi sub-
iunctos haberent. Et archontes hi ut
muneribus in communi republicā, ita
quoq; appellationibus distinguebantur.
Nam eorum primus propriè *ἄρχων*,
velut collegii princeps, idemque *πρώ-
τος*, quòd annum, quo magistra-

tum gerebat, in fastis publicis nomine suo signaret, nuncupabatur; alter rex, tertius polemarchus vocabantur: reliqui sex thesmothetæ. Ex his archon præter curam sacrorum Bacchanalium, & Thargeliorum, ut ex iis, quæ post latas à Solone leges in usu fuerunt, colligimus, lites varias inter conjuges, parentes, liberos, proximos, propinquos, defunctorum hæredes, ac similes alias cognoscebat, & de iis judicabat: pupillos etiam & pupillas curabat, ac tutores iisdem dabat. Rex, ut mysteria Eleusinia, & sacra Lenæa, item Minervæ, Iovis, Apollinis, Vulcani, Promethei ritè fieret, dabat operam: deinde variarum quoque causarum forensium tum criminalium tum civilium cognitor erat, & quas ipse non definiebat, ad tribunalia majora referebat. Polemarcho præter sacra quædam Dianæ ac Martis, cura belli & rerum militarium potissimum commissa fuit: unde nomen ei datum: in expeditionibus supremum imperium habebat, domi peregrinis jus dicebat, eosque censum non solventes mulctabat. Thesmothetæ erant juris custodes, legumque & institutorum vindices: quin & juri dicundo multum quoque ipsi vacabant, criminum suspectos custodia tradabant, gravioris momenti causas,

ut archontes cæteri, in judicia majora introducebant. Nam fuisse jam tum in usu apud Athenienses judicia hujusmodi, uti Areopagi & Ephetarum, aliaque tum criminalia tum civilia, atque adeò à regum temporibus ea defluxisse, quam rudia adhuc & imposita fuisse arbitrer, mihi dubium non est, ut suo loco dicemus plenius. IX. viri autem hi non uno loco omnes, sed alii locis aliis, quæ *δυναστεία* nuncupabantur, jus dicebant. Coniuncti verò convocandi populum, & cum eo agendi, quæ olim regum, deinde archontum perpetuorum, ac demum decennialium solebat esse, potestatem habebant. Verum status hic libertatis ex fundamento, quod jecerat jam olim Theseus, magis adhuc ad solorum nobilium ac divitum potentiam, quam ad rationem popularem erat directus, & potius consuetudine institutisque majorum, arbitrioque magistratuum ac judicum quam legibus scriptis regebatur: quod peccandi licentiæ, ac variis vitiis, & discordiæ odiisque mutuis ferendis & fovendis occasionem dabat. Quapropter avertendis majoribus incommodis ac periculis, circiter annum ab Novem-virum initio quinquagesimum tertium Draconi cum primis spectato & gravi sapienti-

que, sed ingenii plus satis severi, scribendarum legum potestas à civitate demandata fuit. Legeſque ab eo cum aliæ, tum quæ reprimendis delictis, & criminibus puniendis eſſent, latæ ſunt inſigniter ſeveræ: & Ephetarum tribunal melius formatum confirmatumque, in quo viri vitâ integri, ætate quinquagenariis non minores numero 11, ſederent, ac de cædibus ſimilibusque criminibus majoribus judicarent. Arcopagi judicium, quale erat jam antè, relictum. Verum cum ob ſeveritatem nimiam (nam delictis ferè omnibus pœnam capitis irrogabant, ideoque apud poſteros dictitatum, videri eas non atramento ſed ſanguine eſſe ſcriptas) cum progreſſu temporis leges hæ inciperent diſplicere, cumque primorum tumefceret ambitio, & avariſiâ atque iniquitate locupletum premeretur inops plebs, creſceretque ſupra modum æs alienum, atque hinc diſcordia & factiones exiſterent, periculoſique motus libertati exitiales viderentur imminere, omnium verò maxime divites ab irâ plebis ſibi metuerent, tandem ad extremum civitatis caſum declinandum oculi omnium in SOLONEM ſunt converſi, viſum nobiliſſimum, ſanctiſſimum, reipublicæ amantiſſimum, & ſupra omnes non ſapient-

sapientia solum, sed etiam iustitiâ celebrem, quem solum mederi his malis, & saluti civitatis quàm optimè consulere possè universi putabant. Placuit igitur, ei quî paulò antè ad componendas res tantopere turbatas tyrannidem oblatam repudiaverat, arbitrium constituendæ totius civitatis, & novarum legum ferendarum liberrimum permittere. Atque is acceptâ potestate archon creatus à promulgandâ *ἀρχὴν θεῖαν*, quam alii totius æris alieni abolitionem, alii fœnoris, & ejus quod ex fœnore cumulado provenerat, remissionem aut moderationem æquam interpretantur, fecit initium; & ut eam patientius divites ferrent, primus exemplo suo præivit, bonâ pecuniæ summâ debitoribus suis condonatâ. Simul constituit ad facilius dissolvendum, quod debebatur, ut mina Attica, quæ antea drachmis tantum LXXV, ut ait Plutarchus æstimabatur, pro drachmis centum insolutum cederet: vetuitque ne quis in posterum obligato accipientis corpore pecuniam fœnori daret. Deinde leges Draconis omnes, præterquàm quæ de cædibus erant, propter asperitatem abrogavit. Cætera sic constituit.



TRibus in civitate quatuor, uti à pri-
scis seculis fuerant, reliquit, in quas
totus populus erat divisus: quibus no-
mina erant à rege Erechtheo ex vitæ ge-
nere hæc indita; armati, opifices, agri-
colæ, caprarii: nec in his distinguendis
quicquam faciebant inopia aut rerû co-
pia. Quælibet autem tribus in curias tres,
& rursum quælibet curia in gentes xxx
erant divisa. Reliquit etiam distributio-
nem totius civitatis in partes alias, quas
ῥῆμεις, id est, populos vocabant: quæ
distributio magis ad originem ex oppi-
dis & pagis nobilioribus totius regionis
Atticæ, quàm ad rationem aliquam
aliam relata fuisse videtur; quamvis qui-
libet *ῥῆμεις* ad certam tribum pertine-
ret. Verùm aliam partitionem universi
populi ipse introduxit prorsus novam.
Nam quoniam reipub. interessè puta-
bat, ut, quorum plurimum referret,
republicam esse salvam, ii in rebus ad-
ministrandis plus reliquis etiam pos-
sent, primum ex censu populum totum
distinguit in classes quatuor. Deinde ex
harum prioribus tribus, quæ res soli
possiderent ad modos certos, & ex his
fructus perciperent, (hæ enim tum præ-
cipuæ opes Atheniensium erant) capi

eos voluit, qui annuos magistratus omnis generis gererent, & reipublicæ curandæ administrandæque potestatem haberent. Reliquæ plebi, quæ quarta classe censebatur, & numero priores omnes multum superabat, quam $\tau\eta\mu\alpha\tau\omega\nu$, id est, operariorum aut mercenariorum vocabant, judicia & obeundarum concionum jus, communia huic cum cæteris futura, assignavit. Quod, ut Plutarchus ait, initio penè nihil visum, pòst usu ipso ingens omnino deprehensum. Plurimæ enim controversiæ ad judicia illa deferebantur, & quæcunque earum ad cognitionem magistratuum pertinebant, de iis omnibus provocare ad judicia cuilibet volenti licebat. Penes concionem autem rerum summa, & mandandorum honorum, qui per suffragia conferebantur, potestas erat. Et Aristoteles libro politicorum secundo, capite decimo, qui locus apud eum illustris est, scribit, existimare quosdam, penè nimium à Solone plebi esse indultum, qui & iudiciorum fortitò constituendorum, & eligendorum magistratuum, rationumque ab ipsis reposcendarum potestatem ei concesserit. Atque idem eodem loco affirmat, hoc jus tum eligendorum, tum rationum examini subjiaciendorum magi-

stratum, quamvis magnum, tamen maximè necessarium conservando plebis statui concessum ei esse: quo si careret, sine dubio inimico in rempublicam animo eam esse futuram. Et hac quidem ratione insigni temperamento, ut ait Plutarchus, ac fatetur quoque Aristoteles, multitudinis jus optimatum juri Solon quasi æquavit, & simul perniciosas factiones diacriorum, pedicorum, paraliorum, quæ tum civitatem sciderant, ex Cylonia seditione nuper ortas, extinxit: quorum primi popularem statum, alteri paucorum potentum, tertii mixtum flagitabant. Videtur autem in his populi Attici partitionibus talis tribuum fuisse ratio ad classes, ut earum quælibet partem quasi quartam complecteretur cujuslibet classis, & quælibet classis per omnes quatuor tribus spargeretur, quemadmodum Romæ quoque diu res habuit. Ad reliqua eamus. Collegium ix-virum quale ante Draconem & post eum fuerat, in civitate Solon reliquit. Sed populine suffragiis in comitiis, ut mos hætenus habuerat, an mutato more per sortem in Thesei fano, quod post ejus sæculum in usu fuit, designari ix-viros jussit, id dubitationem habet. De sorte affirmat Sigonius, non inutilibus argu-
mentis

mentis nixus depromptis ex verbis magnorum autorum, Plutarchi, Lysia, Demosthenis: quæ sanè dubitare nos non sinunt, à temporibus Xerxeis usq; ad dominatum Macedonum per annos circiter c lx quotannis sorte eos esse lectos. Nam Plutarchus in Pericle causam ostendens, cur Pericles in Areopagi senatu non fuerit, planis verbis dicit, archontem, regem, polemarchum, thesmothetas antiquitus sorte creari solere, sortemque hanc ei non fuisse. Et idem Plutarchus in Aristide, Idomeneia testem advocans, affirmat, hunc non sorte, sed populi suffragio archontem esse factum: quod arguit, in usu quidem tunc in designandis archontibus sortem fuisse, sed extra ordinem ob spectatam viri virtutē statim post prælium Platzense, in quo alterius cornu summus præfectus steterat cum Atheniensibus suis, hunc magistratum ei esse demandatum. Lysias verò in actione contra Andocidem disertis verbis docet, suo tempore ix-viros archontes sortitò honorem eum esse adeptos. Verum an Solonis institutum hoc fuerit, an verò ab aliis post eum, qui leges reipubl. dedere, sit introductum, ex hisce liquere nequit. Vnus modò Demosthenis locus in Leptineâ id liquidum

facere potest videri. Sic enim verba ejus habent, non censuisse Solonem, cum certum modum ferendarum legum novarum posteris præscriberet, thesmothetas legum curatores sorte jam designatos, antequàm ad ineundum magistratum admitterentur, bis oportere examini subjici, in senatu primum, deinde in judicio, leges autem ipsas temerè, & sine ullo examine recipi æquum esse. Ecce, τὰς θεσμοθέτας, inquit, τὰς ἐπὶ τὰς νόμους κληρονομίας δις δεκιμαθέντας ἄρχειν. Res videtur esse clarissima, & sortitò thesmothetas, qui in numero ix-virum erant, fuisse designatos, & institutum à Solone manasse. Verùm obstat sententiæ huic illustri, atque, ut, quod res est, dicam, irrefragabilis autoritas Aristotelis, viri etiam maximi, quæ extat eodem loco, quem antè notavi, politicorum lib. 11. capite 10. Ibi namque de νομοθεσίᾳ Solonis disserens Philosophus perspicuis verbis affirmat, Solonem leges scribentem non senatum modò Areopagi, sed morem etiam eligendi magistratus, uti antè in civitate fuerat, reliquisse, judicia autem cum plebe communicata, in quibus sortis esset usus, ad augendum jus plebis, cum eorum
ratio

ratio alia antè fuisset, introduxisse. Per
δρχας verò *αἰρετας* potestatem ac mu-
nus ix archontum, qui præcipui ma-
gistratus Athenis erant, eum intellexis-
se, & *αἰρεται* istam sortitioni iudicium
opposuisse, nemo dubitare poterit, qui
locum ipsum inspicere, & verba expen-
dere volet. De quo ad omnes pertina-
cibus præjudiciis non occupatos pro-
voco. Miror verò Sigonium, quod sal-
vo honore tanti viri dictum volo, in
alium finem locum istum magnâ ex
parte exscriptum in medium adduxisse,
& ea, quæ ad hanc quæstionem proprie
pertinent, non expendisse pressius. Cur
autem non solum non postponendam,
sed etiam hac in re anteponendam phi-
losophi hujus auctoritatem auctoritati
oratoris, quamvis viri summi, arbitrer,
aut potius, cur hanc magis quàm illam
sententiam ex verbis utriusque pro-
mendam putem, dicam loco alio, ubi
commodum erit, ne heic fiam nimis
prolixus. Discedo igitur heic à sententia
Sigonii, quem sequor alioqui libenter,
statuoque, ix viros archontes *αἰρητῆς*
à Solone relictos esse: *κληρωτῆς* autem
esse factos, cum annis circiter LXXXVI
post Solonis *νομοθεσίαν* alia quoque in
republicâ sunt mutata: de quibus dice-
mus

mus pòst. In cæteris, quæ de archontibus his traduntur; Sigonio assentior. Nituntur enim testimoniis certis magnorum autorum. Quorum summa hæc: non antè eos munus suum iniisse, aut ad dicendum reipublicæ sacramentum fuisse admissos, quàm in senatu de natalibus, de tribu ac populo, de omni vita antea, præsertim de officiis in parentes interrogati ita, ut leges poscebant, & ut cives eo loco dignos decebat, respondissent, & rursus acrius in iudicio essent excussi probatique: ac tum demum in porticu regia solemniter jurasse, leges se servaturos, nec dona accepturos, aut de acceptis si convincerentur, statuam auream ejus magnitudinis, cujus erant ipsi, Delphis se repensuros: idemque jusjurandum dedisse adscendentes in arcem corona myrtea redimitos. Sic enim leges præcipiebant, ne quis, nisi vitæ esset castæ, & famæ integræ, & utroque parente, avo, avia, proavo, proavia, civibus Atticis ingenuis & honestis ortus, in eoque officiosus in hoc collegium reciperetur: fueruntque ob dignitatem ejus eo exclusi peregrini civitate donati, quamvis ex his post acceptam civitatem geniti in id recepti. Muneris autem partes singulis in collegio, archonti,

regi,

regi, polemarcho, thesmothesis, tum in jure dicundo, tum in aliis reipublicæ negociis curandis specialius & certius quàm fuerant antè, à Solone descriptæ. Præmium omnibus magistratus hujus probè ac sine vitio gesti tributum ab eodem, adscriptio in Arcopagitas, quorum honos cum amplissimo munere erat perpetuus. Præter hoc ix-virum collegium, de quo dicendum rursus, ubi de magistratibus hujus reipublicæ variis & multis agetur, Solon distincta in civitate concilia esse voluit, præcipua nempe & maxima ejus membra, ex quorum apta compagine reipublicæ à se ordinatæ forma existeret. Horum amplissimum erat Conero, in quam coibat universus populus, & cujus erat suprema in civitate potestas: de qua etiam plura suo loco. Huic verò tanquam grandi navi fluctuationi & tempestatibus obnoxia alia duo adjuncta fuere velut ancoræ ejus, ut loquitur Plutarchus, quæ propriè senatum titulo afficiebantur. Eorum alter aliquoties jam memoratus, ex loco, ubi conventus & consessus sedem habebat, Arcopagiticus fuit nuncupatus: quem ante Solonem in civitate non fuisse, veterum quidam videntur existimasse. Cicero quippe lib. i. off. sic ait: Lau-

detur jure Themistocles, & sit ejus nomen quam Solonis illustrius, citeturque Salamis clarissima testis victoria, qua anteponaturs consilio Solonis ei, quo primum constituit Areopagitarum. Et paulo post: Est enim bellum gestum consilio senatus ejus, qui à Solone erat constitutus. Plutarchus verò hac de re disputans, Vulgatiore, inquit, fama est, Areopagitarum concilium à Solone esse constitutum: & hanc opinionem eo maxime probari existimat, quod in legibus Draconis nulla fiat Areopagitarum mentio, & quod de Dracone liqueat semper eum de rebus capitalibus cum Ephetis egisse. Sed refragatur his summa Aristotelis autoritas, cui sine dubio Attica notiora fuere, quàm Plutarcho, atque adeò ipsi etiam Ciceroni. Nam & diu Athenis vixit docuitque, cum his fortuna adhuc esset integra, & cum curà in res hujusmodi, quod scripta ejus docent, inquisivit, cum tota νομοθεσία Solonis in tabulis descripta haberetur incolumis. Is loco illo insigni, bis jam antè à nobis laudato, politicorum libro secundo de Areopagi Senatu, & de statu universo reipublicæ Atticæ à Solone formatæ disserens sic scribit: Videtur, inquit, Solon illa prius jam in usu posita non sustulisse, senatum scilicet, & magistrat-

magistratum electionem : populum vero,
 id est, popularem potestatem constituisse
 omnibus ad judicia admissis. Et expres-
 sim nominat ibidem senatum Areopa-
 gi, ut dubium tollat, quo de senatu lo-
 quatur. Quid requiri potest evidentius?
 Fuisse dicit Areopagi senatum jam ante
 Solonem, ab eo autem non sublatum:
 quod opinionem Ciceronis prorsum e-
 vertit. Accedit ipsius confessio Plutar-
 chi. Hic enim ait, in tabula XIII So-
 lonis, lege VIII, hæc ipsa verba scripta
 fuisse: Αἱ μὲν ὅσοι ἄπρῳ ἦσαν πρὶν
 ἢ Σόλωνα ἄρχεσθαι, ἐπιτίμῃς εἶναι, πᾶσι
 ὅσοι ἐξ Ἀρείου πάγου, ἢ ὅσοι ἐν τῷ
 Ἐφεσίῳ, ἢ ἐν Πρυτανείῳ καὶ ἀδικα-
 δύντες ὑπὸ τῷ βασιλείῳ ἐπὶ φόρῳ, ἢ
 σφαγαῖσιν, ἢ ἐπὶ τυραννίδι ἐφυγόν,
 ὅτε θεσμός ἐφαίνῃ ὁδὸς. Quicunque,
 inquit, infamiam notati erant ante So-
 lonis magistratum, eum honores capere li-
 ceat, præterquam qui ab Areopago, aut
 ab Ephesi, aut in Prytaneo homicidii
 aut jugulationum, aut appetita tyran-
 nidis damnati à regibus exulabant tum,
 cum ea lex est lata. Quibus subjungit
 Plutarchus, videri ex verbis his, etiam
 ante rempublicam à Solone constitu-
 tam Arcopagitas fuisse. Qui enim suis-
 sent,

sent, porro inquit, ante Solonem in Areopago damnati, si Solon primus Areopagiti judicandi potestatem dedit? Reges verò, quorum in lege hac Solonis mentio fit, non alii intelligendi sunt, quàm qui secundum locum in ordine x archontum tenuère: ad quos pertinebat causas hujuscemodi audire, & in *δικαστήρια* majora introducere & cum cæteris sententiam ferre, aut etiam totius confessus nomine pronunciare. In iis quæ post hæc addit idem Plutarchus, verè nodum in scirpo quærere potest videri. Dicimus igitur. Solonem non autorem primum senatus hujus fuisse, sed usitatum jam pridem formasse melius, & constituisse firmitus, munusque & potestatem ejusdem ampliasse. In hunc finem allegit in eum ix-virum munere sine vitio defunctos: voluitque hoc idem fieri deinceps quotannis, ut scilicet ix-viratu decedentes consilio Areopagitarum accrescerent, si modò legi ab iis esset satisfactum. Lex autem jubebat, ut annuo munere exacto examini se sisterent apud *λογιστὰς* & *δίκυς*, & rationes administratæ reipublicæ actorumque suorum redderent: in quo examine, quod haudquaquam ludicrum aut perfunctorium, sed seve-

rum

rum inprimis & acre erat, excitatis quoque publicâ præconis voce ad accusationem ipsorum æmulis, si sine labe reperirentur, ut tum demum honos ille iis tribueretur. Venerandum enim hunc senatum, atque ideò labis omnis expertem esse voluit, qui summam auctoritatem in totâ civitate esset habiturus. Quam ob rem non alios quàm in maximis reipublicæ negociis jam antè veratos, rerumque summarum peritos, & culpæ infamixque exsortes senatores in eo esse sivit. Nam ἐφόρειον ac ἐπισκοπὴν intendentem in omnes reipublicæ partes legumque ac institutorum bonorum conservationem ei tribuit, & avertendorum obrepentium vitiorum curam demandavit. Quinetiam cognitionem ac iudicium gravissimorum criminum, cædis consultò patratae, veneficii, incendii, prodicionis, ac similium, quæ capitis pœnam merebantur, eidem dedit. Denique censuram morum ac vitæ omnium civium, maximè verò juniorum, senatui huic assignavit. Quo capite muneris sui frutus hic idem senatus, quid quisque civium ageret, quo quæstu se suosque sustentaret inquisivit, ignaviæ ac inertis otii, item petulantix nequitixque compertos, pœnâ affecit: adeò ut memoriæ proditum sit,

teste Quintiliano , damnatum ab eo puerum esse, quòd coturnicibus oculos toleret eruere, quia id indicium esse pravae indolis. Quocirca quicquid bonorum morum in civitate fuerat ante sua tempora, & studii virtutis, cum res Atticae florent, id Isocrates vir summi iudicii senatui Areopagitico adscripsit. Qui idem hoc quoque memorat, tantae existimationis ac gravitatis senatum hunc etiam corruptiore saeculo suo fuisse, ut compertum sit, si qui minus boni ac integri in eum semel obrepissent, hos fere compressa naturâ suâ prava ex concilii istius institutis potius quàm ex indole ac more suo priore deinceps vixisse. Et memorabile quoq; hoc, quod ex Hyperide oratore Demosthenis æquali prodit Athenæus, ad excludendum hoc gravissimo confesû satis criminis fuisse, (erat enim hoc pervile apud Athenienses) in ea ponâ sedisse, & cibû ibi cepisse. Duo verò Areopagitis singularia fuere, ab omnibus reliquis, qui rempublicam administrabant, diversa: prius, quòd numero essent incerto, cum plures interdum, interdum pauciores è Novemviris magistratu decedentibus (id enim seminarium unicum senatus Areopagitici erat) ob severum in eos examen concilio accederent, & aliâs major ipso-
rum

rum numerus, aliàs minor vitâ aut concilio decederent: alterum quod in munere manerent, quoad viverent, nisi fortè committerent aliquid, ob quod consortio senatus tam venerabilis ac sancti censerentur indigni, atque ita loco deicerentur. In causis etiam cognoscendis hæc ab iis observata fuisse ex monumentis veterum discimus, à more aliorum cognitorum pleraque abhorrentia. Rex ix-vir, apud quem actorem intendebat, actionem in senatum introducebat, ac unâ cum senatu positâ tantisper coronâ sedens de causâ iudicabat. Ante actionis reliquæ initium accusator, ex formulâ juratus affirmabat, reum fecisse, de quo accusabatur; reus similiter juratus inficiabatur: Tum utrique bis dicere pro se, ac reo quoque post primam dictionem solum vertere permittebatur: cogeantur ambo dicere *ἀνὸς ἀποσιμῶν καὶ παύων*, id est, nec exordio uti ad conciliandos animos, nec peroratione ad animos commovendos, ac audiebantur à iudicibus summo silentio; unde natum proverbium, Arcopagitâ taciturnior: addunt quidam, noctu & sub dio, hæc acta. Sententiæ ferebantur suffragiis occultis per calculos dissimiles ab arâ sumptos, ac racitè in sitellam immisos. Convenie-

bat hic senatus ordinariè ter tantum-
 modò quolibet mense diebus legitimis,
 & quidem in pago Martio, unde ei no-
 men: extra ordinem verò repositente
 in porticu regiâ. Si quid ad hunc de re-
 publicâ referendum esset, retulisse pu-
 tantur archontes Novem-viri. Mansit
 ejus autoritas integra stante libertate,
 usque ad ætatem Periclis, qui studio au-
 gendæ libertatis ac potentia popularis,
 & premendi status optimatum, cui præ-
 cipuus patronus erat Cimon Miltiadis,
 ejus æmulus, per Ephialtem oratorem
 subornatum, civem prædivitem & gra-
 riâ populi validum, nervos ei ex parte
 incidit: eoque facto immoderatam ple-
 bi potentiam in republicâ paravit, ut
 instar effrenis ac indomiti equi sæpè,
 quò libido ferebat, iret. A quo tempore
 senatus quoque hic Areopagiticus, ut
 cætera imperia omnia, *ἡ ἀρχὴ*,
 id est, reddendis rationibus obnoxius
 videtur esse factus: quod in more posi-
 tum fuisse, & lege quoque sancitum suâ
 ætate oratores Demosthenes & Æschi-
 nes ostendunt. Nec tamen ideò evilit
 ejus dignitas, nec jus concidit, sed du-
 ravit usque ad ultima civitatis tempora,
 etiam sub tyrannis & dominatu quo-
 rumvis aliorum.

*Senatus ecce virorum sorte du-
clorum annuus.*

ATque hæcenus dicta de ix-viris & Arcopagitis omnia ad optimatum statum à legislatore directâ fuere. Nam ix-viros ex lege ejus, ut est demonstratum, non nisi deliberatò liberisque suffragiis ex optimis & honestissimis civibus eligi oportuit: & ex hoc seminario non nisi *δενικασία* aut *ἐξέλεκτο* rursus probati in senatum Arcopagi sunt admissi. Cætera verò, quæ deinceps dicentur, magis popularia faceret: Nam alterum concilium, firmandæ moderandæque concioni ab eodem Solone institutum, fuit Senatus virorum ecce amplissimi muneris & summæ dignitatis in civitate, ad quem negocia omnia ad rempublicam pertinentia referebantur, ab eoque examinabantur, & decreto interposito vel terminabantur si momenti essent minoris, vel, si pondus haberent majus, populi judicio porrò subiciebantur. Quod quàm latè pateret, Xenophon de republicâ hac disputans his verbis velut negotiorum præcipuorum fasciculum breviter constringens nos docet. *Senatui, ait, deliberandum de bello, de pecunia parandâ copiâ, de legum latione, de iis quæ quotidie in rebus*

urbanis accidunt, de ficiis quoque: ad hæc accipienda tributa, cura navalium & rerum sacrarum sustinenda. Horum autem senatorum munus ex lege annum tantum fuit, quanquàm concilium ipsum in republicâ instituti fuerit perpetui. Senatorum designatio quotannis fiebat hoc modo. Curatores aut præfecti tribuum singularum statò anni die ante ineuntem mensem Hecatombrionem nomina omnium tribulium suorum, qui vel per ætatem vel per classem honoris hujus capaces erant, honoremque petebant, in vas unum huic rei aptum conjiciebant, in vas alterum totidem fabas, quarum c. erant albæ, reliquæ omnes nigræ, inferebant. Tum ordine nomina singulorum cum singulis fabis ex utrâque urnâ extrahebantur, & quorum nomina cum fabis albis exhibant, illi senatores intelligebantur designari. Sic ex quatuor tribubus numerus senatorum cccc complebatur: totaque hæc res incertæ sortis erat, sine suffragiis. Deinde ex omni senatorum novorum numero Prytanes etiam sortitò designabantur, qui quasi compendium totius senatus conficiebant, totumque senatum velut principes ejus regebant, sive XL sive L. Hoc enim parum ex veteris monumentis, quoad Solonis

lonis institutum, liquet: quemadmodum nec de proëdriis, nec de epistatâ, qui etiam senatus totius pars erant, imò senatui præsidebant. Nec Prytanes quo ordine sibi vicissim successerint, (vero simile tamen secundum tribus sorte ductas id factum,) nec quanti temporis quælibet prytania tunc fuerit, dici certò potest. Rem verò in orbem ivisse per anni partes, & dignitatem ad omnes senatores intra vertentem annum pervenisse, facile persuaderi mihi sivero.

Respublica à Clisihene constituta.

SED hæc, manente re eadem, in ordine ac formâ post annos circiter LXXXVI quàm hæc leges à Solone latæ fuere, à Clisihene mutata sunt. Is namque ex posteris Alcmaeonis civis cum primis nobilis & potens post exactum Hippiam tyrannum Pisistrati filium de principe in liberâ republicâ loco cum Isagorâ Tisameni cum contenderet, animadverteretque hunc optimatum studio superare, totum populo se dedens, ut ejus gratiâ æmulum vinceret, anno, ut dixi, circiter LXXXVI post leges à Solone latas, ex quatuor tribus civitatis decem fecit, Senatumque hunc quadringentorum centum viris auxit, ut essent in eo senatores quingenti. Tribus no-

mina nova dedit: prima ab eo Cecropis dicta ex primo civitatis conditore. Hanc secutæ Erechtheis, Pandionis, Ægæis, similiter à regibus denominatæ: tum Oeneis, Acamantis, Leontis, Hippo- thoontis, Antiochis, Ajacis. Ex harum quâlibet quotannis quinquaginta sortitò designari jussit; qui in senatu sederent, & negotia reipublicæ ex instituto Solonis tractarent. Designandi modum retinuit eundem, quem suprâ exposui. Sed fabas albas, quod ratio poscebat, & tantum pro e singulis tribubus dedit. Eaque ratio, quæ tota ad palatum populi erat, in republicâ deinde mansit diutissimè, quanquàm Clisthenes æmuli contentione, vi Cleomenis regis Laco- nici, prætextu alio è civitate exturbatus exilium aliquandiu perferre necessum habuerit. Ex quo tempore Prytanes senatus præsides & semper fuère omnes ejusdem tribus, per sortem quoque designati, decem tribuum nominibus in hydriam unam, fabis novem nigris cum unâ albâ in alteram conjectis atque ordine inde eductis. Cujus enim tribus nomen cum fabâ albâ primùm exhibat, ea senatui in primâ prytaneâ præsidebat; quæ secundò, in secundâ; quæ tertio; in tertiâ; quæ quartò, in quartâ, atque ita deinceps. In quâ sortitione
hoc

hoc observari necesse erat, ut, quot tribus jam exierant, tot fabæ nigræ ex numero noveno detraherentur. Prytanea autem tempus erat dierum xxxv, decima scilicet pars anni Lunaris, quo Athenienses olim in sacrorum & magistratuum ratione plurimum sunt usi, demptis diebus iv, ut placet Sigonio, qui de republicâ Atticâ, ut dixi, prolivissimè & eruditissimè scripsit: quanquàm ab eo hac in parte magnus Iosephus Scaliger dissentiat, quemadmodum paulò post ostendemus. Præter Prytanes verò, ut vult idem Sigonius ex mente Arpocratonis scriptoris antiqui, itemque Iulii Pollucis, (quanquàm Libanium Sophistam eruditissimum & rerum Atticarum veterum cognoscendarum studiosissimum, aut quisquis is fuit qui alterum argumentum orationi Demosthenis in Androtionem præfixit, quem ego diversum à Libanio fuisse reor, ab illis dissentire fateatur,) alii quoque in senatu præsides tunc erant ex re *ἀντιστοιχοί* dicti, numero ix, singuli ex singulis tribubus, quæ in prytaneatu non erant, per prytaneum *ἐπιστάτης* electi. Epistata hic putatur prytanum caput fuisse, ac omnium eorum nomine discutenda in senatu proposuisse, maximæ in toto senatu autoritatis, & qui annulum

omnis secreti, & clavem pecuniæ publicæ servabat, sed erat brevissimi temporis, unius scilicet tantummodò diei, ut quotidie novus ei succederet. Prytanes verò ex officio suo non solum senatum convocabant, & regebant, sed etiam conciones totius populi. At Iosephus Scaliger in antiquitatibus Græcanicis scrutandis & erudiendis vir maximus, de prytanibus & *πρυτάνεω* diversum à Sigonio sentit. Existimat enim prytanes singularum tribuum diurnum tantum imperium habuisse, idque toties in orbem intra annum Lunarem recurrisse, ut tribus singulæ per dies xxxv quotannis imperii illius partes fierent: atque hac ratione superfuisse adhuc ad complendum annum Lunarem dies quatuor *ἀνάγκη* & *δέχου-
ρεσις*, quibus Athenæ erant sine magistratu, & novi magistratus designabantur. Deinde *πρυτάνεω* vult fuisse x singulos ex singulis tribubus aut *πρυτανείας*, eosque singulos reliquis xlii prytanibus suarum tribuum præsedisse: & eosdem etiam x *πρυτάνεω* comitiis populi aut concionibus præfuisse. Suidas tradit (nam hoc quoque addere libet) duos fuisse Athenis Epistatas, priorem

rem sorte ductum ex prytanibus, alterum ex proëdriis. Illum dicit custodem clavium templi fuisse, in quo pecuniæ publicæ erant conditæ, atque item publici sigilli, eundemque quoties prytanes senatum aut populum congregabant, sortitò designasse proëdros ix, ex quâlibet nimirum tribu unum, exceptâ eâ, quæ tunc prytaneatum gerebat: ac rursum ex his proëdriis sortitum esse ait epistatam unum, & hunc negotium, de quo agebatur, proposuisse. Sed hujus sententiæ, quia, uti ego arbitror, vacillat non parum, accedere non audeo. Hoc verò extra controversiam est, ex instituto Solonis Prytanes assiduò ferè in tholo egisse, loco curiæ vicino, atque ibi aures commodasse iis, qui aliquid de republicâ ad ipsos deferre cuperent, & negocia delata, in quibus momentum inesse putarent, tabellis inscripsisse, deque iis breviter inter se agitatæ & expensis, prolixius ad senatum, quem ipsi quoque ex lege convocabant, retulisse: tum senatum jurejurando reipublicæ obstrictum deliberasse, & senatores singulos, quibus lubebat, assurgentes sententiam suam dixisse, dictisque sententiis à prytanum uno, aut senatore alio decretum fuisse scripto conceptum, scribentis nomine adscripto: deinde clarâ voce

voce decretum recitatum, & occultis suffragiis totius senatus, fabis scilicet albis ac nigris, in urnam coniectis, monente epistatâ cujus hoc munus, subiectum, & majore suffragiorum numero probatum aut improbatum esse; probato nomen scriptoris, & tribus prytaeatum tunc gerentis fuisse præscriptum. Hæc autem agens senatus *πρόβουλον* dicebatur, & decretum hoc modo probatum *πρόβουλον*, interdum etiam *ψήφισμα* nuncupabatur: quod deinde, si sic placeret senatui, universo populo in concione porro examinandum proponebatur. Erat enim à Solone lege cautum, ne quid negotii hujusmodi nisi ex præconsultatione & decreto Senatus hujus ad populum improvidum referretur: & si quis secus facere auderet, is reus violatarum legum haberetur, ac reipublicæ pœnas daret. Ita arbitrii senatus erat, negotium ad se delatum & examinatum ad populum referre aut suppressere. Si ad populum referebatur, is primùm per *χρηστίαν* declarabat, an sibi quoque de eo sciscendum putaret, an non: Quòd si non, senatusconsultum in annum tantum valebat: si populus quoque scisceret, legis instar perpetuam vim habebat & tum pro-

proprie Ψήφισμα dicebatur, quod antè *Προβόλημα* erat. Et hæc ratio duravit, quandiu civitati liberæ esse licuit.

Magistratum & honorum capiendorum jus cum plebe communicatum.

I Nterea Solonis illa lex, quâ plebs à petendis annuis honoribus arcebatur, quæ eam velut nota quædam ignominie perpetuè urebat, abrogata fuit, & jus quartæ classis cum cæteris æquatum. Accidisse hoc, subinnuit Aristoteles eo loco, quem pluries jam laudavi; expresse autem docet Plutarchus in Aristide, statim post Persas Xerxæo tempore è Græciâ profligatos, autore præcipuo ipso Aristide. Sic enim scribit hic: *Cum plebs Attica, cujus promptâ ac fidei opera & fortibus ausis tanta res mari terraque potissimum gesta erant, ex prælio Plataensi, in quo cornu alterum tenens duce Aristide fortissimè pugnaverat, hostemque sibi oppositum latissimè ceciderat, victrix domum redisset, animos exulit, & perversa conditionu sua hætenus tolerata popularem statum, sublato scilicet classium discrimine in viso, & jure omnium æquato prehendere meditata fuit.* Et significet Aristoteles,

ab oratoribus plebicolis impulsam istuc incubuisse. Quod cum animadverteret Aristides, alioqui optimarum partium semper studiosus, videretque plebem armis valere, & recentibus victoriis elatam cogi vi non posse, ac simul existimaret, ob virtutem non indignam esse, cujus ratio haberetur, decreto scivit, communis ut esset respublica, & magistratus ex omnibus Atheniensibus eligerentur. Præstare enim vir sapiens putavit, spontè concedere bene meritis, quàm frustrà obniti, & negare id quod petentes viribus suis freti ad sese rapere possent. Hoc verò scito curiam quingentorum, de quâ jam agimus, patère plebeiis capisso, extra controversiam est. Inter *δοξαί* enim dignitatem hanc senatoriam esse numeratam, & ipsum senatum nobilem partem reipublicæ fuisse, nullus dubitare potest, nisi sit inscitus. Sed notatu dignum est huc pertinens, quod Xenophon memoriæ prodidit de republicâ Atticâ disserens, ob robur, quod in plebe est propter res navales, æquum esse, ut omnes magistratum omnium capessendorum, tum qui sortitione, tum qui suffragio libero creantur, jus Athenis habeant, & sententias de republicâ dicant: & tamen eâ moderatione aut prudentiâ plebem

ibidem

ibidem apprehendi , ut à petendis iis magistratibus , in quorum administratione salus aut periculum totius populi vertitur , sponte suà abstineat , eosque illis , qui plurimum possunt , relinquat , contenta verò iis sit , eosque affectet , qui mercedem secum trahunt , & rei familiari quæstum aliquem afferunt. Ad rem nunc redeo. Præter ea , quæ dicta jam sunt , constat , cognovissè quoque senatum hunc causas *τῶ ἀδινάτων* , qui ob inopiam stipe è publico juvari se petebant , de criminibus etiam *ἐισαγγελίας* nonnullis ad se delatis , si magnam pœnam mereri non viderentur , iudicium suum interposuissè , ceteroquæ ad *δικαστήρια* majora , quorum hæc propria cognitio fuit , remisissè , præarii quoque debitores , cum posceret res , severius ad solutionem compulissè , deniq; extruendarum instruendarumque quotannis novarum triremium curam commendatam habuissè. Ut igitur integrior hic senatus esset , tantam rerū molem in civitate sustinens , ac in omnibus reipublicæ negociis populo præsens , ad corrigendam sortis temeritatem à legislatore scitum olim fuit , ut si quos fortè fors promovissèt , qui honore indigni viderentur , jus esset
 ip̃i

ipsi senatui, patefacto crimine accusantibus æmulis, aut inimicis, ex collegio suo eos ejicere, & judicio censendos tradere: in quâ actione quoniam pro suffragiis frondes in usu erant, dicebatur senatus eos, quos reprobabat, ἐκφυλλοφορήται. Quod si à judicibus quoque damnarentur, ex scito legislatoris dignitate prorsus excidebat, & locum accipiebat alius, qui in istum finem jam antè, iubente lege, ex eâdem tribu per subsortitionem editus erat.

Quâ δοκιμασία aut censurâ peractâ, tum demum hi, quos censura non læserat, iusjurandum dabant, cum fide reipublicæ se consulturos, atque munus suum occipiebant. Vnicum autem senatui præmium præter mercedulæ aliquid pecuniariæ, quæ singulis senatoribus à quaestore reipublicæ pensitabatur, propositum fuit, si rem benè gereret, præsertim si triremium numerum auxisset, quod curæ ejus, ceu modò dixi, præcipuè commissum erat, ut honoris ergo munere decedens, decreto populi coronâ donaretur.


Conventus populi legitimè convocatus. Ejus munus ac potestas.

CONCIO, ἐκκλησία, erat totius populi conventus: penes quam legitimè

timè coactam, præsidibus & actionem dirigentibus iis, quibus id jus erat, summam rerum totius civitatis esse voluit Solon. Ea ex Solonis lege de Senatus actis judicabat, leges veteres recognoscerebat, novas, si res posceret, ferebat, bella jubebat ac finiebat, pacemque reficiebat, magistratus majores, archontes, belli duces, hipparchos, navarchos pluresque alios creabat, fœdera ferebat, legatos edebat, & quò veller, cum mandatis mittebat, civitatem exteris dabat, benè meritis præmia constituerebat, judicia etiam quædam exercebat talium criminum, de quibus certæ leges non erant scriptæ: cujusmodi fuit *ἐπιγυγλίας*, cujus accusatus damnatusque est Alcibiades. In hanc concionem universus populus ex eadem Solonis lege coibat sine ullo classium discrimine, etiam ii, qui erant classis imæ, habebantque omnes par suffragii jus. Locus concionis communiter erat aut forum aut Pnyx prope arcem fori instar, interdum etiam amplissimum theatrum Bacchi: ordinarium tempus dies tres statim in singulis prytaneis æqualiter ferè inter se distantes, extraordinariorum pro rebus natis: illæ *ἐκκλησίαι*, hæ *ἐκτεκκλησίαι*, aut *σύνκλησις ἐκκλησίαι*

κλησίαι dicebantur. Moris verò erat, ut priusquàm concio coiret, programme significaretur, quàm de re esset agendū, ut singuli paratiores ad deliberandum accederent. Quemadmodum autem ad concionē vocabantur & admitterentur cives omnes, qui verè cives erant, & civium jure fruebantur, ita præter eos omnino nemo. Convocandi conciones ordinarias jus habebant prytanes iidē, de quibus cum de senatu L. virūm ageremus, diximus, & proximè post proëdros & epistatam prima subsellia, quæ proëdria vocitabantur, in iis tenebant. Verum proëdri hi cum epistatâ suo, ut docet Sigonius, alii fuere ab illis, qui in senatu curabant, pares quidē cum istis numero, sed singulis in concionibus ex singulis tribubus, quæ tum prytaneatum non habebant, singuli sorte ducti, epistata autem ex eâ tribu, penes quam prytaneatus tum erat, simili modo lectus: horumque munus, ut cum concionis principio surgebat, ita cum ejusdem fine expirabat. Concione jam coactâ, maclatâ statim hostiâ, quod actionis initium erat, omnes, qui aderant, ad optima quæque reipubl. consulenda interposito solenni sacramento cum execratione dirâ se obstringebant. Dein ὀψέδοροι cum prytanibus consultanda

proponerant, & si quod de iis senatus-consultum extabat, quærebant, an id populo videretur sufficere. Si non, populoque placeret eâ de re consultare ac sciscere, præco iubente magistratu clarâ voce pronunciabat, num quis esset annis 1. major, qui sententiam veller dicere: si nemo esset, tum si quis illis annis minor. Sed arcebantur à dicendo infames, impudici, impii, militiae desertores, ærario multam debentes. Dictis verò sententiis, concipiebatur ab aliquo decretum, idque populi suffragiis committebatur, quod *διδόναι χειροτονίαν τῶν δήμων* dicebant. Erat enim usitatum in concione suffragium *χειροτονία*, manuum sublatio. Senatus-consulta nondum à populo probata, ut dictum antè, propriè præconsulta, *προβουλευματά*, vocabantur, valebantque tantum in annum; à populo autem cōfirmata eadem decreta *ψήφισματά*, dicebantur, & vim tenebant perpetuam. Id verò discrimen inter *ψήφισματά* tale & legem erat, quòd *ψήφισματά* de rebus singularibus scisceretur, lex generalis esset omnibus civibus lata. Fuitque lege quâdam posteris temporibus cautum, ne ullum decretum senatus



tus aut populi lege esset firmitus, nec fas esset legem in unum aliquem ferre, nisi eadem omnes Athenienses obligaret. A Solone autem populo Attico permissum erat, quotannis leges suas recognoscere, imò, ut hoc fieret, lege etiam ab eo sancitum: factumque hoc ordinariè die xi primæ prytanæ, ex Demosthene discimus. Eo enim die, ut est apud hunc in Timocrateà, post vota voce præconis peracta recensebantur leges ordine, primùm quæ erant de Senatu, deinde de populo toto aut concione (sic enim interpretor vocem $\tau\eta\ \kappa\omicron\gamma\iota\upsilon\omega\nu$) tum de ix viris, demum de reliquis magistratibus. Versabaturque in primâ hâc actione consideratio in eo, an quid in legibus requireretur, an verò secus. Si quid requireretur, id est, mutandum, addendum, abrogandum, surrogandum videretur, id expendendum rejiciebatur in ultimam prytanæ ejusdem concionem ordinariam. Hæc autem omnia jubebantur fieri secundum legum huc pertinentium, quas proprio vocabulo $\theta\epsilon\sigma\mu\omicron\varsigma$ nuncupabant, præscriptum; procuratioque concionis hujus, ne quid ejus negligeretur, sub comminatione pœnarum prytanibus ac proëdriis demandabatur. Erat quidem legum suarum dominus popu-

lus ipse, & coram se recenseri eas per thesmothetas (id enim etiam horum munus) in concione curabat: sed curam & potestatem earum abrogandarum, quæ in usu erant, & novarum surrogandarum non ipse universus sibi sumebat, usurpabatque, sed ex sui medio electis viris gravibus & prudentibus, quò melius & cautius res tanta conficeretur, delegabat, quos *νομοφύλακας* nuncupabant. Capiebantur autem hi ex solis illis, ut præcipiebat *θεσμός*, id est, lex hac de re à Solone lata, qui jurejurando heliastico, quod gravissimum erat, reipublicæ jam antè erant obstricti, scilicet qui in amplissimo tribunali Helicæ sedebant, & gravissimas causas judicaverant. Quomodo autem & quando & per quos capti aut designati fuerint, parum certò ex scriptis veterum nobis liquet: nisi quòd ex fragmentis legum, quæ sunt apud Demosthenem, Æschinem & alios, ac ex ipsorum oratorum verbis colligimus, tempore primæ concionis ordinariæ, de quâ diximus, quæ incidebat in xi diem primæ prytanæ, quâ leges recensebantur, referente eo, qui novam legem inferre cupiebat, aut à prytanibus aut à toto senatu quingentumvirum, quod actio Timocratis, apud

Demosthenem , aut à populis per editionem , quod decretum Tisameni præ se ferre videntur , esse renunciatos. Fuisse autem nomothetas quasi quingentos numero , ex eodem Tisameni decreto , quod recitat Andocides in oratione de mysteriis , intelligimus : credo interdum etiam plures , cum Timocrates novas leges parturiens voluerit eos esse mille & unum , testante Demosthene. Eodem quoque tempore primæ concionis jam dictæ (is erat dies xi mensis Hecatombæonis , à quo Athenienses ex instituto Solonis annum suum cum primâ prytaneâ ordiebantur) designabantur oratores quinque eloquentiâ prompti , quos syndicos vocabant , qui nomine populi , legibus de quibus abrogandis agebatur , cum istuc ventum , erant patrocinatori , & interea , ut paratiores essent , rem meditaturi. Oportebat namque eos , qui novas leges ferre volebant , has ipsas albis tabulis inscriptas jubente eodem *ἡγεμῶν* quotidie ante tempus tertie concionis & deinceps ad statuas heroum eponymorum in fori parte proponere , ut quivis eas legere & pressius expendere , ac populus pro numero earum tempus nomothetis constituere posset . Concione verò tertiâ prytaneæ primæ co-

acta ne tum quidem ad rem ipsam, hoc est, ad ferendas abrogandasve leges accedebatur, sed ea tantum quæ illuc faciebant, quasi præparabantur. Nam referentibus proëdri decernebatur à populo, quo modo ac ordine nomothetis in actione futurâ sedendum, & unde sumendum argentum id, quod nomothetis iisdem pro navatâ reipublicæ operâ, erat solvendum. Hujus autem concionis convocatio si fortè neglecta esset à prytanibus, ex lege Solonis mille drachmarum multam singuli Minervæ pendere in arce jubebantur. At proëdri, ni statim post sacra peracta in eadem concione de nomothetis retulissent, ad pendendas eidem Dæ drachmas XL (si non fallit vitiosa scriptio, cum forte cccc pro XL scribendum) damnati quoque singuli habebantur. Utque hæ multæ sine vitio solverentur, id curandum thesmothetis erat, reique ab iis, si esset opus, ad tribunal superius (Heliasticum intelligo) postulandi: qui si hoc negligerent, ut Areopago excluderentur, idem θεσμοδός præcipiebat. Cum ventum tandem ad rem esset, nomothetæ re antè benè deliberatâ auditisque syndicis, de quibus dictum, in concione legitimè coactâ suis locis sedentes ab epistatâ concionis

facere potest
habent, non
certum mo-
varum possi-
thetas legu-
signatos, a
gistratum a
examine sub-
inde in iudi-
merè, & quod
quum esse.
inquit, τὸς
ὁ δὲ δεικνύει
esse clarissim-
qui in nuntio
designatos
nasse. Ver-
lustris, atque
irrefragabili-
etiam maxime
quem ante
capite 10.
Solonis de-
cuis verbis
scribentem
pagi, sed in-
stratus, ut
quissè, ju-
municata
ad augend-

populus ut plurimum in ferendis
ἡροθρίας, sive leges ferret in
 , sive magistratus omnis ge-
 ret, aut imperia daret. Verum
 peria abrogaret, quia id odio-
 at, loco *ἡροθρίας* occultè per
 suffragia ferebat. Idem facie-
 tes *ἑισαγγελίας*, aut actionum
 iudicium exercebat. Testulâ
 rem agebat, cum ob nimiam po-
 civium aliquem ad certum
 civitate abesse volebat, ne po-
 gratiâ suâ libertati populi of-
 quod iudicium à testulâ *ὄσρα-*
 vocabant: institutum Solone
 us, quod quidam ad Hippiam Pi-
 filium, alii ad Clisthenem, qui
 tyrannide deiecit, & urbe ex-
 referunt: inter quos est Aelianus,
 suo instituto primum omnium
 Clisthenem eiectum esse tradit.
 tur verò hoc instituto poten-
 vibus absentia ab urbe decenna-
 ignominiam aut probrum.
 cum ageretur, quisque nomen
 urbe abesse volebat, testulâ
 bat, eamque testulam suffragii
 vas inferebat. Ut verò vim suam
 hoc iudicium, duo require-
 ut in concione adessent non

ipsi senatui, patefacto crimine accusantibus æmulis, aut inimicis, ex collegio suo eos ejicere, & judicio censendos tradere: in quâ actione quoniam pro suffragiis frondes in usu erant, dicebatur senatus eos, quos reprobabat, *ἐκφυλλοφορήσαι*. Quod si à judicibus quoque damnarentur, ex scito legislatoris dignitate prorsus excidebat, & locum accipiebat alius, qui in istum finem jam antè, iubente lege, ex eâdem tribu per subfortitionem editus erat. Quâ *δεκιμασία* aut censurâ peractâ, tum demum hi, quos censura non læserat, jusjurandum dabant, cum fide reipublicæ se consulturos, atque munus suum occipiebant. Unicum autem senatui præmium præter mercedulæ aliquid pecuniariæ, quæ singulis senatoribus à quæstore reipublicæ pensitabatur, propositum fuit, si rem benè gereret, præsertim si triremium numerum auxisset, quod curæ ejus, ceu modò dixi, præcipuè commissum erat, ut honoris ergo munere decedens, decreto populi coronâ donaretur.

Conventus populi legitimè convocatus. Ejus munus ac potestas.

CONCIO, *ἐκκλησία*, erat totius populi conventus: penes quam legitimè

timè coactam, præsidibus & actionem
 dirigentibus iis, quibus id jus erat, sum-
 mam rerum totius civitatis esse voluit
 Solon. Ea ex Solonis lege de Senatus
 actis judicabat, leges veteres recogno-
 scebat, novas, si res posceret, ferebat,
 bella jubebat ac finiebat, pacemque re-
 faciebat, magistratus majores, archon-
 tes, belli duces, hipparchos, navarchos
 pluresque alios creabat, fœdera feriebat,
 legatos edebat, & quò vellet, cum man-
 datis mittebat, civitatem exteris dabat,
 benè meritis præmia constituebat, ju-
 dicia etiam quædam exercebat taliuni
 criminum, de quibus certæ leges non
 erant scriptæ: cujusmodi fuit *εἰσαγγ-
 γελίας*, cujus accusatus damnatusque
 est Alcibiades. In hanc concionem uni-
 versus populus ex eadem Solonis lege
 coibat sine ullo classium discrimine,
 etiam ii, qui erant classis imæ, habe-
 bantque omnes par suffragii jus. Lo-
 cus concionis communiter erat aut fo-
 rum aut Pnyx prope arcem fori instar,
 interdum etiam amplissimum thea-
 trum Bacchi: ordinarium tempus dies
 tres statim in singulis prytaneis æqualiter
 ferè inter se distantes, extraordinaria-
 rum pro rebus natis: illæ *ἐκκλησίαι*,
 hæ *ἡγετικαὶ ἐκκλησίαι*, aut *σύνκλησις ἐκ-
 κλησίαι*

κλησίαι dicebantur. Moris verò erat, ut priusquàm concio coïret, programme significaretur, quâ de re esset agendû, ut singuli paratiores ad deliberandum accederent. Quemadmodum autem ad concionē vocabantur & admittebantur cives omnes, qui verè cives erant, & civium jure fruebantur, ita præter eos omnino nemo. Convocandi conciones ordinarias jus habebant prytanes iidē, de quibus cum de senatu L-virū ageremus, diximus, & proximè post proëdros & epistatam prima subsellia, quæ proëdria vocitabantur, in iis tenebant. Verum proëdri hi cum epistatâ suo, ut docet Sigonius, alii fuere ab illis, qui in senatu curabant, pares quidē cum istis numero, sed singulis in concionibus ex singulis tribubus, quæ tum prytaneatum non habebant, singuli sorte ducti, epistata autem ex eâ tribu, penes quam prytaneatus tum erat, simili modo lectus: horumque munus, ut cum concionis principio surgebat, ita cum ejusdem fine expirabat. Concione jam coactâ, mactatâ statim hostiâ, quod actionis initium erat, omnes, qui aderant, ad optima quæque reipubl. consulenda interposito solenni sacramento cum execratione dirâ se obstringebant. Dein *πρωτοδμοι* cum prytanibus consultanda

proponebant, & si quod de iis senatus-consultum extabat, quærebant, an id populo videretur sufficere. Si non, populoque placeret eâ de re consultare ac sciscere, præco iubente magistratu clarâ voce pronunciabat, num quis esset annis 1. major, qui sententiam vellet dicere: si nemo esset, tum si quis illis annis minor. Sed arcebantur à dicendo infames, impudici, impii, militiæ desertores, ærario multam debentes. Dictis verò sententiis, concipiebatur ab aliquo decretum, idque populi suffragiis committebatur, quod *διδόναι ἀρχαιοπολίαν τῷ δήμῳ* dicebant. Erat enim usitatum in concione suffragium *χειροπολία*, manuum sublatio. Senatus-consulta nondum à populo probatâ, ut dictum antè, propriè præconsulta, *προβασίματα*, vocabantur, valebantque tantum in annum: à populo autem cõfirmata eadem decreta *ψήφισματα*, dicebantur, & vim tenebant perpetuam. Id verò discrimen inter *ψήφισμα* tale & legem erat, quòd *ψήφισμα* de rebus singularibus scisceretur, lex generalis esset omnibus civibus lata. Fuitque lege quâdam posteris temporibus cautum, ne ullum decretum senatus



tus aut populi lege esset firmitus, nec fas esset legem in unum aliquem ferre, nisi eadem omnes Athenienses obligaret. A Solone autem populo Attico permissum erat, quotannis leges suas recognoscere, imò, ut hoc fieret, lege etiam ab eo sancitum: factumque hoc ordinariè die xi primæ prytanæ, ex Demosthene discimus. Eo enim die, ut est apud hunc in Timocrateà, post vota voce præconis peracta recensebantur leges ordine, primùm quæ erant de Senatu, deinde de populo toto aut concione (sic enim interpretor vocem *τῷ ἄνδρϊ*) tum de ix viris, demum de reliquis magistratibus. Versabaturque in primâ hâc actione consideratio in eo, an quid in legibus requireretur, an verò secus. Si quid requireretur, id est, mutandum, addendum, abrogandum, surrogandum videretur, id expendendum rejiciebatur in ultimam prytanæ ejusdem concionem ordinariam. Hæc autem omnia jubebantur fieri secundum legum huc pertinentium, quas proprio vocabulo *θεσπύς* nuncupabant, præscriptum: procuratioque concionis hujus, ne quid ejus negligeretur, sub comminatione pœnarum prytanibus ac proëdri demandabatur. Erat quidem legum suarum dominus populus

lus ipse, & coram se recenseri eas per thesmothetas (id enim etiam horum munus) in concione curabat: sed curam & potestatem earum abrogandarum, quæ in usu erant, & novarum surrogandarum non ipse universus sibi sumebat, usurpabatque, sed ex sui medio delectis viris gravibus & prudentibus, quò melius & cautius res tanta conficeretur, delegabat, quos νομοθέτας nuncupabant. Capiébantur autem hi ex solis illis, ut præcipiebat θεσμός, id est, lex hac de re à Solone lata, qui jurejurando helialtico, quod gravissimum erat, reipublicæ jam antè erant obstricti, scilicet qui in amplissimo tribunali Heliææ sederant, & gravissimas causas judicaverant. Quomodo autem & quando & per quos capti aut designati fuerint, parum certò ex scriptis veterum nobis liquet: nisi quòd ex fragmentis legum, quæ sunt apud Demosthenem, Æschinem & alios, ac ex ipsorum oratorum verbis colligimus, tempore primæ concionis ordinari, de quâ diximus, quæ incidebat in xi diem primæ prytanæ, quâ leges recensebantur, referente eo, qui novam legem inferre cupiebat, aut à prytanibus aut à toto senatu quingentumvirum, quod actio Timocratis, apud

Demosthenem , aut à populis per editionem , quod decretum Tisameni præse ferre videntur , esse renunciatos. Fuisse autem nomothetas quasi quingentos numero , ex eodem Tisameni decreto , quod recitat Andocides in oratione de mysteriis , intelligimus : credo interdum etiam plures , cum Timocrates novas leges parturiens voluerit eos esse mille & unum , testante Demosthene. Eodem quoque tempore primæ concionis jam dictæ (is erat dies xi mensis Hecatombæonis , à quo Athenienses ex instituto Solonis annum suum cum primâ prytaneâ ordiebantur) designabantur oratores quinque eloquentiâ prompti , quos syndicos vocabant , qui nomine populi , legibus de quibus abrogandis agebatur , cum istuc deventum , erant patrocinatori , & interea , ut paratiores essent , rem meditaturi. Oportebat namque eos , qui novas leges ferre volebant , has ipsas albis tabulis inscriptas jubente eodem *Θεοπέτῳ* quotidie ante tempus tertie concionis & deinceps ad statuas heroum eponymorum in fori parte proponere , ut quivis eas legere & pressius expendere , ac populus pro numero earum tempus nomothetis constituere posset . Concione verò tertiâ prytaneæ primæ co-
acta

acta ne tum quidem ad rem ipsam, hoc est, ad ferendas abrogandasve leges accedebatur, sed ea tantum quæ istuc faciebant, quasi præparabantur. Nam referentibus prædri decernebatur à populo, quo modo ac ordine nomothetis in actione futurâ sedendum, & unde sumendum argentum id, quod nomothetis iisdem pro navatâ reipublicæ operâ, erat solvendum. Hujus autem concionis convocatio si fortè neglecta esset à prytanibus, ex lege Solonis mille drachmarum multam singuli Minervæ pendere in arce juebantur. At prædri, ni statim post sacra peracta in eadem concione de nomothetis retulissent, ad pendendas eidem Dec drachmas XL (si non fallit vitiosa scriptio, cum forte cccc pro XL scribendum) damnati quoque singuli habebantur. Utque hæ multæ sine vitio solverentur, id curandum phesmothetis erat, reique ab iis, si esset opus, ad tribunal superius (Heliasiticum intelligo) postulandi: qui si hoc negligerent, ut Areopago excluderentur, idem *ἑσπερος* præcipiebat. Cum ventum tandem ad rem esset, nomothetæ re antè benè deliberata auditisque syndicis, de quibus dictum, in concione legitimè coactâ suis locis sedentes ab epistatâ concionis

signo accepto per *Ἀποτέμναι* sciscebant, id est, leges, de quibus agebatur, abrogabant, si quæ abrogandæ viderentur, ac novas sanciebant. Scitum ipsorum populus universus ratum habebat. Cautum autem lege Solonis erat, ne qua lex nova sanciretur, quæ adversa eîset legi jam antè receptæ, nisi istâ prius abrogatâ, ne utique duæ leges eâdem de re sibi adversantes in republicâ extarent, intentatâ gravi pænâ contrâ delinquentibus. Omninoque providendum putaverat sapiens legislator, ne leges semel ritè latæ admittæque temerè mutarentur, neu in his abrogatio, derogatio, obrogatio, surrogatio sine gravissimâ causâ permitteretur. Periculosum enim id, imò exitiosum reipublicæ arbitrabatur. Neque tamen hac providâ curâ suâ efficere potuit, quin, cum crevisset ambitio, ac novandi, remque publicam turbandi studium, & inquietorum oratorum *ῥητορικῶν* potentia, novæ identidem leges, novaque scita incauto populo obtruderentur: unde multæ in civitate & periculossæ contentiones ortæ. Ne verò à quoquam ignorari leges possent, in porticu publicâ omnes descriptæ fuissè perhibentur, & ne quid contrâ à magistratibus ageretur, cura novis scitis Ariopagi senatui demandata. Vtebatur

batur populus ut plurimum in ferendis suffragiis *χρόνιας*, sive leges ferret in concione, sive magistratus omnis generis crearet, aut imperia daret. Verum cum imperia abrogaret, quia id odiosum erat, loco *χρόνιας* occultè per calculos suffragia ferebat. Idem faciebat, quoties *ἐπιστηλίας*, aut actionum similium iudicium exercebat. Testulâ autem rem agebat, cum ob nimiam potentiam civium aliquem ad certum tempus à civitate abesse volebat, ne potentia aut gratia suâ libertati populi officeret: quod iudicium à testulâ *ὁστρακισμός* vocabant: institutum Solone recentius, quod quidam ad Hippiam Pistrati filium, alii ad Clisthenem, qui Hippiam tyrannide dejecit, & urbe expulit, referunt: inter quos est Aelianus, qui hoc suo instituto primum omnium ipsum Clisthenem ejectum esse tradit. Irrogabatur verò hoc instituto potentibus civibus absentia ab urbe decennialis citra ignominiam aut probrum. Quod cum ageretur, quisque nomen ejus, quem urbe abesse volebat, testulæ inscribebat, eamque testulam suffragii loco in vas inferebat. Ut verò vim suam obtineret hoc iudicium, duo requirebantur, ut in concione adessent non

pauciores quàm sexies mille, ut suffragium ferentes ætate minores non essent quàm annis LX. Merces his iudiciis statuta oboli tres, id est, media drachma. Hoc iudicio quondam ex urbe exterminatus fuit Aristides ob invidiosum nomen Iusti; eiectus è patriâ Themistocles ob immodicam gloriam.

*Ratio conficienda subitò pecunia in
usum rei publicæ poscente ali-
qua necessitate.*

A Liud etiam institutum post tempora Solonis in civitatem introductum, usu compertum valdè salutare, sed sensim sub initia Philippi Macedonis, & oratoris Demosthenis, oratorum turbidorum vitio degenerans. Cujus scopus ab initio erat, ingruente aliquâ ab hoste necessitate, subitò in usum parandæ classis & aliorum belli onerum pecuniam necessariam conficere. In hunc finem ex quâlibet tribu, quæ decem erant, deligebant ditiores cives cxx, qui pro republicâ munera obirent: Et hi vicissim se dividebant in partes binas pares civium sexagenûm numero, sed opibus impares. Nam qui opulentissimi habebantur in partem priorem, qui minus opulenti in posteriorem referebantur: dicebaturque quâlibet harum partium

tium *συμμερία*. Atque hoc modo fie-
 bant in totâ civitate, conjunctis omni-
 bus tribubus, ditiorum *συμμερίων*
 xx, erantque in iis cives locupletes, in
 universum m cc, locupletissimi scilicet
 in symmoriis singularum tribuum
 prioribus dc, & totidem infra hos in
 symmoriis posterioribus. Et hæ sym-
 moriæ singulæ rursus subdividebantur
 in partes duas secundum divitiarum
 modum, ut quælibet harum minorum
 partium haberet cives xxx, qui onera
 repentina ferre possent, omnes autem
 conjunctæ, ccc^{tos}. Qui igitur ccc ex
 hac subdivisione censabantur in qua-
 drantibus symmoriarum primis, habe-
 bantur totius civitatis opulentissimi,
 qui in omnes casus paratâ pecuniâ de-
 stitui non poterant. In hos igitur onus
 incumberebat, ut bello exorto, aut aliâ
 necessitate premente pecuniâ præsentē
 reipublicæ succurrerent, & munera ne-
 cessaria obirent sumptu suo: expensas
 autem postea velut per otium à cæteris,
 qui ipsi in symmoriis adglutinati sub-
 junctique erant, pro ratâ parte recipe-
 rent. Quilibet verò horum quadran-
 tum ducem suum & suum oratorem,
 ut dicit Vlpianus, vetus interpretes De-
 mosthenis, habebat, etiam quadrantes
 inferiores: sed hi superioribus semper
 cedebat.

cedebant. Quòd si mari res agenda erat, tota hæc res ad extruendas & adornandas, armandasque triremes referebatur: & usu interdum vênit, ut singuli trecenorum ditissimorum poscerentur singulas triremes ædificare & instruere: id quod Demosthenes impensè suavit in oratione *πεὶ συμμαχῶν*, quæ tota hoc de negotio loquitur, & quod suavit, etiam persuasit. Pertinentque ad eandem hanc rem dux ejus orationes aliæ, contra Phænippum de permutatione, & de coronâ præfecturæ navalis. Et erant constituta præmia honoris iis, qui celerius ac promptius cæteris munus sibi commissum expedirent, ut discimus cum aliunde, tum ex oratione jam dictâ de coronâ *τειροαρχίας*, id est, præfecturæ navalis, & ex oratione alterâ *πεὶ ἐπιτειροαρχήματι*. Nam *τειροαρχία* significabat *ἀντιτεργίαν* illam inter reliquas difficillimam extruendæ & adornandæ triremis sumptu privato, & *τειροαρχεῖν*, munus illud pro republicâ obire, & *τειροαρχήματα* id, quod in triremem instruendam impenditur: quemadmodum *ἐπιτειροαρχήματα*, quod finitâ jam *τειροαρχίᾳ* supra
τειρο-

τελεγεργία insumitur. Et paulatim
 eò deveniit res videtur, ut omnes ejus-
 modi ἀτεργίας sumptus reipublicæ
 donarentur. Sed erat lex Athenis, ut
 qui se sumptibus tantis nimium gravari
 quereretur, possetque alterum se ditio-
 rem, & oneri ferundo magis parem
 monstrare, eumque contentem haud
 haberet, liceret ei eundem illum ad per-
 mutationem omnium facultatum ju-
 dicio compellere, quam permutationem
 ἀνδοῶν vocabant. Vnde haud infre-
 quentes quæstiones πρὸς ἀνδροσέως na-
 te sunt; cujusmodi quæstione sibi motà
 compulsus orator Isocrates à Lysima-
 cho necesse habuit τελεγεργίαν in se
 recipere, & maxima in eam impendia
 facere, & nomen suum albo trecento-
 rum dare. Quem dolorem (dolebat
 enim invidos sophistas calumniis suis
 istuc Lysimachum impulsisse) ultus est
 scriptà pulcherrimā oratione πρὸς ἀν-
 δροσέως. Eique simillima argumento
 oratio inter Demosthenicas extans,
 quam modò dixi contra Phænippum
 habita. Finiturus heic de concione fa-
 cere non possum, quin unum jam dictis
 addam. Ostendi suprà duplex fuisse con-
 cionum genus, ordinarias scilicet & ex-
 traor-

traordinarias. Illas, quæ ternæ singulis prytaneis habebantur, ex lege & voluntate senatus Quingentûm-virûm prytanes indicebant, & cum proëdri ac epistatâ in iisdem præsidebant; & in eas sponte suâ populus frequens coibat. Has, quæ numero & tempore incerto pro rebus natis cogebantur, interdum quoque prytanes iidem volente senatu, sæpius verò *σπῆλιν*, si bellum existeret, aut de eo cum populo agendum esset, nescio an etiam, sed omninò rarius, ix archontes convocabant, & qui convocabant, ut plurimum cum proëdri prima in iis subsellia tenebant, & de negociis referebant, actionemque dirigebant. Et in his opus sæpe erat, cum odiosæ ac molestæ res agenda obvenirent, ut plebs penè invita accitu iussuque magistratum, circummissis per omnes urbis vicos apparitoribus clausisque per forum tabernis ac submotis inde mercibus compelleretur, & ne ante tempus rursus diffunderet, ibidem contineretur. Id verò observatum, si intereà dum in concione cum populo ageretur, tonuisset fortè, aliudve è cælo signum extitisset, ut præconis voce concio statim dimitteretur, & si res finem nondum invenisset, pòst in diem alium eadem rursus indiceretur. Nunc

à concione & quæ cum eâ cohærebant,
ad judicia eundum.

Judicia Atheniensium præcipua.

Iudicia Athenis varia fuerunt, sed præcipua quatuor, quæ pro conciliis merito habere possumus, juri dicundo destinata, Areopagiticum, Ephærarum, Heliaisticum, & Διζιτητῶν sive arbitrorum. In his actiones forenses discebantur, quas Græci δίκας vocant: unde, vel ἀπὸ τῆς δικάζον δικαστήρια, id est, confessus aut tribunalia judicum porro nuncupantur. Δίκαι autem, vel actiones, erant duplicis generis, publicæ scilicet & privatæ. Publicas κατηγορίας, privatas propriè δίκας appellabant. Publicæ cuivis civi erant concessæ: privatæ lætis tantum, aut iis quorum privatim intererat. Vtriusque generis varix erant species. Κατηγοριῶν erant γραφή, φάσις, ἐνδίκσις, ἀπαγωγὴ, ἀφῆγησις, ἀνδραληψία, ἐισαγγελία: quarum γραφή latissimè patebat ad crimina multa pertinens. Δίκαι actiones erant de convitiis, verberatione, vi illatâ, ebrietate, malâ tractatione, furto & similibus. In Κατηγορίας cui-

libet

libet volenti actio dabatur, sed hac lege, ut nisi quintam suffragiorum partem ferret, mille drachmis mulctaretur, nec liceret ei in posterum actori publicis his in causis esse. Hæc pœna ei erat temerariè susceptæ litis. Æstimationes criminum vocabantur *πρήματᾱ*, varii generis, ut *ζημία*, multa pecuniaria, *φυγή*, exilium, *ἀπμία*, honorum privatio, *δέσμευ*, vincula, *σηλή*, alligatio ad columnam, *θάνατ*, mors. Inter judicia maximè venerandum fuit Arcopagiticum, de quo abundè suprâ diximus. Antiquissimum verò post id erat Ephetarum. Censent enim plerique à Demophoonte rege olim institutum, conflatum ex iudicibus Atticis L, & totidem Argivis: reformatum à Dracone, qui rejectis peregrinis, LI Athenienses in eo sedere & judicare voluit: retentum etiam à Solone, sed rigore ejus temperato secundum leges ipsius, & causis quibusdam capitalibus gravioribus ab eo ad iudicium Arcopagi translatis. Relictum Ephetis iudicium de cæde inconsultâ, interdum & de insidiis vitæ structis. Designabantur Ephetæ sic. Legebantur ex qualibet tribu quini viri quàm maximè graves, ætate quinquagenarii, aut majores: & his per for-

tem designatus addebatur unus, ut essent omnes tot, quor antè dixi: ad quos in tribunali sedentes archontum secundus, Rex, causas introducebat. Tribunal habebant in Prytaneo, Delphinio, Phreattio, ut plurimum autem in Palladio, loco juxta Phalerum, præsertim de inconsulta cæde judicaturi. Qui si reum absolverent, absolutus, (quod memorabile est ab Æschine in oratione

τῆς ἀποκρίσεως memorix proditum, sua quoque ætate adhuc observatum) more à majoribus instituto, cælis prius victimis, solemniter jurabat, judices, qui pro se pronunciaissent, rectè ac justè judicasse, & nihil falsi dixisse; quod ni ita esset, ipse sibi & familie suæ exitium imprecabatur; judicibus autem fausta precabatur omnia. Amplissimum verò & tritissimum *δικαστήριον* erat Athenis id, quod ex loco, in quo ut plurimum tribunal exercebat, Heliasticum dicebatur. Locus enim *ἡλιαία*, id est, subdialis, in quem radios suos Sol projicere poterat, nuncupabatur. Sedebant in eo judices plerumque D, interdum etiam M, nonnunquam & M D, pro magnitudine & gravitate rei, de qua erat judicandum. Judicabant autem de causis valdè variis,

riis, & ferè maximis. Actor in hoc foro *δῶκων*, actio *δῶξις* vocabatur. Iudices pro re natà ex omnibus civibus sorte ducebantur, qui infra ætatis annum xxx non essent, & essent vitæ integræ, ac æratio non deberent: hi enim hoc iudicatu arcebantur. Sortitioni verò huic præerant ix archontes summi in tota republicâ magistratus, cum scribâ. Sed priusquam ad actionem ipsam veniretur, hæc præcedebant. Primum actor magistratum adibat, cui ista cognitio erat demandata, (hi ut plurimum sex-viri Thesmothetæ erant ex numero ix archontum) ac permisso ejus reum in jus vocabat per *κλητήρα*, citatorem, quod *προκαλεῖσθαι* dicebant. Deinde conceptis verbis actionem ei intentabat, eamq; intentionem in tabella descriptam magistratus istius *παρίδρω* aut scribæ tradebat. Cujus quæ formula fuerit, licet ex actione Socrati intentata apud Diogenem Laërtium, & ex altera intentata Alcibiadi apud Plutarchum in utriusque accusati vita cognoscere. Usitatum verò erat, in formula nomen actoris, rei, citatoris exprimi, & crimen ipsum verbis paucissimis adscribi cum pœna, quæ postulabatur. Tum intra certum tempus

pus sequebatur sortitio : cujus modum & ordinem exponit interpretes Aristophanis in Pluto. Iudices autem sortitò designati antequàm in tribunali considerent , proluxo ac gravi admodum juramento cum execratione sese obligabant : cujus formulam integram recitat Demosthenes in oratione contra Timocratem. Pòst constituto die conferebant se in forum suum , atque ibi magistratus litem introducebat , quod *εἰσαγεῖν δίκας εἰς τὸ δικαστήριον* dicebant. Reo verò depulsio iudicii legitima concedebatur : quorum prima erat *ἀπαγωγὴ* , exceptio , demonstrans *δίκῃ μὴ εἶναι εἰσαγώμεν* , id est , rectè secundum leges non introduci : altera *ὑπομωσία* , iudicii dilatio : tertia *ἀντιγραφὴ* , recriminatio : quarta *ἀντίληξις* , mutua litis intentio. Si harum nullam moveret reus , sed recta aëtori paratum se ostenderet , tum quæ ad deterrendas partes à iudicio temerè subeundo pertinebant , præmittebantur. Scilicet tum aëtor , tum reus gravissimum juramentum poscebantur , quo sese obligabant , sincerè se aëtuos. Iuramentum hoc aëtoris *παρομωσίαν* , rei *ἀντιμωσίαν* nuncupabant. Deinde

uterque pecuniam apud magistratum, qui litem introducebat, cogebatur deponere, quæ *περὶ τῶν ἐνέαι* fuit dicta, quam succumbens pro utroque iudicibus pendebat. Testes, præsertim oculati, quos litigantes adducebant, si ferre testimonium renuerent, per præconem citati cogebantur aut testimonium dicere, aut ejerare, aut M drachmas pendere: Qui verò testimonium deponebant, necesse habebant jurare ad aram, vera se deposuisse; à quo jurejurando Xenocrates philosophus dicitur prohibitus esse ob integritatem. His omnibus in literas relatis & capsula inclusis contra fraudes horæ ad dicendum aëtori & reo præfiniebantur, quas clepsydris metiebantur. Diem autem plerumque in partes tres distinguebant, quarum prima aëtori, altera reo, tertia iudicibus tribuebatur. Causa ab utroq; peroratâ, magistratus iudicii præses iudices per præconem in suffragia mittebat. Quòd si crimini intentato certa pœna in legibus descripta erat, simpliciter tantum sententiam ferebant. Si certi nihil descriptum erat, primò condemnandus ne an absolvendus reus esset statuebant: deinde condemnato pro arbitrio pœnam hanc aut illam irrogabant. Capitis damnatus *καὶ* viris rerum capitalium tradebatur,

ut illi

ut illi supplicium de eo fumerent. Pecuniâ multatus apud prætores aut quaestores deæ Palladis inscribatur. Qui solvendo non erat, in vinculis habitus, & infamiâ notatus ipse cum filiis à reipublicæ administratione arcebatur. Quod Miltiadi accidit, qui in vinculis mortuus est : Et filius ejus Cimon, ut patris corpus carcere, & se ἀπμεία liberaret, pecuniâ à sororio suo Calliâ mutuo sumptâ, multam solvit. Atque hinc seges multarum actionum forensium. Heliastici juramenti, cujus memini antè, formula Græca fuit talis.

Ψηφισμα κτ̃ τὲς νόμους, καὶ τὰ ψηφίσματα τῶ δῆμος τῷ Ἀθηναίων, καὶ τῷ βελῆς τῷ πεντακσίῳ, καὶ τύραννοις καὶ ψηφισμαῖσι, ἐδὲ ὀλιγαρχίᾳ. ἐδὲ εἰς τὴν χαλκὴν τῶ δῆμος τῷ Ἀθηναίων, ἢ λίγη ἢ ἐπιψηφίσῃ τῶ δῆμος τῶ παῦτα, καὶ πείσῃ. ἐδὲ τῷ χρεῶν τῷ ἰδίων δόποιοι, ἐδὲ γῆς ἀντιδοσμοῖ τῷ Ἀθηναίων, ἐδὲ εἰκῶν. ἐδὲ τὲς φεύγοντας καὶ εἰς, ἐδὲ αἰνέσι καὶ κατέγνωται. ἐδὲ τὲς μόνους ἐξελῶν τῶ δῆμος τὲς νόμους τὲς κειμένων, ἐπὶ τὰ ψηφίσματα τῶ δῆμος τῷ Ἀθηναίων, καὶ τῷ βελῆς,

E 3

ἔτ' αὐτὸς ἐγὼ, ἔτ' ἄλλον ἐθένα εἰάσω.
 ἐδὲ δ' ἄρχὴν καὶ ἄρχοντα ὥστε ἄρχοντα δύ-
 ζυγον οἶτα ἐπέρας δ' ἄρχης, καὶ τὸ συνέα
 δ' ἄρχοντων, καὶ τὸ ἱερομένημην, καὶ ὅσι
 μὲν τὸ συνέα δ' ἄρχοντων κυαμδόν) ταύ-
 τη τῇ ἡμέρᾳ, καὶ κύρητος καὶ πρεσβείας,
 καὶ συνέδρων. ἐδὲ δ' ἴς τινὲς αὐτὴν δ' ἄ-
 ρχὴν τὸν αὐτὸν ἄνδρα, ἐδὲ δύο δ' ἄρχας
 ἄρξαι τὸν αὐτὸν ἐν τῇ αὐτῇ ἐνίαυτῇ.
 ἐδὲ δ' ὧρα δέξομαι τὴν ἡλιάσεως ἐνεκα,
 ἔτε αὐτὸς ἐγὼ, ἔτ' ἄλλοι ἐμοί, ἔτ'
 ἄλλοι εἰδὸς ἐμῶ, ἔτε τίχνη, ἔτε
 μηχανῇ ἐδεμῖα. καὶ γέγονα σὺν ἑλαττον
 ἢ τεράστιον ἔτη. καὶ ἀκροάσομαι ὅτε
 κατηγάρω καὶ τὸ ἀπολογηθῶ ὁμοίως
 ἀμφοῖν, καὶ ἀφ' ἡμετέρων πρὸς αὐτῶ,
 ὅτι αὐτῶν ἡ δίκη. Εὐπόμενυμι Δία, Πο-
 σειδῶνα, Δήμητρα· ἐπαρῶμαι ἐξώ-
 λειαν ἐμαυτῶ, ἐοικίαν τῇ ἐμαυτῶ, εἴ τι
 τέτων πρὸς αὐτοῖς. δόρυ καὶ πῦρ
 καὶ ἄλλα πολλὰ καὶ ἄλλα εἶναι.

Quartum iudicium fuit arbitrorum,
 quos ἀιτητάς dicebant. Hi XLIV ex
 singulis tribubus LX annis maiores
 quotannis sorte designabantur, ut es-
 sent omnes CCXX, qui secundum tri-
 buum

buum numerum dispersiti tribubus sibi assignatis in cognoscendis definiendisq: litibus operam præstabant. Erant autem in duo genera omnes divisi. Alii repetiti sorte ex his ad judicandas causas privatas legebantur: alii à litigantibus capiebantur. Novâ sorte lecti operam litigantibus dare cogebantur, sed injurati: nec litigabatur apud eos periculo mille drachmarum, & ab eorum sententiis ad iudices alios provocatio concedebatur. At ab iis, qui ab ipsis litigantibus ex arbitrorum numero delecti fuere, quos compromissarios dicere licet, quia jurati cognitionem & iudicium suscipiebant, provocatio non erat, sed eorum sententiis erat parendum. In pecuniâ deponendâ, in excipiendo, aliisque rebus eadem ferè ratio apud hos arbitros servata fuit, quæ in judiciis cæteris jam dictis.

Post hæc *δυναστεία* quatuor, fuit quoque quintum, sed prioribus minus celebre, quanquam usus nec parvi nec rari. Triginta primum viri erant, postea facti xl, quos *δυναστεὺς καὶ δήμους* ex re nuncupabant. Nam populos, in quos divisam fuisset civitatem dixi, obibant, & de minoribus rebus minoreve pecuniæ summâ inter litigantes iudicabant, & lites finiebant. Cætera hujus

generis, quæ in usu post Solonem fuere,
ut nimis obscura, silentio transmittō.

MAGISTRATVS ATHENIENSIVM.

Magistratum Athenis alii suffragiis universi populi in comitiis per *κρηστωρίαν*, alii sorte, alii editione in singulis tribus designabantur: eratque eorum ingens numerus. Inter omnes, qui domi rem administrabant, primum honoris & dignitatis locum sine dubio tenuere ix archontes, de quibus jam antè multa nobis dicta: quædam etiam hoc loco dicenda. Hos *ἀρχόντες* ab initio fuisse populi suffragiis designatos, nec hoc à Solone mutatum, contra opinionem Sigonii suprà ostendi: eosdem quanquam potestate diminutos, tamen in magnâ dignitate, & munere peramplio relictos, ac partes muneris accuratius inter eos distributas ab eodem fuisse, quoque dixi. Partes muneris aliæ ad sacra, aliæ ad concilia, aliæ & quidem præcipuæ ad jurisdictionem pertinere. Sacra tres primi, archon, rex, polemarchus curabant; thesmothetæ sex recensendis legibus operam peculia-rem reipublicæ navabant. Omnes ju-

diciorum curam habebant: iudices for-
 riabantur, & his fora, id est, confessuum
 loca etiam sortitò assignabant, & tem-
 pora ac dies præscribebant. Convenie-
 bantur ab iis, quibus lites cum aliis e-
 rant: eos audiebant, & auditis actiones
 dabant: summatim lites cognoscebant,
 & quasdam earum finiebant, alias dif-
 ficiliores aut sponte suâ, aut poscenti-
 bus litigantibus in fora majora intro-
 ducebant: publicas quidem ut pluri-
 mum rex & thesmothetæ, privatas ar-
 chon & polemarchus. Regem, cui in
 porticu regiâ tribunal erat, adibant, qui
 impietatis alios arcescebant, aut de sa-
 cerdotio contendebant. de controver-
 siis gentilium & sacerdotum iudicium
 suum interponebat: de cæde & male-
 ficiis similibus, quod antè dictum, re-
 ferebat ad senatum Areopagi, & sedens
 cum Areopagitis dicentes partes audie-
 bat, & cum cæteris sententiam ferebat,
 eamque, ut non abs re conjectat Sigo-
 nius, pronunciabat. Thesmothetas
 conveniebant litem intendentes de pe-
 regrinitate, coitione, donis acceptis, ca-
 lumniis, citatione falsâ: item de falsâ
 relatione, adulterio, contumelia, deieto
 è tabulis publicis ærariorum nomine in
 fraudem ærarii. Ad eosdem actiones
 ἀρχόντων apud archontem primum

Intentatæ, item *δοκιμασιῶν*, *πρεβολῶν*,
 controversiarum de pactis, injuriarum
 inter mercatores deferebantur, &
ἀπειρωγαί quoque fiebant. Archontis
 jurisdictio ex lege Solonis latè patebat:
 recipiebat lites malæ tractationis uxo-
 rum, parentum, pupillorum & pupilla-
 rum: tutores dabat, de hæreditatibus
 controversis, de dotibus, de victu aut
 alimentis, quæ parentibus, liberis, pro-
 pinquis debebantur, de furtis, de repu-
 diis jus dicebat. Quin etiam actiones
ἑισαγγελίας, *ἐνδείξεως*, *φάσεως*, *ἐφη-
 γήσεως*, quæ publicæ erant, apud eum
 nonnunquàm inferebantur. Quàm ve-
 rò jurisditionem archon inter cives,
 eandem polemarchus inter peregrinos,
 & in eos habebat, quorum maximus
 numerus Athenis commorabatur, imò
 & domicilia fixa tenebat, tum *ἰσ τετελῶν*,
 tum *μετοίκων*: *Ἐ* quibus illi multò me-
 liore conditione erant, quàm hi. Nam
 à tributo *μετοικίᾳ*, quod hi civitati
 pendebant, erant liberi, & pari immu-
 nitate, pari jure cum civibus agebant,
 nisi quòd honorum & magistratuum
 expertes atque incapaces essent. Cæte-
 roqui omnes cum civibus in urbe ver-
 sabantur, eàdem cum illis veste uten-
 tes:

tes: sed opus in foro facere *μετρίως* ex lege Solonis non licuit. Et peregrini hi, si auxilio juris opus haberent, per patronum civem Atticum apud polemarchum agebant, & causas suas persequabantur. Nec solum inquilinis, sed reliquis quoque peregrinis, qui Athenis sedes non habebant, jus dixisse eundem polemarchum, Sigonius arbitratur: Xenophon quidem disertè Athenis apud populum iudicio eos experiri necessum habuisse affirmat. Tribus autem hisce archonti, regi, polemarcho, ne singuli soli rem judiciariam tractarent, quod periculosum, præsertim cum non rarò accideret, ut per ætatem juris adhuc minus essent periti, tum etiam quò plusculum autoritatis ac fidei actioni accederet, bini adjuncti assessores fuere, quos *παρόδοι* vocabant, ut sederent in singulis tribunalibus terni. Hi *παρόδοι* non populi suffragiis, nec sorte designabantur, sed sumebantur arbitrato ipsorum, quibus erant assessuri: sumptique ferè natu grandiores, legum & morum gnari, nonnunquam etiam ipsorum sumentium parentes aut propinqui, à quibus jus sæpe dictabatur aut suggerebatur iis, quibus assidebant. Veruntamen & hi legi communi sub-

jecti

jecti erant ob munus publicum, ne munus id inirent, nisi in senatu D. virum, atque in judicio ritè excussi probatique, nec nisi rationibus redditis apud *ἄνδρες* munere decederent. Solis autem IX. viris hic honos habitus est in civitate Attica, ut ab instruendis in usum reipublicæ triremibus essent immunes, etiamsi fortè essent locupletissimi. De actionibus ipsorum, cum conciliis incidenter heic illic jam dictum, quantum satis, quæ repetere supervacaneum. Nec de procuratione sacrorum quicquam heic addendum, cum & minoris momenti sit, & initio libelli hujus, cum de iisdem his ante Solonis tempora rempublicam moderantibus agerem, tantum de ea dixerim, quantum res visa fuit poscere. Solonem autem existimo in hac muneris eorum parte nihil mutasse. Hoc solum iis, quæ illic dicta, heic adjicio, non tantum regem ipsum mysteria Eleusinia obivisse, sed etiam conjugem ipsius reginam sacra arcana pro civitate fecisse, eamque ob hanc causam oportuisse civem Atticam esse, quòd sacra illa ex lege peregrinis non paterent. Præter IX. viros hos, & præter prytanes, proëdros, epistatam, de quibus abundè etiam dictum suprà, erant judiciis proximè subordi-

nati in *ἐνδεκα*, xi. viri rerum capitalium præfecti, ab oratoribus & historiographis sæpe memorati, qui & carceri præerant, & capitis damnatos, sibi que traditos necabant, fures deprehensos, item plagiarios, grassatores, nebulones manifestos ad se abductos in carcerem dabant, & pœnis afficiebant, facinus negantes judiciis aliis sistebant, ibiq; convictos & ad se remissos pro meritis puniebant. Hos singulos ex singulis tribubus eligi solere, & his x numero additum fuisse *γραμματῆα*, scribam, ad explendum numerum undenarium, Iulius Pollux nos docet. Horum ministerio præter meritum capitis damnati viri illustres in carcere vitam finire Theramenes & Socrates, uterque haustu cecit, quod usitatissimum genus supplicii capitalis apud Athenienses fuit. Non obscuræ quoque notæ Athenis fuisse in magistratuum ordine *φύλαρχαι*, *φρατσίαρχαι*, *δήμαρχαι*. Horum *φύλαρχαι* quaterni à Solone relictæ, pro numero tribuum à Clisthene deni sunt facti: quotannis à tribubus editis, singuli res tribus suæ curabant, tribules, cum opus esset, convocabant, tribuum negocia gerebant, ærariisque præerant: quorum nomen, quia hæc ad res militares

tares postea translatum, in aliud fuit
mutatum, dicti deinde ἐπιμεληταὶ
φυλῶν, curatores tribuum. Et quod
munus hi in tribubus, hoc φρατρίαρχοι
seu ἑθναρχοι in curiis habebant. Δή-
μαρχοι populis, in quos universus po-
pulus Atticus distinctus erat, præsi-
debant, tabulas λεξιαρχικαί, in quibus
nomina omnium civium erant nota-
ta, custodiebant, populares convoca-
bant, & in suffragia mittebant, fundos
in quolibet populo describebant, de-
scriptosque & æstimos servabant in
usum exigendi tributa; cum res postu-
labat, redemptores publicorum redi-
tuum plerorumque solutionem posce-
bant, pignora sæpe auferabant, popu-
lares suos recensabant, nautas edebant,
defunctorum popularium insepulto-
rum sepulturam procurabant: inpri-
mis sortitioni in designando senatu
Quingentum virum, & magistratibus
tributim per sortem eligi solitis, præsi-
debant. His verò muneris dignitate
prælucebant νομοφύλακες, à Cicerone
laudati in libro de legibus, penes quos
legum custodia erat, qui honoris ergo
strophio candido insigniti ludis pu-
blicis in sellis è regione ix archontum
consi-

considebant, in concione verò cum
παιδείοις sedentes prohibebant, ne
 quid adversus leges, contrave reipublicę
 commoda suffragiis populi scisceretur,
 magistratus autem secundum leges a-
 gere cogerent. Ac de his Cicero ait, non
 solum eos literas, ut majores Romano-
 rum, sed etiam facta hominum obser-
 vasse, ad legesque revocasse: & Colu-
 mella libro xii de re rustica, cap. iii,
 in hanc sententiam scribit. *Quod etiam
 in benè moratis civitatibus semper est
 observatum, quarum primoribus atque
 optimatibus non satius justum est bonas le-
 ges habere, nisi custodes earum dili-
 gentissimos cives creassent, quos Græci
 νομοφύλακας appellant. Horum erat
 officium, eos qui legibus parerent, laudi-
 bus prosequi: eos autem, qui non pare-
 rent, penā multare.* Hactenus verba
 Columellæ. Sed & ante νομοφύλακας
 claritate erant *στρατηγῶν* à militiæ præ-
 fectura nomen ferentes, quos prætores
 latina voce multi interpretantur. Duo-
 rum generum fuere, militares, unde
 nominis origo, & urbani, quos usus è
 prioribus induxit. Quot numero, &
 qua conditione proximis annis post le-
 ges à Solone latas fuerint, incertum.
 Postquam verò x tribus in civitate esse
 cœpe-

cœperunt ex Clisthenis instituto, dein quotannis, singuli scilicet è singulis tribubus in comitiis à populo sunt creati, & eorum quidam, si usus posceret, sæpe resecti, quemadmodum exemplo Phocionis apud Plutarchum discimus, quem quadragies *στρατηγίας* tenuisse volente populo Plutarchus affirmat. Dein illi militiae causa primum creati, cum bella majora Athenienses gerere occiperent, omnes cum exercitu ex urbe emittebantur, addito etiam undecimo polemarcho ad dirimenda, si quando res ita ferret, paria cæterorum suffragia. Sed hoc postea mutatum. Nam ex denis quidam solummodò ad bella gerenda foris missi fuere, reliqui cum Polemarcho in urbe retenti negotiis reipublicæ & cognoscendis expediendisq; controversiis illic vacarunt. Verùm omnia ea, quibus vacabant, ac quæ curabant, ad belli rationes etiam pertinebant. De vicibus inter hos qui domi, & alteros, qui foris rem gerebant, permutatis, quod Sigonius scribit, id mihi non liquere fateor. Urbanorum cognitio potissimum circa trierarchias, & facultatum permutationes, & quæstiones, quas *ἀπόφασις* & *ὑπαίτια* vocarunt, versabantur. De trierarchia & facultatum permutatione, quantum

satis,

fatis, antè dictum. Α'πόφασις erat detectio facultatum alienarum, quas possessores ut plurimum extenuabant, & multas earum partes occultas tenebant. Α'παίεια crimen erat detractatæ aut desertæ militiæ, ac non oblitæ, cum obiri debebat. De quibus omnibus frequentes controversiæ Athenis in civitate ampla & populosa, & bellis penè assiduis occupata potissimumque bellicis rebus dedita ac potente, erant. Quas si opera levi ac summatim finire ipsi non poterant, ad tribunalia majora introducebant. iisque ipsi tum præerant. Quòd si de ingruente, aut jam sæviante bello consulendus populus esset, sæpe iidem hi concionem quoque convocabant, & cum proëdri ac prytanibus præsidentes de rebus hujusmodi ad eam referebant, actionemque moderabantur. Munus illustre in republica. De militaribus postea dicam. Nunc reliqua de magistratibus urbanis peritexam.

Quæstorum ordo per amplius & multiplex erat Athenis, ut ipsa pecunia publica, quam curabant, erat magna & varia. Sigonius eam eruditè distinxit in species quatuor, τέλη nimirum, φόρος, εισφοράς, πνήμαζα. Τέλη propriè significabant vectigalia seu

F αέσο-

μετοίχιον, quæ proveniebant ex publicis civitatis possessionibus, ut fodinis metallicis, nemoribus, agris publicis: item portoria, quæ ex mercibus importatis & exportatis solvebantur in portubus, quinquagesimæ: scilicet mercium, interdum etiam decimæ: tum & *μετοίχιον*, tributum, quod quotannis pensabant inquilini urbis Atticæ, Arachmas nempe XII in virorum, VI in foeminarum capita, & quod servi solvebant à dominis manumissi. *Φόροι* dicebantur tributa annua sociis civitatibus indicta post Xerxem è Græciâ submotum, ad Persarum arma, si qua moturi deinceps essent, reprimenda, direttore Aristide, modica primùm, sed post plurimum aucta, ut ad mille talenta Attica ascenderent: quorum *πρωτόν* initio in insulâ Delo ex voluntate sociorum constitutum, deinde bellicis commotis Athenas est translatum. *Εισφοραί* nuncupabantur tributa extra ordinem poscente belli necessitate decreto senatus & concionis pro facultatum modo civibus inquilinisque imperata. Demum *πρώματα* erant mulctæ damnatorum in judiciis, quorum nomina statim inscribebantur tabulis publicis in arce repositis cum mulctæ

summâ : cujus pars decima Minervæ,
 quinquagesima diis cæteris, & heroibus
 ἐπὶ νόμοις, reliqua tota civitati debe-
 batur. Atque hæc omnia quæstorum
 curæ & administrationi erant subiecta.
 Τὰ τέλη curabant quæstores, πωλῆ-
 δῆται, qui redemptoribus publicanis,
 τελώναις, ea addicebant, amplâ pote-
 state in eam rem instructi : quâ freri,
 redemptores aut eorum prædes, si con-
 stituto tempore non solverent quod
 debebant, ex lege duplum pendere co-
 gebant : similiter ἐκλογεῖς, collecto-
 res, quorum ministerio redempto-
 res utebantur, si illi in morâ essent.
 Ἐκκλησιάρχαι φόροις erant præfecti,
 sedem primitus cum ærario in Delo
 habentes, deinde Athenas traducti, ut
 dixi. His subjuncti fuere ἐπιγροφῆς x,
 ut opinor, numero, qui tam sociorum,
 quàm civium facultates æstimaſas in
 tabulas redigebant, secundum quas &
 φόροι à sociis & ἐισφοραί à civibus pa-
 riter ac inquilinis exigebantur. Ἀπο-
 δέκται nomen ex re habentes, x sorte
 designati, in curiâ coram senatu redditus
 omnes civitatis è vectigalibus, tributis,
 collationibus, multis provenientes re-
 cipiebant, eosque in publicas tabulas

referebant, deletisq; eorum nominibus qui solverant, easdem tabulas in ærarium, quod erat in arce, inferebant: controversias etiam ex hac re existentes cognoscebant, quasque ipsi finire non poterant, in judicia maiora introducebant. Quibus ex parte similes erant, quos vocabant *ἀντιγραφῆς*, qui, quod *ἀποδέκ* in senatu, idem illud in concione agebant, tabulas scilicet similes conficiebant, ut & populo res omnis constaret, & duplici tabularum exemplo fraus facilius averteretur. *Τιμημάτων* cura pertinebat ad *πρόκτορας*, & quaestores Dæ deorumque. Quorum hi x sortitò lecti quotannis præerant decimæ Palladi arcis præsidi sacratæ, simul & quinquagesimæ diis aliis ac heroibus dicatæ, accipiebantque utramque senatu præsentē, & in arce custodiebant, tabulasq; multarum asservabant, & eorum qui multa depensa ærario satisfecerant, nomina in tabulis dispungebant. *Πρόκτορες* partem reliquam reipublicæ debitam cum nominibus debitorum suis indicibus inscribebant, & curabant. Præter istos erant quoque *Ζητηταί*, inquisitores, qui iussu senatus naviter inquirebant in eos, qui reipublicæ aut diis debebant, & ex
lege

lege ad solutionem eisdem adigebant :
 eligebanturque , cum usuf posceret , ut
 plurimum per sortem , aliquando etiam
 senatus populique suffragio , ut de An-
 drotione docet Demosthenes : ac fuisse
 putantur numero deni. Verum summe
 in toto quæstorum ordine autoritatis
 & dignitatis fuit *ταμίας τῆ διοικήσεως* ,
 quem & *τῆ κληῶν παροσώδων ἐπιμελη-
 τὴν* appellabant. Is non in annum ,
 sed in quinquennium creari , iterumque
 etiam ac tertium refici à populo solere
 traditur , generalis universæ pecuniæ
 publicæ & ærarii curator ac ephorus
 congerendæ erogandæq; pecuniæ illius
 potestate maximâ præditus : à quo mer-
 cedem concio , cum quid ei debebatur ,
 ut cum ostracismi causa coibat , atque
 item iudices senatus , equites accipie-
 bant. Fuisse etiam , qui præssent pecu-
 niæ militari , quos *ταμίας τῆ στρατιω-
 πικῶν* dictos Sigonius ait , non est du-
 bium. Ingens enim ea pecunia fuit sti-
 pendii militum destinata , de qua in-
 quit in Olynthiacâ 1 Demosthenes :
*ἔστιν, ὃν ἄνδρες Ἀθηναῖοι , χρηµατὶ
 ὑµῶν, ἔστιν, ὅστις ἐδένει τῶ ἄλλων ἀνθρώπων
 στρατιωτικῇ.* Tanta autem pecunia ad-
 ministrari sine quæstoribus non potuit.

quæ partim ex ea , quam *δοικήσεως* vocatam jam dixi , sumebatur jubente populo , partim ex tributis belli causa imperatis conficiebatur. Quæ si usum suum retinere potuisset , meliore loco , ut credere ratio suadet , fortuna reipublicæ Atticæ mansisset. Verum culpâ Periclis , ut perhibent historiæ , viri cæteroqui præstantissimi , ad demerendam gratiam plebis , in usum theatri maximam partem conversa , rem militarem , qua steterat creveratque eousque reipublicæ fortuna , deteriore , & cives inertiores fecit : inde fortunæ ruina secuta : quæ infra dicentur commodius & plenius. Cum nouo autem instituto , quo exhaustum ærarium militare fuit , novi quoque quæstores sunt orti , quos *ἐπὶ τῷ θεωρικῶν ταμίᾳ* nuncuparunt : quorum hoc munus erat , ut theatrum ingredi , & spectare cupienti tenuiori plebi , quæ & numerosissima , & spectandi avidissima erat , totos dies in theatris desidens , binos obolos elargiretur. Satis de quæstoribus. Non solum autem hi , sed omnes omnino magistratus , & quotquot reipublicæ partem aliquâ administrabant , quotannis reddendis rationibus erant obnoxii apud *λογιστὰς* & apud *ἀγύνας*. Hos ut nominibus

minibus ita muneribus differentes fuisse, ex Arpocratiōe arguere nititur Sigonius, sed in differentia monstranda deficit. Existimat quidem, aut potius conjectat, λογιστῆς in poscendis & examinandis rationibus tractatæ pecuniæ, ὀφιστῆς in excutiendis & censendis rebus aliis in quovis magistratu actis esse versatos, sed fallitur in eo sine dubio. Nam & quæ ipse citat ex veteribus oratoribus & quæ alia huc advocari possunt, eam distinctionem non admittunt, sed potius refutant. Docent enim non eos solum, qui pecuniam publicam tractabant, sed etiam, qui partem ejus nullam solebant attingere dummodò rempublicam gererent, finitâ administratione apud λογιστῆς rationes reddidisse. Quid namque ix-viris archontibus, quid senatoribus, quid Areopagitis, quid iudicibus, quid legatis cum pecuniâ publicâ? quos tamen examini logistarum subjectos fuisse cognoscimus. Quid igitur? Dicam breviter, quod sentio, & quod ex variis veterum scriptorum locis inter se comparatis, qui horum mentionem faciunt, verò maximè consentaneum esse reperio: nimirum idem ferè, si non prorsus idem, fuisse utrorumque & λογιστῶν

& δούλῳν munus, aut operam eos mutuam reipublicæ præstitisse. Atque in hanc potissimum sententiam velut manu me ducit unus Aristotelis locus libro vi. cap. ultimo polit. ubi de hoc genere magistratus exigendis rationibus actorum à magistratibus aliis præfecti sic scribit. Εἴπερ ὅ ἐστιν αἱ δόξαί, εἰ καὶ μὴ πᾶσαι, ἀφαιρούσιν πολλὰ τῶν κρινῶν, ἀναγκαῖον, ἵτερον εἶναι πλὴν ληψομένην λογισμὸν, καὶ προσδύμενον αὐτῶν μηδὲν ἀφαιρούμενον ἕτερον. καλεῖται ὅ τῆς οἱ μὲν δούλῳν, οἱ ὅ λογιστῆς, οἱ ὅ ἐξεταστῆς, οἱ ὅ σωτηροί. Nec enim dubium est apud eruditos, quin Aristoteles tum passim in politicorum libris, tum hoc potissimum loco de magistratibus ad rempublicam Atticam velut digitum intenderit. Quanti verò momenti existimavit, hunc in republicā magistratum esse, satis declarant hæc verba ejus, ἀναγκαῖον ἵτερον εἶναι: & prolixè idem id demonstrat Plato libro de legibus xii, non procul ab initio, itemque Cicero sub finem libri iii de legibus, qui censoribus hoc ipsum munus assignari vult. Creabantur Athenis quotannis x λογιστῆς, & toti-

dem *δῆμους*, credo secundum tribuum numerum. Hi ad disquisitionem actorum magistratus omnes potestate decedentes vocabant, & velitatione apud se instituta præjudicio suo aut damnavant eos, aut absolvebant, interdum etiam incertos demittebant, aut populo proponebant, populusq; obiter & perfunctorie recognita, quid sibi videretur, declarabat, sed sententiam definitivam, quâ standum esset, nō ferebat, totū verò hoc ex veteri lege iudicibus permittebat. Logistæ post hæc quasi præludia ad iudices Heliasas ex officio eisdem hos introducebant, ut ii cognitione integrâ susceptâ inquirerent accuratius in ea, de quibus fortè insimularentur introducti: & simul voce publicâ præconis ad dicendum invirabant quosvis, si qui essent, quibus accusare introductos luberet. Nec ferè deerant, (quomodo enim deesse poterant æmuli in civitate dissensionum & simultatum plena?) qui meditata jam antè oratione in eos dicerent. Tum audita utrâque parte (nam defendendi sui copia accusatis non negabatur) heliasæ sententiam ferebant, cui parendum erat. Et fiebat nonnunquam, ut quos populus, aut *λογισται* præjudicio suo damnaverant, iudices absolverent, aut absolutos ab istis da-

mnarent. At multum in toto hoc examine interfuit, quo animo essent *δύνο-
υοι* ac *λογισται*: qui si conniverent ad delicta, fontes sæpe evadebant, ac si pravo corde essent, efficiebant, ut infontes etiam calumniis vexarentur: quod Timarcho objecit Æschines. Quæ causa est cur non nisi exploratissimæ virtutis viris hujusmodi munus commendandum esse Plato censeat. In hoc casu judicio damnatis gravis multa ferè irrogabatur, ac nomen eorum in ærarios referebatur, erantque tantisper *ἄπμοι*, & à gerendâ republicâ dicendaque in foro sententiâ, causâve agendâ abstinere cogebantur, quoad multam solvissent: ex numero ix archontum si essent, ab Arcopago in perpetuum excludabantur. Annonæ omnis, & rerum cum eâ coherentium cura, cujus uberissima in civitate utilitas, diversis fuit commissâ. In quibus *σιτώναι*, pecuniâ à quæstore *διοικήσεως* sumpta, frumentum externum passim coëmebant, & in cellam frumentariam recondebant, quò annonæ ratio civitati in omnes casus in tantâ pòpuli multitudine, ac bellorum frequentia constaret. Nomen his ex re datum. Horum muneri cognatum fuit munus *σιτοφυλάκων*, qui id

curæ habebant, ut frumentum, farina, panes æquo pretio venderentur, in urbe assiduò degentes x, in Piræo v, & litigantibus ibi jus dicentes; institutum utilissimum & æquissimum: ut & alterum de ἀγορανόμοις & μετρονόμοις.

Quorum priores ἀγορανόμοι x numero, sorte lecti, curabant forum reliquarum rerum venalium excepto frumento, quini in urbe, quini in Piræo, dabantque præcipuè operam, ne quid fieret immodestè, neve mendaciis se mutuo circumvenirent ementes & vendentes. Μετρονόμοι mensurarum, ut justæ essent, quibus vendentes utebantur, nescio an & ponderum rationem habebant, quinque in Piræo, quod emporium urbis erat, decem in urbe. Colimabant etiam ad eandem boni publici curam qui dicebantur ἐπιμελητὴς τῆς ἐμπορίας, quibus lex præcipiebat hoc ut agerent, ne importati frumenti copiâ civitas Attica destitueretur, & avaritia civium aliò frumentum deestantium rei publicæ fraudi esset. Erant & ναυλοῖχοι naviculariis & mercatoribus inter se lites habentibus operam dantes, deque peregrinatione etiam jus dicentes, & ἐπιχωροί & similes alii. Et præter

ter hos erant quoq; ἀσυνόμοι, qui muni-
 diciem & decorē urbis, ὁδοποιοὶ qui vias
 intra extraq; urbem, ἐπιστάται τῶν ὑδά-
 των, qui aquarum inductionem in urbē,
 κρηνοφύλακες, qui fontium custodiam
 sibi commissam habebant: quorum om-
 nium curationē Aristoteles uno nomine
 ἀσυνομίαν appellat. Quo pertinere et-
 iam ἐπιστάται τῶν δημοσίων ἔργων, qui opera
 & ædificia publica ad urbis magnificen-
 tiam facientia struebāt: munus extraor-
 dinarium, curationis potius quàm magi-
 stratus nomine afficiendū, quo magnifi-
 cē ac sumptuosē defunctus fuit Pericles:
 cujus rationes ne reddere cogeretur,
 suggerente Alcibiade adolescēte putatur
 suasu suo civitatē difficili bello Pelopon-
 nesiacō implicuisse, ut hujus cura à curā
 reposcendarū rationū eam abstraheret.
 Huic persimilis curatio fuit & τῶν τοιῶντα,
 & curatores τῶν τοιῶντα à muris extruen-
 dis aut reficiēdis sic nuncupati, deni nu-
 mero, singuli nimirū, cū posceret usus, à
 qualibet tribu editi, cujusmodi τῶν τοιῶντα
 à tribu sua Pandionia creatus fuit Orator
 Demosthenes: unde orta causa illa nobi-
 lis de coronā Demostheni decretā à Cte-
 siphonte, accusante ob decretū hoc Cte-
 siphontē Æschine, defendente Demosth.

Tum *ἀγχιρῶν* varii, muneribus inter se
differentes, è ditioribus singularum tri-
buum à tribulibus quoque designati ad
munera quædā suarū tribuum nomine
suis sumptibus obeunda, ut *χορηγῶν* mul-
tiplices, qui choros ludionū ludosq; va-
rios, actiones scenicas, saltatores, canto-
res, psaltas in theatris exhibebant, item
γυμνασιάρχαι, *ἐπιδάτορες* *ἐκίητάρχαι*,
ἐισφύροισις, quos choragos, exercitatio-
num præfides, epulones, triremium ma-
gistros, collatores latine dixeris: omnes
ferè juvenes, hoc honore oneroso aditū
sibi ad honores alios aperientes. Præter-
eā in magistratuum ordine fuere *γυναι-
κῆγχομοι* xx mundi muliebris curam a-
gentes ne is modum excederet, & mulie-
res parū modestas multā corripientes:
item *γυναικῆγχομοι* ac *οἰοπόλαι*, quo-
rum munus erat, convivia & convivio-
rum sumptus, & convivarum nume-
rum inspicere, & curare, ne quid contra
leges committeretur. De præfectis co-
loniarum deducendarum dubites, an
magistratibus eos accenseas. In nume-
rum quidem ordinariorum venire non
possunt. Nam nec quotannis, sed pro
re natā, creabantur, nec annum im-
perium, sed quamdiu res poscebat, te-
nebant. Munus tamen illustre fuit cum
pote-

potestate eximiâ. Deducebant autem colonias in loca aut recens parta, aut non satis culta: coloni κληρέχοι ex partibus quas in divisione sortitò acceptas tenebant, nuncupabantur. De Pylagoris dubitari non posse puto, quin magistratus fuerint. Sed & hi non in urbe, sed ad Pylas, quæ Delphis erant juxta templum, unde nomen ferebant, munus exercebant, ibique non solum civitatis suæ, sed communes res totius Græciæ cum cæteris Amphictyonibus curabant, & de controversiis civitatum ac populorum judicabant. Eos ternos ferè à populo creatos & ad Pylas bis statis anni diebus ratione ordinariâ, extra ordinem verò, quoties usus postulabat, missos fuisse accepimus. De quibus in descriptione concilii Amphictyonici, quod institutum in Græciâ pervetustum fuit, diximus plura.

Ad imperia & munia militaria, quæ consultò in hunc locum post urbana, & cum his connexa, rejecimus, veniendum. De strategis seu prætoribus in genere, & speciatim de urbanis, suprà diximus. De militaribus ex Herodoto, Thucydide, Xenophonte, Lysîâ, Demosthene, oratoribus huic cœvis, Polybio, Diodoro, Livio, Plutarcho, hæc com-

perimus : creatos esse non statò tempore , & in menses XII , sed pro re natà , cum bellum gerendum , & exercitus ducendi : designatos universi populi suffragiis sine sorte , non eodem semper numero , decem nempe , septem , quinque , tres , duos , unum etiam nonnunquam : emissos esse quò res poscebat & populo placebat , in regionem bellumque unum , aut regiones & bella diversa : fuisse omnes , qui mittebantur , potestate pari in exercitu , summum imperium tenuisse interdum per vices alios post alios , interdum omnes pariter : potestatis modum à populo accepisse , ut vel pro arbitrio suo in expeditione omnia agerent , essentque *αὐτοκράτορες* , nec reddendis rationibus essent obnoxii , vel imperium quidem supremum in exercitu haberent , sed *ὀψήνας* deberent . His verò strategis in exercitu terrestri subjuncti erant militum præfecti alii , ut ordinum duces x tributim lecti , quos *πυξίαρχος* vocabant , quorum quilibet parti peditum decimæ gravis armaturæ præerat , potestate strategis proximi : Taxiarchis inferiores præfecti parebant . Tum *ἵππάρχαι* equitum magistri duo , & his subiecti *φύλαρχοι* , ut quidem censet Sigonius ,
decem

decem pro tribuum numero, è quibus equites scribebantur, quos hi regebant. Similiter classibus & classariis copiis, quæ permagnæ Atheniensibus fuere, rectores dabantur *ναυάρχαι* totius populi suffragiis creati, raro quidem unus, at sæpius duo aut tres aut plures ad decem usque: magistratus summæ dignitatis & potestatis. Maritimis enim rebus ac viribus potissimum fortuna civitatis nitebatur, & ad id cûlmen, quod Græci pariter ac Barbari suspiciebant, conscenderat. Ut verò imperium navarchis erat in totas classes, & omnes classarios, sic trierarchi, qui horum mandatis etiam obsequebantur, singulas triremes regebant. Ad classariam porrò rem pertinebant *ἀπὸστολῆς* classis conficiendæ & emittendæ præfecti, (*ἀπὸστολῆς* enim classem, interdum etiam ejus imperatorem significabat,) & *ἡ νεωρίων ἐπιμεληταὶ*, classis subducendæ & subductæ cûratores: item quæstores navales, stipendii & commeatum copia ut classariis esset, providentes. Rerum maritimarum studium apud Athenienses excitavit primus Themistocles, auxit Pericles, longius provexit Lycurgus, quorum operâ portus cum navalibus magnis impensis structi,

& ar-

& armamenta confecta, & proposita immunitate ac præmiis plebs & inquilinorum turba in infinitum penè aucta: ex quâ perpetua remigum & classiariorum copia in promptu erat. Quod *Strepelas* quidem vitium non leve, sed in tali reipublicæ popularis statu, qualem delegerant Athenienses, ad conservandum statum eundem, planè necessarium censuit Xenophon.

*Qui cives Attici fuerint
habiti.*

HActenus de senatu duplici, de concione, de judiciis de præcipuis magistratibus post constitutam à Solone rempublicam. Sed nemo cujusquam horum particeps esse potuit, nisi civis esset. Nemini verò civi esse licuit, aut ullo civis jure uti, nisi haberet tribum ac populum. Nemo autem tribum habuit ac populum, nisi tabulis tribulium ac popularium ritè inscriptus. Inscribebantur verò non solum è peregrinis aut servis civitate donati, sed etiam civium ipsorum liberi: oportebatque hos, ut civium jure publico & privato possent frui, bis sua nomina apud eos, quorum ista cura erat, profiteri. Fuere enim diversæ tabulæ, quibus tribulium, & quibus popularium nomina con-

G

signa-

signabantur, & diversi quoque earum custodes & curatores. Prior professio fiebat apud curiales ac gentiles, & eorum præfides, per quam professi tribui certæ inferebantur. Erant enim cūrīx & gentes, ut dictum, tribuum partes. Fiebatq; hæc professio per parentes aut propinquos, qui tabulis inscribendos adducebant, ætatis eorum anno, ut vult Sigonius, xv, inspiciebantque præfides tunc inscribendorum genitalia diligentius: parentes autem jurabant eos quos adducerent, filios esse suos sive legitimè natos, sive nothos, & si parentes deficerent, eorum vicem propinqui supplebant. Sic enim de nothis statuit Solon, qui tales censebat etiam illos, qui peregrina matre licet conjugis loco habitæ erant nati: cujusmodi nothus Themistocles quoque audiebat, cui Thrassia mater fuerat. Legitimos verò Solon censebat, qui patre pariter & matre Atheniense geniti erant, eamque parentum conjunctionem legitimum matrimonium esse statuebat. Pericles autem, eum in civitate plurimum possit, legem tulit, ut soli legitimi cives censerentur, qui utroque parente Attico, & iusto huiusmodi matrimonio essent orti: qua lege recepta, aliquot civium millia, cum in natales omnium inquireretur, ut perhibet

hibet Plutarchus, civitatis jure excide-
runt. A quo tempore non alii quàm
tali matrimonio editi, jurantibus pa-
rentibus aut propinquis, in tabulas istas
recipiebantur. Tabulæ hæ curialium
communes quoque sunt dictæ: in quas
qui referebantur, & ante & post Peri-
clis legem, eorum nominibus paren-
tum etiam nomina cum populo, ad
quem pertinebant, adscribebantur. To-
taque hæ actio *δοκιμασία*, & actio-
nis præsidēs ac genitalium inspectores
δοκιμαζόντες appellabantur. Rei huic
destinatum ferè fuit certum anni tem-
pus, tertius scilicet dies festi, quod Apa-
turia dicebant. E quod dictum de filiis,
quos parentes ex se genuerant, idem et-
iam valuisse videtur de iis, quos ritè ad-
optaverant, ut ex verbis Demosthenis
in Bæotum colligi posse existimamus.
Triennio pòst sequebatur professio alte-
ra, & probatio apud populares anno
ætatis profitentium decimo octavo, ut
eidem placet Sigonio verosimili ratione
nixo: ac tum nomina eorundem refe-
rebantur in album, quod *ληξιαρχικὸν
λόγωμα* vocabant. Ea enim inscri-
ptione, ut omnis reliqui juris civium &
civilium munerum, ita & ad eundarum
ac pro arbitrio administrandarum hæ-

reditatum, quas λήξεις nuncupare veteres Athenienses solebant, reddebantur capaces, & simul ex ephebis exhibantur inscripti, sui que juris ac arbitrii censebantur, &, si luebat, conciones obibant, atque adeò communium rerum fiebant participes. Eademque relatio in tabulas has lexiarchicas fores militiae iis aperiebat: Tunc enim ætatem militarem etiam ingrediebantur, obstringebantque se sacramento ad arma pro patriâ gerenda, cum res posceret, & auctoritate publicâ scuto ac hasta instruebantur: durabatque ætas ista militaris in annos XLII, ab anno scilicet vitæ XVIII ad annum LX. Atque ideò, ut certius de annis militaribus singulorum constare semper posset, in inscriptione hac nomen archontis eponymi, qui annum signabat, etiam apponebatur. Iurisjurandi, quo se singuli obligabant, hæc fuit sententia: *Non dedecoratos se arma, nec ordinem deserturos, patriamve reddituros deteriozem, sed pro viribus eam defensuros; pugnaturusque pro sacrâ & republicâ tum solos, tum cum aliis; navigaturos etiam in terram quamvis sibi assignatam; legibus jam latis, & deinceps legitime ferendis obedientiam præstituros: non permissuros, ut quisquam eas tollat; sacra denique patria culturos.*

Hoc autem dato juramento, & scuto
 hastaque accepta, prima militiæ tyro-
 cinia, si esset opus, deponebant in ob-
 cundo agro Attico, & cum contra vim
 tuendo, vocabanturq; ex eo *ὑποποιοί*,
 quasi circuitores: domi verò & suis re-
 bus ipsi præerant sine tutore, & in con-
 ciones ventitabant, & spectandis ludis
 theatra inibant, donec ad munera alia
 pacis & belli maturefcerent. Hæc sobo-
 les fuit domi perpetuò succrescens, &
 in locum decedentium novos cives in-
 digenas civitati sufficiens. Præter quos
 alii quoque nonnunquam civium nu-
 merum auxere, qui re aliqua suadente
 civitatis jure donabantur. Sic quippe
 Clitthenes post ejectos Pisistratidas, ex-
 haultâ variis casibus civitate, ut fre-
 quentiam ejus reficeret, & simul partes
 suas contra æmulos firmaret, non so-
 lum peregrinos, sed & servos inquil-
 nos, ut ait Aristoteles, in civitatem ad-
 scripsit. Similiter Plataenses extorres,
 patriâ eorum denuò à Thebanis eversa,
 populus universus benevolentie affectu
 motus, referente Hippocrate, civitate
 donavit, & adoptivos cives fecit, sin-
 gulisque populum ac tribum assignavit,
 ut est apud Demosthenem contra Nex-
 ram: quod quidem accidisse Diodorus
 ostendit archonte Athenis Socrate,

anno tertio ante pugnam ad Leuctra, qui erat tertius Olympiadis c 1. Et hoc quidem modo multi simul in civium numerum allekti : quod evēnit rarius. Sæpius verò & singulis hoc beneficii datum, aut binis, aut ternis, quaternisve, qui benè de civitate meriti credebantur. Nam prisce Athenienses summum beneficium existimarent, civitatis suæ jus homini peregrino tribuere, ut docet Demosthenes cum alibi, tum in Aristocratia, & oratione altera, quam dixit de ordinanda republica. *Ille namque temporibus*, ait, loquens de ævo Themistoclis & Periclis, *maiores nostri ingens quid & praeclarum ac venerabile jus civitatis Attica arbitrabantur, & quovis beneficio alio majus. Nec tum honorem illum tribuebant nisi viris principibus, aut regibus, aut copiarum militarium ducibus, nec nisi ob ingentia in civitatem merita velut summum premium.* Id verò ætate suâ queritur idem orator eviluisse in magnum dedecus reipublicæ culpâ quorundam, qui in concionibus dominabantur, & populum quasi naso circumducebant : aitq; venale id fieri, inque homines perditos, atque adeò servos servis genitos conferri.

Leges

*Leges Solonis ad jus privatum
pertinentes.*

Nunc ad Solonem legislatorem re-
vertor. Is ordinatæ à se reipublicæ
leges complures tulit ad jus & res sin-
gulorum pertinentes, diversas ab iis,
quæ statum reipublicæ complecteban-
tur: quas Plutarchus in vita ipsius de-
scripsit. In iis sunt leges de matrimo-
niis, quarum unam, quæ de puella orba
est, meritò absurditatis damnat idem
Plutarchus, matrimoniorum præci-
puum jus conspurcans & everrens: cæ-
teræ meliores & honestiores. Dotes su-
stulit, ne ob quæstum, sed ob liberorum
generationem conjuges ducerentur.
Illa verò lex laudabilis, quæ prohibebat
maledicere mortuis: & altera, quæ con-
vitia jacere in vivos locis sacris, aut in
judicio, aut coram magistratu, aut in
certaminum spectaculis vetabat, idque
delictum gravi multa corripiebat. In-
primis autem æquissima visa est ea, &
cupide à civitate accepta, quâ factionem
testamenti civibus tribuit, quæ nulla
ante eum in civitate erat; sed additæ ab
eo leges rationi ac æquitati maximè
consentaneæ, quæ etiam nunc juris-
consultis probantur. Egregium quoque
hoc, quòd luctui modum præscripsit,

præficarumque & aliorum ad id conductorum ejulatus, ritusque pudendos ac indecoros sustulit. Ad hæc artificia omnis generis, quæ honesta & utilia, civitati commendavit, iisque honorem tribuit, ac in usum deduxit: legemque statuit ne filius, qui à patre nullam artem accepisset, eundem patrem alere, quod alioqui eum facere oportebat, teneretur. Quin & Areopagitis præcepit, ut otiosos ac inertes corriperent, & pœnis quoque afficerent. Inertiam enim civium pestem civitatis esse putavit. Natos ex meretricibus à necessitate alendi parentes liberos esse voluit. Mæchos in facinore deprehensos occidere deprehendentibus permisit. Sed in raptus reos multo, quàm decuit, levior fuit, ut & in eos qui virgines violarent. Ius vendendi filias & sorores, nisi in crimine deprehensas, abrogavit. Præmia Olympionicis drachmas D; iis, qui Isthmia vicissent, drachmas C, honoris causa statuit. Ex agri Attici fructibus exportari quicquam vetuit præter oleum: aliter facientes C drachmarum multam solvere ærario jussit. Multa alia quoque sancit: quorum nihil memorabilius quàm hoc, quòd honoribus privavit eos, qui exortâ fortè seditione neutri factioni se jungerent,

rent, quasi id argueret animum de re-
publicâ securum, ac rerum privatarum
tantummodò studiosum. Leges suas
tabulis ligneis inscriptas proposuit in
publico, quas tabulas *Ἀγῶνας* vocavit
aut *νόμους*. Obligavit Athenienses ad
eas servandas in annos centum, ade-
gitque senatum in eas jurare, & post
senatum singulos archontes, additâ
pœnâ, ut recedens ab iis Apollini Del-
phico statuam auream pondere sibi pa-
rem poneret. Denique legumlatione
absolutâ anni Attici rationes ad mo-
tum Solis redegit. Et hæc leges Solonis
cum totâ reipublicæ constitutione tam
venerabiles populo fuere, ut ne tyran-
nus quidem Pisistratus, Soloni sanguine
junctus, quanquàm potestatem legibus
majorem usurparet, eas abolere in ani-
mum induxerit, nec filii ejus ab ejus-
dem morte. Primi verò cccc. viri anno
belli Peloponnesiaci xxi, abdicato statu
populari eas abrogarunt, sed intra ver-
tentem annum dominatu suo dejecti
rursus locum iis dare necessum habue-
runt. Iterumque post septennium, cum
fine belli Peloponnesiaci, à xxx tyran-
nis vulgò sic vocatis leges hæc abolitæ,
& iisdem post pauculos annos everfis,
denuò in usum sunt revocatæ, vigo-
remque suum per multa sæcula secuta

retinuerunt. Verùm passæ hoc sunt, quod antè dixi: crescente scilicet ambitione procerum, & potentia oratorum, qui populo à consiliis erant, haud paucis earum per leges novas derogatum, aut abrogatum, non paucae etiam legibus contrariis elisæ, quædam obsoletæ, & quæ integræ manserunt, multitudine legum à posteris additarum cumulatae, peneque obrutæ fuere. Multa quoque more introducta, quæ legibus & civitati exitiosa fuere. Inter quæ id fuit, de quo sæpius questus est Demosthenes, pecuniam scilicet publicam, quæ usibus bellorum impendi, ac in stipendia militum erogari solebat, versam fuisse in sumptus spectaculorum, atque ita enervatam esse rempublicam. Quem morem Pericli primum acceptum plerique ferunt, cum is gratiâ plebis potentiam suam contra factionem Cimonis ac reliquorum nobilium augere niteretur. Nam cum Athenis periculosa contentiones existerent de locis & sessionibus in theatris, cum alii aliis eas præripere studerent, (erat enim populus Atticus spectaculis mirè deditus, ut bonam vitæ partem spectandis ludis, & certaminibus perderet) ad minuendas istas contentiones magistratui visum fuit, loca in theatris venalia facere.

Ita

Ita cum tenuiores cives voluptate spectandi penè privarentur, solis verò diti-
 oribus theatra paterent, Pericles di-
 citur ad demerendam plebem decreti
 autor fuisse, ut spectare volentibus duo
 oboli (tanti enim sessiones singulæ e-
 rant) id est, drachmæ Atticæ triens,
 quoties omninò spectare cupiebant, ex
 ærario darentur. Quo modo & æra-
 rium inutiliter exhaustum, & plebis
 virtus militaris propè extincta fuit. Sed
 hoc de Pericle vix verisimile: aut si ab
 eo hoc cæptum, & ad tempus conti-
 nuatum, sine dubio subnatis difficilli-
 mis bellis, quorum ipse præcipuus dux
 & author fuit, eo adhuc vivente rursus
 obsoletum. Verum cum quies civitati
 denuò parata esset, & populus in dissol-
 utos mores ac voluptatum studium
 relaberetur, credibile, morem quoque
 illum à captatore gratiæ popularis sug-
 gestū flagitante plebe in usum rediisse.
 Quem cum pestem reipublicæ esse multi
 viderent & quererentur, tandem Ap-
 pollodorus quidam, ut memoriæ pro-
 didit Vlpianus Demosthenis enarrator,
 ausus fuit studio boni publici eum anti-
 quare, & pecuniam illam theatralem
 (sic enim vocabatur) in usum stipen-
 diorum militarium rursus convertere.
 Sed obstitit ei Eubulus tū rempub. fortè
 gerens,

gerens, insignis aucupator gratiæ plebis, legemq; tulit, quâ pœnâ capitalē statuit in eum, qui idem, quod Apollo-dorus, rursus auderet. Quapropter Demosthenes, cum civitas Attica bellis contra Philipum Macedonē implicita esset, & nervo bellorum careret, sæpè de pravo hoc more, & Eubuli exitiosa lege, in concionibus querelas intulit, & detrimenta quæ hinc civitati evenirent, posuit ob oculos, nec tamē se abrogandi exitiosi moris autorem profiteri ausus fuit. Ita more & lege manente, & plebeculâ fatuâ lucelli hujus retinendi dulcedine bonum publicum negligente, quæ tunc in civitate dominabatur, res civitatis pessum ivère, & Philippo Macedoni, regi cum primis vafro & industrio, ac ad res magnas adspiranti, augendæ potentie suæ exoptatam occasionē dedere. Hactenus de republica Attica quondā florentissima, quandiu bonis legibus locus fuit: post vefaniâ plebis, & flabello-
rum ejus, oratorū ambitiosorum, qui eam huc illuc impellebant, pravis studiis præcipitatâ, ac de gradu fortunæ dejectâ. Quæ si minus multas leges, & pauciores quoque magistratus habuisset (nam & illarum & horum multitudine verè laboravit) forsan casus illos extremos declinare potuisset.

APPENDIX
DE REPUBLICA
ATTICA.

Vitia reipublicæ Atticæ à Xenophonte notata.



ENOPHON de republica Atheniensium scribens, ipse Atheniensis, vir literis & armis clarus, vitia ejus reipublicæ complura colligit, & lectori ponit ob oculos. Eorum verò præcipuum statuit exorbitantem potentiam plebis, & quæ cum hac cohererent. Sed ostendit, omnia illa ad tuendum hujusmodi statum popularem, quo se beatos esse censebant Athenienses, & à quo non recedendum sibi arbitrabantur, esse mala necessaria, nec multa eorum simul tolli aut corrigi posse, nisi status ipse, cui inhærebant, cum iis tolleretur, ac pessum iret: & si qua omnino corrigenda essent, necessum esse minucim paulatimque id fieri, hoc est, alia post alia per intervalla corrigi, detrahi, mutari. Verum post Xenophontis tempora non solum nihil correctum, nuptatumve in melius, sed multa etiam ivere in pejus, ut totum
jam

iam corpus civitatis *καταχρηστικὸν* verè
 posset dici. Opes enim publicæ ac pri-
 vatæ, adspirante secunda fortuna cum
 imperio auctæ, ceu fit, fomenta vitiis
 dedere, vitiaque incenderunt & multi-
 plicarunt. Macedones autem cum Phi-
 lippo primum, deinde cum filio eius
 Alexandro & Alexandri successoribus
 vires nacti, & imperium Græciæ affe-
 ctantes frigidam his ipsis suffuderunt.
 Ita factum, ut cum potentia opes fractæ
 sensim conciderint, & vera libertas,
 inani nomine ejus, & umbra quadam
 relicta, perierit. Quærat heic aliquis,
 cum status ille popularis tot vitiis jam
 olim laboraverit, quod Xenophon re-
 censet, eaque etiam cum tempore cre-
 verint, quomodo vigente eo civitas
 Attica tantas parare opes, & ad tan-
 tum imperii culmen conscendere, &
 qua ratione tamdiu incolumis stare, &
 opes conservare potuerit. Dicam, quod
 sentio, & quod res est, paucis. Erat po-
 puli Attici ingenium sublime, acre, sa-
 pientia valens, quo tantum reliquos
 Græciæ populos anteibat, quantum hi
 gentes barbaras superabant. Itaque &
 seges quædam virorum scientia ac vir-
 tute præstantium in eo assiduo prove-
 niebat, & ipsa plebs rebus dubiis ac pe-
 riculosis, monita præsertim à primori-
 bus

bus eloquentia pollentibus, quid communi salutis expediret, intelligebat, & pro salute expedienda, ac fortuna & statu suo tuendo promptè & fortiter contra hostes in discrimen se ferebat, ac pugnabat: atque adeò, ut erat, sublimium ingeniorum more, gloriæ & potentie avidissima, vitam potius perdere, quàm libertatis ac imperii iacturam facere malebat. Ad hæc populus idem à Solone persuasus erat, & hoc penitus animis habebat infixum, liberarum civitatum, populari imperio contentium, statum & vitam legibus conservari, & leges non esse leges, nisi iis rectè pareretur, ac parentibus honos & præmium, violatoribus pœna parata esset. Existimabat præterea, eodem doctore Solone, non magistratui leges, sed legibus magistratum subjici oportere, nec quicquam in civitate legibus debere esse firmitus, non opes, non gratiam aut auctoritatem, non factionem. Itaque cum maximè florebat respublica, honores & præmia legibus congrua benè meritis promptè tribuebat, quibus non efferrentur eorum animi, aut insolescerent, aut abuterentur in occasionem concupiscendæ & invadendæ majoris in republica potestatis, sed potius moderatis contenti esse discerent. *Quod*
 Demo-

Demosthenes cum populo agens, & eum erudiens, exemplo maximorum virorum Miltiadis, Cimonis, Themistoclis ac aliorum demonstravit. Contrà verò idem populus eo tempore in poscendis pœnis ex legum præscripto, ad delicta non connivebat, nihil cuiquam remittebat, cujuscunque esset conditionis aut fortunæ abjectæ, mediæ, summæ, non obscuro, non gloria florenti, ne iis quidem qui antè de republica benè essent meriti. Quorum documenta idem Demosthenes apud populum in medium attulit eosdem illos summos viros Miltiadem, Themistoclem, Cimonem, item Calliam, Thrasymbulum, Philippum Lamprensem, Argyrium Colyttensem, omnes meritis in rempublicam eximios, & tamen iis, quæ legibus definitæ erant, pœnis affectos. Exposuitque rationem orator, cur sic faciendum censuerit populus. Non enim (inquit) ad tempus duntaxat oportuisse justos eos esse civitas existimabat, post verò peculatores aut legum contemptores, sed in gerenda republica justitiæ perpetuo studere, & legibus parère. Alioqui enim ejus generis homines non natura ac consilio probi fuisse, sed insidiosè recta egisse videri poterant, ut fidem sibi præstruerent, quo politica

postea majore cum operæ pretio suo iniqui essent. Nulli verò peccato infestior quondam fuisse videtur populus, cum legum majestas integra vigeret, quàm exitiali *δυσποδονία*, quam principium & scatebram multorum pessimorum facinorum esse judicabat. Fieri enim non posse rebatur, liberos manere eos, qui vinculis hujuscemodi indui sese paterentur. Nam lege quadam naturæ, qui ab alio indebitum accipit, debitorem se ejus constituit, & ad officium aliquod mutuum obligat, obligatumque se sentit. Quapropter lege sancitum Athenis erat, ut in cæteris quidem pecuniariæ rationis injuriis dupli pœna posceretur: in eos verò, qui largitione corrumpi se sinerent, decupli multa, aut morte animadverteretur, ut isto modo, quemadmodum loquitur Dinarchus vetus orator, Demosthenis inimicus, nummarius ille affectus reprimeretur. Nec verò in lege solum sic scriptum fuit, sed etiam ex legis præscripto re ipsa pœnæ de fontibus sumptæ. Nec heic viris illustribus, imò verò etiam benè de patria meritis parsum. Non enim, ait Demosthenes, ex majorum sensu hac de re disserens, ex semisse bonos esse oportet, quibus respublica committitur. Exemplo sunt Timotheus

Cononis filius, suis & parentis rebus gestis & benè meritis clarus, qui propterea quod fateretur, se, cum rempublicam gereret, à Rhodiis & Chiis, Atheniensium tunc sociis, pecuniam accepisse, iudicio constituto centum talentis mulctatus est: Epicrates vir frugi, & civis alioqui reipublicæ utilis ac popularis, ex eorum numero, qui tempore xxx tyrannorum populum ex Piræo in urbem reduxerant, convictus non rectè obitæ legationis, & admittæ largitionis suspectus cum collegis, idcirco capitis damnatus, & in exilio vivere coactus: Thrasylbulus Thrasylbulo natus eo, qui Phylen contra eosdem xxx tyrannos occupaverat, & princeps restitutæ libertatis fuerat, ob similem culpam x talentis mulctatus. Illustrissimum verò exemplum cæteris antiquius Callias fuit Hipponici filius, Calliæ ὁ Ἀκκροπλάτης nepos, cujus soror Hippareta præclaræ indolis femina Alcibiadi Clinix denupsit, ipse maritus Elpinices filix Miltiadis, germana Cimonis ducis clarissimi. Hic Callias, partis à Cimone affine contra Persas illustribus victoriis circa Cyprum, Persisque fortunâ Cimonis & Atheniensium consternatis, atque ad pacem se offerentibus, obitus Cimonis ignavis,

qui Citium Cypri urbem obsidens in
 castris fato functus erat, ad Artaxerxem
 Longimanum Persarum regem cum
 aliis ex urbe Atticâ missus percussio fac-
 dere pacem cum eo firmavit. Quâ de
 pace Demosthenes affirmat, pulchrio-
 rem eâ nec ante nec post à civitate At-
 ticâ factam neminem posse dicere. Sic
 enim in conditionibus ejus convénit,
*ut civitates omnes Græcæ in Asiâ libera-
 ac sui juris essent: nec liceret regiis pro-
 prius cum exercitu terrestri ad mare ac-
 cedere quàm trium dierum itinere, aut,
 ut loquitur orator, quantum equus uno
 die decurrere posset, nec intra Chelidoneas
 insulas, quæ ad Phaselidem urbem Pam-
 phylia sita sunt, & Cyaneas supra os Ponti
 Euxini, navi longâ navigare.* Quod
 gloriosum utique civitati Atticæ, cujus
 virtute ac fortibus ausis pax hujusmodi
 parata, atque omnibus Græcis fuit. Et
 tamen idem Callias legationis istius
 princeps, & tam gloriosæ atque utilis
 pacis patrator cum domum redisset,
 propterea quod à rege munera accepisse
 crederetur cum legatus esset, parum
 absuit, quin capite pœnas daret: in ra-
 tionibus autem referendis in L talenta
 pendenda damnatus fuit, ut testatur
 Demosthenes. Adeò oderant Athe-
 nienſes istorum temporum eos, qui do-

na à regibus & principibus exteris acciperent. Dona enim hujusmodi autamenta quædam, quibus se donantibus accipientes obligarent, existimabant. Domi verò, aut foris pecuniam capere, & operam suam dantibus pollicentibusve vendere, aut cum quocquam de republica pacisci, flagitiosissimum & non una pœna luendum arbitrabantur. In hanc rem collimabant leges, quas Demosthenes obiter, ac aliud agens recitat in Leptinea & Mediana. Prioris verba hæc sunt: *Si qui promissu vel populum, vel senatum, vel judicium circumveneris, is capite pœnuset.* Posterioris ita habent: *Si quis Atheniensium aliquid ab aliquo acceperit, aut ipse alteri dederit, aut pollicitus aliquos corruperit ad nocendum populo; atque etiam, si idem per civem aliquem quocunque modo aut machinatione fecerit, ignominiosus esto tum ipse, tum liberi, tum quicquid ejus est.* Evidentiora sunt Græca: Ε' αὐτῆς Α'θῶν αἰῶν λαμβάνῃ ὧδ' ἢ αὐτὸς διδῶν ἑτέρῳ, ἢ ἀφ' αὐτοῦ πινυῖν ἐπαγγελόμενος ἐπὶ βλάβῃ τῇδε, ἢ ἀφ' αὐτοῦ πολεμῶν, τῷ πᾶσι ἢ μηχανῇ ἢ πνίγειν, ἄτιμος ἔστω, καὶ παῖδες, καὶ τὰ τέκνα. Α' τιμος autem significabat exclusum omni ho-

nore & administratione reipublicæ ac usu forensi, ignominiosum, infamem, intestabilem, toto denique jure civitatis privatum, quasi exulem in patria inter suos viventem: de quo Isocrates, *Longè miserius est apud suos cives ignominiosum vivere, quàm apud externos exulare.*

Itaque merito viro ingenuo ἀντιπρό, hujusmodi morte naturali gravior erat. Nec facilè latère peccata magistratuum Athenis poterant, ac impunè cedere propter Θύρας & ἐξέλας, de quibus in capite de magistratibus suprà diximus. Eodem illo tempore vigeant etiam aliæ præclaræ in civitate leges de publico & privato jure, quas sparsim apud Demosthenem, Æschinem, Lysiam, cæterosque ejus sæculi oratores, ac scriptores veteres alios legimus. In earum numero ponimus eas, quas Dinarchus in investiva in Demosthenem memorat, ubi ait, leges Atticas oratoribus & belli ducibus edicere, si fidem sibi haberi à populo velint, ut liberos suscipiant, & fundum intra limites, id est, patriæ fines possideant, & omnibus æquis pignoribus depositis sic demum populo præstare instituunt. Existimabant enim viri prudentes, sine pignoribus hujusmodi, quibus non bonorum solum, sed etiam malorum fides obligari

potest, haud temere magna reipublicæ munera cuiquam committi oportere. Norant quippe, præter commune omnium gentium jus, etiam caritatem liberorum & insitum desiderium & cupidinem servandarum possessionum, privatarum fidem hominum haud leviter obstringere. Legibus quoque cautum Athenis, quod ex Platonis Manexemo, seu oratione funebri, discimus, ut tenuiorum in bello pro patriâ interemptorum, parentes quoad viverent, liberi donec ad pubertatē pervenirent, ex publico alerentur, ac eorum cura singularis à civitate haberetur. Incitamentum maximum ad amandam patriam, & pericula pro ea promptè fortiterque suscipienda obeundaque. Accedebat alterum, quod ex vetere instituto iis, qui pro patriâ pugnantes mortem oppetierant, honoris ergo publice funus fieret, & oratorum aliquis, qui eloquentia valeret, eorum laudes velut immortalitate dignas nomine patriæ totius oratione funebri consecraret, ac ad imitationem virtutis eorundem præsentēs & post futuros excitaret. Quod præmium ingens apud animos hominum gloriæ cupidissimorum censebatur, & stimulum non parvum ad æmulandum virtutem cæсорum in tuenda pro-

promovendaque patriæ fortuna subdebat. Cujus instituti exempla illustria apud Thucydidem, Lysiam, Platonem, Demosthenem extant. Præclarum, & hoc, ac reipublicæ salutare, quod in oratione altera in Aristogitonem tradit Demosthenes, Solonem tarda supplicia privatis, velocia magistratibus ac *δημαγωγῶν* plebis rectoribus, constituisse, exillimantem, quovis tempore de illis pœnas sumi posse, horum ultionem sine periculo differri non posse: oppressa enim republica (quo plerumq; peccata magistratuum tendunt) non futurum, qui pœnas de iis poscat. Et addit Demosthenes, privatorum delicta similia esse delictis eorum, qui sunt in vulgo nautarum, cum sit navigatio, in quibus minus sit periculi: magistratuum verò peccata peccatis nauclerorum esse affinia, quæ pertineant ad detrimentum ac perniciem totius navis & omnium vectorum. Præterea Solon lege præcepit, ut in primis diligens cura puerorum habeatur, ut ii ludimagistris idoneis & frugi committantur, ut ad vetercundiam & modestiam assuefiant: item quot eorum simul ingredi, quando ludum patere, & è ludo exire, scilicet nec ante Solis ortum, nec post ejus occasum, ne solitudo & tenebræ in occa-

sionem verti possint nequitia, debeant. Præcepit etiam de adolescentulis, & horum congressibus & cætibz solennibus, deque magistratibus eorundem & puerorum curæ præfectis, ut *λειτρχοῖς* gymnasiarchis, choragis. Censuit enim legislator, ait Æschines hæc recitans, puerum rectè educatum in ætate virili utilem fore civitati: malè verò institutum in perniciosum civem evasurum. Ipsa verba legis hæc recitantur: *Puerorum magistri ludos ante Solis ortum ne aperiunt, & ante ejus occasum iterum claudunt: neque fas est iis, qui puerilem aetatem excefferunt, eo ingredi, dum pueri sunt intus, præter filium magistri, aut fratrem, aut generum. His exceptis, si quis fuerit ingressus, capite mulctator. Et gymnasiarchi Mercurialibus nullo modo quemquam adulectum ingredi cum pueris sinunt: sin permiserit, neque gymnasio exclusit, legi de corruptela ingenuorum puerorum obnoxius esto. Choragi autem, qui à populo constituuntur, annum ætatis XL exceffisse debent. Eadem lege gravius pœna irrogatur ei, qui puerum quæstus causa profluit, quive prostituto abutitur. Idem sancitur de eo, qui puero ingenuo contumeliam intulerit, imò etiam qui servile corpus violaverit. Impudicus autem*

omni honore excluditur. Sic enim ait
lex: Si quis Atheniensium se prostituerit,
ei non licet in ix. viros coopari, nec
rem divinam facere, non populi causam
agere, nec ullo fungi magistratu, siue
dormi, siue peregre, siue sortito, siue sus-
fragio mandari solito: neque specialis
mittatur, neque sententiam dicat, neque
in publica sana ingrediatur, neque in
fessu solennibus de more coronam gestet,
neque intra fori septa progrediatur. Si
quis autem hac fecerit, impudicitia con-
demnatus, morte mulietur. Huic sub-
jungit Aeschines eodem loco in Timar-
chæ legem aliam Solonis priori, cognatam,
de iis, qui vetantur in concione
sententiam dicere, & concionari: quam
ait legislatorem inchoare ab admoni-
tione tacita, de servanda modestia &
bono ordine. Post sacra peracta, &
vota patriæ voce præconis concepta, in-
quit, jubentur præsides concionis per præ-
conem rogare, an quis ultra L. annos na-
tus verba velit facere? deinde auditus
omnibus quinquagesimum ætatis annum
egressu, tum demum ceteri, quibus per
leges licet, si velint, permittuntur dicere.
Subjicit his Aeschines: Considerate A-
thenienses, quàm rectè. Non ignorabat
legislator, in natu majoribus vigere pru-
dentiam, audaciam sensim desicere in iu-

ob rerum uſum. Volens igitur prudentiſſimos quoſque conſueſacere, ut ſententiam neceſſario ſibi dicendam putent, & cum nominatim ſingulos appellare non queat, communis totius ætatis cognomine uſurpato ad ſuggeſtum vocat, ac ad dicendum adhortatur: eademque opera etiam iuniores reverentiam exhibendam eſſe ſenioribus docet, iis que priorem in rebus omnibus locum concedendam, & honorem ſenectuti habendum, ad quam peruenturi omnes ſimus, niſi nos fata interceperint. Poſtea ad verba legis accedit, quæ oſtendunt, eos qui turpem vitam egerint, à dicendo eſſe prohibitos. Si quis, inquit legiſlator, patrem aut matrem verberaverit, aut non aluerit, aut domum iis non præbuerit, verba facere non permittitor: item, ſi quis imperator ſibi expeditiones non obierit, aut clypeum abjecerit: ſi quis meretricium quaſtum fecerit, aut pudicitiam proſtituerit: ſi quis patrimonium, aut bona hæreditaria per luxum abſumpſerit, ſuggeſtum conſcendere & ad populum dicere non ſinitor. Atque his ruruſum ſubjicit Aſchines: Nam qui ſuam familiam malè adminiſtraverit, eodem modo rem publicam quoque curaturum ſapiens legiſlator cenſuit, neque fieri poſſe exiſtimavit, ut idem homo & privatus eſſet improbus, & publice

blisè bonus ; aut decere , ut orator suggestum conscenderet , qui orationis habenda prius , quàm degenda vita rationem duxisset . Nam viri boni orationem quæmvīs nudam ac simplicem auditoribus profuturam ; hominū autem improbi , qui & corpus suū risū exposuerit , (id fecerat Timarchus ,) & patrimonium devoraverit , quantumvis ornatam , non fore è re auditorum . Et paulò post addit idem , proximis diebus noyam legem latam ob Timarchi petulantiam , ut sortitò tribus designetur , quæ præsideat circa suggestum , & leges ac rempublicam tueatur contra homines improbos . Deinde recitat integram legem ad coercendam oratorum petulantiam pertinentem . Si quis oratorum , ait lex , in senatu , aut pro concione , vel non seorsim de re propositâ , vel bis de eadem re apud eosdem dixerit ; sive concionando , sive maledicendo alicui , sive pede supplodendo ; vel inter decernendum importune locutus fuerit de rebus à suggestu alienis , vel aliquem concitaris , vel praefectum traxerit , dimissa concione aut senatu ; ejus multandi potestas esto penes praesides usque ad drachmas L : deinde unaquæque injuria inscribatur exactoribus . Quod si gravio remeruisse panam videbitur , indicta multa usque ad L drach-

drachmas, deferunto ad senatum, aut prima concione in curia. Vbi autem citationes recensuerint, judicanto: quod si condemnatus, clam suffragia ferentibus senatoribus, praesides exactoribus legum eum inscribunto. Haftenus verba novae legis. In eadem Timarchæâ ab Æschine memoratur lex à Solone quondam scripta de disciplinâ matronarum, cujus hæc sententia: Mulierem apud quam adulter fuerit deprehensus, ornari vetat, ac in sana publica ingredi, ne suo interventu integras matronas corrumpat, Quod si intraverit, aut se ornaverit, quamvis vestimenta ejus dilacerare, ac ornatum diripere jubet, verberibusque eam excipere, veruntamen citra cadem ac mutilationem. Hac ratione, ait Æschines, mulierem talem omni dignitate privat, & vitam ipsâ morte acerbiores ei reddit. Lenones item accusari Solon jubet, & convictos capite plecti; propterea quod mercede locata sua impudentia iis, qui delinquere quidem cupiunt, attamen colloqui inter se verentur, efficere solent, ut periculum faciant, & colloquantur. Notandum verò, quod Æschines idem Timarchum arcessiens monet iudices, non solis testimoniis standum in cognoscendo & ferenda sententia, sed ejus qui arcessitur, mores & reliquam

quam vitari intuendam, indeque de eo
formandum iudicium : alioqui enim
multa scelera , quæ clam patrantur,
mansura impunita : imitandosque heic
Areopagitas , qui deficientibus testibus,
& non obstante ornata & speciosa rei
defensione ex conscientia sua , & dili-
genti inquisitione , sæpè iudicium ferre
solent. Vbi inter alia hæc verba habet:

*Quæ enim aut grassator , aut fur , aut
adulter , aut homicida , aut gravissimu-
rum scelerum designator , modo occulte
facinus patret , pœnas dabit ? Inter hos
enim ii , qui in ipso facinore deprehen-
duntur , & fatentur , statim occiduntur :
qui autem clam patravunt , & insciant
eunt , in iudicium adducuntur : deque
iis , veritas verisimilibus conjecturis est
indaganda. Eamus longius. Lex erat
Athenis , ut , qui ærario aut diis mul-
ctam debebant , si intra præscriptum
tempus non solverent , in vinculis ha-
berentur , quoad solverent. Hanc fir-
mabat lex alia , quâ sanciebatur , ne cui
referre liceret de restituendis honori
ignominiosis (ἀνίμωις) aut de remit-
tenda multa debitoribus ærarii , deo-
rumque , nisi prius decreto suo potesta-
tem ejus rei dedissent Atheniensium sex
millibus haud pauciores , idque per suf-
fragia occulta : tum demum liceret ,*
quæ-

quatenus senatui populoque videretur. Quibus legibus derogare aut abrogare conatus fuit Timocrates lege nova à sese rogata, cujus hæc erat sententia: *Si quis ararius sive ex lege, sive ex decreto vinculis est damnatus, aut damnabitur in posterum, ei liceat vades dare pecunia debita certo solvenda, quos vades probaverit populus, atque ita carcere exire: nec liceat praesidibus id recusare: qui si bonâ fide pecuniam solverit, liber sit ipse & vades ejus: si non solverit praefixo tempore, ac vades ejus, ipse in vincula retrahatur, vadium verò bona publicentur.* Sed an Timocrates legem pertulerit, id est, populo eam probaverit, incertum: mihi quidem non verosimile. Leges aliæ à Solone latæ, in Timocrate à oratore recitatæ, quæ jusserunt, *peculatus convictum, nec tamen capitis damnatum vinculis addici: malè tractatorum parentum compertum, & nihilominus foro se ingerentem in carcerem conjici ab XI-viris: militia desertorem etiam, si sibi idem jus arroget, quod ceteri cives habent, quorum salvum caput est, vinciri apud XI-viros: furem, si res furtiva à domino recuperata fuerit, dupli damnari, sin minus, decupli unâ cum adiutoribus, unoque cum pede in compede esse per dies quinque rotidemque noctes,*

noctes, si Heliam ad censueris: reos manifestos: deserti militia, & impietati in parentes ab xi-viris introduci in Heliam, accusari verò à quolibet qui volueris, si lege non prohibeatur: Heliam multam aestimare, si pœna pecuniaria erit: damnatos in vinculu teneri, donec solverint. Alia lex Solonis de furto in oratione eadem: Si quis interdum supra L drachmas furatus fueris, abduci liceat ad xi-viros: si qui verò noctu quippiam surripueris, eum & occidere, & inter persequendum vulnerare, & ad xi-viros, si cui lubet, abducere fas esto. Convicto autem eorum facinorum, propter quæ in vincula licet abripi, non liceat datis vadibus satisfacere pro furtis, sed mors pœna esto. Ac si qui è Lycæo, aut ex Academiâ, aut Cynosarge vestem aut lagunculam, aut quicquam aliud minimi precii, aut aliquod vasculum è gymnasis aut portubus surripueris, supra x drachmas, etiam hic capite pœnas dato. Si quis verò privato iudicio furti convictus fuerit, ei permittitur duplum aestimata litis solvere: penes iudices verò esto furem præter argentum ad quinque dierum totidemque noctium vincula damnare, ut omnes eum vinculum esse videant. Quod eò pertinebat, ut fur velut homo flagitiosus, quod reliquum ei vitæ futurum erat,

potest, haud temere magna reipublicæ munera cuiquam committi oportere. Norant quippe, præter commune omnium gentium jus, etiam caritatem liberorum & insitum desiderium & cupidinem servandarum possessionum, privatarum fidem hominum haud leviter obstringere. Legibus quoque cautum Athenis, quod ex Platonis Manexemo, seu oratione funebri, discimus, ut tenuiorum in bello pro patriâ interemptorum, parentes quoad viverent, liberi donec ad pubertatē pervenirent, ex publico alerentur, ac eorum cura singularis à civitate haberetur. Incitamentum maximum ad amandam patriam, & pericula pro ea promptè fortiterque suscipienda obeundaque. Accedebat alterum, quod ex vetere instituto iis, qui pro patriâ pugnantes mortem oppetierant, honoris ergo publice funus fieret, & oratorum aliquis, qui eloquentia valeret, eorum laudes velut immortalitate dignas nomine patriæ totius oratione funebri consecraret, ac ad imitationem virtutis eorundem præsentis & post futuros excitaret. Quod præmium ingens apud animos hominum gloriæ cupidissimorum censebatur, & stimulum non parvum ad æmulandum virtutem cæсорum in ruenda pro-

promovendaque patriæ fortuna subdebat. Cujus instituti exempla illustria apud Thucydidem, Lyfiam, Platonem, Demosthenem extant. Præclarum, & hoc, ac reipublicæ falutare, quod in oratione altera in Aristogitonem tradit Demosthenes, Solonem tarda supplicia privatis, velocia magistratibus ac *δημαγωγῶν* plebis rectoribus, constituisse, existimantem, quovis tempore de illis pœnas sumi posse, horum ultionem sine periculo differri non posse: oppressa enim republica (quo plerumq; peccata magistratuum tendunt) non futurum, qui pœnas de iis poscat. Et addit Demosthenes, privatorum delicta similia esse delictis eorum, qui sunt in vulgo nautarum, cum sit navigatio, in quibus minus sit periculi: magistratuum verò peccata peccatis nauclerorum esse affinia, quæ pertineant ad detrimentum ac perniciem totius navis & omnium vectorum. Præterea Solon lege præcepit, ut inprimis diligens cura puerorum habeatur, ut ii ludimagistris idoneis & frugi committantur, ut ad verecundiam & modestiam assuefiant: item quot eorum simul ingredi, quando ludum patere, & è ludo exire, scilicet nec ante Solis ortum, nec post ejus occasum, ne solitudo & tenebræ in occa-

sionem verti possint nequitia, debeant. Præcepit etiam de adolescentulis , & horum congressibus & cætibus solennibus, deque magistratibus eorundem & puerorum curæ præfectis, ut *λειτρχηγῆς* gymnasiarchis, choragis. Censuit enim legislator , ait Aschines hæc recitans, puerum rectè educatum in ætate virili utilem fore civitati: malè verò institutum in perniciosum civem evasurum. Ipsa verba legis hæc recitantur : *Puerorum magistri ludos ante Solis ortum ne aperiunto , & ante ejus occasum iterum claudunto : neque fas est* iis , qui puerilem ætatem exceßerunt, eo ingredi, dum pueri sunt intus , præter filium magistri, aut fratrem, aut generum. His exceptis, si quis fuerit ingressus , capite multator. Et gymnasiarchi Mercurialibus nullo modo quemquam adultum ingredi cum pueris sinunto : *sin permiserit , neque gymnasio excluderit , legi de corruptelâ ingenuorum puerorum obnoxius est*. Choragi autem , qui à populo constituuntur, annum ætatis XL excessisse debent. Eadem lege gravius pœna irrogatur ei, qui puerum quæstus causa prostituit, quive prostituto abutitur. Idem sancitur de eo , qui puero ingenuo contumeliam intulerit , imò etiam qui servile corpus violaverit. Impudicus autem

omni honore excluditur. Sic enim ait lex : *Si quis Atheniensium se prostituerit, ei non liceat in ix. viros cooptari, nec rem divinam facere, non populi causam agere, nec ullo fungi magistratu, sive domi, sive peregre, sive sortito, sive suffragio mandari solito : neque fecialis mittatur, neque sententiam dicat, neque in publica fana ingrediatur, neque in festis solennibus de more coronam gestet, neque intra fori septa progrediatur. Si quis autem hac fecerit, impudicitia condemnatus, morte mulctetur.* Huic subiungit Æschines eodem loco in Timarchæ legem aliam Solonis priori cognatam, de iis, qui vetantur in concione sententiam dicere, & concionari: quam ait legislatorem inchoare ab admonitione tacita, de servanda modestia & bono ordine. *Post hæc peracta, & vota patria voce præconis concepta, inquit, jubentur præfides concionis per præconem rogare, an quis ultra L. annos natus verba velit facere ? deinde auditu omnibus quinquagesimum ætatis annum egressu, tum demum ceteri, quibus per leges licet, si velint, permittuntur dicere.* Subjicit his Æschines : *Considerate Athenienses, quàm rectè. Non ignorabat legislator, in natu majoribus vigere prudentiam, audaciam sensim descere in iu-*

ob rerum usum. Volens igitur prudentissimos quosque consuefacere, ut sententiam necessario sibi dicendam putent, & cum nominatim singulos appellare non queat, communitotius atque cognomine usurpato ad suggestum vocat, ac ad dicendum adhortatur: eademque opera etiam juniores reverentiam exhibendam esse senioribus docet, iisque priorem in rebus omnibus locum concedendam, & honorem senectuti habendum, ad quam perventuri omnes simus, nisi nos fata interceperint. Postea ad verba legis accedit, quæ ostendunt, eos qui turpem vitam egerint, à dicendo esse prohibitos. Si quis, inquit legislator, patrem aut matrem verberaverit, aut non aluerit, aut domum iis non præbuerit, verba facere non permittitur: item, si quis imperatas sibi expeditiones non obierit, aut clypeum abjecerit: si quis meretricium quæstum fecerit, aut pudicitiam prostituerit: si quis patrimonium, aut bona hereditaria per luxum absumpserit, suggestum conscendere & ad populum dicere non sinitur. Atque his rursum subjicit Æschines: Nam qui suam familiam malè administraverit, eodem modo rempublicam quoque curaturum sapiens legislator censuit, neque fieri posse existimavit, ut idem homo & privatus esset improbus, & publice

blicè bonus ; aut decere , ut orator sug-
gestum conscenderet , qui orationis ha-
benda prius , quàm degenda vitatio-
nem duxisset . Nam viri boni orationem
quàmvis nudam ac simplicem auditori-
bus profuturam ; hominibus autem improbi-
bus , qui & corpus suum risui exposuerit , (id
fecerat Timarchus ,) & patrimonium
devoraverit , quantumvis ornatam , non
fore è re auditorum . Et paulò post ad-
dit idem , proximis diebus novam le-
gem latam ob Timarchi petulantiam ,
ut sortitò tribus designetur , quæ præ-
spondeat circa suggestum , & leges ac rem-
publicam tueatur contra homines im-
probos . Deinde recitat integram legem
ad coercendam oratorum petulantiam
pertinentem . Si quis oratorum , ait lex ,
in senatu , aut pro concione , vel non seor-
sim de re propositâ , vel bis de eadem re
apud eosdem dixerit ; sive concionando ,
sive maledicendo alicui , sive pede sup-
plodendo ; vel inter decernendum impor-
tune locutus fuerit de rebus à suggesto a-
lienus , vel aliquem concitarit , vel præ-
fectum traxerit , dimissa concione aut se-
natu ; ejus multandi potestas esto penes
præsides usque ad drachmas L : deinde
unaquæque injuria inscribatur exactori-
bis . Quod si graviolem meruisse penam
videbitur , indicta multa usque ad L
drach-

drachmas, deferunt ad senatum, aut prima concione in curia. Vbi autem citationes recensuerint, judicanto: quòd si condemnatus, clam suffragia ferentibus senatoribus, praesides exactoribus legum cum inscribunt. Haftenus verba novæ legis. In eadem Timarchæâ ab Æschine memoratur lex à Solone quondam scripta de disciplinâ matronarum, cujus hæc sententia: *Mulierem apud quam adulter fuerit deprehensus, ornari vetat, ac in sana publica ingredi, ne suo interuentu integras matronas corrumpat, Quòd si intraverit, aut se ornaverit, quamvis vestimenta ejus dilacerare, ac ornatum diripere jubet, verberibusque eam excipere, veruntamen citra cadem ac mutilationem.* Hac ratione, ait Æschines, mulierem talem omni dignitate privat, & vitam ipsâ morte acerbior em reddit. Lenones item accusari Solon jubet, & convictos capite plecti; propterea quod mercede locata sua impudentia iis, qui delinquere quidem cupiunt, attamen colloqui inter se verentur, efficere solent, ut periculum faciant, & colloquantur. Notandum verò, quod Æschines idem Timarchum arcessens monet judices, non solis testimoniis standum in cognoscendo & ferenda sententia, sed ejus qui arcessitur, mores & reliquam

quam vitam inuendam, indeque de eo
formandum iudicium : alioqui enim
multa scelera , quæ clam patrantur,
mansura impunita : imitandosque heic
Areopagitas , qui deficientibus testibus,
& non obstante ornata & speciosa rei
defensione ex conscientia sua , & dili-
genti inquisitione , sæpè iudicium ferre
solent. Vbi inter alia hæc verba habet:
*Quis enim aut grassator, aut fur, aut
adulter, aut homicida, aut gravissimo-
rum scelerum designator, modo occulte
facinus patret, pænis dabit? Inter hos
enim ii, qui in ipso facinore deprehen-
duntur, & fatentur, statim occiduntur:
qui autem clam patrantur, & inficias
eunt, in iudicium adducuntur: deque
iis, veritas verisimilibus conjecturis est
indaganda. Eamus longius. Lex erat
Athenis, ut, qui ærario aut diis mul-
ctam debebant, si intra præscriptum
tempus non solverent, in vinculis ha-
berentur, quoad solverent. Hanc fir-
mabat lex alia, quâ sanciebatur, ne cui
referre liceret de restituendis honori
ignominiosis (ἀνύμῳ) aut de remit-
tenda multa debitoribus ærarii, deo-
rumque, nisi prius decreto suo potesta-
tem ejus rei dedissent Atheniensium sex
millibus haud pauciores, idque per suf-
fragia occulta: tum demum liceret,*

quatenus senatui populoque videretur.
 Quibus legibus derogare aut abrogare
 conatus fuit Timocrates lege nova à
 sese rogata, cujus hæc erat sententia:
Si quis ararius sive ex lege, sive ex de-
creto vinculi est damnatus, aut damna-
bitur in posterum, ei liceat vades dare
pecunia debita certò solvenda, quos va-
des probaverit populus, atque ita carcere
exire: nec liceat praesidibus id recusare:
qui si bonâ fide pecuniam solverit, liber
sit ipse & vades ejus: si non solverit præ-
fixo tempore, ac vades ejus, ipse in vin-
cula retrahatur, vadium verò bona pu-
blicentur. Sed an Timocrates legem
 pertulerit, id est, populo eam probave-
 rit, incertum: mihi quidem non vero-
 simile. Leges aliæ à Solone latæ, in Ti-
 mocrate à ab oratore recitatæ, quæ jus-
 serunt, *peculatus convictum*, nec tamen
capitis damnatum vinculis addici: malè
tractatorum parentum compertum, &
nihilominus foro se ingerentem in carce-
rem conjici ab XI-virû: militia deser-
torem etiam, si sibi idem jus arroget, quod
ceteri cives habent, quorum saluum ca-
put est, vinciri apud XI-viros: furem,
si res furtiva à domino recuperata fuerit,
dupli damnari, sin minus, decupli unâ
cum adiutoribus, unoque cum pede in
compede esse per dies quinque rotidemq;
noctes,

noctes, si Helia ad censuerit: reos manifestos deserti militia, & impietatis in parentes ab xi-viris introduci in Heliam, accusari verò à quolibet qui voluerit, si lege non prohibeatur: Heliam multam asstimare, si pœna pecuniaria erit: damnatos in vinculis teneri, donec solverint. Alia lex Solonis de furto in oratione eadem: Si quis interdium supra L drachmas furatus fuerit, abduci liceat ad xi-viros: si quis verò noctu quippiam surripuerit, eum & occidere, & inter persequendum vulnerare, & ad xi-viros, si cui lubet, abducere fas est. Convictis autem eorum facinorum, propter quæ in vincula licet abripi, non liceat datis vadibus satisfacere pro furtis, sed mors pœna est. Ac si quis è Lyceo, aut ex Academia, aut Cynosarge vestem aut lagunculam, aut quicquam aliud minimi precii, aut aliquod vasculum è gymnasiis aut portubus surripuerit, supra x drachmas, etiam hic capite pœnas dato. Si quis verò privato iudicio furti convictus fuerit, ei permittitur duplum asstimata litis solvere: penes iudices verò est furem præter argentum ad quinque dierum totidemque noctium vincula damnare, ut omnes eum vinculum esse videant. Quod eò pertinebat, ut fur velut homo flagitiosus, quod reliquum ei vitæ futurum erat,

erat, id cum infamiâ exigeret. Lex quoque Athenis hujusmodi fuit : *Si quis aliquem detulisset, id est, crimen intenderet, nec actionem institutam persequeretur, sed acceptâ pecuniâ, aut quâ aliâ ratione, re cum adversario compositâ, ab actione desisteret, ut is, velut prævaricator mille drachmarum mulctam ærario solveret : aut si actionem persequeretur quidem, sed quintam suffragiorum partem inferenda sententia non ferret, ut calumniator aut sycophanta, temere crimen intentans totidem drachmas ærario pendere damna esset : quam mulctam quamdiu non solveret, ab habendis orationibus arceretur.* Quâ lege constrictus Æschines, cum quintam suffragiorum partem in causa Ctesiphontea non tulisset, tum ne mulctam solveret, tum quod pudorem & ignominiam ferre non posset, civitate cessit, & Rhodum exulatum abiit. Eâdem lege reus factus Theocrines, quòd delato ad iudices Micone quodam, acceptâ ab eo pecuniâ, actionem ut prævaricator dimississet, pendere ærario mulctam postulat, & simul aliarum quoque legum violatarum accusatus fuit. Alia lex contra facilitatem condonandi aut ignoscendi : *Si quis supplicarit in senatu aut apud populum, iis de rebus, propter quas vel*
judi-

judicium, vel senatus, vel populus aliquem damnavit, si ipse ararius, priusquam solverit, supplicarit, actio in eum detur perinde ac si quis ararius in Heliacam se ingerat: sin quis alius pro arario intercesserit, priusquam is solverit, bona ejus omnia publicentur: sin praesidum aliquis permisivit referre ad populum, siue ipsi, qui arario debet, siue alicui pro eo deprecanti priusquam solverit, ignominiosus, ἀπμΘ, habeatur. Vtilis omnino lex. Nam nimia facilitas ignoscendi, plurimum expē reipublice nocet. Οὐδὲν γὰρ ὄφελος τῇ πόλει, inquit quidam, ἥ τις μὴ τοῦτο ἐπὶ τὰς ἀδικήτους ἔχῃ. Additur ibidem etiam lex ista: Quibus de rebus judicium prius factum, aut rationes relatae, aut in tribunali suffragiis actum siue privatim, siue publice, aut populo statutum, de his actio ne detur in iudicio, nec 1x-virūm (τῷ δέχοντων) quisquam decernat, neque accusare sinat ea, quae leges non permittunt. Et alia: Iudicia & arbitria, quaecunque secundum leges facta sunt reipublica libera, rata sunt. Quae vero sub xxx tyranno sunt acta, aut iudicata privatim aut publice, irrita habentur. Item: Neque suo esse viro uni legem irrogare, nisi eadem omnes Athenienses
I obliget.

obliget, idque non aliter, quàm si suffragentur, & consentiant per occulta suffragia sex millibus non pauciores. Hanc legem recitat Demosthenes in Timocrateâ : & repetit eandem brevius constructam in oratione secunda in Stephanum ; *Leges autem vetant, inquit, legem ferre de uno viro, nisi eadem feratur de universis Atheniensibus.* In capite aut titulo legum, quibus de rebus actio apud judicem non datur, & experiri non liceat, leges variæ fuere : in quibus has memorat Demosthenes : *Qua res semel in judicio decisa, eas denuò vocare in jus non permittitur : item, de quibus semel cum aliquo transegeris, qua alicui remiseris, de iis actio tibi non datur.* Quam legem ter Demosthenes repetit in orationibus diversis, pro Phormione, in Pantænetum, in Nausimachum. Et alia : *Qua quis oppignoravit, in ea non licet agere contra possessores, nec ipsi, qui oppignoravit, nec heredibus ipsius : in oratione contra Spudiam.* Cui affinis est illa de pupillis : *Si pupilli quinquennium siverint praterire, & in judicium non venerint, actionemve instituerint, non amplius licet iis agere earum rerum, qua ad tutelam attrinent.* In oratione contra Nausimachum : ex quâ hoc quoque liquet, præscriptionem temporis apud

apud Athenienses locum habuisse, & de præscriptis agere in judicio non licuisse.

*De classibus civium ditiorum Athenis,
& instruendū subito triremibus &
permutandū facultatibus.*

DE classibus & lege trierarchicā dixi ante in descriptione reipublicæ Atticæ. Heic facere non possum, quin de instructione triremis, & permutatione facultatum ex oratore nostro in ea, quæ est contra Phænippum, quæ tota hujus materiæ est, adjiciam. Erant *συμμετρίαι* Athenis civium ditiorum numero xx, singulæ capitum lx. Ex omnibus his conficiebatur classis una civium ccc, qui censebantur ditissimi totius civitatis. Iis injungebantur munia difficillima obeunda in casibus & periculis repentinis, ut triremes singulas singulis instruerent pecuniâ suâ, & alia hujus generis. Quam rationem rudem olim, & vacillantem, & suo tempore vitiorum multis modis collapsamque Demosthenes ingruente metu belli Persici latâ lege non solum revocavit in usum, sed etiam meliorem fecit, ut ipse in oratione de coronâ ostendit: ipsam verò emendandi rationem ac modum in oratione *περὶ συμμετριῶν* exposuit. Per-

mittebat autem lex ei, qui imparem se ferendo oneri querebatur, classe illa excedere, si locupletiozem se alium extra classem monstrare posset, monstratusque si se ditiozem fateretur, in classem trecentorum statim transferebatur: sin negaret, poscebatur cum altero permutare facultates. In eâ actione ex lege hæc observari solere, jam dicta oratio nos docet. Primum quotannis permutationes fieri lex permittebat, propterea quod conservatio rei familiaris perpetua, & incrementa ejus paucis omninò civibus, ait orator, contingant. Proponabant verò eas αἱ ἐπιτροπὴ, rei militaris præfecti, circiter initia mensis μὲν Ἰουλίῳ, qui nostro Sextili ut plurimum in anni Attici ratione respondet. Quo tempore qui permutare cupiebat, citabat eum, quem se ditiozem aiebat. Tum statim fundum ejus, & possessiones alias obibat & inspiciebat cum familiaribus & amicis coram ipso possessore: & post cautiones quædam contra fraudem verbis interpositas, ædes obsignabat, ac rerum suarum inspectionem & cautionem eidem possessori offerebat, & alia, quæ ad avertendas fraudes esse poterant, curabat. Quòd si possessor signa revelleret, ædesque ingrederetur, aut quicquam contra

eondicta & morem faceret, in legem
 peccare censebatur, nec id ferebat im-
 punè. Dein juratus promittebat, verè
 ac rectè se editurum facultates suas,
 quod die $\alpha\iota$ $\beta\omicron\alpha\delta\delta\omicron\mu\omicron\iota\omega\iota$ Attici fecis-
 se Phænippum demonstrat orator, ju-
 bebaturque secundum legem tertio die
 post datum iusjurandum facere, quod
 pollicebatur, nisi fortè permittente a-
 ctore ex conventionè amicà res diutius
 in dies paucos differretur. Quod factum
 in causà Phænippi, dolosè id ab actore
 impetrantis, oratio eadem docet. Post
 actor si promissà non præstari, ac in
 fraudem se duci animadverteret, libel-
 lum complexum querelas, & acta in
 prætorium, τὸ $\pi\omicron\lambda\iota\tau\omicron\iota\kappa\omicron\nu\mu$, ad strategos
 inferebat, & eorum opem, velut judi-
 cium in his causis implorabat. In edi-
 ctione verò possessionum per legem aut
 edictum excipiebantur argenti fodinæ,
 quæ erant in agro Attico, quas perimu-
 rare, utpote immunes ab oneribus pu-
 blicis, non erat necesse. $\Sigma\tau\epsilon\alpha\tau\omicron\gamma\iota$ de-
 mum iudicium interponebant, cui pa-
 rère litigantes oportebat.

Ius civitatis Atticæ pretiosum.

QVanti jus civitatis suæ fecerint A-
 thenienses, prius etiam ostendi in
 I 3 genere

genere. De quo clarissimè Demosthe-
 nes in Neæram. *Populus Atheniensis,*
 inquit, tam præclarum & splendidum
 donum censuit, fieri civem *Atticum*, ut
 ipse sibi leges præscripserit, quibus legibus
 faciendus sit, si quem donatum civitate
 velint. Earum prima hac, ne quem fa-
 cere liceat *Atheniensem*, nisi qui propter
 strenuam populo *Attico* navatam operam
 & fortitudinem fieri civis mereatur. De-
 inde si persuasum populo fuerit: ut det id
 munus, ratam tamen cooptationem esse
 non sinit, nisi concipne sequente viri am-
 plius sex mille *Athenienses* occultis (id est,
 liberioribus) suffragiis eam comproba-
 rint. Senatores autem jubet hac lex suf-
 fragiorum urnas proponere, & calculos
 dare accedenti populo, priusquam hospi-
 tes ingradientur, & premia auferant, ut
 unusquisque sui juris adhuc secum ipse
 consideret, quem civem sit factururus: an
 eo munere dignus sit is, qui accepturus sit?
 Post hac violatarum legum actionem cui-
 vis *Atheniensium* in eum dedit: licet que
 ingresso in iudicium, re vincere, non di-
 gnum esse eum munere illo, sed contra le-
 ges *Atheniensem* esse factum. Et jam
 nonnullis usu venit, inquit orator, ut da-
 to munere per populum, flagitantium
 verbis deceptum falsa rogationis actione
 apud iudices propositâ, is qui munus ac-
 cepe-

ceperat, convinceretur munere indignus
 esse, eoque iudicium sententiâ spoliaretur.
 Sic ferè interpretæ Hieronymus VVol-
 fîus, quem libenter sequor. Sed Græca
 hîc illic significantiora sunt: quemad-
 modum statim initio legis. Πρῶτον μὲν
 γὰρ νόμος ἐστὶ τῶν δήμων κείμενος, μὴ
 ἐξείναι ποιήσασθαι Ἀθωαῖον, ὃν αὐ-
 τοὶ δὲ ἀνδραγαθίαν εἰς τὴν δῆμον τῶν
 Ἀθωαίων, ἀξιοῖν ἢ γινώσκειν πολίτην.
 Ἐπεὶ τὸ ἐπεδὶν πρὸς τὸν δῆμον, καὶ δὲ
 τὴν δωρεάν, ὅσα ἐὰν κυρίως γινώσκειν
 τὴν ποιήσιν, εἰαν μὴ τῇ ψήφῳ εἰς τὴν
 ἐπιστάντων ἐκκλησίαν ὑπερεξακιθάλοι
 Ἀθωαῖοι ψηφίσαντες, κερύεδον ψηφι-
 ζόμενοι. τὸς δὲ πρὸς αὐτοὺς κελύει πῆ-
 ραι τὸς κελύει οὐ νόμος, καὶ τὴν ψή-
 φον διδόναι παρὰ τὸν δῆμον πρὸς
 τὸς ξένους εἰσίναι, ἐπὶ τὰ γέγραπτα ἀναρῶν
 εἶνα κύριος ὡς αὐτοὶ αὐτῷ ἔχουσιν.
 σκοπεῖται παρὰ αὐτὸν, ὃν ἵνα μέλλει
 πολίτην ποιήσασθαι, εἰ ἀξίος ἐστὶ τὴν
 δωρεάν ὁ μέλλων λυψίως. Pro, τὰ γέγραπτα,
 autem, quomodò legit VVolfius, non
 dubito quin legendum sit, τὰ γέγραπτα,
 ut legit heic Harpocration, & ex eo
 Henricus Stephanus in thesaurο Græcæ

lingua. Ea verò erant *σεπτάλινα*
τ' ἀγροῦς, septa fori lintea, aut vimini-
 nea, quæ subito tolli poterant, cum
 concio frequens esset habenda. Largius
 hoc aut laxius apud Romanos quàm
 apud Athenienses. Nam apud illos,
 quem quilibet civium è servitute ma-
 numittebat, simul cum libertate jus
 Romanæ civitatis ei tradebat, ut civis
 fieret libertinus, & ex eo ac sœminâ li-
 berâ justis nuptiis geniti, cives ingenui.
 Populus autem totas civitates populof-
 que atque adeò integras nationes jure
 civitatis suæ donabat. Quod utrumque
 majestatem sive dignitatem juris illius,
 quo singuli cives præditi erant, quo-
 dam modo minuebat, & quasi viliorẽ
 reddebat, ac penè polluebat: tandem-
 que cum ea res nimis latè diffunderetur
 (quod factum sub Imperatoribus) im-
 perio Romano exitium attulit. At A-
 thenienses parciores in eo fuere, & ma-
 jorem conservandæ dignitatis impollu-
 tæ juris istius sui habuere. Nam contra
 eos, qui obrepere in civium numerum
 studebant, comparata apud eos erat ge-
 mina illa *δικιμασία* juniorum, cum in
 album curialium primum, deinde, bien-
 nio post, in tabulas popularium, quas
ληξιαρχικαὶς vocabant, inscriberentur,
 de

de qua in delineandâ reipublicæ hujus
 forma nobis dictum. In quas easdem ta-
 bulas referebantur etiam nomina eo-
 rum, qui civitatis jure à populo dona-
 bantur: quî fiebat, ut pro nothiis aut
 falsis civibus haberentur, quotquot in
 his tabulis inscripti non reperiiebantur.
 Inprimis verò huc faciebat lex, cujus ve-
 stigia tum alibi, tum in oratione contra
 Eubulidem extant, & cujus summam
 exposuit autor argumenti, eidem ora-
 tioni præfixi: quæ verè ac propriè *νε-
 γερωτος* vim habuit ad expellenda re-
 crementa civitatis. Scribitur, inquit,
lex apud Athenienses, ut inquisitio fiat in
eos omnes, qui sint in civitatibus album in-
scripti, civesne germani sint, an non: &
ut ii, qui non & patre & matre cive na-
ti sint, deleantur: utque populares de om-
nibus sententiam ferant, & qui horum
suffragiis reprobati fuerint, & lata sen-
tentia acquieverint, deleti inter inqui-
linos censcantur: ii verò, qui velint, con-
cedatur appellatio ad iudices: qui si et-
iam in iudicio convicti fuerint, vendan-
tur: si non fuerint ab illi, cives sint. In
 hac autem disquisitione ac iudicio ni-
 hil omninò faciebat, divesne aliquis ef-
 fet, an pauper. Nam non minus pau-
 per quàm dives civis esse poterat, leges-
 que vetabant, ne quis pauperi, si modò

vitz esset integræ, ob paupertatem insultaret: eam quippe miseratione magis quàm insultatione ac injuriis esse dignam: potiorque ducebatur civis pauper quàm locuples peregrinus. Peregrinum quippe adeò civili jure leges excluderant, ut ne quæstum in foro Attico eum facere permitterent. Quod à Solone profectum multo tempore ab Antiphonte denuò sancitum esse, & suo quoque sæculo valuisse, orator contra Eubulidem ostendit.

Leges matrimonii.

NOTANDÆ verò cum primis matrimonii leges: quæ quidem non semper eadem, sui que similes fuere. Solon enim etiam cum peregrinâ matrimonium inire, id est, peregrinam pro conjugē habere, civi Attico permisit, liberosque tali matrimonio genitos civium in numero censeri voluit, quamvis vulgò ὀφθαίμης dicerentur: quod in duobus summis belli ducibus, Themistocle & Cimone, utroque matre Thressâ nato, est notatum. Postea Pericles ὀφθαίμης hujusmodi lege latâ civium jure exclusit. At Demosthenis sæculo cum peregrinâ fœminâ jungi civem Atticum, aut virum peregrinum cum fœmina cive Attica,

tica, omnino vetitum. Sic enim lex hac
 de re habuit: *Si peregrinus mulierem ci-
 vem Atticam duxerit quacunque arte
 aut machinatione, qui viv Atheniensium,
 cui id licet, eum apud Thesmothetas ac-
 cusato. Qui si damnatus fuerit, venun-
 detur tum ipse, tum res ejus familiaris: &
 triens esto ejus, qui rem peregerit. Si-
 militter si & peregrina civi Attico nu-
 pserit, pari ratione ut etiam qui peregri-
 nitatus damnatam habuerit in matrimo-
 nio, mille drachmis mulctator. Cui legi
 altera affinis in eadem oratione contra
 Neæram recitata est ista: Si quis viro A-
 theniensis peregrinam mulierem pro sua,
 id est, ex se genita, elocaverit seu de-
 sponderit, ignominiosus esto: & ejus res
 familiaris publicator; & triens esto ejus,
 qui ipsum convicerit: arcessitor autem
 apud thesmothetas ab aliquo ex iis, qui-
 bus licet, velut peregrinitatū. Et rursum
 alia ibidem: Qui adulterum cum uxore
 sua deprehendit, ei non liceat eandem in
 matrimonio retinere: si retinuerit, &
 cum ea porro consueverit, ignominiosus
 habetor. Fœmina deprehensa finis pu-
 blica ingredi prohibetor ne sacra prophe-
 nes aut polluat: & si contempta lege in-
 gressa fuerit, à quo viv impune male mul-
 ctator, vitâ solummodo incolumi. Solo-
 nis verò lex fuit, quam Plutarchus me-
 morat*

morat in ejus vita, & cujus à me men-
 tio est facta in descriptione reipublicæ
 Atticæ, quæ concessit marito, adulte-
 rum cum uxore sua deprehensum confe-
 ssim occidere: idem permisit viro in
 eum, quem in stupro cum concubinâ
 sua deprehenderit. Quæ lege tuetur se
 in judicio, apud oratorem Lysiam, qui
 semet Eratosthenem in adulterio cum
 conjugæ repertum fateretur trucidasse, &
 affirmat, legem hanc apud Arcopagitas
 in columnâ incisam fuisse. Verum si
 quis alius adulterum cum conjugæ al-
 terius in ipso facinore reperit, sive is
 pater fœminæ adulteræ sit, sive frater
 aut propinquus, ei leges non permise-
 runt, statim adulterum interimere, sed
 potestatem dedere conjiciendi illum in
 vincula, & deferendi apud magistra-
 tum, accusandique, si quid esset, quod
 controversiam haberet, in judicio: ju-
 dices secundum leges de reo statuebant.
 Cujus juris vestigia extant in actione
 Demosthenis contra Næram. Sed illa
 præ cæteris insignis lex est ad matrimo-
 nium pertinens, quæ sanxit, *quam fæ-*
minam legitime marito desponderit pa-
ter, vel frater consanguineus, eodem sci-
licet patre natus, vel avus paternus, ex
ea natos liberos legitimos seu germanos
esse: illorum verò si nullus fuerit, sit que
puella

puella aut famina ἐπίκληρον, id est, orba in nullius potestate, ac sola parentum heres, accipere hanc illam, cui id ius legibus tributum: si nec is fuerit, fieri eam ejus, cui ipsa se permiserit. Hic enim verus verborum Græcorum sensus est, quamvis obscuriora ea esse videantur. Quæ ut à Demosthene recitata sunt oratione alterâ contra Stephanum, heic adscribo: Ἡ δὲ αὖ ἐχούσῃ ἐπὶ διαγίῃσι δάμαρτα εἶναι ἢ πατὴρ, ἢ ἀδελφὸς ὁμοπατέρ, ἢ πύπῃ ὁ ὡς πατὴρ, ἐκ ταύτης εἶναι πάντας γνησίους. ἐὰν δὲ μηδεὶς ἢ τέτων, ἐὰν μὲν ἐπίκληρός τις ἦ, τὸ κύριον ἔχον· ἐὰν δὲ μὴ ἦ, ὅτῃ αὖ ἐπιτέλει, τῶτον κύριον εἶναι. De fœminis quidem ἐπικλήροις satis conveniunt optimi quique autores, significari hac voce eas, quibus sine aliorum consortio hæreditates obveniebant, & quæ tanquàm pupillæ in nullius suorum potestate erant, quarum curam archontes ἐπώνυμοι gerebant, sive in re essent amplæ, sive arctæ. Ius verò Athenis erat, proximos agnatos eas, si innuptæ essent, sibi despondere & uxores capere, & una cum iis possessionem hæreditatis earum seu dotis adipisci. Ex qua re sæpe contentiones inter agnatos com-

competitores existerent, & iudicio archontis ut plurimum definiebantur, aut ab eo ad iudicia superiora referebantur. Quam ob causam eadem puellæ aut fœminæ etiam ἐμίδρυσι, quòd iudicio de iis certaretur, dicebantur. Quòd si pupillæ huiusmodi inopes essent, cogebantur nihilominus sanguine proximi eas uxores ducere, aut de suo dotem fortunæ congruam, iis dare. Nec deerat iisdem respubl. si hoc quoque subsidio fortè destituerentur, nimirum si ipsi propinqui egeni essent, modò ipsæ formæ essent mediocres, ne ob ejus defectum nuptiis fastidirentur. Quod arguunt Demosthenis verba contra Neæram. Ait enim, iudices appellans: *Quapropter & civium nostrarum rationem habete, ut ne pauperum filia nuptum collocari nequeant. Nunc enim tametsi aliqua paupercula est, dotem ei satis magnam confert lex, si mediocrem duntaxat à natura formam acceperit.* Vnde verò impendia hæc in paupercularum dotes respub. sumpserit, ex pretio-ne venditorum scortorum, an mulcta alia impudicorum, incertum. Illud quidem verba Demosthenis hoc eodem loco significare videntur. Nisi fortè toto isto loco orator legem eam intelligat, qua proximus agnatus jubetur pro faculta-

rum suarum modo pupillæ huiusmodi dorem conferre, aut ipse eam ducere, dummodò à natura formæ sit medio-
 cris. In utroque certè legis beneficium fuerit. Sed ἀπορῶ. Orator quidem ali-
 bi hac eadem de re post recitatam no-
 bilem legem herciscundæ familiæ sic dis-
 disse: Neque vero, iudices, cum hac legislator sanguine propinquis dederit, alia multa omnino non mandavit, qua
 iisdem propinquis necessario sint facien-
 da: sed omnino multa sunt, quæ lex fa-
 cere jubet propinquos: neque ullum effu-
 gium relinquit, quò minus ea facere sit
 necessum. Et his legem ipsam subjicit,
 cujus hæc sunt verba: Pupillarem ali-
 quam, quæ in unâ classe censetur (tales
 Romæ erant proletarii & capite censu,) si
 habere noluerit genere proximus, dote
 datâ elocato, prima classu quidem, quam
 πρῶτος κτοῦμεν vocabant, drach-
 mis quingentis, eques autem, id est, se-
 cunda classu civis, trecentis, τρίτος,
 id est, tertia classu, cl, præter ea, quæ
 ipsa habet. Si verò plures fuerint in eâ-
 dem familiâ, proportionem quisque pupilla
 conferat. Quòd si mulieres orba plures
 fuerint, ne necesse sit genere propinquo
 plus unâ elocare, sed proximè sequens aut
 elocato aut ipse duciso. Quòd nisi genere
 proxi-

proximus vel elocarit vel duxerit, archon eum cogat aut elocare, aut ipsum ducere. Quod si archon non coegerit, debeat mille arachmas sacras Iunoni. Cites autem eum, qui deest claverit, qui vii ad archonem. Textus Græcus sic habet:

Τῶν ἐπικληρών ὅσῃ θηλικὸν τελέσῃ, εἰὰν μὴ βέληται ἔχῃν ὁ ἐχθύτατα γλύξῃ, ἐκδιδόντω ἐπιδόξῃ, ὁ μὲρ πεντακκοζιομέδιμνον πεντακκοσίας δραχμὰς, ὁ δὲ ἰππῶδες τριακκοσίας, ὁ δὲ ζούγίτης ἐκατὸν πεντήκοντα ἑξῆς εἰς αὐτῆς. εἰὰν δὲ τελείῃς ὧσιν ἐν τῷ αὐτῷ γλύξῃ, τῇ ἐπικληρῷ ἑξῆς μίερον ἐπιδιδόντω ἔχῃται. εἰὰν δὲ αἱ γυναῖκες τελείῃς ὧσι, μὴ ἐπάναγκες εἶται τελείαν ἢ μίαν ἐκδόντω τῷ γλύξῃ. ἀλλὰ τὸ ἐχθύτατα δεῖ ἐκδιδόντω, ἢ αὐτὸν ἔχῃν. εἰὰν δὲ μὴ ἔχη ὁ ἐχθύτατα γλύξῃ, ἢ μὴ ἐκδῶ, ὁ ἄρχων ἐπάνασκαζέτω ἢ αὐτὸν ἔχῃν, ἢ ἐκδόντω. εἰὰν δὲ μὴ ἐπάνασκαζῇ ὁ ἄρχων, ἐφλέπτω χιλίας δραχμὰς. ἑξῆς τῇ ἡρᾷ, ἀπογραφέτω δὲ τὸ μὴ ποιῆναι ταῦτα ὁ βελόμειον ἑξῆς τὸ ἄρχοντα. Ex oratione contra Macartatum. Ad hanc legum matrimonialium classē pertinet etiam Solonis illa à Plutarcho haud

haud immeritò absurditatis damnata
in expositione vitæ ejusdem, fanciens,
licere fœminæ orbat, quam propin-
quitate jure conjugem sibi ob opes ejus
asseruit proximus agnatus „si ipse ad
concubitum inidoneus sit, & tamen à
dote discedere nolit, ex voluntate ipsius
propinquorum ejusdem unum, quem
velit, ad concubitum admittere, & li-
beros ex eo suscipere, & nihilominus in
matrimonio cum marito eodè manere.
Res sanè, ut ait Plutarchus, cum naturâ
matrimonii pugnans: certè præcipuam
legem matrimonii evertens. Melius Ro-
mani, qui virum hujusmodi conjugem
dimittere, & dotem ei restituere, ac ut
alteri nuberet, cui vellet, permittere
jubebant: concubitus autem tales ex
mariti consensu turpia ac nefaria leno-
cinia esse censebant. Sed Solon hoc le-
gis velamine honori & utilitati mariti,
& procreatione sobolis bono civitatis,
& simul successioni agnatorum in bona
hæreditaria consulere voluisse videtur.
Subjungit Plutarchus illic legem Solo-
nis aliam, quâ jussit, ut nova nupta cum
viro occluderetur, & uterque malo co-
tonco vesceretur bellariorum loco; &
ut utique ter quolibet mense maritus
cum uxore coiret tum ob generatio-
nem sobolis, tum ad alendam inter

K con-

conjuges, mutuam benevolentiam advertendasque simultates atque animorum abalienationem. Dein addit idem Plutarchus, cæteris matrimoniis, nimirum cum feminis, quæ ἐπίκληροι non erant; & hæreditatem in dorem trahebant, dotes Solonem sustulisse, tres tantum vestes, & quædam parvo empta vasa, nec quicquam præterea nubentem secum afferre meritò voluisse. Nam consortium conjugum non pretio aut pecuniâ, sed mutuâ gratiâ ac benevolentia, & desiderio gignendorum legitimorum liberorû coire optimum putavit. Sed in dotis ratione mutatur esse aliquid cum tempore, si hoc verum; quod heic Plutarchus affirmat, res ipsa loquitur, & ea quæ jam antè exposita sunt. Ut autem severus in adulteros fuit Solon, quos in αὐτοφώροις deprehensos, uti diximus, occidi impune permisit, ita nimis lenem fuisse in puniendis raptarum faminarum ingenuarum stupratoribus notat & carpit Plutarchus. Eos enim x tantummodo drachmis mulctasse, & si raptas stupratasque insuper prostituissent, mulctam illam duplicasse ostendit. Quam penam exilem fuisse, homini præsertim locupleti, manifestum est. Sed longinseculè hoc abit ab instituto præsentis.

Id verò propius huc pertinet, quod jam dicam. Passim liquet tum ex Demosthene tum ex autoribus aliis, fas fuisse Athenis, *Atheniensem sororis suæ germana filiam, uxorem habere, & ex ea liberos gignere, & item filiam germani fratris nubere patri suo.* Testantur hoc orationes Demosthenicæ in Neæram & Leocharem. Nec dubitare possum propter rationum similitudinem, quin amicitæ quoque licuerit cum fratris sui germani filio, & materteræ cum filio germano sororis matrimonium jungere. Fratrum autem & sororum liberos, filios & filias nuptias legitimas coivisse, usitatissimum, ut demonstratione non habeat opus. Porro ex actionibus ejusdem oratoris in Aphobum tutorem suum amicitia sua natum, & in Stephanum falsum testem, ut & ex aliâ pro Phormione, claret, apud Athenienses seu lege seu more receptum fuisse, & pro concessio habitum, maritum vitâ decessurum, aut etiam prius, cum placeret, conjugem suam alteri eum dote tradere, idque vel testamento signare, vel sine testamento. Nam ut exempla illustria ex historiis petita silentio præteream, Demosthenes oratoris pater solemnî testamento scripto uxorem Cleobulen Aphobo sororis suæ filio

cum dote liberali despondit. Passio autem Phormioni servo quondam suo, deinde libertate donato, cum versaretur in extremis, conjugem Archippam benè ab se dotatam, ac à Phormione jam antè adamatam per testamenti tabulas, sive veras, sive supposititias (de eo enim in judicio disputatum fuit) similiter transcripsisse dicebatur: factusque est hoc modo Phormio maritus dominæ quondam suæ, sub quâ servitutem ipse servierat. Quod quoniam indignum liberis Archippæ & Passionis videbatur, orator ad demendam factio illi invidiam, in oratione pro Phormione recensuit plura exempla servorum, qui post manumissionem & impetratum civitatis Atticæ jus, ex voluntate priorum dominorum potiti fuerant dominarum suarum nuptiis non solum à dominorum morte, sed etiam dominis adhuc superstitis. Erant enim uxores in potestate maritorum suorum, ut de iis citra maleficio statuerent, quod vellent. Quod argumento est, etiam divortia ibidem in usu fuisse, licuisseque maritis, cum animus ferret, uxores suas dimittere restitutâ dote, & alias sibi jungere: idque factitatum plurimis exemplis constat. Plures autem conjuges in matrimonio simul habere, semper

semper nefas existimatum. Idem de concubinis valuisse ferè est credam, præsertim in loco aut regione eadem, quanquam expressim scriptum id apud probatum autorem veterem hæcenus non legerim, aut certè legissè me non meminerim. Erant enim concubinæ iustarum penè uxorum instar, sæpè maritali affectu à viris adamatæ. Quid arguere videtur possè lex illa ex Lysia antè à me relata, quæ permittit viro virum alterum cum concubinâ suâ in stupro deprehensum occidere, non secus ac si eundem cum iustâ uxore deprehendisset. Vnde conjectare porrò licet, nec more, nec lege permissum fuisse, in æmulationem legitimæ conjugis concubinam ei superinducere. Scortis verò uti maritum, non quidem probum & rectum, sed tamen non nefarium est habitum, nec pœnâ legibus affectum: nec adulterium hoc, sed scortatio est nuncupatum. Pertinet huc Demosthenis locus, qui est in actione contra Nexeram paulo ante ejus finem: quo discrimen demonstrat orator inter legitimas uxores, & concubinas, ac scorta. Nam in matrimonio habere, ait, hoc est, cum qui liberos generat, atque ad curiales & populares sive municipes filios introducit, & filias pro suis nuptum elocat.

*elocat. Meretrices enim voluptatis ergo
 habemus: concubinae ob quotidiana mi-
 nisteria curamque corporis: uxores au-
 tem ad gignendos legitimos liberos, &
 fidelem rei domestica custodiam. Ex so-
 lis igitur justis uxoribus suscipiebantur
 liberi ingenui, qui hæreditates suorum
 adire, & cives fieri poterant, ex concu-
 binis non item, multò minus ex vilibus
 scortis. Quæ oportunè in memoriam
 mihi referunt legem huic materiæ affi-
 nem, quam in eadem oratione idem
 orator recitat: cujus sensus est, pro
 adultero haberi, & in vincula abripi
 jure non posse eum, qui Veneri ope-
 ram dare deprehenditur cum fœminis
 in tabernâ meritoriâ sedentibus aut in
 foro palàm aliquid vendentibus: ὁ πό-
 σις αὖν, inquit lex, ἐπ' ἐργασθείας καί-
 τω), ἢ ἐν τῇ ἀγορᾷ πωλῶσι τι δόλο-
 ς. Hujusmodi autem fœ-
 minam fuisse Phanonem Neære filiam,
 Stephani privignam, cujus consuetu-
 dine sit usus Epænerus Andrius, vetus
 ipsius Neære amasius, nuptam nuper
 civi Attico Phrastori, sed ob vitium na-
 talium ab eo repudiatam, ac ad matrem
 vitricumque Stephanum reversam, at-
 que Epænetum cuncta confitentem de
 consuetudine cum matre & filiâ judicio
 arbi-*

arbitrorum esse absolutum, ex Epæneti actione contra Stephanum orator demonstrat. Satis de matrimoniorum jure, & quæ cum his cohærent. Addo de successione in bona defunctorum, de testamenti factione, de adoptione, de tutelâ, & quæ hujus sunt generis: quæ materia est litigantium apud judices in omnibus civitatibus tritissima. Ante Solonem testamentorum jus & usus Atheniensibus non fuit. Succedebatur in bona demortuorum intestatorum secundum jus in more tunc positum. Valebat autem hæc velut generalis regula, ut sanguine aut jure proximi hæreditates caperent exclusis ulterioribus. Ex semine quippe defunctorum genitis æquiparabantur adoptivi, si ritè facta esset adoptio: de quâ dicendum postea. Solon factionem testamenti introduxit, & legibus definivit. Testamento non scripto (liberum enim hoc erat) hæreditates capiebantur secundum leges à Solone latas. Prima lex eo in casu erat, ut sanguine aut legitimo gradu proximi ante reliquos ad successionem vocarentur. Proximi verò censebantur filii, eorumque liberi masculi, & ex iis porro descendentes ejusdem sexus, si qui essent: si non essent, essent autem superstites solæ filiar, aut ex iis nati aut

natae, his dabatur hæreditas, quibus alioqui, extantibus filiis & eorum liberis maribus, dos tantum modica profacultatum modo ex lege tribuebatur. Censebat enim legislator, maribus, per quos solos familiæ propagabantur, ut se statumque suum commodius tueri possent, tribuendis hæreditatibus esse consulendum. Fuisse autem dotes non magnas, quæ puellis ac fœminis tribui solent, si aliunde non constaret, (constat autem multis modis,) posset ex dispositione testamentariâ Demosthenis ejus, qui pater Oratoris fuit, liquido cognosci: quam dispositionem filius Orator in actione primâ contra Aphobum tutorem suum recitat. Cum enim morientis res familiaris talentis quasi XIII censeretur; & idem moriens unicum filium sibi cognominem, & filiam unicam cum matre eorundem, uxore suâ, in vivis relinqueret, filix duo tantum talenta in dotem, & quidem satis liberaliter, ut significat orator, assignavit: uxori autem, cum quâ dotis acceperat minas tantum L, adjectis isti summe xxx minis aliis, Aphobo agnato suo, & liberorum tutore constituto nupturæ Lxxx minas dotales destinavit, ut tota dos ejus esset in pecuniâ talenti unius & minarum Atticarum xx,
cum

cum usu ædium & suppellectilis, usque
 dum filius Demosthenes ad ætatem vi-
 rilem perveniret. Reliqua omnia cedere
 voluit, ut & cedere jure debebant, soli
 filio. Porro si vitâ decedens relinqueret
 aut fratres eodem secum patre natos,
 quos *γυνίαις* Græci dicebant, & filias
 solas ex se genitas, illi cum hisce ad hæ-
 reditatem admittebantur. Quod docet
 lex contra Macartatum recitata: quan-
 quam textus illic mutilus sit, & inter-
 pres VVolffius, vir cæteroque eruditissi-
 mus, pro fratribus filios, non satis at-
 tendens ad rem, supponat. At si filix
 morienti non essent, fratres *γυνίαις*
 defuncto succedebant. Qui si fratrum
 defunctorum filios in vivis haberent,
 eos etiam secum admittere, & portio-
 nem parentum iis cedere cogebantur.
 Si fratres consanguinei, id est, *γυνίαις*,
 eodem nimirum patre secum geniti,
 aut fratrum talium filii legitimi deces-
 sent, filix cum sororum suarum præ-
 mortuarum eodem patre natarum li-
 beris pari modo hæreditatis compotes
 fiebant. Sed & heic mares & maribus
 geniti, licet gradu essent remotiores, si
 essent ex iisdem, ut ait lex, forminis an-
 teferebantur. Quæ sequuntur in lege
 eadem, cætera familiæ herciscunde in
 K 5 gradi-

gradibus ulterioribus exponunt ; sed tam obscurè , ut in explicandis iis nātare quis facilius quàm enātare queat. Verba sic habent : Εἰ ἂν ᾖ μὴ ὥς πατὴρ πατρὸς μέχρι ἀνιψιάδων παίδων, τὴς πατρὸς μητρὸς ἢ ἀνδρὸς καὶ ταῦτὰ κύριος εἶναι. Εἰ ἂν ᾖ μὴ δὲ ἰτέρωθεν ὡς ἐν τὸς τέτων, ἢ πατρὸς πατρὸς ἐξυ-τάτω κύριον εἶναι. Postrema sunt clara , quæ nothiis seu spuriis jus propinquitatis & successionum in universum, quemadmodum & sacrorum & publicorum , adiununt. Si deficerent mares ex defuncto rectè per mares descendentes, superessent autem ex filiâ prognati, hi prognatis & descendentes ex fratre defuncti præferebantur. Mares ex maribus à defuncto descendentes eidem defuncto succedebant licet gradibus impares , scilicet filii , nepotes , pronepotes, sed in stirpes, non in capita. At ex collateralibus descendentes , gradu proximi defuncto excludebant remotiores : fœminarum verò nulla habebatur ratio. Verum enim verò ne familiæ pessum irent deficiente prole masculina descendente, per quam, uti dixi, familiæ tantum propagabantur, remedium quaesitum est ab adoptione. Ea erat , cum quis hæredem masculinum ex se gen-

se genitum filium aut nepotem ex filio, aut pronepotem ex nepote non habens alium assûmebat, qui filii loco sibi esset, & omnia jura filii teneret, ac morienti hæres succederet, familiamque alioqui interituram propagaret, consentiente eo, in cujus potestate hætenus ille fuerat. Licebat autem adoptanti, qui hac ratione conservare & ad posteros propagare domum suam cupiebat, quemcumque volebat, seu alienum à sanguine suo, seu sanguine sibi junctum eligere. Sed ferè fiebat, ut sanguinis potius sui aliquem, veluti nepotem ex filiâ, aut ex fratre, aut ex sorore prognatum, quàm extraneum eligeret, quem admodum exempla docent, quæ extant apud Demosthenem. Verum ut rata esset adoptio, primum necesse erat, id quod jam dixi, ut voluntati adoptantis accederet voluntas ejus, in cujus potestate erat, qui adoptabatur, veluti patris aut avi paterni naturalis, quemadmodum videre est tum aliunde tum ex actione contra Macartatum. Deinde si is, qui adoptabatur, curiæ esset diversæ à curiâ adoptantis, opus quoque erat, ut per parentes, aut propinquos proximos adduceretur ad curiales adoptantis, & ut nomen ejus in album curiæ referretur. Erâtque hac de re judicium curia-

curialium. Quod etiam de popularibus
 valuisse credo ob ea, quæ Demosthe-
 nes in oratione contra Leocharem
 disserit. Adoptabantur autem non-
 nunquàm qui jam in virili ætate erant,
 nonnunquàm adolescentes, interdum
 etiam pueri: quemadmodum Eubuli-
 des puer ab Ebulide avo materno, vo-
 lente patre Sositheo, adoptatus, & à
 patre, cum tempestivum esset, ad cu-
 riales adductus apud Demosthenem
 legitur. Sed notandum heic, lege
 cautum esse à Solone, ne adoptato, aut
 filio ejus aut cuiquam ex huius prognato,
 si liberis masculis ipsi carerent, in
 fraudem cognatorum adoptantis, alium
 sibi liceret adoptare, eique fami-
 liam tradere: & jussisse legillato-
 rem, adoptionem talem esse irritam,
 ac hereditatem redire ad proximos
 cognatos primi adoptantis: voluisse
 etiam, si quis adoptatus reverteretur in
 familiam suam, ex quâ erat adoptatus,
 filium autem suum sibi substitueret, vo-
 luisse, inquam, ut filius quidem familiam
 & hereditatem adoptantis teneret, ipse
 autem velut deserens jus suum, ac semet
 emancipans, jure illo adoptionis, & re-
 gressus in locum desertum, excideret,
 idemque valeret in ejus filio, si exem-
 plum patris imitaretur: sicuti discimus
 ex

ex eâdem actione contra Leocharem. Nam, ut illic affirmat orator, Leocrates tanquam adoptatus irrepererat in familiam Archiadis. avunculi sui, dolose circumvento & rogatu propinquorum connivente hærede altero. Deinde substituto sibi filio ex se nato Leostrato remigrarat in domum patris sui naturalis : & hujus exemplo idem postea fecerat Leostratus, sibi que in domo adoptivâ substituerat Leocratem juniorem, filium suum ex se genitum. Hoc verò sine prole mortuo, regredi in familiam Archiadis Leostratus est conatus cum Leochare agnato, quem sibi adoptabat. Sed per leges jam memoratas à competitoribus hæredibus aliis est repulsus : causaque est ex more apud archontem *intra menses* disceptata. Archontis enim, ut pluries jam dictum, docente Demosthene, propria hæc jurisdictio erat, cum de hæreditate contendebatur : quemadmodum ad eundem cura pupillorum & pupillarum, & familiarum pæssum euntium, & viduarum in ædibus funestis manentium, utrumque se ferre dicentium, ex lege pertinebat, ut nimirum videret, ne quid hisce injuriæ inferretur. Prior lex prohibens adoptatum adoptare, extat in peroratione contra Leocharem. Posterior hæc de archon-

archontis officio recitatur sub fine
orationis in Macartatum. his verbis:
Ο ἄρχων ἐπιμελείσθω τῶν ὀρφανῶν,
καὶ τῶν ἐπικλήρων, καὶ τῶν οἰκῶν τῶν ἐξερη-
μύων, καὶ τῶν γυναικῶν, ὅσων μὴ ἐστὶν ἐν
τοῖς οἴκοις τῶν ἀνδρῶν τῶν τεθνηκότων.
Φάσκειν αὖτε κυεῖν, τῶν ἐπιμελείσθω.
καὶ μὴ εἰς τὸν ὕδρα εἰσελθεῖν, ἢ ποιῆσαι τι πά-
ρανομον. κύριος ἔστω ἐπιβάλλειν καὶ
τὸ τέλος. Εἰ αὖτε μείζονος ζημίας
δοκῇ αἰεῖσθαι, προσκαλεσάμενος
προέμπετρα, καὶ πῆμμεν ἐπιγραψά-
μενος ὅ, πᾶν δοκῇ αὐτῷ εἶσαι ζημίον
εἰς τὴν Ἡλιαίαν. Εἰ αὖτε ὁ ἀλῶν, π-
μάτω ἢ Ἡλιαία πρὸς τὸν ἀλόνος ὅ, π-
ρὸν αὐτὸν παθεῖν ἢ ἀποπίσσει. Præter
adoptandi jus licebat lege Solonis, quot-
quot genuini cives erant, non adscititii,
cum Solon magistratum iniret, testa-
mentum condere, & de rebus suis pro
arbitrio dispoñere, hæredes instituere,
quos volebant, legare, tutores hæredi-
bus dare, modò id facerent secundum
leges. Quod sic statuit Solon, ait De-
mosthenes contra Leptinem, non ut
genere proximios jure propinquitatis
fraudaret, sed ut utilitate in medium
proposita efficeret, ut homines inter se

beneficiis certarent. Lex autem ejus-
 dem Solonis *vetabat testamentum con-*
dere eas, & res suas alienū legare, qui li-
beros mares legitimos habebant, quibus
utique hæreditas debebatur: qui ve-
te lasierant, aut senio nimio pressi, aut
veneficio impliciti, morbove gravi la-
borantes, aut mulieribus obsequentes,
aut earum rerum aliquā, quæ legibus
vetite sunt, commoti, aut denique ne-
cessitate aut vinculo circumventi. Vp-
 lebat enim legis autor voluntate libe-
 rā & mente integrā testatores de re-
 bus suis disponere. Recitat legem hanc
 Demosthenes oratione II contra Ste-
 phanum falsi testimonii dicti reum.
 Partem autem ejus, quæ est de demen-
 tato à muliere, repetit in eā, quæ est con-
 tra Olympiadorum infatuatum, ut ait,
 à scorto, memorans dictum Solonis,
 neminem scilicet mortalium magis de-
 lirare, quā qui pareat mulieri mere-
 tricī; atque idēd Solonem jussisse affir-
 mat, omnia ea irrita esse, quæ quis fa-
 ceret mulieri parens, maximē verō tali.
 Verba Græcā legis contra Stephanum
 adducit, si quis ea cognoscere deside-
 ret, hæc sunt: Ο σὺ μὴ ἐπιπίλῃς,
 ὥστε μήτε ἀπὸ πένι, μήτ' ἐπιδιδάσκειν.
 ἅτι Σόλων εἰσήκων δόχλιν, τὰ ἰαυῖς.

Διδοῖται εἶναι, ὅπως αὐτὴ ἐλέγη, αὐ-
 τὴν παῖδες ὧσι γνήσιοι ἄρρενες, αὐτὴν μὴ
 μανῶν, ἢ γήρας, ἢ φαρμάκων, ἢ τόσων
 ἐνεκεν, ἢ γυναικὶ περὶ μύθοι, ὑπὸ τέ-
 των δὲ παρὰ τὸν νόμον, ἢ ὑπὸ ἀνάγκης, ἢ
 ὑπὸ δεσμῷ καταληφθεῖς. Quos verò
 legislator vocet πεπειημένους, orator
 legem interpretans & causæ suæ appli-
 cans declarat: scilicet non solum ado-
 rptivos, ut passim, sed etiam civitate do-
 natos. Sic enim ait, ἄξιον δὲ εἶναι τῆς
 ἐνδομηθῆναι, ὅτι ὅσοι μὴ ἐπεποιήσω,
 ἀλλ' ἢ οἱ πεφυγότες γνήσιοι, τέτοις ὁ
 νόμος δίδωσιν, ἐὰν ἄπαυδες ὧσι, Διδο-
 ῖται τὰ ἐμῶν. ὁ τοίνυν πατήρ ἡμῶν
 (loquitur orator sub personâ Apollodo-
 ri, cui pater fuerat Pasion, civitatis jure
 donatus, de cuius testamento commen-
 titio an vero disputabatur: in usum e-
 nim Apollodori orationes aliquot scri-
 psit Demosthenes) ἐπεποίητο ὑπὸ τῶν
 πολιτῶν. ὥστε καὶ τῆς ἐξελ-
 ῶς τῆς Διδοῖται Διδοῖται, ὥστε τε
 καὶ τῆς γυναικὸς, ἥς ἔπε κύνει-
 ον τὸ νόμον ἔω (adultera enim Archi-
 pa uxor Pasionis, mater Apollodori
 cum Phormione servo quondam dome-
 stico

stico consueverat, & matrimonii vinculum ruperat) *παῖδες τε αὐτῶν ἦσαν.* Et his continuo subicit orator, repetens partem legis posteriorem: *σκέψαθε ὅτι καὶ διότι ἐστὶ αὐτῶν ἀπὸς ἡς ἡ, κύριός ἐστι τὰ αὐτῶν ἀφ' ἧς· ἐὰν μὴ δοφρονῇ, νοσῶντα ὅ, ἢ φαρμακῶντα, ἢ γυναικὶ πηχόμενον, ἢ ὑπὸ γήρας, ἢ ὑπὸ μακροῦ, ἢ ὑπὸ ἀνάγκης ἰνὸς κατεληφθέντα, ἀκυρον κελύουσιν εἶναι οἱ νόμοι.* Et statim addit: *σκοπεῖτε δὲ, ἐὰν δεκῶσιν ὑμῖν δοφρονῶντα ἀνδρὸς εἶναι ἀφ' ἧς, ἃς φησὶ ἀφ' ἧς εἶναι τὸ πατήρ.* Huc pertinebat etiam ista lex ab eodem oratore in eadem contra Stephanum oratione citata: *Quicquid pater ingenuos filios superstitēs habens testamento jusserit, disposueritve, si obierint filii ante annos ætatis xvi, id ratum esto.* Docet hæc lex, licuisse civibus Atticis, licet hæredes suos legitimos superstitēs relinquerent, tamen scripto testamento, in casu mortis eorum ante legitimos adeundæ hæreditatis annos, & ætatem disponendi de rebus suis justam, alios iis hæredes substituere. Vnde substitutiones jure Romano usitatas profluxissimæ, verosimile est. Romanas

enim leges ex Atticis maximam partem derivatas esse, est notorium. Consuetudo verò Athenis habebat, quanquam testes signandis testamentis ut plurimum adhiberentur, tamen ignotum testibus mansisse, quid tabulis testamentariis contineretur, neque *ἀντι-
γοφᾶ* testamentorum testatores reliquisse. Debebant enim argumenta testamentorum ignorari, donec tempestivum esset, ea edere: Aperiri autem testamenta solere apud arbitrum aut iudicem presentibus testibus, ex oratione priore in Stephanum, iudicium habemus. Ut autem apud Romanos, & populos alios irrepsere hac in re tetra vitia & fraudes captandis senum & divitum testamentis, falsisque pro veris supponendis, sic etiam apud Athenienses: quod ex exemplis, quæ sunt apud Demosthenem auctoresque alios, elucescit. Mos verò lege probatus Athenis fuit, ut cum quis ope magistratus hæreditatem adisset, ac in possessionem ejus venisset, publicà voce præconis proclamatio fieret, si quis agere in hæreditatem illam vellet, aut sacramento cum possessore contendere, sive genere frētus velut proximus, sive testamento, ut hoc faceret. Quâ proclamatione factà si præsentes tacerent, jure suo excidebant, aut

saltem id ipsum in posterum difficilius reddabant. Agere in hereditatem *ἐμφορηεῖν*, ἢ *ἐπιδικάζειν* τῇ κλήρῳ, sacramento autem vel sponfione contendere *ἐμφορεῖσθαι* dicebant. Posterius hoc denotabat, eâ conditione pecuniam in iudicio, aut apud acta, ut vulgus loquitur, deponere tam actorem quàm reum, ut qui causa caderet, eam à se depositam, in penam temerariæ litis amitteret: cui si liberet à sententiâ latâ ad aliud tribunal provocare, solus tantundem pecuniæ rursus deponere conditione eadem cogebatur. Quam pecuniam Iulius Pollux dicit fuisse partem decimam æstimatæ litis in causis privatis, quintam in publicis. Actio verò huiusmodi dicebatur *ἐμφορη*: quâ voce etiam ipsam illam pecuniam depositam fuisse nuncupatam quidam censent. *Ἐπιδίκη* autem ipsa hereditas controversa, de qua contentio erat, vocabatur, & *ἐπιδικασία* actio vel contentio ejusmodi. Qui hoc periculo deponendæ pecuniæ contendere non audebat, causam suam suspectam faciebat. Permittebat tamen lex non ei solum, sed cuivis etiam volenti, possessorẽ hereditatis in jus vo-

care apud archontem, cujus, ut antè ostendi, erat illa propria cognitio, & cum eo apud eundem de re disceptare. Sine hac citatione petitio actoris erat inutilis. Legis hujus verba recitat Demosthenes contra Macartatum. *Sine aditâ contendat hereditate, aut de puellâ, citet eum, qui hereditatem tenet, ad archontem, quemadmodum fit in aliis causis. Sacramento autem contendat petitori. Si sine citatione petierit, imperfecta erit petitio hereditatû. Sin u, qui hereditatem adiit, superstes non fuerit, arcessat simili ratione eum, cui præfinitum tempus nondum erat terminatum. Disceptatio autem apud archontem esset eâ ratione, quâ is egit qui hereditatem tenet.* Sic vertit VVolsius eruditissimus interpres. Προθεμία heic significat diem jure præfinitam. Verum non omittendum heic, quod jam antè dictum oportuit de puellâ ἐπικλήρω. Ea agnato nupta in possessione hæreditariarum rerum manebat cum marito tamdiu, quoad filius ex ea natus biennio pubertatis annos egressus esset, quæ ætas annorum erat xvi. Quo tempore cogebatur filio hæreditatem tradere, & filius vicissim tenebatur victû (τὸ σῖτον) matri sufficere aut dimetiri, ut sonant verba

verba legis, quam recitat Demosthenes in alterâ contra Stephanum: Καὶ εἰς τὴν ἐπικληρῶς ἡς γλῶσσην, καὶ ἅμα ἡ νόσση ἐπὶ δέξις, κερταίν τ' ἡ κημάτων, τ' δὲ σὶτοι μετῆεν τῇ μητρὶ. Quâ sanè lege, inquit ibidem orator, jubentur matres in potestate esse filiorum suorum puberum: forminæque illæ hæreditatem parentum adeptæ cum maritis suis videntur in casibus talibus usufructuarie solummodò ad præfinitum illud tempus fuisse. Cui affine est hoc, quòd mater vidua cum filio iisdem in ædibus manens, & rebus filii fruens, in potestate ejus tanquàm domini sui erat, nec repetendæ dotis, quam marito filii patri attulerat, jus habebat quàm diu in familiâ ejus permanebat. Si discederet, ut sibi seorsim consuleret, cogeatur filius aut dotem ei restituere, aut alimentaria necessaria præstare. Si ad alias nuptias transiret, omninò restitutione dotis erat opus. Priora patent ex verbis, quæ sunt in actione contra Phænippum: posteriora dubium non habent. Plures hujus generis leges, tum quòd obscuræ, tum quòd minoris momenti sint, prætermitto. Reliquas varii generis in cumulum confero, & constringo, ne fiam nimis prolixus. Cæde pa-

tratâ quomodo cum autore ejus , & contra ipsum agendum , Draconis lege columnæ incisa expressum est , sed verbis perobscuris , quam legere licet apud oratorem contra Macartatum : in quâ tum , à quibus & apud quos postulandus sit reus , tum , per quos sarcienda cum eo gratia , demonstratur , & cognitorum seu judicum 11 , qui Epheta erant , & curialium veluti actorum , & cædis inconsultæ sit mentio , & de expiandâ cæde , & corpore cæsi sepeliendo præcipitur . Sed Oedipum esse non Davum oportet , qui sensum ejus ubique & penitus assequatur . Eandem verò de nuò memorat orator contra Evergum , & disertè affirmat , jubere legem , ut propinqui cædes persequantur usque ad sobrinos : & in jurejurando præcipi , ut ab iisdem id fiat , etiamsi vel servus sit interfectus : ad eos verò , qui propinqui aut affines proximorum graduum non sint , actionem non pertinere . Gradus propinquitatis utroque loco definitur , *μνηστὴς ἀνέχων* . Discimus autem ex eodem loco contra Evergum , in casibus dubiis consuli solere viros juris peritos , quos *ἐγγυητὰς* vocabant , & eorum responsa consulentes ut plurimum in agendo esse secutos : & istos non solum de jure consultantibus respondisse , sed

consilia quoque, si peterent iidem, suggessit de agendi modo. Discimus etiam, ex jurisperitorum responso, quod istuc recitatur, in more fuisse positum, si propinqui homines cæsi non comparerent, ut is, qui funus curabat, in eo esserendo hastam adhiberet, & iuxta sepulcrum proclamaret, an quis esset cæso cognatus: utque per triduum custodiam ageret sepulcri. Præterea consilium non esse, probatione nutante, cædis suspectos aut insimulatos nominatim citari ad tribunal, sed expedire, eos generatim designari, quicumque cædis essent auctores: ad hæc à lege cædis actionem dari apud regem cognatis aut dominis, non aliis: in causa cædis dubie iuramentum ab actoribus præstari solere ad Palladium cum periculo famæ ipsorum. Non aliena ab hoc loco lex est de vulnere consulto illato, quæ apud Lydiam extat in actione contra Andocidem impietatis reum, quam Areopagiticam Lydias vocat. De ea oratoris verba sic habent: *Si quis viri corpus vulnerarit, ut caput, aut faciem, aut manus, aut pedes, is secundum leges Areopagi exulato ea civitate, quam incolit injuriâ læsus, si vulnus consulto illatum; Et, si in civitatem redierit, deprehensus morte multator. Sacra polluere, præ-*

fertim Minervæ in arce, & Cereris Eleusinæ, quæ rex & regina procurabant, quos ob eam causam mundos ab omni vitio generis ac morum esse oportuit, maximum nefas Athenis habebatur. Exemplo fuit Alcibiades Clinix, impietatis hujus insimulatus, & populi iræ propterea objectus, absensque capitis damnatus, tantus belli dux: fuit item Archias sacrorum antistes, cui nec venerandum Eumolpidarum genus, (hi religionum interpretes erant apud Athenienses, & magno honore colebantur, ab Eumolpo Thrace oriundi,) nec clarissimi majores quicquam profuere, quò minus pœnas daret, ut est apud Demosthenem contra Neæram dissidentem. Qui ibidem etiam exponit, quanto in discrimine fuerit Theogenes rex ix-vir ob temerè ductam conjugem Phanonem Neære filiam, dolo malo circumventus à Stephano, eamque imprudenter arcanis sacris pro populo celebrandis, quod reginæ officium erat, admotam: cui imprudentiæ culpam suppliciter in Areopago deprecanti, & nihil dolo ab se factum demonstranti, Phanonemque uxorem statim ædibus suis expellenti ob simplicitatem ingenii vix sit à senatu ignotum. Quò directaque quoque est tota oratio Lyxiæ in Andocidem

cidem religionum contemptorem maximum, cujus in Alcibiade meminit Plutarchus, & in historiâ sua Thucydidēs, licet nomen ejus silentio premat. Totus namque in eo est Lysias, ut contemptum religionum, quæ summa est impietas, crimen esse atrocissimum & capitis pœnâ dignum demonstret, & Andocidem ad ix-viratum adspirantem non solum repellendum, sed etiam è medio tollendum ostendat. Affirmat verò ex sententiâ Periclis quondam populum hac de re monentis, contra virum hujusmodi non solum legibus scriptis, sed etiam non scriptis secundum interpretationem Eumolpidarum esse utendum. Atque hujus quidem ejusdem criminis obrentu per pessimam calumniam ab æmulis oppressus innocentissimus Socrates philosophus, aliter de divino numine ac vulgus supersticiosum sentiens, temerè in Helizâ damnatus in carcere haustâ cicutâ mortem oppetiit. Erat enim populus Atticus mirificè superstitionibus deditus, ideoque multis post sæculis *ἀστυμαχία* ab apostolo Paulo est nuncupatus. Qui in custodiam dabantur apud xi-viros, alii aliis arctius habebantur. Quidam enim sine aliis vinculis agebant solis parietibus clausi, quidam cippo seu com-

pede vinciebantur, quam *ποδὸνδεξις* dicebant. Ea lignum erat, in quod pedes captivorum inferebantur, ac vincti tenebantur in carcere. quinque, septem, decem dies, prout iudices æquum & iustum esse pro vincti conditione & criminis modo statuebant, ut ex Demosthene & Lysia cognoscimus.

Leges militares.

AD rem militarem pertinebant leges hæ: Si quis clypeum abjecerit aut amiserit in bello, drachmarum D multa culpam luito. Lysias in Theomnestea. Quem ordinem quisque in militia sibi assignatum acceperit, eum teneto, nec pro arbitrio suo mutato: gravis armaturæ miles in equites se non transferto, & contra: qui ex gravi armaturâ ad ordinem equestrem injussus concefferit, infamia notator: non solum qui ex pugna fugiens ordinem deseruerit, sed etiam, qui cum miles scriptus in militia præsens esse debuerat, absens esset. Idem Lysias in oratione contra Alcibiadem.

Lex de funere ducendo.

Memoratu digna est lex funebris, quam posteritatis memoriæ conservavit Demosthenes contra Macartatum, latam olim à Solone: Defunctum, ait

ait lex, *intus* proponunt ut voluerint: *es-*
ferunt autem *postridiè* quàm proposuere,
ante Solis ortum: viri, cum effertur fu-
nus, antecedunt, mulieres sequuntor:
mulieri fas non esto ingredi in bona de-
functi, neque funus ejus, dum effertur ad
sepulchrum, sequi, quæ sexagenaria mi-
nor sit, præterquam quæ intra consobri-
narum liberos censentur: nec mulieri ulli
in bona defuncti ingredi permittitur el-
to jam funere, nisi quæ propinquitatis
gradu intra hæc consobrinarum filius sit.
 Et mox subjicit velut interpretandi gra-
tiâ orator: Non finit ingredi (inquit) quo
in loco fuerit is, qui obiit, ullam aliam
mulierem, nisi propinquas usque ad con-
sobritatem (μήτερ ἀνεψιότης:) &
ad sepulchrum usque sequi easdem illas
finis. In more autem apud Athenienses
 & cæteros Græcos fuisse, mortuos luge-
 re, & in luctu tonderi, & aliunde & ex
 oratione funebri Lysiae satis constat.

Leges ad negotiationem pertinentes.

QVoniã verò negotiationibus ma-
 ritimis supra omnes generis Græci
 abundabat civitas Attica, varietate quoque
 leges latæ fuere, tum ad ordinem bo-
 num in publicum usum civitatis com-
 merciis hisce dandum, tum ad diri-
 mendas controversias eorum, qui ne-
 gociis

gociis hujus generis quoquo modo occupabantur, miscebanturque. Cujusmodi erant cives locupletes, nummis abundantes, qui domi quietem agentes, aut majoribus negociis illic vacantes, mercatoribus ad quæstum faciendum peregrè navigaturis pecuniam cum conditione fœnebre mutuò dabant, quos *δανείζοντες* dicebant: mercatores, qui quæstus sui gratiâ regiones externas maritimas ad merces exportandas & importandas, emendas vendendasq; petebant, vel suâ pecuniâ, vel mutuò ab aliis acceptâ instructi, qui *ἐμποροὶ* aut *δανειζόμενοι* nuncupabantur, & si pecuniam mutuam acciperent, priusquàm è portu solverent, certâ lege per syngrapham se mutuantibus obligabant: erant etiam negociatores, qui in regionibus exteris mercandi vendendique ergò morabantur; item negociorum procuratores, qui aliorum nomine freti mandatis eorum negocia hujusmodi domi forisque curabant: erant navium magistri, qui naves suas, negotiationibus talibus facitandis, id est, mercibus & mercatoribus vectandis, unâ cum operâ suâ locabant, item navitæ, quorum copia ingens Athenis erat, institores, operæ mercenariæ. Quibus omnibus jus dicebant peculia-

culiaries magistratus, ἐπιμεληταὶ τῶν ἐμ-
πορίων, ναυτοδίκαι, ἐπαγωγῆς, & lites
eorum majores ad tribunalia majora
introducebant. In earū verò legum, quæ
huc pertinebant, numero fuere illæ, qua-
rum argumenta leguntur in orationib⁹
Demosthenis in Lacritum, Phormio-
nem, Apaturium, Zenothemidem, Dio-
nysiodorum, Theocrinem scriptis. Hic
fanciebatur, ne quis civis Atheniensis
aut inquilinus Athenis domicilium ha-
bens frumentum peregrè emptum (erat
id frequens admodū negotiationis ge-
nus per Hellespontum, Propontidem,
Bosporum, Thracium, maximeq; Pon-
tum Euxinum, cui latissimæ regiones
frumenti feracissimæ adjacebant, itemq;
in Ægypto, Africâ, Siciliâ) aliò quoquam
veheret, quàm in portus & mercatum
Atheniensem, præsertim in annonæ
difficultate: & contrà facientibus gravis-
simæ pœnæ denunciabantur. Nec fas
erat cuiq; Atheniensi, sive civi, sive in-
quilino, pecuniam in navem frumenta-
riam Pontum aut plagas alias petituram
conferre, vectorive ejus mutuam dare
vel fœnorare, quæ in alios portus quàm
Atticos frumentum esset deportatura.
Si qui secus facerent, lege cautum erat,
ne eis contra fraudatores domum re-
versos, aut aliò profectos daretur actio,

nec in res ipsorum; pateretque accusatis contra eos actionem, iudiciumque flagitantes exceptio præscriptiove. Idem de iis statutum, qui alibi quàm Athenis, aut intra terminos mercatus Attici pecunias navigaturis concrederent, neu in syngraphis disertè caverent, ne aliò quàm in portus Atticos naves cum mercibus pecuniâ mutuâtitiâ aut fœnori datâ coëmptis reducerentur, si per fortunam liceret: aut, si alibi id facerent, & in contractus syngraphis disertè non caverent, nè usquàm aliò quàm in portus Atticos naves cum mercibus pecuniâ mutuâtitiâ fœnorive datâ coëmptis reducerentur, si per fortunam liceret. Quâ eâdem cautione etiam opus fuit, si maximè Athenis aut in earum mercatu res gereretur. At hæc qui ritè observarent paciscerenturque, his leges iussèrunt, contra debitores fraude grassantes, quod frequens erat, actiones dari, & secundum leges auxilia ferri, nec contra hos exceptionibus ad eludendas actiones locum concedi. Æquum enim ac iustum, & reip. necessarium censebatur, contra fraudatores succurri illis ex legum præscripto agentibus, quorum pecuniâ negotiationes sustentarentur vigerentque, sine quâ pecuniâ commercia maritima cû perniciæ fortunæ publicæ con-

concidere necessum esset. Erat autem
 in more positum, ut, qui pecunias
 suas mercatoribus aut navium magi-
 stris (nam & hi sæpè mercaturæ ope-
 ram dabant) credebant, de fœnore,
 quod maritimum aut nauticum dice-
 batur, eratque ob pericula cætero fœ-
 nore majus, deque mercium genere, na-
 vigationis cursu & termino, & rebus
 aliis, cum iis paciscerentur, pactaque in
 syngraphas ab utraque parte signandas
 & apud amicum communem custodiri
 gratiâ deponendas referrent: pignora
 insuper, si qua essent in rebus mutuò
 sumentium, libera, & aliis creditoribus
 haud obligata caperent, aut merces
 pecuniâ istâ emptas pignorum loco ha-
 berent. Prætercà lege sanctum erat, ut
 syngraphæ hujusmodi ritè cōfectæ, quas
 contractus nautici maritimive syngra-
 phas vocabant, ratæ essent, pactaque his
 comprehensa valerent sine vitio, inte-
 greque servarentur. Vsuras fœnebres
 ex pecuniâ tali & grandes fuisse ob pe-
 ricula maris, id quod jam dixi, & nec
 certas, nec unius & ejusdem modi om-
 nes, sed pro itineris marini tempo-
 risque ratione, & quemadmodum con-
 venire inter se paciscentes poterant, va-
 riasse, ut per se vero simile est, ita ex
 syngraphâ, cujus formulam velut nau-
 fragii

fragii tabulam Demosthenes in actione contra Lacritum nobis conservavit, maximè est conspicuum. Periculum verò potissimum iis, qui pecuniam mutuò dabant, hinc existeret, quòd omnibus hujus generis contractibus hæc conditio cohæreret, si fortè naufragio res cum nave perire contingeret., ne pecuniam repeteret, multo minus usuram aut fœnus ex eâ poscere jus esset. Accedebat aliud, si in navigando ex decreto consensuque vectorum jacturam aliquam mercium facere, ad conservandas cum nave & vectoribus res reliquas tempestatis exortæ jus cogeret, & si quid hostibus fortè pendendum esset, tum ut liceret & jacturam illam, & quod hostibus expensum, in rationes inferre, & summæ debiti detrahere. Sed Demosthenem ipsum de his legibus differenter audiamus: *Nostri profectò, judices, (ait,) legem, quàm ea se vera sit, si quis Atheniensem alio quopiam quàm Athenas frumentum vexerit, aut pecuniam mutuò dederit in alium mercatum, quàm Atheniensem: quæ pœna de his sint constituta, quàm magna, quàm graves.* Et his partem verborum legis subjicit: *Argentum autem non liceat ulli Atheniensi, aut inquilinorum Athenis degentium, quorum hi sunt autores,* (fortè

(fortè rectius, qui in horū sunt potestate,) in navem, quæ frumentum Athenas vēctura non sit: & cætera, quæ de singulis earum rerum scripta sūt. Sin aliquis mutuarit (id est, elocarit, vel fenori dederit) eo nomine, & indicari & describi licere argentum apud curatores, quemadmodum de nave & frumento dictum est; pari ratione, & actio ei ne detur de argēto, quod aliò quopiam elocarit, quam Athenas, neque magistratus ullus de eo referat. Et lex quidem, iudices, tam severa est. Idem orator contra Phormionem, & cæteros, quos nominavi, exceptiones in his causis, ubi aut quando locum haberent, aut non haberent, prolixè exponit. Legibus verò contractus in syngrophâ descriptis inhærendum utique fuisse, nec ab iis recedere mercatori aut navis magistro licuisse, ingerit & inculcat: in quo totus est in actionibus contra Lacritum & Dionysiodorum, & parte primâ contra Phormionem. Severitatem iudicii contra fraudatores demonstrat in peroratione ejusdem orationis contra Phormionē. Nam, Vos, inquit, compellans iudices, qui eum qui è mercatu magnam insuper pecuniam mutuatus fuerat, neq; creditoribus pignora exhibuerat capite condemnastis, delatum apud populum, eumq; civem
 M vestrum,

vestrum, & patris imperatorii filium. Putabatur enim, ab eo genere hominum non solum illos qui in eos incidissent, sed mercatum quoque vestrum ladi: merito. Questus enim mercatorum proficiscitur non à mutuo accipientibus, sed à mutuo dantibus. (αἱ δὲ ἐμπορίαι τοῖς ἐργαζομένοις ὅκ' ἀπὸ τῶν δανειζομένων, ἀλλ' ἀπὸ τῶν δανειζόντων εἰσι.) Neque enim vel navis, vel naucerus, id est, navis dominus, vel vector provehi potest, nisi sint, qui pecunias sufficiant. Leges igitur eis multa & praeclara adjumenta praestò esse voluerunt: quae vestrum est, iudices, tueri, & improborum petulantiam coherere; ut mercatus quàm maximo vobis sit emolumento. Quod fiet, si conservaveritis eos, qui sua aliorum dubiae fidei committunt, nec siveritis à belluis talibus injuriâ affici. Haecenus eo loco ille. Sed nihil magis illustrandae toti huic rei de contractibus & usuris nauticis est, quàm integra syngraphae formula, cujus jam antè facta à me mentio est, quam orator noster bis recitat, aut recitari in judicio curavit, iisdem quasi syllabarum apicibus in unâ eademque oratione scriptâ contra Lacritum; Potissima quippe momenta totius causae ea ipsa continebantur. Quapropter operæ

operæ me pretium facturum existimo, si hanc quoque velut veram imaginem negociorum talium heic adscripsero, & oculis lectorum subjecero. Verba syngraphæ Græca hæc sunt : Εἰ δάνεισεν Ἀνδροκλῆς Σφήτις, ἔΝαυκρατὸς τῆς Καρύσι· Ἀγέτῳ· ἔΑπολλοδώρου Φασηλίταις, &c. VVolffius Latine sic reddidit: Mutuarunt Androcles Sphertius & Naucrates Carystius Artemoni & Apollodoro Phaselitis argenti ter mille drachmas Athenis Menden usque, aut Scionem, & inde Bosporum. Quod si voluerint in sinistram oram usque ad Borysthenem, & rursus Athenas, ducens vicenis quinis millenas: sin post Arceturum solverint, è Ponto templum Argonautarum petaturi, trecentis eas ter mille drachmas, vini amphorum Mendis pignori oppositis ter mille, quod evehetur Mendâ aut Scione, in navi xx remorum, quæ est Hybleis navicularii. Oppignerant autem id vinum, non debentes propterea cuiquam quicquam argenti, neque ad id mutuabuntur: & evehent merces, vini precio cœmptas, rursus Athenas in eadem navî omnes. Perduclis autem Athenas mercibus, reddent debitoribus argentum, quantum debetur ex syngraphâ, intra vigesimum,

ex quo Athenas venerint, diem, integrum: exceptâ iacturâ, si quam vectores de communi decreto fecerint, & si quid hostibus pependerit. Quod ad cetera attinet omnia, integrum cêto: & exhibebunt pignus creditoribus liberum & immune, donec sortem cum usuris reddiderint ex syngraphâ. Nisi autem ad dictum diem solverint, pignora creditoribus oppignerare & vendere tanti liceat, quanti sunt. Quod si quid argenti creditoribus ex syngraphâ reddendi defuerit, exigere liceat creditoribus ab Apollodoro & Artemone, & omnia eorum bona tam terrestria quàm nautica ubiq; gentium, ubi casuerint, pignerari, perinde ac si iudicio victi iudicatum non solvisent, tam alterutri creditorum quàm utriusque. Sin non onerarint, decemque dies post Caniculam in Hellesponto manserint, atque exoneraverint, ubi Atheniensibus pignora capere non licet, etiam inde reversi Athenas, usuras reddant, anno superiore tabulis inscriptas. Sin quid navi gravius acciderit, in quâ vehentur merces, pignora salva sint: quæ supersuerint, communia sunt creditoribus. Et in his rebus nihil plus valeat hac syngraphâ. Huic syngraphæ scribendæ testes adfuere Phormio Piræensis, Cephisodorus Bœotius, Heliodorus Pitthenasis. Deposita

sita fuit apud Archenomidem Anagyrasum, ut ipse in iudicio est testatus. Et fretus ille, in cuius gratiam Demosthenes orationem hanc scripsit, Lacritum fratrem & hæredem Artemonis, & contractus huiusce conciliatorem, præcipuum, & fraternæ fidei sponsorem, tum verò debitum defuncti, cuius hæreditatem tenebat, solvere recusantem, & effugia varia quærentem in ius vocavit, hominem, ut orator eum describit, iniquum, versipellem, eloquentiæ suæ fidentem, discipulum Isocratis rhetoris celeberrimi. Verum nullis repagulis comprimi libido fallendi potuit, quominus iret quò vellet. Commiscebantur homines fraudulentis varios dolos, ut pecunias aliorum fidei suæ commissas prætextu calamitatis alicujus, aut fraudis sibi ab aliis factæ, in se verterent, & specie quâdam juris, aut æqui & boni. creditores suos fortunis exuebant, iisque sese locupletabant. Detestandæ artes, hodiè quoque in scenâ mercatorum exultantes. Quibus si frenum lege & potestate publicâ injiceretur, minus magnorum furtorum fieret, & rectius fidei contractuum & commerciorum consuleretur. Sed longius hæc eo, quàm instituti mei ratio poscit. Itaque recipio me. Ad contractuum fi-

dem & fori usum sponsiones quoque rectè referuntur : de quibus lex erat Athenis, *ut ex rata essent, sponsores tenerentur prestare, quæ sponponderant, si deficeret fides eorum, pro quibus fidem interposuerant suam.* Sed addita legi conditio fuit, *ne sponsiones diutius anno valerent.* Quà conditione consultum sponsores voluisse legislator videtur, ne dum prodesse aliis rogati vellent, sibi ipsis, & suis, quod perpetuis sponsionibus frequenter accidit, latè obessent, & inextricabilibus incommodis & detrimentis implicarent ac immergerent. Nec tamen in eos, qui sponsionem accipiebant, ullo modo injurius fuit, cum ii legem nossent, & lege ipsa monerentur, ut in tempore urgendo negocia sua, & debitores sponsoresque compellendo rebus suis consulerent. Haftenus de legibus Atticis, Quibus describendis sub finem belli Peloponnesiaci delecti sunt viri aliquot, & addita iis quædam dignitas, ut magistratus speciem habere viderentur, tempusque præfixum, ut quadrimestri spacio rem absolverent. In his fuit Nicomachus quidam, cujus pater servus publicus fuerat : ipse autem libertate donatus in album civium erat relatus, & faciendo scripto annos juventutis exegerat, tum verò leges Solonis

lonis transcribendas in mundum acceperat. Verum accidit ei, quod solēt plerunque his, qui ex humillimā atque abjectissimā fortunā ope gratiæ alienæ ad dignitatem aliquam subitò præter meritum suum evehuntur : quos videas inflatos animis intumescere, & insolentes fieri, & supra leges se putare, despiciere alios, & meliorum se contumeliis gaudere, prorsum oblitos fortunæ prioris. Nam hic beneficio populi & munere sibi demandato nequiter abutens non tam describendis quàm vitandis legibus Solonis se dedit, & accepta pecuniā pravōrum cupidini serviit, munusque invitis magistratibus aliis in annos aliquot ultra præfixum tempus extendit, & pro scribā legislatores se tulit. Quotidiè, inquit Lysias, argento accepto alias leges tabulis inscripsit, alias delevit, coque redacti fuimus, ut ex manibus ejus tanquam legum custodis leges depromeremus, & qui judicio contendebant, contrarias leges producerent, quas utrique à Nicomacho accepisse se affirmabant. Quinetiam poscentibus archontibus leges tradere renuit, nec ad reddendas administrati muneris sui rationes, fretus quorundam potentum gratiā, adigi dū potuit : denique ad popularem statum,

& xxx tyrannos reipublicæ imponen-
dos viam stravit, homo nequissimus:
quanquam ipse regnantibus tyrannis,
metuens odium quorundam eorum, in
exilium iverit. Reversus autem cum
exulibus cæteris in urbem, destructo
jam tyrannorum imperio, & oblivio-
ne injuriarum priorum promulgatâ,
cum animum praviu exuere non pos-
set, ac denuò in leges peccaret, ab iis,
qui reipublicæ benè volebant, capitis
accusatus fuit: quorum uni oratio-
nem scripsit Lysias, ex quâ hæc omnia
sunt deprompta. Eventus judicii nobis
ignotus.

Ut verò apud Romanos leges xii
tabularum, & quæ iis vetustiores fuere,
quæque proximè secutæ sunt, prisco
sermone latino, abhorrente ab elegan-
tiâ sæculorum posteriorum, scriptæ
fuere, quod aliis in gentibus quoque
accidit; ita Draconis & Solonis leges
Athenis non eâ sermonis formâ con-
ceptas fuisse, quæ politioribus tempo-
ribus Thucydidis, Xenophontis, De-
mosthenis, Platonis, Aristotelis in usu
erat, dubium esse nequit, & ostendit id
orator Lysias in actionibus contra
Theomnestum, hominem vetusti istius
sermonis non satis gnarum.

*Status & fortuna civitatis Attica
post mortem Alexandri M.*

PORRÒ civitatis Atticæ status popularis post xxx tyrannos everfos incolumis stetit usque ad mortem Alexandri Magni, per annos quasi lxxx. Eo Babylone defuncto cum Antipater Macedoniæ præfectus exules Athenas & in alias urbes Græciæ reducere pararet, id quod Alexander ipse, si vixisset, facere constituerat, bellum contra eum ab Atheniensibus & sociis motum: quo primum victus in Thessaliâ, deinde auxiliis à Cratæro acceptis victor, cæso cum exercitu Leosthene duce Attico ad Lamiam urbem, belli vim in Athenienses recenti clade perculosos convertit, ipsas Athenas obsedit, & in eas angustias redegit, ut se certis legibus dedere cogerentur. Leges dictæ, ut dimisso statu populari pauciorum imperio civitas regeretur, quorum census non minor esset bis mille drachmis, & præsidium Macedonum ad avertendos vulgi motus in arce Munychiâ, quæ inter Piræum & Phalerum media est cum portu ad mare sita, urbiq; Atticæ proximâ, recipere-
retur. Ita urbis imperium summum ab universâ civium multitudine ad ditiores numero novies mille, qui tantum in
M 5 censu

censu habebant, devēnit. Reliquus or-
do magistratuum, senatus utriusque &
judiciorum civitati relictus. Sed impe-
ratum, ut oratores rebus Macedonicis
infesti Antipatro traderentur. Quorum
principes Demosthenes & Hyperides
sibi metuentes in fugam se dederunt.
Hyperides in Æginā cum aliis interce-
ptus, & è templo abreptus ductusque
Corinthum ad Antipatrum crudeliter
ab eo habitus & interemptus est. De-
mosthenes in insulā Calauriā ad aram
Neptuni sedens, ne in manus Macedo-
num deveniret, haulto veneno semet
peremit. Quadriennio pòst extincto
Antipatro, & dissidentibus inter se Cas-
sandrō Antipatri filio, & Polyperchon-
te, quem Antipater successōrem sibi in
præfecturā Macedoniae ediderat, flu-
ctuavit rursus status Atheniensium.
Nam ob Polyperchontem, qui liberta-
tis Græcorum patronum se profiteba-
tur, præsidiaque locis munitis educi per
edictum præcipiebat, populares in urbe
animos erexerunt: cæteri in Cassan-
dram Munychiam præsidio tenentem
respiciebant. Interea Nicanor Muni-
chiæ pro Cassandro præfectus, populo
poscente, ut præsidium inde abduceret,
non solum id non fecit, sed Piræum
quoque furtim occupavit: quod toti ci-
vitati

vitati fuit adversum. Sed Alexandro Polyperchontis filio cum exercitu in Atticam veniente, & ad ferendam openi civitati contra Cassandrum venire se jactante, quanquàm aliud animo jam tum voveret, populares commoti rem publicam invaserunt, & magistratibus omnibus abdicatis quos optimates designaverant, loco eorum alios in partibus popularium ferventissimos creaverunt, abdicatos ob studium oligarchiæ partim exilio, partim bonorum publicatione, partim etiam morte multarunt. Qui incolumi vitæ evaserunt, ad Alexandrum Polyperchontis filium confugerunt. Pars utraque per litteras & legatos Polyperchontem sollicitarunt, alii salutem, alii restitutionem Munychiæ cum promissâ libertate rogantes. Is autem suam rem agens de redigendo in potestatem Piræo consilia versabat: advolansque repente cum copiis ex Phocide in Atticam ad filium, Piræum cum Cassandro (hic enim istuc ingressus erat) obsedit, relictoque ad urgendam obsidionem filio, in Peloponnesum contra Megalopolitanos Cassandro adherentes festinus abiit. Priusquàm verò abiret, eos, qui ad filium confugerant, à populari factione dissentientes, ut populo gratificaretur, vin-

æos

Ætos & curribus impositos in urbem misit, quorum princeps erat Phocion vir optimus, sed nimix plebis potentix semper adversatus, quique sub Antipatro clavum reipublicæ tenuerat. Eos omnes ad tribunal raptos populus capitis damnavit, occiditque. Castander digressio Polyperchonte, obsidione soluta, munitis in Atticâ locis occupatis, Æginam partibus suis adjunxit, Salaminem obsedit, Athenienses frustra conatos præsidia cervicibus suis depellere eò necessitatis adegit, ut pacisci cum ipso ad obtinendam pacem cogerentur. Pax ita convénit, ut urbem, agrum, vectigalia, cæteraque omnia populus tene-ret, ac socius Castandri esset, eique Munychiam relinqueret: plebei, qui infra x minarum censum haberent, à gerendâ republicâ abstinerent: summus reipublicæ & civitatis curator is esset, quem ex civium numero Castander esset designaturus. Is designavit Demetrium Phalereum Phanostrati filium, virum litteris insigniter politum & celebrem, sed populari libertati minus æquum, & Macedonicarum partium plus satis, ut judicabant plerique, studiosum; licet alii aliter de eo sentirent, & laudem prudentiæ ac moderationis ei tribuerent, censerentque, non ad subruendam populi

puli libertatem, sed ad eam corrigendam & firmandam studia eum sua semper retulisse: quod & Strabo indicat, & significat, commentarios eum de republicâ Atticâ à se scriptos posteris reliquisse, & fuisse Theophrasti philosophi viri integerrimi familiarem. Eo statu apud Athenienses durante, Cassander occupatâ Macedoniâ domum Alexandri evertit, Thebas ab Alexandro excisas instauravit juvantibus Atheniensibus, præsidium Cadmeæ arcis Thebæ impofuit, Cassandream urbem, ubi quondam Iolcus steterat, in Macedonia litore condidit. Deinde anno à morte Antipatri septimo, ingens rursus rerum conversio facta. Antigonus enim Asiæ præses missis cum exercitu ducibus suis in Atticam, vulgavit, civitates Græciæ in libertatem se vindicaturum, eoque ipso Athenienses ita animavit, castris urbi eorum admotis, ut motu civili concitato Demetrium Phalereum relicta Cassandri factione in Antigoni partes concedere compellerent. Mox Cadmea quoque ab iisdem Antigoni ducibus capta, dejectoque Cassandri præsidio Thebæ liberæ dimissæ. Verum anno sequente, fœdere inter Cassandrum, Antigonom, Ptolemæum, Lysimachum inito, Cassandri partes alias rursus moverunt,

verunt, atque ita Demetrius Phalereus locum priorem apud Athenienses recuperavit. Nec tamen id diutius quadriennio duravit. Nam inter potentiae suae augendae avidos principes infida societas cum esset, Antigoni filius Demetrius, qui postea Poliorcetes est dictus, à patre adjutus ex Asia transmissò mari Athenas inopinus appulit, Munychiam & Piræum cepit præfidiis dejectis, Demetrium Phalereum urbe expulit, civitati Atticæ veterem libertatem & priscarum legum usum restituit: vicissimque ipse cum patre immodicis honoribus à civitate cultus fuit, uterque rex appellatus, quod ad id usque tempus apud Macedones omninò insolitum, imò abominabile fuerat: ambo quoque Servatorum nomine affecti, iisque ipsis velut Diis sacerdos designatus, decretumque, ut sacerdotis hujus nomine & anni, & actis omnibus publicis ac privatis loco archontis ἐπὶ νόμῳ signarentur: ad hæc duæ tribus eorum nomini-
bus vocatæ: senatus quingentorum in gratiam ipsorum adjectis centenis sexcentorum factus: statua Demetrii Phalerei, quæ erant plures quàm trecentæ, subversa, Lycurgo autem oratori viro populari honores decreti, Dinarchus Demosthenis quondam æmulus & ob-

trectator maximus ex urbe fugere co-
 actus. Post hæc Rhodiis longo bello à
 Demetrio fractis, & Cassandro Athe-
 nas rursus premente, Demetrius ro-
 gatus in auxilium Atheniensibus vênit,
 Cassandrum terrâ Atticâ eiecit, rursus-
 que novis ac immodicis honoribus à
 civitate cumulatus fuit. Deinde in Pe-
 loponnesum profectus magnâ ex parte
 dominatu Cassandri eam etiam libera-
 vit. Tum Cassander in angustias con-
 siliî redactus cum iis, qui ex Alexandri
 M. cohorte veterani duces supererant,
 Ptolemæo in Ægypto, Seleuco in Syriâ
 & Oriente, Lyfimacho in Thraciâ dia-
 demate sumpto regnantibus, apud quos
 ob supplementa exercituum, quæ ex
 Macedonia petebantur, non parum
 gratiâ valebat, contra Antigonum, ejus-
 que filium Demetrium fœdus conflat. Quo
 conflato viribusque conjunctis in-
 gens prælium in Asia commissum, quo
 Antigonus victus & eversus, Demetrius
 vix fuga servatus fuit. Atque hic è clade
 elapsus recta Athenas velut in portum
 tutum & fidum contendit. At Athe-
 nienses (vide populi levitatem & in-
 constantiam) ad fortunæ motum se
 quoque moventes, & velut priorum o-
 mnium immemores, per legatos ob-
 viam missos eum monuerunt, ne ad
 urbem

urbem accederet: decrevisse enim populum, neminem regum in urbem admittere. Demetrius igitur tacite secum fremens, sed iram, quia sic præsens fortuna poscebat, strenue dissimulans, imò benevolentiam præ se ferens, receptâ hoc modo ab Atheniensibus classe suâ, quam in portu Piræo habebat, ad Isthmum subito se contulit, atque ibi comperit, omnes, qui tum in Peloponneso, tum in reliqua Græcia & regionibus aliis, partium ipsius fuerant, nulla vi adactos, ultrò ad hostes deficere. Itaque velut desertus ab omni fortunâ cum desperatione aliquandiu luctatus, tandem recollecto ex consternatione animo in Lysimachum, quem & infensissimum sibi, & ob insignem arrogantiam cæteris regibus invisum esse norat, se movit, ac in Cherronesum Thraciam classem appellens, exscensione illic facta, & proximis quibusque vi, metu, suadâ sibi adjunctis, copias haud parvas reparavit. Mox accessit & fortuna alia inopina. Nam Seleucus filiam ejus, quam insigni forma ac morum gratia habebat: ultrò nuptiis expetivit, eaque promptissimâ voluntate parentis accepta, novus gener cum filia Ptolemæi Aegyptii socero conjugium conciliavit. Qua gemina affinitate

mitate jam fultus Demetrius in spes
 magnas animum rursus erexit. Erat
 eo tempore Athenis Leochares gratiâ
 & opibus inter populares potens: qui
 occulte persuasus à Cassandro, com-
 motâ seditione tyrannidem ibidem in-
 vasit, eaque asperè admodum, & cru-
 deliter est usus: utque omnes metu op-
 pressos tenuit, ira odium quoque om-
 nium in se vertit. Hac occasione De-
 metrius, monitus præsertim ab amicis,
 ad recuperandas Athènas animum in-
 tendit, itinereque istuc converso, quam-
 vis adversa tempestate in mari non pro-
 cul terrâ Atticâ turbatus, multis navi-
 bus & viris amissis tamen animum non
 despondit, sed velut aliud agens, dum
 reparatur classis, & militum numerus
 instauratur, in Peloponnesum se intu-
 lit, atque illic in oppugnanda Messène
 gravi vulnere in facie læsus, atque ex
 vulnere restitutus in Atticam exercitum
 repente duxit. Ibi occupatis celeriter
 locis aliquot munitis, inprimis Eleusine
 & Rhamnunte, & classem ad litora ad-
 ductâ totam regionem infestam habuit,
 Athenasque ipsas in extremas redegit
 angustias, ac demum dirâ fame domi-
 tas deditionem facere coëgit, tyranno
 fugâ elapso in Bœotiam, ibique paulo
 post interempto. Ipse in urbem in-
 gressus,

gressus, tremente & pœnas metuente totâ civitate, clementer victoriâ est usus. Piræo tantum & Munychiæ, & in ipsa urbe Musæo, loco arci vicino, & locis Atticæ aliis præsidia imposuit: populo fame fracto decies mille medimnos frumenti dono dedit, usumque legum patriarum, & magistratus pristinos restituit. Non diu post, defuncto in Macedoniâ Cassandro, deinde filiorum ejus natu maximo Philippo, qui patri successerat, è vivis sublato, reliqui inter se de regno decertantes Demetrium eodem attraxerunt. Is postremo filiorum ejusce Alexandro, à quo evocatus erat, ob insidias sibi paratas, ut aiebat, interempto, Macedoniæ regem sese constituit. Hoc incremento fortunæ firmatus, multa pro arbitrio suo egit in Græciâ toto septennio sequente. Quo exacto, in invidiam regum aliorum & suspicionem consiliorum de recuperando imperio in Asiâ, quod pater tenuerat, incurrit: quod novo ei exitio fuit. Nam initâ inter illos conjuratione à Lyfimacho & Pyrrho Epirotâ, qui vicini erant, conjunctis armis Macedoniâ exitus est. Quam occasionem speculati Athenienses præsidia omnia Demetrii à cervicibus suis quoque depulerunt, seque in integram libertatem asserue-

asseruerunt : sacerdote Servatorum abdicato, pristinum locum ac jus archonti eponymo reddiderunt. Quare sibi nunciata Demetrius, qui tum Thebis magno à se beneficio recens affectis morabatur, vehemente irâ percitus, collectis subito copiarum suarum & classis reliquiis ad obsidendas terrâ marique Athenas festinavit : sed exoratus à Cratete philosopho, legato ad se ab obsessis missò, ut erat naturâ facilis, solutâ obsidione liberas eas reliquit, & ad alia majora se accinxit, ut de inimicis pœnas sumeret. Cumque de recuperandâ Macedoniâ, quam alii atque alii reges mirabili fortunæ vicissitudine raptabant, tum temporis desperaret, in Asiam contendit contra Lysimachum & cæteros conjuratos. Sed ibi variis casibus jactatus, jam victor, jam victus, tandem ab omni fortuna desertus, ac rebus adversis circumventus, captivus in manus Seleuci soceri (*fortè generi*) sui incidit, in ejusque custodiâ diuturnâ ultimum vitæ diem clausit. Post cujus obitum filius ipsius Antigonus Gonatas tandem Macedoniæ regnum recuperavit. Interim Athenæ libertate fruenter quietæ fuere usque ad annum regni hujus Gonatæ decimum nonum, qui tertius fuit Olympiadis centesimæ vigesimæ

geſimæ nonæ , à morte Alexandri Magni ſexageſimus primus. Eo anno fluente Antigonus rex , alterâ victoriâ ingente ex Gallis regnum ſuum turbantibus elatus, recordatus eorum , quæ Athenienſes in patrem ſuum deliquerant , comparatis ingentibus armatorum copiis , urbem eorum terrâ marique obſedit , nec antè finem ejus fecit, quàm Athenas ſeſe dedere compuliſſet, fruſtrâ auxiliis à Ptolemæo Agypti rege & civitate Spartanâ contra obſidentem ad ſublevandos obſeſſos ſubmiſſis. Tum rurfus, libertate reliqua incolumi, præſidium Macedonicum urbi impoſitum. Quod licet decennio poſt eodem permittente rege inde amotum fuit, tamen urbs in clientela Macedonum manſit , & eorum partibus adhæſit, quandiu Antigonus vixit, (vixit autem poſt id tempus annos quaſi xvii,) & poſt eum Demetrius ejus filius , qui regnavit annos x. Retinebant enim in poteſtate ſuâ Macedones Piræum , Murechiam , Salaminem , Sunium, & Atticæ quædam loca alia , quibus velut cincta civitas commovere ſe non poterat : imò partium Macedonicarum ſtudium ſingulare præ ſe ferre neceſſum habebat. Verû extincto Demetrio, cum Macedoniæ jam præſideret Antigonus

gonus cognomento Δῶρων, prioris ex filio notho nepos, à diuturno Macedonum jugo per Aratū Sicyonium Athenę in libertatem integram rursus tandem sunt assertę. Aratus quippe Achęorum princeps totius Gręcię liberandę percupidus, jamdudum vivente adhuc Gonatę rege, Piręo & Munychiā deicere Macedonas aliquoties conatus fuerat, conatuque semper frustratus, denuò regnante Demetrio Gonatę filio rem eandem tentaverat, semel etiam tempore Antigoni in festino receptu crus suum fregerat. Sub Demetrio verò in prælio ad Phylaciam victus à Bitho regio duce res memorabilis accidit. Nam fama percrebuit, in conflictu aut captū ab hoste esse, aut cęsum occubuisse. Quapropter Diogenes, qui nomine Demetrii Piręum præsidio tenebat, ilicò literas Corinthū misit, significans, Aratum, qui urbem illam ante aliquot annos Macedonibus ademerat, periisse: idcirco benè facturos cives, si Achęos urbe suā nunc expellerent. Sed aderat fortè eodem tempore Corinthi ipse Aratus, vanitatemque nuncii ac moniti præsentii suā refutavit: & tabellarius, qui literas attulerat, ludibrio acceptus & derisus ad Diogenem suum rediit. Rex quoque eadem fama persuasus navem ex

Macedoniâ in Græciam misit, quâ Aratus vinctus in Macedoniam vheretur. Sed indignissimum fuit, quod tum temporis ab Atheniensibus est commissum. Nam Macedonum gratiam captantes pro levitate ingenii sui, perlatâ in urbem famâ de Arati interitu, coronas sumpserunt, quod non nisi in magnâ lætitiâ fieri moris erat. Quo audito in iram commotus Aratus sine morâ cum copiis, quas paratas habebat, in Atticam contendit, & obvia vastans ad Academiam usque pervasit: sed consiliis suorum cedens, & precibus sapientiorum civium victus sine maleficio ulteriore pedem retulit. Quam virtutem populus admiratus, ob eamque in venerationem ejus versus, extincto paulo post Demetrio rege, cum sub pupillo Philippo & tutore ejus Antigono Dosonte res Macedonicæ vacillare viderentur, in spem recuperandæ libertatis erectus Aratum evocavit. Hic quamquam ex morbo infirmus tum esset, & præturam non gereret, tamen studio asserendæ in libertatem Græciæ, abjecta memoria contumeliæ prioris læticiâ vectus Athenas properavit, anixusque Diogeni Macedonici præsidii præfecto, ut acceptis centis talentis, Piræum, Munychiam, Salaminem, Sounium,

nium, abducto milite præfidiario Atheniensibus traderet. In quam rem pecunia quoque sua Athenienses adjuvit. Ita suo juri & pristinae libertati, beneficio Arati redditæ Athenæ. Quod magno emolumento societati Achaicæ fuit. Nam exemplo Atheniensium moti vicini Æginetæ, & cum his Hermionenses, qui sunt in proximo litore Argivo, à Macedonibus recesserunt, & Achæis se adjunxere: idemque paulo post fecere bona pars Arcadum: denique hac liberatione Athenarum velut fores augendæ reipublicæ suæ Achæis sunt apertæ, ut docet nos in Arato Plutarchus, cui uni hanc historiam liberatarum hoc modo Athenarum debemus. Accidit hoc fluente Olympiade cxxxvi, cujus initio mortuus est Demetrius Macedoniæ rex, relicto impubere filio Philippo: annus certus nusquam notatus est. Ab hoc verò tempore perstitit in libertate civitas Attica, nequicquam frementibus Macedonibus; & sub finem belli Punici secundi, composito primo bello inter Romanos & Philippum Macedonem, cum multis aliis fœderi ascripta à Romanis est, P. Corn. Scipione, P. Licinio Crasso consulibus. anno urbis Romæ DL, qui concurret cum Olympiadis cxxliii anno quarto

jam vergente. Rursum verò à Philippo acri bello petita quadriennio post, & in ipsa porta magna vi oppugnata, sed irritò conatu, juvantibus eam sociis Attalo rege Asiæ & Rhodiis : instauratoque à Philippo conatu ager Atticus evastatus. Verum cum Romani cum sociis totis viribus Philippo incumberent; tandem hic armis fractus, duce T. Quinto Flaminio, pacem petere & omnes Græciæ urbes quas tenebat, liberas dimittere coactus fuit. Ita Corinthus quoque, quam Philippi antecessor Antigonus Cleomene rege Lacedæmonio debellato quæ eam Achæis ademerat, Macedonibus rursum subjecerat, societati Achæicæ reddita: Chalcis cum reliqua Eubœa, multæque civitates aliæ jugo Macedonico exemptæ. Athenæ honoratissimæ inter civitates Græcas, & sui planè juris sociæ & amicæ Romanorum audierunt: atque ita ab bellum usque Mithridaticum sine motu ac mutatione pervenere, licet novæ constitutionis aliquid, deletâ Corintho, & Achaia Romanorum provincia facta, à Romanis accepisse, verba quædam Appiani in rebus à Sylla gestis significare videantur: quæ verba postea loco magis commodo recitabo. Sed quicquid id fuit, sine diminutione liber-

libertatis & αὐτονομίας fuit. Bello autem Mithridatico cum opera Aristionis philosophi Epicurei, qui pecunia à du-
 cibz Mithridatis accepta fretus, tyran-
 num se urbi imposuerat, blanditiis ac
 ostentata beneficentia regis ipsius pel-
 lectæ, nimis facilè relictâ Romanorum
 societate in partes regias se contulissent
 & pertinacius quàm ulla aliarum Græ-
 ciæ urbium iisdem inhærent, obside-
 rique & oppugnari se sinerent, expu-
 gnatæ à Sylla Romanorum imperatore
 ingentem cladem acceperunt. Nam
 præter gravissimam famem, qua ad-
 eum carnium humanarum deventum
 esse Appianus affirmat, in expugnatione
 multò maxima pars civium ab irato
 victore trucidata est, cædesque sine di-
 scrimine sexus & ætatis larè grassata, ut
 plurimi vici, aliaque urbis loca sanguine
 humano maderent; magnus quoque
 numerus ex desperatione manibus in se
 versis confectus, mœnia multis in lo-
 cis solo æquata, Piræum ingenti labore
 captum, post hominum stragem peni-
 tus vastatum, nullique operi, non na-
 valibus, nō armamentario parsum, quæ
 ignis injectus consumere non potuit,
 machinis & manibus militū diruta: qui
 magistratum aliquem in urbe gesserant,
 aut quicquam contra instituta Romana

commiserant, cum Aristione tyranno
 & toto satellitio ejus, arce dedita, in
 quam confugerant, suppliciis affecti.
 Urbs tota direptioni militum permissa:
 ædificia tantum ejus, & opera alia con-
 servata. Servi omnes sub coronâ ven-
 diti, reliquiis civium, qui cædi noctur-
 nâ (noctu enim urbs expugnata) super-
 erant, libertas concessa, sed jus suffra-
 giorum & sciscendorum decretorum
 ademptum: id verò liberis eorum re-
 lictum. Discedens victor, civitati ter-
 miseræ & penè desolatæ leges easdem
 fermè quas prius à Romanis (finito sci-
 licet bello Achaico) acceperant, reddi-
 dit: aurum verò & argentum, quod
 erat in arce, sustulit. Appiani verba,
 quorum mentionem feci, hæc sunt:
 Καὶ ὁ Σύλλας Ἀρσίωνα μὴ, & τὰς
 ἐκείνου δορυφορήσοντας, ἢ ἀρχὴν πνα
 ἀρξάντας, ἢ ὁποῖον ἄλλο πρῶτοντας,
 παρ' αὐτῶν περὶ ἀλέσης τ' ἑλλὰδ' ὅ-
 υατο Γ' ὠμῶν αὐτοῖς διέτετακτο, ἐνό-
 λατε θανάτω. τοῖς δ' ἄλλοις συνήγων,
 κηρόμενος ἔθηκεν ἅπαντας ἀγχῆ τ' ὡρ-
 σθεν αὐτοῖς ὑπὸ Γ' ὠμῶν ἐλεοθέντων.
 Datum hoc postremum venerandæ
 memoriæ majorum, & precibus ex-
 lum genibus Syllæ advolutorum. Reli-
 qua

qua castigatio nimis aspera ac verè Syllana : de qua rectè usurpari illud potuit, quod de proscriptione non multo post Romæ ab eodem instituta cecinit poëta Lucanus , *Excessit medicina modum*. Sed & ex hac clade emerfit rursus civitas, sublevata benevolentia Romanorum post Syllæ mortem, quibus asperitas istius displicebat : præsertim illorum, quibus curæ elegantiores literæ erant, & quos veterum Atheniensium gloria commovebat. Quapropter multi quoq; Romanorum libenter illic commorabantur, ut velut in ipsa optimarum artium sede culturam ingenii caperent, & inter monumenta clarissimorum virorum ac rerum ab ipsis gestarum præsentem versarentur. C. etiam Cæsar Dictator, cum quo Romana libertas concidit, ignovit iis, quanquam contra ipsum pro Pompeio bello civili stetissent, hoc solum in eos dicens, servari Athenienses à mortuis, hoc est, veniam iis dari ob memoriam majorum. Cæsare autem Romæ in curia à conjuratis occiso, cum Brutus & Cassius principes conjuratorum Italia cedentes Athenas venissent, ab Atheniensibus libertatis amantissimis honoris ergò statux iis ex ære velut tyrannicidis juxta Harmodii & Aristogitonis statuas po-

sitæ

siæ fuere. Quod vehementer mon-
dit Cæsarem Octavianum vindicem
cædis illius, & cæsi hæredem. Anto-
nium verò pro vanitate & inconstantia
ingenii ipsius, quamvis & ipse ultorem
se cædis Cæsarianæ profiteretur & au-
toribus ejus infestus esset quàm maxi-
mè, minus commovit. Is enim debel-
latis ad Philippos Bruto & Cassio, &
Octaviano Cæsare, à victoria statim in
Italiam profecto, in Græciam se cum
contulisset, huc studia sua retulit, ut
gratiam & amorem ejus gentis, in pri-
mis verò civitatis Atticæ in se verteret.
Athenis igitur commoratus aliquan-
diu, priusquam in Asiam ad conficien-
da tributa transiret, ad demerendos ci-
vitatis animos nihil omisit, quod istuc
quoquo modo pertinere putaret, be-
nignus, affabilis, facilis, in theatris &
philosophorū scholis frequens, muni-
ficus: insulas aliquot, & in his Ceam,
Sciathum, Peparethum, ipsamque adèò
Æginam reipublicæ largitus: ipse vicis-
sim summis honoribus à civitate cu-
mulatus. Et post id tempus, quoties res
ferret, sive in Asiam, Syriam, Ægyptum,
Armeniam & reliquas orientis regio-
nes tenderet, sive inde reverteretur, id
quod fiebat frequenter, Athenis ut plu-
rimum hyemabat: & majestate imperiū
sepo-

seposita ad tempus, veste, comitatu, moribus quasi civis Atticus inter cives versabatur, omnibusque familiarem se dabat, reipublicæ quoque munera nonnunquam gerebat, eoque honore velut gaudere videbatur. Et accidit aliquandò, cum esset Antonius Athenis, & secum duceret Cleopatram suam, arma æmulo suo Cæsari Octaviano illaturus; intereaq; dum bello necessaria pararentur, more suo ludis & theatris se daret, accidit, inquam, ut Cleopatra cognoscens maximis honoribus Octaviam Antonii conjugem ab Atheniensibus non multò antè cultam fuisse, ostenderet, pares honores se quoque ab iis desiderare. Cumque in gratiam Antonii, cuius mentē benè norat, honores illi eodem civitas decrevisset, legatosque, qui decretum illi adferrent, domum ejus mitteret, ipse Antonius, ut affirmat Plutarchus, inter eos esse voluit, utpote qui civis Atticus esset, idemque coram regina stans nomine civitatis verba ad eam fecit. *δρᾶμα* sanè risu dignum. Verum haud diu post victus ad Actium, fugaque elapsus cum Cleopatrá, & in Ægyptum reversus, deficientibus amicis de fortuna jam desperans legatos ex voluntate Cleopatrá misit ad Cæsarem victorem, petiitque ut regnum Ægypti

liberis Cleopatraz permitteretur, sibi
verò privato Athenis in pace vivere li-
ceret. Sed adum egit. At Cæsar, everso
in Ægypto Antonio cum Cleopatraz, so-
lus rerum Romanarum potitus, & Au-
gustus appellatus, rebus urbanis consti-
tuendis, & gerendo bello Cantabrico
difficili in Hispaniâ, cui ipse præfuit, oc-
cupatus, moderateque administrando
imperio id studii habens, quò benevo-
lentiam omnium mereretur, nec in re-
liqua Græcia, nec Athenis quicquam
novasse legitur. Sed anno post Ægy-
ptum subactam nono, qui erat xxiii à
cæde C. Cæsaris Dictatoris, M. Lollio &
Q. Amilio Lepido consulibus, cum ad
visendas provincias mare transisset,
Græciæque regiones obiret, ac Athenas
esset delatus, sive memor invisi hono-
ris, quem Bruto & Cassio cum probro
cæsi Cæsaris Dictatoris civitas antè tri-
buerat, sive perpetui studii partium An-
tonianarum, quod quosdam opinatos
fuisse Dion Cassius prodit, seu quid aliud
recens ab ea commissum, seu quòd alio-
rum libertati & commodis consultum
quoque Cæsar vellet, duas urbes insi-
gnes, Aeginam & Eretriam ei ademit, il-
lam dono acceptam ab Antonio, hanc
inceptum quando & quomodò acquisi-
tam, post Chalcidem Eubœæ etiam ea
attate

etate longè maximam. Huic mul-
 tæ interdictioni à Cæsare adjectum esse
 idem Dion scribit, ne quem in posterum
 Athenienses accepta pecunia civem fa-
 cerent, id est, jus civitatis suæ venale ha-
 berent. Quod argumento est, id vitium
 contra laudabilem morem majorum
 tum in civitate receptum fuisse, ac ro-
 bur accepisse. Post quæ cum effluxissent
 jam anni circiter xxix, ad consulatum
 C. Poppæi Sabini & P. Sulpitii Cameri-
 ni, qui proximè antecessit famosam cla-
 dem Romanorum in Germania, qua
 Quintilius Varus cum exercitu à Che-
 ruseorum principe Arminio cæsus oc-
 cubuit, notat in canone Chronico Eu-
 sebius, Athenienses res novas molitos
 esse contra Romanos, & eadē autorum
 noxam illam luisse. Sed an quid am-
 plius in eosdem statutum sit, nec Euse-
 bius nec quisquam alius, quod sciam,
 prodidit. Fateor tamen, in eam suspi-
 cionem me abripi, ut existimem in in-
 stitutis eorum aut tum aut proximis
 temporibus aliquid esse mutatum, quod
 ad avertendos similes casus pertineret.
 Alioqui enim locū habere non potuissent
 videntur, quæ de iis & Adriano impe-
 ratore idem Eusebius memoriæ prodi-
 dit. Adrianus quidem omnium impe-
 ratorum Romanorum, quia eruditissi-

mus & eruditionis amantissimus erat, in civitatem Atticam maximè effusa fuit gratia ac studio, ut etiam priusquam ad imperii dignitatem esset promotus, esset autem summo loco apud imperantem Trajanum, ἀρχὴν ἐπὶ πάντων ἑκ τῆς Ἀθηνῶν ἐσθλότητος desideraverit. Deinde imperator ipse factus petentibus Atheniensibus (verba sunt Eusebii) ex Draconis & Solonis & aliorum legibus jura restituit. Quod, ut dixi, non obscure docet, ab eorum institutis civitatem tunc abductam fuisse. Ad hæc Athenas identidem ventitans, Bacchanalia ibi magnifico apparatu, vestem Græcam indutus, & summo reipublicæ munere functus celebravit, sacrisque Atticis initiandum se dedit. Urbem verò tam multis & amplis ac magnificis operibus & ædificiis sumptu immenso ornavit, ut nova prorsus & Adriani urbs, non Thesei dici posset. Vnde epigramma illud in arce juxta templum Minervæ, quod ætate sua adhuc superfuisse Volaterranus scribit: αἰδ' εἰς Ἀθῆνας Θεσέως παῖτον πόλις; αἰδ' Ἀδριανῆς, κ' ἐδὲ Θεσέως πόλις. Operum horum multa descripsit Pausanias αὐτόπτης in Atticis suis, qui eo ævo vixit. Idemque Adrianus Cephaleniam insulam, ut ex Dione affir-

mat Xiphilinus , Atheniensibus dono dedit. Similique affectu foverunt hanc civitatem duo Antonini imperatores, Adrianum mox secuti , Pius & Philosophus, uterque princeps literis insigniter excultus , & literatorum amator eximius : quorum posterior cum Athenas venisset sacrisq; illic initiatus esset, summos honores civitati tribuit, & in usum omnium hominum ac nationum omnis doctrinæ magistros annuis stipendiis honoratos ibidem constituit. Interim murorum Atticorum partes à Sylla quondam dirutas, cum reparandis Athenis studeret Adrianus , resectas non fuisse non crederemus, nisi id Zonaras tempore Valeriani imperatoris demum factum esse ob metum in Græciam tum ingruentium Scytharum affirmaret. Causam ejus fuisse arbitror altam securamque pacem, qua tum vicinæ gentes sub imperio Romano absque periculo quiescentes fruebantur, ut murali præsidio non indigere urbes viderentur. Valeriani autem filius Gallienus imperator velut æmulatus Adrianum, literis ipse quoque multum deditus, cæteroqui ignavus & vitiis plurimis obnoxius, ut Athenas sibi caras esse ostenderet, civis Atheniensis esse voluit, & senator in Areopago sedit, causasque cum senatoribus

ribus cognovit, & archontis annui munus administravit, & sacris Atticis imbui sese curavit. Quibus rebus dum vacaret, neglecta potiore imperii cura occasionem aliis dedit rapiendi hinc illic imperii, quos xxx tyrannos scriptores appellarunt, seque & fortunam suam evertit. Recitat Volaterranus etiam aliam ἐπιγραφὴν in eadem arce Athenarum juxta Minervæ quoque fanum columnæ affixam à priore diversam, dicatam memoriæ Rufi Fæsti Græciæ proconsulis: cujus hæc verba: Τῷ λαμπροτάτῳ ἀνθυπάτῳ τῷ Εὐκλείδῳ Ρ' ἐφ' ὧ Φαίῳ, καὶ Ἀρεοπαγείτῃ, ἡ ἐξ Ἀρεοπαγέως βουλὴ τῶν τριακροσίων, ἐὼς δὴ μετὰ τὸν Ἀθῆναιῶν δυνόϊας καὶ ἀρεοπαγείας ἐνέχεα: id est, Splendidissimo proconsuli Græciæ Rufo Fæsto, & Arcopagita, Arcopagis senatus trecentorum & populus Atheniensis benevolentia & beneficentiâ gratiâ. Sed quo tempore Fæstus ille proconsul Græciæ præfuerit, nec Volaterranus indicat, nec aliunde nobis constat. Hoc verò ἐπιγραφὴν ista nos docet, eo tempore, quo posita est, fas fuisse, externos etiam Arcopagitas fieri, & senatum Arcopagi, qui ex lege Solonis numero incerto solet esse, ut suo loco

loco à nobis dictum, numero certo trecentorum tunc fuisse. Hanc quoque *ἐπιγραφὴν* ad ætatem suam incolumem mansisse, Volaterranus significat. Zosimus gentilium superstitioni apprimè addictus scribit, Alaricum Gotthorum regem postremis Theodosii primi imperatoris diebus ex Thraciâ profectum in Macedoniam & Græciam cum exercitu invasisse, & multis evastatis Thebas, quòd benè munitas eas esse cognosceret, præteriisse, avideque spe ingentis & certæ prædæ Athenas festinasse, quas propter ambitus magnitudinem tueri se ab omni parte non posse credebat: sed ostentis territum, conspectâ nimirum Minervæ specie in muro urbis obambulantis, & item Achillis pro mœnibus pugnare parati, invadendæ urbis propositum abjecisse, paceque oblata, relicto foris exercitu cum paucis inermibus & pacatis urbem esse ingressum, honorificeque à civium primoribus exceptum, muneribusque cultum sine maleficio & urbem & totam regionem Atticam reliquisse: impetu in Megaridem vicinam verso, urbem ejus vi armata captam militibus suis in prædam dedisse: dein sine mora Isthmo superato Corinthum, Argos, Lacedæmonem, aliaque in ea vicinia Peloponnesi

oppida potestatis suæ fecisse. Theodosii
istius primi ex filio Arcadio nepos Theo-
dosius alter imperator à morte patris
diligenti cura sororis Pulcheriæ bonis
literis probè imbutus uxorem accepit
Eudociam fœminam doctissimam, ci-
vem Atticam Leontii philosophi filiam,
quæ eruditi ingenii sui monumenta
post se reliquisse traditur: cujus fratres
duo Valerius & Genesius magnis rei-
publicæ negociis ab imperatore marito
fuère præfecti. Ex hac nata fuit marito
filia unica matri cognominis, nupta
Valentiniano III imperatori: cui pepe-
rit Placidiam filiam Olybrii imperato-
ris conjugem, Eudociam nuptam Thra-
symundo Vandalorum regi, filio Gen-
serici, patri Honorici. Et post aliquot
ætates Athenis Attico cive genita Irene
Leoni IIII imperatori uxor data, magis
magni quàm boni nominis imperatrix,
Carolo Magno Francorum regi, & Ro-
manorum in occidente imperatori co-
æva, statuarum cultrix & propugnatrix
singularis, fœmina ambitiosissima, &
turbulenti animi, quæ multos motus
in imperio excitavit, filium unicum
Constantinum Porphyrogenitum ocu-
lis privavit atque imperio exuit, impe-
rium ipsa rapuit: quod cum aliquandiu
nequiter gessisset, à Nicephoro Logo-
theta

thera eversa, ac in monasterium detrusa, demumque custodibus appositis in Lesbum insulam deportata, atque ibi animi mœrore confecta infamem vitam finivit. Nicephorus imperii occupator filio suo Stauratio Cæsari ex eadem civitate Attica oriundam Irenæ sanguine iunctam Theophanonem conjugem despondit. Tanti tum adhuc civitas Attica fuit. Honosque eidem habitus sub imperatoribus sequentibus quamdiu majestas aliqua imperio Romano in Oriente constitit. Qua prolapsa splendor quoque hujus sensim emarcuit: præsertim cum lacerato Orientis imperio, & provinciis ejus in Europa ab occidentalibus, quos tum vulgo Latinos vocabant, occupatis, & in partes distractis, cuncta pessum illic irent. Postremò imperantibus in Thracia Palæologis post varias fortunæ vicissitudines in manus incidit Rainerii Acciajoli Florentia oriundi, & posterorum ejus hominum vilium & ista conditione haud dignorum, qui se duces Athenarum nuncuparunt. Quorum dominatum, pudendum per complures annos perpessâ tandem Turcis, universæ Græciæ imminetibus, cessit. Quo tempore cum Mahometes magnus Turcarum imperator amplitudinem, ejus, situm,

opera magnifica contemplaretur, admiratus eam est, ut testatur Laonicus Chalcocondyles è civium Atticorum primoribus, qui præsens tum fuit, & historiam harum rerum scripsit. Nec Mahometes tū in urbem sæviit deditione captam: sed à præfectis ejus & successorum, hominibus barbaris, avaris, Christiani nominis hostibus, ità habita est, ut nunc magnæ & illustris urbis cadaver potius, quàm urbs incolumis videri queat. Et tamen, qui hodiè eam benè norunt, superesse illic etiam nunc priorum operum magnificorum visendas reliquias, & ambitum ejus milliarium Italicorum esse sex aut septem, & habitatorum numerum quasi duodecies mille censi perhibent. Addunt quoque, quod mirum videri queat, in hac tam crassâ regionum istarum præsentī barbarie ingenii aliquid acrioris & solertioris præ cæteris Græcis, sive id æris subtilitati sedisque felicitati, sive cibi ac potus, quem tellus Attica profert, bonitati debeat, non obscurè in his ipsis habitatoribus hujus ævi deprehendi, licet dialectus linguæ Græcæ, qua hodie Athenienses utuntur, inter cæteras quæ multæ & varix sunt, audiat omnium deterrima. Incolitur urbs hodiè etiam, ut quondam, trifariam. Arcem, quam

quam ^æ veteres dicebant, cæteris partibus editiorem, & quasi in medio sitam, soli Turcæ habitant. Alteram quæ nonnihil sedit, & arci tertiæque parti est interjecta, soli incolunt Christiani. Tertiam & extimam humillimamque, in qua regia est ingentibus marmoribus & columnis suffulta, ædificiis frequentem multitudo promiscua tenet. Retinet eadem urbs etiam nunc qualemcunque metropolitico honorem, gaudetq; episcopo metropolita, qui episcopus minoribus istius vicinæ numero sæ præsidet. Sed ut episcopatus illi tenues sunt, ita dignitas metropolitica exigua.

III.

D E

R E P U B L I C A
L A C O N V M.

Libertatis Laconica gradus.

Quemadmodum Attica, sic quoque Laconica per gradus ad eam libertatem pervenit, qua pollebat tum, cum ipsa, & res totius Græciæ maximè florebant. Primi, qui rerum illic potiti sunt ante & post Troica

tempora usque ad reditum Heraclidarum in Peloponnesum, reges nomine & re fuerunt penè pro libitu regnantes, quorum postremit Menelaus, Orestes, Tisamenus, è Pelopidis descenderunt. Regnum tenente Tisameno, Orestis filio, Agamemnonis nepote, posteri Herculis, filii Aristomachi, Temenus & Cresphontes, & horum fratre Aristodemo nati, Eurysthenes ac Procles, cum cæteris Dorici generis in Peloponnesum redierunt anno LXXX post Troiæ excidium, ante initium Olympiadum Iphitearum CCCXXVII, sub penultimo Athenarum rege Melantho. Ex his Argivum regnum Temeno, ex quo reges Macedoniæ ortum traxere, Messenium Cresphonti cessit. Aristodemi filiis duobus Laconicum est datum, cujus metropolis & regum sedes erat Sparta, quæ eadem etiam Lacedæmon dicebatur. Fuit verò tunc sic comparatum, ut duo fratres Eurysthenes & Procles Aristodemi filii pariter regnarent Lacedæmone, æquali potestate præditi; utque ex his descendentes duo, alter ex Eurysthene, ex Procle alter, eodem modo regnum indivisum tenerent, adjecta certa succedendi lege in loca defunctorum. Atque id observatum à posteris per multa sæcula ad Cleomenem regum
ulti.

ultimum, qui occiso collega Agide, & trucidatis ephoris, dum magna molitur, ingenti prælio ab Antigono Macedone sociisque Achæis victus sese & regnum evertit anno post Eurysthenis & Proclis initium D CCC LXXX.

Cæpit igitur regnum hoc, quod monarchicum hætenus fuerat, cum Heraclidarum initio esse *δυναρία*: quod vim regiam temperavit, præsertim cum æmuli inter se reges collegæ ut plurimum essent. Nam & fratres Eurysthenem & Proclum, qui primi regnarunt, odio mutuo laborasse, ac studiis discordibus toto regni sui tempore actos esse, idque posteris quoque inhæsisse, Herodotus ipsorum Laconum fidem secutus tradit, & post eum etiam Pausanias. Et est vero maximè consentaneum, non solutam potestatem, sineque conditione populum in se primis regibus permisisse, cum esset ingenii sublimis & ad libertatem propensi. Quod arguunt etiam motus frequentes, qui statim à regni conditu in eo fuisse à magnis autoribus produntur. Adde quod Plutarchus in vita Lycurgi scribit, Eurypontem regem Proclis ex filio Soo nepotem, quem ipse Eurytionem nominat, ad populum demerendum potestatis regis fastum multum minuisse, eaque

re occasionem populo dedisse ferociendi ac tumultuandi contra reges proximè secutos, si quid violentius pro imperio viderentur agere, & turbulentos quoque motus inter sese ciendi, excussa legum & imperii reverentiâ; atque in hujusmodi tumultu, dum diripendi ejus ergò accurreret, regem Eunomium, Eurypontis nepotem, Lycurgi legumlatoris celeberrimi patrem, accepto vulnere mortem oppetiisse.

Lycurgus reformando statui confuso & fluctuanti legislator creatus.

Cum verò confusio hæc cum tempore cresceret, & status regni incertus fluctuaret, cum populus à regibus, reges à populo sibi metuerent, & cum alii in populo rebus turbatis opes cumulassent, & possessiones soli ferè omnes in se vertissent, alii contra, & hi numero plurimi, rerum inopiâ premerentur, ac rixarentur cum fortuna sua, & horum fremitum divites formidarent, viderenturque hæc majus malum, adeoque regni interitum portendere; à Lycurgo, opportunè tum ex longa peregrinatione domum reverso, medendis his malis & constituendæ melius reipublicæ manus admota fuit. Erat quippe Lycurgus è regio sanguine vir

vir summus, Eunomi, ut jam dixi, filius, Charilai tum regnantis patrums, fueratque nuper ejusdem hujus adhuc minorennis tutor, ac regni pro eo administrator. Atque hac administratione tantam sibi existimationem incorruptæ fidei, justitiæ, integritatis, prudentiæ, fortitudinis, industriæ, mansuetudinis, apud populum paraverat, ut non alius imperio regio dignior videretur. Quod cum malevoli in calumniam contra eum cæpissent vertere, ut sinistris suspicionibus occurreret, si quid fortè contingeret humanitus Charilao accidere, relictâ sponte patriâ peregrinatum ierat, diu primum in Creta ad leges Minois fama celebres penitus cognoscendas commoratus, deinde in Asiam & Ægyptum profectus ad variarum gentium instituta moresque perspiciendos: quod augendæ priori prudentiæ, qua jam antè valebat, non parum fuit. Ex qua peregrinatione, flagitante populo, qui se ac rempublicam obconturbatum fluctuantemque statum in discrimine non exiguo esse sentiebat, Spartam tandem reversus virtute sapientiaque sua malis præsentibus levamen aliquod aut remedium adferre posse putabatur. Quinetiam ipsos reges reditum ejus desiderasse Plutarchus tradit, sperantes scili-

scilicet, eo præsente propter gratiam & autoritatem ejusdem, quam apud multitudinem habebat, minus periculi à motu hujus sibi esse futurum. Nec opinionem populi & spem regum fefellit eventus. Nam cum domum Lycurgus redisset, reperissetque omnes ordines præsentis conditionis suæ ac status pigere, & animis pendentes in sese oculos conjicere,prehendendam occasionem se offerentem ratus, cum paucissimis quibus maximè fidebat, communicato consilio ad reformandum regni & reipublicæ statum seriò animum adjecit. Verum priusquàm palàm quicquam occiperet, gnarus, religione mentes hominum plurimum moveri, & Minois exemplo, de quo in Creta edoctus erat, permotus, Delphos ad sacra facienda & consulendum Apollinem profectus fuit. Quibus ritè illic peractis, gaudens Spar-
ram repetiit, ferens secum oraculum illud fama celebratum, quo dilectum Diis, aut DEVM potius quàm hominem Pythia sacerdos eum salutavit, & mox *Βρομίας*, hoc est, bonarum legum formam & reipublicæ ordinationem flagitanti respondit, dare ac polliceri DEVM eam, quæ omnium rerum publicarum futura esset longè præstantissima. Hoc igitur responso magis magisque

animatus, & spe bonâ fultus secretò
 primum cum amicis, dein paulatim
 cum pluribus agens, aliosque post alios
 ad causam adjungens, præsertim opti-
 mates, ad capellendam rem omnibus
 salutarem eos exsuscitavit. Demum
 cum res jam matura videretur, jussit
 xxx primores die illucescente cum ar-
 mis in forum se conferre ad conster-
 nandos, metuque turbandos adversa-
 rios. Vnde cum tumultus aliquis exi-
 steret, Charilaus rex perculsus, metuens
 in se arma versum iri, (idenim ei Ly-
 curgi æmuli, & causæ inimici insur-
 rabant,) in sacellum Minervæ, quod
 Chalciaecum dicebant, velut in asylum
 confugit. Sed fretus jurejurando sibi
 dato, relicto sacello, & re plenius co-
 gnitâ partibus Lycurgi accessit, uti fere-
 bat ingenium ejus mansuetissimum.
 Xenophon scribit, existimare se, haud
 levibus rationibus ductum, non prius
 ad constituendam rempublicam & le-
 ges ferendas Lycurgum aggressum esse,
 quàm eos, qui in civitate plurimum va-
 lerent, consentientes reddidisset. Dein-
 de addit, non antè leges eum populo
 tradidisse, quàm cum civium præstan-
 tissimis Delphos profectus Deum inter-
 rogasset, an Spartæ melius futurum
 esset, si legibus à se conceptis pareret,
 respon-

responsumque tulisset, omnino ita futurum: tum Spartam reversum leges promulgasse, & non solum iniquum sed etiam nefarium judicasse, qui legibus à Pythio probatis obsequium abnueret. Plutarchus verò memorat, quod prætereundum non est, cum consummatam jam totam rem Lycurgus haberet, essentq; omnia in usum recepta, usuque plurium annorum probata, hoc eum velut stratagema usurpasset: vocasse nimirum omnes ad concionem, & dixisse, habere quidem ea, quæ constituta receptaque jam sint, rectè ad inserendam alendamque virtutem, & conciliandam civitati prosperam fortunam, sed, quod præcipuum & maximum putaret, id se non antè editurum quàm Deum consulisset: quapropter oportere eos his, quæ constituta jam essent, sine vitio insistere, nec mutare aut movere quicquam, quoad ipse Delphis domum revertisset: tum, quodcunque intellexisset placere Deo, id se esse facturum. quam orationem cum collaudassent omnes, jussissentque eum Delphos ire, jurejurando ipsum obstrinxisse reges primum ac senatum, deinde & populum universum, ad præstanda ea, quæ promitterent, ac tunc statim Delphos profectum, peractis ibi sacris

ex Deo quæsisse, an latæ leges ad virtutem felicitatemque civitatis probè haberent, & responsum ei esse, leges rectè habere, & civitatem clarissimam futuram, quamdiu his institutis esset usura: atque hoc oraculum literis mandarum Spartam misisse, & repetito sacrificio amplexatum suos, quos secum habebat, ratumque, satis se sibi ac patriæ vixisse, spontaneâ morte vitam Delphis finivisse, ut hoc modo ad servanda in perpetuum instituta sua civitatem obligaret. Quod ad eorum perennitatē haud parum valuisse, Plutarchus credi vult. Sed nihil tam sanctum, tam bene munitum, quod non paulatim tempus viat ac violat: quod his accidisse Lycurgi legibus, quamvis optimis, & tali modo sancitis, postea ostendemus. Nunc ad rem, à qua digressi breviter sumus. In formanda republ. & legibus scribendis huc præcipuè velut ad scopum collimavit Lycurgus, ut regnum moderatæ potestatis finibus circumscriberet, ut æqualitati, optimæ nutriti concordie, quæ robur tum omnis societatis tum maximè rerum publicarum est, locum in eo pararet, & populum universum assuetudine, à teneris ad parendum legibus & legitimis imperiis, ad justè parceque vivendum, ad com-

primen-

primendas cupidines, ad tolerandos labores, ad incommoda asperaque perferenda, ad subeunda pro republicâ pericula, mortemque, si res posceret, fortiter oppetendam potius, quàm aliquid turpiter committendum, redderet promptiorem. Sed erat perficiendis plerisque his non parva difficultas. Nam ut ea fierent, moveri totius reipublicæ corporis humores, & in hærentibus vitijs purgari oportebat. Exorsus autem est ab ipso capite benè temperando, id est, regum potestate moderandâ: & reges quidem duos, ceu fuerant hætenus, reliquit cum omni successionis jure, imò etiam, quod maximum arcanum in statu optimatû, ad quem collimabat, honoribus domi cumulari sivit, sed imperio regio, quo usi hucusq; fuerant, nervos incidit. Nam ex oraculi Delphici monito, quod rethræ nomine affectum recitat Plutarchus, Senatum, *ῥητορικόν* Græcis dictum, qui antè in regno non fuerat, institutum à sese, regibus apposuit, ut medius esset inter reges & populum, & utrosque intra limites officii retineret. In hunc delegit viros ætate graves, & virtute præstantissimos XXVIII, qui in ordinandâ republicâ & concipiendis legibus, consilio & opera ipsi potissimum adstiterant,

terant, omnes annis LX non minores, eosque in munere manere voluit, quoad viverent, nisi fortè delicto aliquo suo exautorationem mererentur. Idemque de ætate & muneris perpetuitate in successoribus eorum in omne tempus futurum quoque observari jussit. Nam gravitate & prudentiâ ac judicio prævalere eam ætatem, & frequentem mutationem senatorum, qui regibus essent assessorum, noxiam reipublicæ esse futuram existimavit. Atque hanc dignitatem in civitate post reges summam, præmium virtutis ac vitæ prioris bene ætæ senibus propositum esse, stimulum verò ad colendam virtutem & proprius præstandum legibus obsequium, junioribus esse voluit. Statuit porrò, ne sine hujus senatus consilio ac voluntate quicquam decernere aut occipere regibus liceret: reges autem jussit assiduò in hoc senatu, cum domi essent, versari, velut senatus partem, idque honoris in eo habere, ut primo loco semper ceteri senatus principes sederent, primique sententias dicerent, & suffragia ferrent, plurimum verò consensui in statuendo locum darent. Itaque ex hac Lycurgi lege, senatus domi plus poterat, quàm reges, quamvis militiæ secus res haberet, ut post liquebit: & senatus

idem, quod haud levis momenti erat, non erat reddendis rationibus obnoxius: quod quidem Aristoteles velut modum reipublicæ liberæ excedens, & iniquis desideriis frenum laxans, in hac *νομοθεσίᾳ* Lycurgi, quemadmodum & quædam alia, reprehendit. Ius autem surrogandi senatores in loca eorum, qui aut morte, aut culpa sua, aut casu alio ea vacua essent facturi, non regibus, non ipsi senatui, sed soli concilio totius populi, quod *ἐκκλησίαν* Græci dicebant, concionem Latine interpretamur, idem legislator tribuit. Hoc verò in eo cavit, ne quisquam nisi petens, & se populo in comitiis ostendens, nec nisi virtute præstans, legitimæque ætatis, surrogaretur: surrogatus ut omnium ordinum gaudio & congratulatione & honore exciperetur, ac velut in possessionem dignitatis mitteretur. At concionis hujus convocandæ & regendæ dimittendæque potestatem ex eadem, quam dixi, rethra Delphicâ regibus & senatui dedit: qua concione nihil omnino fuit in omnibus ipsius institutis popularius: cui posteris sæculis etiam ad augendam ejus majestatem multò plura accesserunt, de quibus postea dicemus. Cætera sic constituit. Primum ut invidiæ, odii, discordiæ matrem ac nutri-

tricem

tricem inæqualitatem è civitate tolleret, æqualitatem verò concordie & amoris mutui altericem, quàm posset maximè in civitatem induceret, rem omnium difficillimam aggressus est. Quid enim difficilius quàm possessiones divitum movere, & cum tenuioribus facere communes? qui conatus multis viris magnis quondam exitio fuit. Et tamen suadela sua, & simul subjecto ab egenà & fremente multitudine aliquo metu Lycurgus id perfecit. Igitur totius regionis Laconicæ agros persuasis ac permittentibus iis, qui eos tenebant, conflavit in unum, eumque in partes æquales tricies novies mille divisit. Deinde ex his novies mille, quæ metropoli Spartæ proximè conjunctæ erant, pro numero civium metropolim habitantium à reliquâ summâ separavit, & singulas singulis Spartanis sortitò assignavit: unde partes ipsæ sortes sunt appellatæ. Tum, quod erat reliquum universæ regionis, id reliquis Laconibus per municipia multa villasque dispersis eodem modo distribuit. Quamlibet autem sortem tantam fecit, ut alendæ familiæ paræ ac industriæ sufficeret. Atque has sortes pares inter se augeri, minui, subdividi, venundari vetuit: devolvi autem ad hæredes, etiam fœmi-

nas, si mares non essent, voluit. Sed si plures filii aut nepotes defuncto superessent, quod accidebat ut plurimum, & hi domos ac res domesticas superarent, quæ tum successionum in sortes ratio sit observata; ut subdivisio earum non fieret, sortesque nec numero nec mensurâ variarent, sed manerent eadem, id à nemine hæcenus explicatum vidi. Itaque & ego de re ignotâ sileo. Hoc verò solum intelligo, & dicere habeo, institutum hoc, ut quædam hujus generis alia, maturè satis vitium fecisse. Nunc reliqua Lycurgi persequamur. Is ut avaritiam & cumulandarum opum studium apud suos submoveret, usum pecuniæ aureæ & argenteæ sustulit, & nummos ferreos grandes, & pondere æstimatos substituit. Qua una ratione vitia varia, & scelerum ausus, noxiaque cum exteris commercia, inutilia artificia, importationem rerum, quæ ad luxum faciunt, simul à civitate avertit. Præterea ad ea profliganda, quæ virorum animos emolliunt, ac enervant, cœnare domi cum conjugē & liberis, aut convivia privata agitare, quòd id luxuriandi & deliciis voluptatibusque indulgendi occasiones plerumque præberet, nisi res aliqua posceret, nemini permisit; cœnas autem communes ad fruga-

frugalitatem maximè comparatas instituit, ad quas quindenī ferè aut circiter, sine discrimine dignitatis & fortunæ abjectæ, coirent, qui singuli portiones suas menstruas, farinæ, vini, casei, ficuum, ac pecuniæ aliquid ad emenda alia edulia, conferebant. Si quæ ex veneratione aut sacrificio carnes accederent, ex junioribus in cibum relinquebantur: adultiores & jam viri facti pulmentis ut plurimum contenti erant. Inter pulmenta usurpabatur maximè & laudabatur jus quoddā nigrum, quamvis saporis non admodum grati, præsertim non assuetis. Pisces, cupedix cæteræque deliciæ, irritamenta gulæ, & quæcunque suginandis potius quàm alendis corporibus esse poterant, procul erant: nec ultra sitim bibere, nec emanare, aut pleno jam ventre istuc accedere, nec sine armis accumbere, cuiquam licebat. Ingredientibus maximus natu foribus assistens, & fores monstrans ad commendandam silentii fidem dicebat, *Per has nullas effertor sermo*. Has cœnas *Φεινία* à parsimonia aut tenui victu appellari placuit: ad quas etiam pueri, ut à senioribus, quæ ad excitandas virtutes & acuenda ingenia faciebant, audirent, atque ad vitam frugī & parvo contentam à teneris assuesce-

rent, ac perferre honestos jocos disce-
rent, tanquàm ad scholas adduceban-
tur. Finitis cœnis lex jubebat convivæ
domum discedere sine præunte faculâ,
ut in bellò etiam poscente re per tene-
bras itèr facere ac pedes ferre condisce-
rent. Atque ab hoc instituto ne reges
quidem exemptionem habebant. Nec
fuit aliud quicquam in universa Lycurgi
ὑποθητικῇ, quod locupletum & splen-
dori ac deliciis assuetorum animos in
initio magis offenderet, & in autorem
asperaret, ut nec à contumeliis ejus &
verberum injuriis abstinereetur. Et ta-
men usu semel receptum ita civitati pla-
cuit, ut nihil eo perquàm diu observa-
tum sit accuratius, ut affirmat Plutar-
chus. Huic legi aliam sanctionem Ly-
curgus adjecit eòdem etiam directam,
quâ interdixit operosis & magnificis
domuum extructionibus, ne luxui lo-
cus in iis esse posset: jussit ad struendum
quidem culmen securim, ad januam
verò solam ferram adhiberi, id est, ædes
rudes ad usum, non ad splendorem
construi.

Educationis ratio.

AD reliqua eamus. Præstantissimum
institutorum Lycurgi fuit puero-
rum, adolescentum, ac juvenum edu-
catio,

catio, si initium instituti sævum & impium exceperis. Nam proles recens nata, ut tradit Plutarchus, ex lege deferbatur ad maximè grandævus suæ tribus, (erant autem tribus in urbe Sparta sex;) & si ea aut detortis vitiosisque membris, aut toto corpore imbecillis ab iis deprehenderetur, velut non usui sed oneri reipublicæ futura, loco aspero ad montem Taygetam exponebatur, id est, certæ morti dabatur: quod inhumanum planè & barbarum erat. At si vitiorum hujusmodi expertem, & vitâ dignam iidem illi tribules grandævi viderent, reddebant eam parentibus nutriendam. Hi opera solertium & sedularum nutricum, membra tenerorum in formam quàm maximè speciosam & venustam effingebant, nec ullis involucris ac fasciis aliorum populorum more fovebant, sed jam tum infantulos adhuc, & mox pueros, habebant duriusculè, in amictu, cibo, potu, dabantque operam, ne ullis adsuescerent deliciis, earumque desiderio caperentur, nec tenebris aut solitudine terrentur, sed ubique animis, pro ætatis modo, essent intrepidis. Hac ratione apud parentes enutriti, cum jam annum ætatis septimum expleissent, non tradébantur mercenariis pædagogis, quod in reliqua

Græcia fiebat, nec arbitrio parentum reliqua eorum educatio relinquebatur, sed ex Lycurgi instituto curæ publicæ committebantur. Scilicet distribuebantur in aliquot greges, quos ἀγέλας nuncupabant: quorum cuilibet ex ipsis gregalibus unum aliquem ceu ducem præficiabant, qui cum ætate prudentiâ præstare ante alios, & in pugnis acerrimus esse deprehendebatur: hunc in ludis, & cæteris exercitiis, in quibus assidui erant, gregales intuebantur; huic imperanti obtemperabant; ab hoc plectente pœnas patienter perferebant, ut totum hoc quædam parendi videretur esse exercitatio. Horum ludis aderant ferè seniores aliquot, & diligenter ludentes observabant, ac sæpissimè contentionum dimicationumque occasiones iis sufficiebant, ut contendentium & dimicantium ingenia penitus cognoscerent, ac quid quisque auderet, quid animi ad pericula & pugnas haberet, experimentis discerent. Eratque instituti Laconici à Lycurgo traditi, ut senioribus quibusvis, viris bonis ac honestis, pueri omnes non minus quàm parentibus suis obedirent, eosque venerarentur, iis de via decederent, ac de sedibus assurgerent: & seniores vicissim aliorum liberos non secus ac

suos curarent, delinquentesque punirent: puniti verò si querelas hac de re ad patres deferrent, turpe esset patribus, non alia porro verbera querentibus irrogare: omnisque adeò puero-
 rum ἀγωνίᾳ ad discendum promptum obsequium, ad sufferendos quoslibet labores & dolores, ad parandas in certaminibus & præliis victorias referebatur. Quem in finem rondebantur cute tenuis, & discalceati incedebant à primis pueritiæ annis, & nudi inter se summâ contentione decertabant. Omnium verò durissimum hoc erat magno autorum veterum consensu memoriæ proditum, quòd pueri non è vulgo solum, sed etiam nobiles ad aram Dianæ Tauricæ, (ea cum fano erat in ipsa urbe, in vico Limnæo,) cui sacra fieri sine sanguine fas non esse credebatur, quotannis statò die flagellis graviter caderentur, ut sanguis copiose è membris deflueret, præsentibus spectantibusq; ipsorum parentibus ac propinquis, & ad tolerantiam eos exhortantibus: idque quadam æmulatione mutua, & gloriæ cupidine tam patienter ipsi ferrent, (gloriosum enim putabatur, alios tolerantiam superare,) ut ne gernerent quidem, ac sæpenumero ad mortem usque hilares & gestientes

verbera huiusmodi fortiter sustinerent. Vocabant hoc certamen *Ἀγχιμαχία*. Quod quis non miretur? quis induratos animos puerorum ad perferendos jam tum in ea ætate tam sævos dolores non stupeat? aut veri fidem excedere rem non existimet? Et tamen cetera res est, fuitque in usu non solum temporibus antiquis, cum Sparta floureret, sed duravit ad ultima tempora, cum jam Græcia Romanis pareret. Testes sunt, Xenophon, Cicero, Seneca, Plutarchus, Philosophus Musonius à Stobæo citatus, denique è Christianis scriptoribus antiquissimus Tertullianus. E quibus Plutarchus spectatorem se rei fuisse profitetur, Cicero se, cum Lacedæmone præsens esset, audivisse affirmat. Vtriusque verba illustria sunt, illius in vita Lycurgi, & institutis Laconicis, hujus in Tuscul. quæstionum libro secundo: sunt etiam cæterorum. Hæc disciplinæ puerorum severæ apud Lacedæmonios ratio, quam qui admittere in liberis suis nolebant, eo ipso civitatis Spartanæ jure excidebant. Litterarum verò studium modicè admodum, ac non nisi in necessarios usus, tota in hac puerili ætate atque etiam deinceps, apud Lacones urgebatur, ut docet Plutarchus.

*Disciplina & exercitationes
adolescentum*

AT è pueritiâ jam egressi, cum annum vitæ duodecimum implessent, iidem nihilo remissius habebantur: imò, quia cum pubertate tumescere procaces spiritus, & crescere insolentiam ac volupratum cupidinem, Lycurgus norat, idcirco ad domanda germinantia vitia, ac velut in herba opprimenda, ex ejusdem institutio pluribus etiam laboribus exercebantur, & disciplina strictiore ac diligentiore continebantur. Ab eo namque tempore adolescentibus jam adscripti sine tunicâ vestiebantur, unoque pallio per totum annum tam hyeme quàm æstate cogebantur esse contenti. nec balneis, nec unguentis, nisi rarissimè, utebantur; ideoque corporibus propemodum squaliebant: turmatim verò & gregatim distincti capiendi somni gratiâ in totis prærudibus cubabant. Ad hæc oportebat eos, cum jam ephori in republica essent, decimo quoque die, si Æliano credimus, publicè ephoris se sistere sine veste, & de corporum habitudine horum censuram subire: in qua censura, qui solidis ac firmis beneque compactis membris esse deprehendebantur, honorem & laudem, qui

qui mollibus ac pinguedine turgentibus, quoniam id desidie argumentum habebatur, ignominiam & verbera referebant. Porro senes quos probæ & generosæ indolis adolescentes animadvertabant, ac propterea adamabant, iis assiduò ferè adhærebant, & comites ad gymnasia itabant, pugnantibus & scommatis mutuò se pro more incessantibus assisteabant, haudquaquam otiose aut sine curâ, sed ita, ut omnes omnium patres, præceptores, rectores, quemadmodum Plutarchi verba habent, esse viderentur, nec ullus locus, ullum tempus expers institutionis aut correctionis adolescentibus esset, labereturque. Atque insuper universis præficiebatur unus ex primoribus civitatis lectus, vir gravis, cui præfectura hæc publicè demandabatur: quem *παῖδος νόμος* vocabant. Is potestatem habebat congregandi eos, & in delinquentes, aut negligentius agentes graviter animadvertendi: quem idcirco quidam ex ephebis flagella ferentes comitabantur, ut in promptu essent, si quis esset cædendus. Et si fortè accideret pædonomum à congregatis discedere, vicem ejus supplebat quicumque ex civibus esset præsens, eandemque tunc cum pædonomo potestatem tenebat. Quinimò

singulis quoque juniorum horum tur-
 mis aliquis ex Irenibus præerat, qui
 animi præstantiâ cæteros turmales an-
 recellere putabatur: *εἰρηνοὶ* autem di-
 cebantur, ut ait Plutarchus, qui ado-
 leſcētiā egressi annum ætatis vigesi-
 mum jam attingebant: quemadmodū
μετ' εἰρηνοὶ, qui ætati eidem proximi
 erant. Atque hic *εἰρηνοὶ* imperium in
 cæteros, si virorum nemo adesset, ha-
 bebat, & sæpe iis pro ministris uteba-
 tur, eisdemque laboribus pro cuiusque
 ætate ac robore exercebat. Sub hoc
 etiam, ut vigiliis, insidiis, nocturnis
 fraudibus assuefierent, ac artibus mili-
 tiæ se jam tum pararent, turmales furtis
 dabant operam: in quibus deprehensi
 ex lege pœnas acres luebant, non de-
 prehensi laudem merebantur. Atque
 idem ille *εἰρηνοὶ* in cænâ discumbens, ex
 iisdem turmalibus, huic mandabat ut
 caneret, alteri, ut quæstionem aliquam
 de re gravi proponeret; quo exercitio
 ingenia tum interrogantium tum re-
 spondentium haud parum acuebantur.
 Nam ut proponentis erat, nihil futile
 aut insipidum quærere, ita à respon-
 dente requirebatur, ut quàm celerrimè
 ac brevissime responso commodo &
 nervoso defungeretur; idque laudi erat
 ambo-

ambobus. Qua ratione fiebat, ut Lacones, cum in viros adolevisſent, ante alios omnes hoc genere plurimum valerent, propriumque eorum cenſeretur, argutè interrogare, & ex tempore cœcinnè & breviter reſpondere: Vnde illa tot numero tam inſignia Laconum apophthegmata à Plutarcho recitata. Huic verò cognatum id quoque erat, quòd à pueris uſque iidem ex inſtituto Lycurgi aſſueſcerent ſermone uti non niſi graui, de rebus honeſtis, cui ad virtutis ſtudium aliquis ineſſet ſtimulus: eujus forma poſteà in adultis quoque remanebat. Adſpergebantur autem ſermoni huic ut plurimum etiam joci, ut eſſent laborũ & victus aſperioris quoddam cum condimento levamen. Sed enim in corripiendi ratione eveniebat non rarò, ut Iren, qui turmæ alicui præerat, præſentibus viris primariis in delinquentes animadverteret, eoque documentum ederet, rectene an ſecus, quod debebat, noſſet facere, nec quiſquam eum hoc agentem turbaret: verum dimiſſo jam turmalium cœtu, ſi vel aſperius vel levius quàm par eſſet videretur animadvertiſſe, tunc ipſe viris pœnas ut daret. Erat omnino ſeniorum, juniores peccantes corripiere: Et ſi id facere quiſpiam fortè negligeret, coge-

cogebatur ipse pœnas eas pendere, quas peccans junior commeruerat.

*Certamina adolescentum platanista
nuncupata, maximè seria,
& pertinacia.*

Certamina adolescentum, quemadmodum continua ferè erant, ut alia ab aliis exciperentur, ita maximè seriò peragebantur. Eminabant in iis, quæ platanista ex loco densis & proceris platanis per ambitum obstituto dicebantur; quorum rationem præter alios Pausanias libro III describit. Certaturi nimirum bifariam se dividebant: utrique sub duce suo ex ipsis delecto noctu in ephebeium suburbanum coibant, atque ibi cane ab utrisque ad aram mactato, & captandi ominis ergò duobus apris infestis inter se commissis, quorum is, qui alterum superabat, putabatur suis victoriam portendere, per id quod reliquum erat noctis quiescebant. Postridie paulo ante meridiem in certaminis campum utrique procedebant insulæ instar euripo circumfusus, nec nisi per pontes ingressui patentem. In quem cum devenissent per pontes diversos sortitò jam antè utrisque designatos, pugnam ordiebantur acrem infestamque, in qua vir viro primum congrega-

diebatur, manibus, calcibus, dentibus, unguibus, denique se mutuò imperantes, nec ab eruendis oculis, si possent, sibi temperantes: mox densati quoque totis agminibus in se ferebantur, mutuoque in euripum præcipientes se agere summis viribus nitebantur: pugnabant pertinacissimè: cedere & victos se fateri habebatur turpissimum, potiusque ad mortem decertantes perdurabant, quàm ut hoc dedecus in se reciperent.

• Quod suo quoque sæculo in usu mansisse Cicero his verbis testatur. *Adolescentium greges (inquit libro v Tuscul. quæstionum) Lacedæmone vidimus ipsi incredibili contentione certantes pugnis, calcibus, unguibus, morsu denique, ut examinarentur prius quàm se victos fatererentur. Quæ verba, quemadmodum & ea, quibus Pausanias totam hanc rem exponit, significare videntur, nudos adolescentes, ac sine armis certaminis hoc genere defunctos esse, quamvis Lucianus ὀπλομάχων nomine eos afficiat, vocabulo latius accepto abutens. Inter gymnica enim certamina hoc etiam epheborum exercitium referri communiter solet. Et quid pugnis, calcibus, dentibus, unguibus opus, si armis instructi dimicarunt? Fessi verò pugnae labore adolescentes, post modi-*

cum quietis exercitio se reddentes, saltare incipiebant ad numeros muscos præcinente tibicine, ac in omnes formas corpus movebant: desinebatque ipsis pugna æstus & labor, inquit Lucianus, in festum tripudium. Et his aliisque epheborum exercitiis curandis vacasse Bidixos quinque publicâ potestate præditos, & in foro Spartano juxta curiam senatus, & prætorium ephorum, ac eorum, qui legum custodes audiebant, basilicam, confessus & tribunalis sui sedem, habentes, Pausanias affirmat. Reliquæ istius ætatis exercitationes venando, natando, currendo, luctando, jaciendo disco, obeundis festivitatibus peragebantur.

Exercitia egressorum ex ephebis.

NEc verò iners otium etiam iis permittebatur, qui jam ex ephebis excesserant: sed & hos oportebat in similibus exercitiis ætati congruis loco publico sub oculis seniorum, & eorum, qui curæ tali præterant, penè assiduos esse. Quibus omnibus corpora ad motus ac labores, animi ad industriam, alacritatem, audentiam, fortitudinem firmabantur & indurecebant. Et hujus universæ disciplinæ juniorum domi & in pace talis ratio fuit, ut vita castrensis

præ hac remissio quædam & quies videretur. Nec antè hujus finis erat, quàm ad eam ætatem esset peruentum, per quam aditus ad gerendam rempublicam & obeunda virilia munia dabatur: quod ante annum vitæ xxx non fiebat. Intereà tamen juvenibus virili ætati proximis, ut docet Plutarchus, nonnunquàm de rigore hoc aliquantum remittebant, sinebantque eos comam alere & pectere, ac armis palliisque sese ornare, quibus jam delectabantur & gaudebant instar equorum ferocientium, & inire certamen gestientium. Manebatque ille mos etiam adultis, in hostem pugnaturi ut capillos comerent & concinniores redderent. Ad juniorum disciplinam ista quoque pertinebant à Lycurgo instituta, ut in loquendo essent parci, & interrogati paucis responderent: ut in publicum progressi modestiam cum verecundiâ præ se ferrent, manum utramque intra pallium continerent, silentium servarent, oculos non circumferrent, sed, quæ ante pedes, intuerentur. Sic fiebat, inquit Xenophon, ut magis verecundos eos censeret, quàm ipsas in thalamis virgines. Et sanè his institutis Lycurgus effecit, ut Lacones à teneris assuefacti non tam eruditiores, ut nosset, quid facien-

faciendum aut omittendum, quàm re ipsa meliores, & ad legum magistratumque obsequia, ad virtutem sectandam, ad fugienda & averfanda vitia, ad aspernandas opes, delicias, luxum, ad colendam cum justitiâ concordiam, amoremque mutuum, ad observandos labores & dolores, ad tuendam communem patriam, ad vitam pro ea ponendam revera promptiores hominibus aliis fierent. Assuetudo enim à pueris inchoata, & usque in virilem ætatem continuata abit in naturam.

Educatio puellarum.

NEc alia in educandis puellis ex instituto Lycurgi ratio fuit. Nam has quoque à teneris ad victum vestitumque frugi ac parcum, ad vigilantiam, industriam, laborum tolerantiam, ad animorum firmitudinem, & contemptum periculorum assuefieri legiflator voluit, ut adultæ & viris traditæ non solum sustinendis partus laboribus essent firmiores, sed etiam similiorem sui prolem parerent. Consentaneum enim similes ex similibus generari. Itaque simul ac ætas id patiebatur, publicis exercitiis non minus quàm mares tradebantur, certabant cursu, luctabantur, jactu discorum & jaculorum

contendebant, gelido flumine lavabantur, diebus festivis in pompis saltabant, & carmina sacra canebant; & pleraque hæc faciebant in publico depositâ veste totis corporibus nudis, & quidem assidentibus & spectantibus juvenibus, ut plurimum etiam sub oculis regum, & senatus, qui cum aliis civibus ad spectacula hujusmodi coibant. Sed nudatio hæc virginum nihil habebat turpe, ut ait Plutarchus: verecundia enim aderat, petulantia & libido omnis aberat: simplicem verò assuetudinem, & studium quoddam parandi boni habitus, id est, firmi corporis, conferebat, & gultum aliquem sublimis sensus sexui scemini- no inferebat, utpotè qui non minus quàm masculinus virtutis & gloriæ capax & particeps esse crederetur. Quinetiam putabatur exercitium hoc virginum ad acuenda juvenum studia non parum conferre. Nam si qui horum deliquissent, hos singulos ipsæ jocantes & ludentes carpebant: si qui verò laude digni viderentur, eos præconiis cantando prosequerentur; quorum utrumque plurimum in animis eorum ad pudorem, aut tacitum gaudium laudisque amorem valebat. Nec minus ad appetendas nuptias idem hoc virginum exercitium juvenes incitare credebatur.

Nam

Nam quæ formâ, robore, agilitate corporum, ac vi ingeniorum antecellebant, facîle amorem sui juvenibus inferebant, juvenesque generandæ ex iis sobolis desiderio corripiebantur. Cibus puellis ac virginibus dabatur exercitiis his aptus, quo non saginabantur, aut mollescebant corpora, sed alebantur tantum, & ad alacritatem & robur proficiebant. Et vestis iis simplex ac tenuis, & corporum môtui idonea, ad genua tantum, non ultra dimissâ: ipseque in publico incedebant facie resecta: fœminæ verò viris nuptæ pallâ longiore ad pedes defluente amiciebantur, & non nisi facie testâ prodibant in publicum. Nec erat in veste & cibo inter pauperes & divites, inter imos & summos utroque in sexu ullum discrimen, quamdiu instituta Lycurgi valebant. De hac sexus fœminini educatione præclarè Cicero Tuscul. quæst. lib. 11. *Illi qui Gracia formam rerumpublicarum dederunt, corpora juvenum firmari labore voluerunt: quod Spartiata etiam in fœminas transtulerunt, qua cateris in urbibus molliissimo cultu parietum umbris occuluntur: illi autem voluerunt nihil horum simile esse apud Lacenas virgines, quibus magis palaestra, eurota, sol, pulvis, labor, militia studio est, quàm fertilitas barbara.* Ergo

*his laboriosis exercitationibus & dolor
intercurrit nonnunquam: feriuntur, im-
pelluntur, abjiciuntur, cadunt: & ipse
labor quasi callum obducit dolori. Pro-
lixius Xenophon & Plutarchus: & ele-
ganter Propertius elegiar. lib. III.*

*Multa tue, Sparte, miramur jura pa-
lestra,*

*Sed mage virginei tot bona gym-
nasii:*

*Quod non infames exercet corpore
laudes,*

*Inter luctantes nuda puella viros,
Cum pila veloces fallit per brachia ja-
ctus,*

*Increpat & versi clavum adunca
trochi.*

*Pulverulentaque ad extremas stat fœ-
mina metas,*

*Et patitur duro vulnera pancratio.
Nunc ligat ad castum gaudentia bra-
chia lorū,*

*Missile nunc disci pondus in orbe
rotat.*

Et Lycurgus instituti hujus autor inter-
rogatus, cur corpora virginum cursu,
luctâ, disci & jaculi jactu exerceret, Græ-
cè his verbis respondit: ἵνα ἡ τῆς γυναι-
κῶν πίσις ἰσχυρὰν εἰς ἰσχυροῖς σῶ-
μιν δόχῃ λαθεῖναι καλῶς βλαστέ-
νῃ.

νη· αὐταὶ τε κτ' ῥώμης τὰς τούκας ὑπο-
 μύσσει· ῥαδίως τε ἅμα ἐκελῶς ἀνα-
 νίζονται πρὸς τὰς ὠδύνας· καὶ εἴπης
 ἀνάγκη γήλοισι, διώονται ὑπὲρ αὐτῶν
 ἐ πένων, καὶ τ' πατρὶδ' μάχεσθαι.
Ut, inquit, in validis corporibus fetus
validas agens radices pulchre adolescat,
ipsaque deinde mulieres robore in partu
ficta dolores facili sustineant ac superent:
utque, si ita necessitas tulerit, pro se &
liberis & patriâ possint pugnare. Repre-
hendentibus verò quibusdam virginum
in pompis solennibus nudationem cau-
samque ejus querentibus, ἵνα (ἐφη) ταὶ
αὐτὰ τοῖς ἀνδράσιν ἐπιηδύσσει μη-
δὲν μείον ἔχουσι, μήτε κτ' σώματι
ἰσχυρὸν καὶ ὑγιαν, μήτε κτ' ψυχῆς φιλο-
κρίαν ἐδρετῶ· δόξης ὅ τ' ὡς τοῖς
πολλοῖς ὑπερφρονῶσιν. Ut, inquit, ea-
dem cum viris exercentes studiâ, neque
corporis viribus & sanitate, neque animi
contentione & virtute iis cedant, mul-
titudinisque de se opinionem despiciant.
Sed turbant heic, aut turbare videntur
nonnihil Plato & Aristoteles, uterque
vir summus. Nam ille libro i de legibus
culpat rempublicam Spartanam ob li-
centiam scæminarum, & libro vii cul-
pam hanc Lycurgo legillatori tribuere

videtur. Aristoteles verò polit. libro 11 cap. vii multò apertius hoc facit. Lycurgum enim ait voluisse quidem totam civitatem esse *κατασκευασμένην*, tolerantem ac temperantem, & id præclare in viris esse assecutum, sed in fœminis non item: eas enim vivere Lacedæmonie intemperantissimè, & in summâ luxuriâ, atque ita mediam civitatis partem esse valdè vitiosam: additque deinde, vulgò dici, conatum quidem esse Lycurgum etiam fœminas sub obsequium legum suarum cogere, sed cum illæ se objicerent, à conatu destitisse: fœminas autem multò ante Lycurgum in possessionem licentiæ istius venisse, cum mariti assiduis bellis occupati reipublicæ gratiâ domo ut plurimum abessent, & curam omnem rei familiaris uxoribus commissam relinquere necesse habuerent: unde factum, ut eos vicissim indulgere hisce, & aliquid licentiæ ac imperii permittere oportuerit: atque ita porrò potentiam fœminarum cum luxu & lasciviâ crevisse, viris ab uxoribus jugum esse impositum: hinc vitia quoque alia in istam rempublicam defluxisse. Hanc quæstionem discutere non est loci hujus: fiet fortè alibi. Satis nunc fuerit, respondisse, totum hoc, quod dicunt Plato & Aristoteles, ad

puellas & virgines non pertinere, sed ad fœminas tantû viris jam denuptas. Nam illas sic educatas, & hujusmodi disciplinæ subiectas fuisse, cujusmodi antè exposita est, eamque rationem ad ultima civitatis Laconicæ tempora durasse, nemo negare potest; nec id Plato & Aristoteles inficiantur, sed tantum de fœminis loquuntur maritatis.

*Leges Lycurgi de Nuptiis &
Matrimoniiis.*

Satis de iis, qui juniorum nomine censcebantur. Quæ sequuntur, ad ætatem matrimonio, & gerendæ reipublicæ maturam pertinent. Eam ætate cæpisse in maribus ab anno vitæ xxx, ob magnas rationes mihi quidem dubium non est: in sexu altero initium habuisse à xx, verosimillimum existimo. De nuptiis quidem sic statuisse Lycurgum ferunt, ne ante ætatis robur inire eas liceret, & causam addidisse ut ex validis validi liberi gignerentur, nec ex infirmis ac immaturis infirma proles susciiperetur. Quò & cætera instituta ejus de matrimoniis relata fuisse videntur. Qualia erant hæc, ut sponsæ à sponsis sine dote peterentur, ut pares cum paribus se jungerent, ut sponsæ ex peterentur & ante alias probarentur,

quæ essent ingeniosæ, animosæ, minimè inertes, corporibus pulchræ, agiles, robustæ, quales in gymniciis certaminibus maximè spectari & cognosci poterant : ut proci virgines nobiles, quas jungere sibi cupiebant, raperent, (invitas an volentes, & jam ante matrimonium pactas, incertum ; quanquàm hoc quàm illud magis verosimile :) deinde ut raptam aliquam pronuba abduceret, & caput ejus circumtonderet ad cutem usque, ac virili veste & calceamentis indutam in torum rudem reclinaret, relinqueretque solam sine lumine : ad eam verò sponsus, haud quaquàm ebrius, ac delicatis epulis benè passus, sed in phiditiis more solito parcè cœnatus sobriusque, latenter & velut furtim ingrederetur, & cingulum sponsæ solveret, & cum eâ sublatâ in lectum genialem se conjiceret : nec diu in complexu ejus moratus, clàm rursum è thalamo egressus dormitum concederet ad juvenes sodales, quibuscum cubare ex lege consueverat : atque hoc non semel tantummodò faceret, sed sæpè ac diu, transigeretque cum cœtaneis suis dies ac noctes, ad sponsam verò itaret verecundè & cautè, quasi præ pudore metuens, ne quis ex familia ingressum egressumque suum persentisceret,

tisceret, sponsa quoque solerter ei subserviente, & opportunam sese præbente, ut nesciis aliis in tempore ipsi atque inter se congregarentur. Sic enim censabat sapiens legislator, eo modo congregientes, nec diu & ad satietatem ac lassitudinem corpora miscentes, coituros esse ferventius & validius, & melius valetudini suæ consulturos, magisque corporibus fecundos ac in amore recentes perpetuò futuros, semperque desiderii concubitus & complexus mutui aculeum servaturos, & fastidio ac languore ex Venere immodicâ & intemperante haudquaquàm laboraturos. Simul verò idem legislator hunc morem velut exercitium temperantiæ castimoniamque novis nuptis esse voluit. Nec enim solum nuptiarum tempore, & quod nuptiis proximum erat, sed etiam multò post hæc observabantur, ut nonnulli quoque ante genitos liberos mariti ad uxores suas interdum non ventitarent. Atque ad hæc instituta pertinent apophthegmata Lycurgi de nuptiis, & totâ re uxoriâ, recitata à Plutarcho in libello dicato apophthegmatis Laconicis: pertinent etiam, quæ scribit Xenophon initio libri de republicâ Lacedæmoniorum. Quemadmodum autem Lycurgus certos ætatis annos defi-

definivit utrique sexui, intra quos inire conjugia fas non esset, ne ex immaturis parentibus infirmi liberi ederentur, nec ipsorum juvenum ac virginum arbitrio desideriove id reliquit, (nam non tam parentibus ipsis quàm civitati gigni educarique sobolem volebat,) sic etiam annos præfixit, ultra quos differre conjugium viris impunè non permitteretur, ne inter frequentia bella & casus alios fortè oborientes, & fatales civium mortes sufficiens copia sobolis in decedentium locum succrescentis, Mavortiam civitatem destitueret. Nam qui ultra justum tempus cœlibes manebant, eos variâ ignominia jussit affici velut legum contemptores, & patriæ salutem susque deque habentes. Voluit enim ut hyeme mediâ, imperante magistratu, nudi forum obirent, & in se compositam cantilenam cænerent, eaque juste se pœnas dare, quòd legibus non parent, faterentur: ut spectaculis certaminum gymnicorum arcerentur: ut honorum, quos juvenes senibus Spartæ debebant, participes haud essent. Quorum omnium testis locuples est Plutarchus. Annum cœlibatui impuni determinatum nec apud Plutarchum, nec apud quenquam scriptorum veterum reperio. Ex Platone, in libris ejus

& VI de legibus, ubi de matrimonio agit, & de cœlibum pœnâ, annum vitæ xxxv fuisse conjecto. Philosophus enim hic in tota disputatione de legibus instituta Lycurgi alterum quasi oculum defixum habuit, multaue ad exemplar eorum in republica illa sua, cui leges scribere voluit, effinxit: cujusmodi sunt de agro dividendo, de possessionibus in usum communem, quando opus, conferendis de æqualitate, quantum res præsens queat ferre, servanda, de virginum dote in contrahendis connubiis non spectanda, de sponsa ex virtute æstimanda, de cœlibum pœna, de legibus haud temerè mutandis, de obsequio prompto legibus præstando, de legum violatoribus severè puniendis, & alia his similia. Adhæc Lycurgus viro uni non nisi unam habere conjugem uno tempore permisit: adulteria in civitate Laconica prorsus nulla fuere audita, nec de eorum pœnis lex ulla à Lycurgo scripta, quia in viros ex præscripto ipsius educatos crimen id cadere non posse credebatur. Inter parentes & liberos, omnesque adscendentes & descendentes, inter fratres & sorores iisdem parentibus duobus natos, inter fratrem & sororem consanguineam connubia vetita: cum sorore autè uterina,

rina, si Philoni Iudæo credimus, concessa, cum sororis & fratris filiâ, & cum cæteris agnatis cognatisque omnibus, denique cum qualibet Lacænâ conjugio matura etiam permixta. An verò quoque cum peregrina, id videtur dubium. Existimo ego, impune id fuisse, si quis cum ea contraheret, sed non legitimum, ac à scopo Lycurgi aberrans. Nam prolis causa cum validis & laborum patientibus Lacænis matrimonia contrahi Lycurgus voluit, & peregrinis moribus viciari instituta Laconica vetuit. Ut verò licuisse sine pœna putem, quod dixi, lex facit, quam Plutarchus in Agide recitat, perverus tam eam vocans, quæ prohibebat Heraclidas, qui regum gentiles erant, è peregrinis faminis filios gignere, pœnamque capitis intentabat relictâ Spartâ ad exteros habitandi ergò concedentibus: quorum criminum reum Leonidam regem Cleomenis postremi regis ex gente Heraclidarum patrem Lysander ephorus faciebat. Nam si solis Heraclidis lex ea posita fuit, cæteros Spartanos, qui Heraclidæ non erant, non obligasse videtur. Quæ licet vetusta illic dicatur, tamen post Lycurgum natam esse facile crediderim, cum peregrinorum consuetudo cum Spartanis cœpisset inolescere; latam

latam autem ab aliquo, qui genus regium à peregrino sanguine illibatum conservare voluerit, ne peregrinæ indolis aliquid haberent, qui Spartz regnum aliquando possent inire. Quod si verum, verosimile etiam fuerit, regum familiâ ortos extra gentem Heraclidarum non enupsisse. Illud verò in classe hac legum de matrimoniis ab honestate & more Christiano prorsus abhorret, quod legislator Lycurgus, teste summo autore Xenophonte, & idem affirmante Plutarcho, copiam fecit marito debili aut effæto uxorem juvenulam ac vegetam permittendi viro alteri sibi probato, ad implendum ejus uterum, & id, quod nasceretur ex concubitu tali, suscipiendi habendique pro suo: item quòd fas idem esse censuit, virum ætate ac viribus vegetum, averfantem autem uxorem suam, & tamen cupidum prolis, petere à viro altero conjugem ejus fœcundam, prolemque ex eâ suscipere. Excepti tamen his legibus fœdis reges, & regum liberi, ut exempla in historiis docent. Velamen verò huic fœditati quæsitum, quòd instituta ista augendo bonorum & fortium civium numero, & avertendis divitiis, atque incommodis aliis esse viderentur. Singulare est, & sine alio exem-

exemplo apud Spartanos, quod de Anaxandridâ rege Leontis filio ab Herodoto memoriæ proditum est. Is enim solus Spartiatarum duas simul uxores habuit, & ex utraque liberos genuit legitimos, qui regnum Sparta tenuerunt. Hoc verò ille commisit non obsecutus cupidini suæ, ut solent qui contra leges delinquunt, sed invitus obsequens voluntati civitatis. Nam cum uxorem haberet unicè sibi caram, filiam sororis suæ, ut perhibet Herodotus, & ex ea liberos non susceperet, nomine civitatis monitus ab ephoris fuit, ut conjugem aliam non sterilem duceret, ne stemma Eurysthenis, quod in capite ipsius ob steriles nuptias periclitari videbatur, deficeret. Et, cum amore conjugis, quam nihil deliquisse dicebat, cur divortii ignominia esset afficienda, facturum se hoc negaret, reversi ad eum ephori cum senatu, quo cum consilium ceperant, comminati sunt, ni sibi & reipubl. morem gereret, & retentâ conjugem, quam amabat, alteram ei superinduceret, liberisque gignendis daret operam, aliquid in ipsum statutum iri, quod ipsi futurum esset haud gratum. Tum cedens postulato adscivit conjugem alteram, & Cleomenem ex eâ genuit. Sed accidit paulò post secundis nuptiis jam con-

confectis priorem quoque conjugem, quæ sterilis credebatur, prægnantem ex eo fieri, & coram ephoris filium edere Doricum, & duos post hunc, Leonidam & Cleombrotum. Ita genitis Anaxandridæ quatuor filiis, ipsoque vita defuncto, Cleomenes, quanquam pravi ingenii, ob primogenituram, secundum leges patri in regnum successit. Eo autem sine liberis maribus tandem extincto, & Dorico post varios casus antè eum sine prole è vivis sublato, regnum accepit Leonides regum fortissimus, qui contra Xerxem depugnans cum Spartiatis suis ad Thermopylas occubuit, & hæredem filium reliquit Plistarchum adhuc minorem: cuius tutelam gessit Pausanias Cleombroti filius in historiis celebris, Græcorum dux ad Platæam, ubi Mardonius ex scrore Xerxis natus cum toto Persarum exercitu cæsus fuit. Cumque regno vix inito Plistarchus quoque *ἀπαισ* fato cecidisset, successorem accepit Pausaniæ tutoris sui filium Plistoanactem, ex quo reges Euryſthenidæ longâ serie ad ultimum Cleomenem descendunt. Sed revoco me, ultra metam heic evagatus. In civitate Spartanâ autore Lycurgo in more positum fuit, à viris bonis amari pueros: sed

nihil in amore eo erat turpe: imò flagitiosum putabatur, ut ait Xenophon, si amans amasii corpus appeteret, eratque par sanctimonia in conversatione amantis cum amasio ac esse solet in consuetudine parentum cum liberis, & fratrum cum fratribus. Cæteroqui perarcta erat familiaritas & necessitudo inter amatorem & amatum, & affectus illius erga hunc non frigidus aut iners. Deligebat autem quisque, quem diligeret, in quo indolem animadvertibat elucescere egregiam, ejusque animum magis quàm corpus amore complectebatur, atque hoc operam dabat, ut eum blandiendo, monendo, hortando, corripiendo redderet quàm optimum, & civem civitati fingeret præstantissimum: ideoque sectabatur eum assiduò, & dicta factaque ejus observabat, laudabat, reprehendebat. Ex moribus & profectu amati studium & affectus & vita amantis æstimabatur, & si quid peccaret amasius, id amanti imputabatur, & cogebatur hic pro eo sæpe pœnas dare, ut ex Æliano discimus. Atque hic amor rivalet non recusabat, nec æmulatio odium aut similitatem secum trahebat. Et simili modo matronæ virtutis & boni publici amantes puellas venustas & indolis præclaræ deamabant, ac

idem

idem illis studium impendebant haud
 invitis puellarum parentibus. Ad hæc,
 quemadmodum iis, qui virili ætate mi-
 nores erant, rempublicam attingere
 non licebat, ita iidem de rebus quoque
 privatis contendere in foro ac iudicio
 prohibebantur, cogebanturque per co-
 gnatos aliosve majorennæ eas expedi-
 re. Sed nec viris in foro obversari, nisi
 quid magnæ rei id posceret, & litigantes
 alios apud iudices auscultare, quod ho-
 minum otiosorum & curiosorum esse
 videbatur, satis honestum ex institutis
 Lycurgi putabatur. Otium quidem ho-
 nestum ac quietem Lycurgus virilem
 ætatem ingressis domi in pace agen-
 tibus concesserat, & vacationem ab ex-
 ercitiis laboriosis tribuerat: sed inertes
 eos agere, & boni publici securos
 haud quaquàm voluerat; jussérat ve-
 rò, ut maximam diei partem in publi-
 cis conventibus, gymnasiis, *ἄγαις*,
 quas dicebant, in quibus modestè & de-
 center viri graves coibant, & de repu-
 blicâ sermones conferebant, versarentur.
 In congressibus istis sermoganan-
 do tempus traducentes ut plurimum
 honesta laudabant, vituperabant tur-
 pia, his jocos & risus adspergebant con-
 dimentî loco, qui tamen ad admoni-
 tionem aliquam, aut correctionem ap-

positam, dirigebantur. Nulla autem mentio fiebat de rebus ad quæstum, aut negocia forensia pertinentibus. Nec verò leges Lycurgi permittebant cives liberos Lacones rebus vilibus occupari, opificia ulla tractare, mercaturæ dare operam, rus manibus suis colere, sed legislator omnia illa ad Helotas aliosque servos traduxerat: cives autem tantum rempublicam curare, & belli negociis, armisque tractandis vacare & animos intendere voluit. Itaque arma conficere, & quicquid bellum requirebat, servorum etiam erat, uti autem iis liberorum Laconum fuit. Quod secus apud alios Græcos habebat. Nam apud eos, qui domi opificiis & negociis aliis vacabant, si bellum existeret, aut in expeditionem eundum esset, sepositis ad tempus illis arma sumebant. Lacones verò, qui nihil aliud agere & curare domi solebant, in armis exercitati, & rem militarem meditati, & publicis in curis versati ad bellum exhibant. Idcirco in expeditionibus communibus in quas socii eorum numerosas copias sufficiebant, soli Lacones plus verorum militum, artium belli peritorum, quam omnes socii, præstabant. Quod murmurantibus sociis, & multitudinem suam jactantibus, indignumque dicentibus, sequi

sequi se sub signis pauculos Lacones, ut ostenderet Agefilaus, & eorum supercilium deprimeret, cum imperator exercitus esset in Bœotiâ, primum secedere socios à Lacedæmoniis iussit, deinde imperavit surgere primum figulos, mox fabros ærarios, post fabros lignarios, & ex ordine opifices & artifices reliquos: quo facto, apparuit universos ferè erectos stare socios, ex Lacedæmoniis idem quoque facere iussis surgere omninò neminem. Tum verò ridens Agefilaus, videtisne, inquebat, ô socii, quantò nos plures simus milites quàm vos? Præter hæc vetuit Lycurgus peregrinari cives suos, ne contagium peregrinorum morum velut pestem institutorum suorum contraherent, & si quis sedes peregrè figeret, ac post domum rediret, eum capite plectendum censuit. Peregrinos quoque noluit frequentes Spartam ventitare, & illic commorari, ne consuetudine suâ inficerent cives, & ab institutis patriis abducerent, fastidiumve horum iis affricarent. Et cur peregrini desiderarent frequentare eam civitatem, & commerciis illic operam dare, ubi artificiorum & mercium suarum, ut dictum antè, nullus erat usus? inprimis ex quâ aurum & argentum, quorum gratiâ per mare per ter-

ras homines cursitant, & ad ignota sibi sydera penetrant, erant proscripta: in quâ eorum possessio, si fortè apud civem reperta esset, usque ad captas à Ly-sandro Athenas capitalis criminis loco habita fuit, ut in institutis Laconicis docet, & exemplo Thoracis in vitâ Ly-sandri demonstrat Plutarchus: in quâ ferrum auro & argento præferebatur, & unde præter ferream aut ex corio signatam pecuniam nulla exportari poterat. Denique ita comparatum moribus Lacedæmone fuit, ut magis contagium peregrinorum & vitiosorum morum quàm pestiferi corporum morbi procul à civitate submoveretur. Quo & illud pertinebat, quòd actiones comicæ & tragicæ, quæ malorum morum & pessimorum scelerum exempla ponebant ob oculos, & irritamenta desidi-um similium esse poterant, nullæ illic permitterentur: quodque aliarum civitatum mores & leges laudare, ut docet Demosthenes impune haud liceret. Pictores, statuarios, è cera hominum vultus ducentes, nullos apud se Lacones ferebant; mercaturam parandarum opum causa omninò vilem & sordidam putabant, ut à Lycurgo erant edocti; oratoriam artem, ut multiloquam & fucosam, & ad fallendum comparatam, aver-

aversabantur; unam disciplinam optimam & præstantissimam existimabant, eamque impensè excolebant, quæ docentur homines benè parère, & benè imperare: & certum hoc habebant, qui benè parère non didicisset, & assuevisset, eum imperare quoque rectè non posse. Breviter & argutè dicere, cavillari, cum gratiâ & gravitate jocari, in laude apud eos erat, eaque facultate, ut jam antè dictum, à pueris quippe in ea exerciti, ante omnes Græcos & barbaros valere credebantur. Iuniores in leges inquirere, omninò illicitum: nec senioribus id temerè facere permissum. Novas tamen leges veteribus additas nonnunquàm poscente re, aut stimulante potentum libidine, ex historiâ constat. In more fuit positum Lacedæmone ab Agyptiis accepto, ut filii parentibus in ministeriis seu officii generibus succederent, præcones scilicet præconibus, tibicines tibicinibus, coqui coquis, ut scribit Herodotus: à quo more haud facile recedebatur, si modò filii parentibus superstites officiis idonei essent. Inter vitia ebrietas censebatur turpissimum, incitamen aliorum complurium vitiorum maximum, aut incendium eorum perniciosissimum, & fomes sæcundissimus. De quo Plato

optimè libro primo de legibus sub perscrâ Megilli Lacedæmonii: *Quod omnes homines semper in voluptates vehementissimas, atque in petulantiam & insaniam trahit, id ab universâ regione lex nostra exterminavit: nec in agris, nec in urbibus quasi Spartani habent, comotationes cernas, sed nec comotationibus conjuncta, quibus ad omnem voluptatem movemur. Nec ullus est, qui alicui ebrietate lascivienti obviis factus non maximâ eum pœnâ statim afficiat, ita ut nec Bacchanalium tempus ad impunitatem prodesse ebrio queat. Hactenus ille. Quam fœdam turpitudinem ut profigarent à republicâ suâ Lacones, inebriabant servos suos, & ebrios ineptientesque in convivia introductos junioribus ostendebant, ut averfari & odissè pestem hanc corporum & animorum, ut loquitur Xenophon, & post eum Plato, discerent, ac ultra sitim non bibere consuescerent. In cæteris Græciæ urbibus, inquit Xenophon, mali cum bonis eodem foro utuntur, cum iis sæpe sedent, sæpe ludunt, si velint, & satis habetur, si mali tantummodo dicantur. At Lacedæmone rubori foret viro bono, malum sub eodem secum tabernaculo degere, aut in palæstra concertatorem cum admittere, aut pi-*

lâ secum ludere: in choris etiam homo vitiosus in loca postrema & probrosa rejicitur. Ignavi ibidem, id est, inertes in faciendis iis, quæ leges requirunt; ignominiosi censebantur, nec ad honores ullos admittebantur, nec eo honore, quo alioqui par erat, etiam in ætate provectâ à junioribus afficiebantur. Vñ quoque receptum, nescio an lege sancitum, si vir vitæ turpis consilium aliquod utile, ac reipublicæ profuturum fortunâ titubante aut difficili reperisset, hoc ipse in medium non proferret, sed viro bono proferendum exponeret, aut si jam edidisset, ut alteri id repetendum demandaretur, atque ita secundum hoc ipsum decerneretur. Pudebat enim Lacones, non boni nominis virum velut autorem decreto suo inscribere. Anulum ferreum loco aurei aut argentei, ornatus gratiâ, in digito gestare Laconibus usitatum. Ad posteriora sæcula pertinuit, quibus sensim Lycurgi instituta exolevere, cum ἀπρὸς esse, hoc est, adgerendam rempublicam non admitti, qui ob fortunæ tenuitatem ferendis phiditiorum sumptibus in lege præscriptis par non esset: cujusmodi defectus contra Lycurgi mentem complura reipublicæ obrepere, quod dicemus infra. Testamentum scribere civi-

bus Spartanis licuisse, ex Aristotelis disputatione de republicâ Laconicâ, ubi de prolapsa possessionum æqualitate, & de filiabus ἐπικληροῖς, agit libro polit. 11. capite v 11, & ex Plutarcho in vitâ Agidis regis eo nomine postremi, ubi perniciosam legem Epitadei ephori recitat, edocemur. Ille enim dandi possessiones suas, & relinquendæ, cui quis velit, jus memorat, quorum posterius non nisi per testamentum fieri poterat: & paulo post subjungit, licuisse patri filiam habenti ἐπικληρον, quæ sola ipsi hæres esset futura, eam nuptum dare, cui vellet: & si sine testamento decederet, hærede alio non nuncupato, genero fas fuisse, dotales res in eum conferre, in quem libêret. Hic enim verus sensus est loci illius perquam obscuri. Et quidem verba ibi sic ordinata sunt, ut culpa prolapsæ æqualitatis bonorum in Lycurgum legum Laconicarum autorem conferri à philosopho videatur. In quo lapsum esse philosophum studio reprehendendæ Lycurgi nomothesiæ, & quia in rhetris ita scriptum fortè legerat, suspicari quis poterit, in ea intuens, quæ hac de re Plutarchus in Agide scribit. Ait enim Epitadeum quendam, virum in civitate præpotentem, sed moribus acerbis & morosis, extitisse Spar-

tæ, & cum discors ageret cum filio, cui
 relinquenda hæreditas erat, ephorum
 creatum legem promulgasse, (rhetram
 vocat Plutarchus,) & ope aliorum, ho-
 minum avaritiâ stimulatorum, pertu-
 lisse hujus sententiæ, licere cuivis res
 suas, agrique sortem, quod antè per le-
 ges Lycurgi non licuerat, vel donare
 alteri dum viveret, vel testamento re-
 linquere, cuicunque vellet: atque hoc
 fecisse eum dicit indulgentem iræ pri-
 vatæ in filium, sed hoc facto optimum
 ordinem in republicâ, institutum scili-
 cet Lycurgi de sortibus agrorum con-
 servandis, & ad hæredes liberos trans-
 mittendis, esse convulsum, indeque vi-
 tia varia, & ruinam civitatis fuisse secu-
 tam. Plutarchus ergò non Lycurgo, sed
 Epitadeo culpam eam assignat, & Ari-
 stoteli hac in parte contradicit: verum
 tenebras rei offundit, quòd, quo tem-
 pore vixerit, & perniciosam hanc le-
 gem in reipublicam Spartanam indu-
 xerit turbulentus hic ephorus, non ape-
 rit: etsi conjectare liceat ex ordine ex-
 positionis, post captas à Lysandro A-
 thenas, aurumque & argentum, opum-
 que desiderium Spartæ illatum hoc ac-
 cidisse. Nam opibus cum earum cupi-
 dine in urbem importatis, tamen or-
 dinem sortium, & jus hæreditatis à pa-
 tribus

tribus in filios derivari solitum, utcunque in civitate reliquum mansisset usque ad hanc legem ab Epitadeo latam, ex ipsa hac narratione conspicuum fieri quis negaverit? Hoc verò evidenter liquet, ab utroque autore testamentorum usum in civitate Spartanâ fuisse, demonstrari: quod probare propositi mei hoc loco fuit.

Jus succedendi in bona defunctorum.

Hereditatum jus seu successionum in bona defunctorum, quale apud Spartanos fuerit, breviter nunc aperendum. In parentum fato cedentium res filios hæredes vocatos esse ex rhetris Lycurgi, si filii superessent, dubium non est. Filix enim sine dote nuptui dabatur. Si filii plures quàm unus morienti patri superstites essent, id quod accidebat ut plurimum, fors agri debebatur soli nato maximo, aut filio ejus, si ipse ante patrem decessisset. Nam primogenitis & eorum liberis maribus natu maximis magnam prærogativam, ac jus præcipuum fuisse in adipiscendis hæreditatibus in totâ civitate Spartanâ, notissimum est, & compareret hoc maximè in familiis duabus regiis. Harum enim possessiones regno cohærentes & regni proprias ad tuendum statum regalem regi-

regibus à Lycurgo assignatas eandem rationem juris in successione cum sortibus privatorum habuisse, tam liquidum mihi est, ut ambigere de eo non possim. Id verò jus exponemus infra, cum de regibus rursus dicemus. Huc facit & Plutarchi ille locus in Agide, quem antè adduxi. Nam disertè illic perhibetur, familiarum possessiones Lycurgum definivisse, & voluisse earum numerum eundem servari in successione, hac ratione, ut sortem suam filio pater relinqueret, atque hunc ordinem & æqualitatem quoquo modo incolumem permansisse, haud parvo civitatis bono, fuisse verò hæc lege Epitadei malo publico confusa. Ex hoc enim fonte ostendit Plutarchus, derivatam esse possessionum enormem inæqualitatem, sortesque & opes reliquas ad paucos potentes dejectis cæteris pervenisse, maximamque civium multitudinem cum penuriâ conflictavisse, & molestissimè fortunam hanc suam tulisse, ægreque mandatis superiorum paruisse, ac officium debitum reipublicæ præstitisse, divites autem summâ invidiâ flagrasse. Et hanc causam dicit fuisse Agidi regi juveni studii flagrantis restituendæ in pristinam formam à Lycurgo quondam institutam reipublicæ. Aristoteles alias quoque

quoq; causas inæqualitati possessionum, abundantia scilicet opibusq; pauciorū, & egestati multitudinis, assignat. Iam ad institutum denuò redeundum. Ex pluribus filiis demortui, forte agri primogenito ejusve locū tenenti relicta, reliqui, quod ratio ipsa suggerit, in facultates alias, quæ magnæ esse temporibus priscis non poterant, cum primogenito succedebant: & ii si multi essent, portiones nō magnas capiebant: & hæ portiones divise inter hæredes eorum, nisi accessio aliqua aliundè existeret, adhuc minores fiebant. Quò pertinere nō dubium verba illa Aristotelis dicentis: καὶ τοι φανερόν, ὅτι πολλῶν θυομύων, τ' ὃ χώρας ἔτιω διηρημύης, ἀναγκάστον πολλὰς θυέσαι πένητας. *Manente*, inquit, *agri illa divisione, generatis multis filiis, necessum est multos pauperes fieri.* Et demonstrat eodem colo philosophus, in ferendis legibus secum pugnaile Lycurgum, qui πολυτεχνίαν honori & commodo suis civibus esse voluerit ad civitatem populosiorem reddendam, & conservari sortium numerum atque ordinem, retinerique possessionum æqualitatem jussit: Simul enim ea subsistere non posse videntur. Quæ cum scriberet magnus vir, Lycurgum carpens, de coloniis non vide-

videtur cogitasse, quarum deductione
 levare civitatem multitudine, si qua ju-
 stâ major esset, & simul tenuiorum pe-
 nuria succurri potuisse, non est igno-
 tum. Vsam autem hoc remedio civita-
 tem re postulante, historiæ nos docent.
 Reliqua dicamus. Si defuncto liberi ma-
 res non essent, essent autem filia, ea-
 rum natu maxima sola sortem capie-
 bat, reliquæ cum ea in facultates cæte-
 ras admittebantur: aut si una tantum
 filia esset, hæc in omnes res patris suc-
 cedebat, dicebaturque ἐπίκληρῳ, ut
 etiam in civitate Atticâ, quæ cohære-
 dem non habebat, non admittebat: ea-
 demque à præcis, præsertim cum opum
 cupido in civitatem invasisset, certa-
 tim, magnæque contentione peteba-
 tur, ut iudicium disceptatione & decre-
 to interposito interdum fuerit opus.
 Quod si patre vivo jam nubilis virgo
 ἐπίκληρῳ esset, is eam viro tradebat,
 cui volebat, ut ex Aristotele jam antè in
 alium finem diximus: & si ante gene-
 rum non scripto testamento, ac hærede
 nominato pater moreretur, gener res
 dotales tribuebat, cui libebat. Sic e-
 nim præ se ferunt verba philosophi.
 Νῦν δ' ἔξει, inquit de patre loquens,
 δυνάμις τε τῷ ἐπίκληρον, ὅτ' αὐτὸν βύλη-
 ται,

ται, καὶ ἀπιθήνη μὴ ἀλγέμενον, ὅτι
 αὐτῇ κληρονομία κληρονομήσῃ, ἕτ' αὐτῇ
 γέλη δίδωσι. Gener scilicet à morte ux-
 oris ἐπικληρῶς (ea enim viva, domina
 manebat rerum suarum) cui placebat,
 largiebatur res dotales (credo ex lege E-
 pitadei, quæ in usu erat tempore Ari-
 stotelis) sive filio aut filia, sive propin-
 quo, sive extero, id est, ab ea familia
 alieno. Si liberos descendentes, filios,
 filias, nepotes, neptes, moriens testa-
 tus non relinqueret, vocabantur ad ad-
 eundam hæreditatem fratres aut sor-
 ores superstitēs, aut eorum filii filiaevē,
 nepotes aut neptes: si fratres sororesve
 decessissent, semper habebatur ratio
 proximitatis, & mares, aut è maribus
 geniti aut genitæ cæteris præferebantur:
 proximior autē intelligebatur, qui nati-
 vitate prior erat, & qui ex eo descende-
 bat. Qui testati moriebantur, sua lega-
 bant pro libitu, modò ne quid contra
 sortis jus, de quo diximus, quod ad re-
 thram Epitadei utcunq; integrum man-
 sisse, suprâ ex Plutarcho retulimus. Libe-
 ros autem ante legem Epitadei an præ-
 terire in rebus extra sortem licuerit, in-
 certum: ut credam licuisse, inducere ani-
 mum haud faciliè possum. Durum enim
 hoc, & dictamini naturæ adversum.

Epita-

Epitadeus odio filii omnia turbavit,
eoque ipso mala multa & magna in-
vexit in rempublicam, ut prius dictum.

*De opulentiâ & potentiâ fœmina-
rum Laconicarum.*

AN ei quoque debeat id, quod in
vitiis reipublicæ hujus recitat & re-
prehendit Aristoteles de fœminarum o-
pulentiâ, & hinc existente earum po-
tentiâ, & de reliqua etiam in viris pos-
sessionum inæqualitate, in medio relin-
quo, a filiisque viris eruditis; & antiqui-
tatum peritis discutiendum & censen-
dum permitto. Hoc tantum dicere ha-
beo, satis liquidum esse, & inæqualita-
tem facultatum, & fœminarum opu-
lentiam potentiâque contra mentem
& scopum Lycurgi in republicâ hac in-
olevisse. Potentiâ quidem fœmina-
rum maturè satis locum habere capisse,
demonstrat apophthegma illud ce-
lebre uxoris Leonidæ regis ad Thermopy-
las à Xerxe cæsi, cui nomen Gorgo:
quam ajunt, cum peregrina mulier ei
diceret, vos solæ Lacæne viris vestris
imperatis, respondisse velut consiten-
tem id quod objiciebatur, solæ quippe
nos viros parimus. De luxu & insolentia
earum cum Aristotele testatur quo-
que Plato: de opum copiâ & potentiâ

etiam ipse Plutarchus, quanquam Aristoteli contradicens de culpa Lycurgi. Nam matrem & aviam Agidis in ea familia regis ultimi, à collegâ Cleomene interempti, opulentissimas fuisse, & Agidem molliter & in summis delitiis educasse memorat: & tamen eundem Agidem jam regnum adeptum, & luxum opesque fastidientem, atque ad revocanda in usum Lycurgi instituta continentem, easdem illas velut mutatâ mente in proposito bono animasse & extimulasse, & consilia ejus pro more Lacænarum, reipublicæ quoque curis semiscentium, apud alios tum viros tum fœminas, quæ isto tempore & opes magnas tenerent, & apud maritos plurimum possent, affirmat adjuvisse. Testantur quoque alii. Aristotelis locus totus illustris est, quo vitia exponit reipublicæ Laconicæ, & Lycurgum negligentæ aut inscitæ arguit, notatus à me supra, & quasi digito tantum monstratus, heic verò repetendus & recitandus plenius. Dicit ibi, mulierum licentiam, quam Lacænis tribuit, & reip. instituto, & bonis civitatis legibus officere. Nam, inquit, ut familia partes duæ sunt, vir & mulier, sic ferè existimandum, civitatem quoque bisariam esse divisam in virorum & mulierum multitudinem.

Ita porrò in quibus rebus publicis ea, quæ ad mulieres spectant, vitiose habent, putandum, civitatis parti mediæ per leges non esse bene consultum: quod illic accidit. Nam cum legislatori constitutum esset, totam civitatem fortem ac laborum tolerantem facere, in viris quidem præclarè id præstitisse manifestum est, sed in feminis haudquaquàm. Hæ enim vivunt, inquit, intemperanter in omni luxu & deliciis. Quapropter necessum est, in hujusmodi repub. divitias in honore esse, maximè si favina ibi multum possint: quemadmodum serè evenit in gentibus bellicosis, & rei militari deditis, præterquàm apud Gallos. Et post pauca. Itaque id sit apud Spartanos, in quorum imperio multa administrantur aut diriguntur à mulieribus. Quanquàm quid interest, utrum mulieres imperant, an ii, qui imperant, mulieribus pareant, cum idem consequatur. Post quæ ostendit Philosophus, in magnum periculum mulieres tumultuose agentes conjecisse Spartam bello Thebano, cum ad urbem cum exercitu accederet, eamque invaderet hostis Epaminondas. Et addit, non sine ratione olim non nihil indulgum fuisse in ea civitate licentia muliebri, cum viri ob frequentia bella diu, ac penè assiduò domo abessent, & uxoribus univer-

*sam curam rei familiaris relinquerent. Et vitu quidem ferenda disciplina militari assuetis faciliè jugum legum suarum imposuisse legislatorem : in faminis verò perhiberi idem eum tentasse, sed iis repugnantibus, utpote licentia usu ferocibus, conatum missum fecisse. Et rursus paulò pòst : Hoc vitium, inquit, neglecta disciplina muliebris non solum dedecus per se inussit reipublica, sed etiam pecunie studium invexit. Nam prater priora illa jam notata, meritò etiam quis inæqualitatem possessionum reprehenderit. Etenim alii illis plurimas tenent possessiones, alii omnino pauculas, acciditque ut tota ferè regio venerit in potestatem paucorum. Nam & hoc perperam statutum est in legibus. Legislator quippe emere & vendere possessiones inhonestum statuit, & rectè : sed donare, & mortis causa legare volentibus permisit. (Hoc illud est, quod dixi, peccatum Epitadei esse, non Lycurgi, si Plutarcho credimus.) Itaque, ait Aristoteles, res eodem redit. Insuper ex quinque totius agri partibus sola famina nunc duas ferè possident, quia ἐπικληροὶ multa sunt facta, & dotes dantur ingentes. At melius esset, has aut nullas dari, aut exiguas, aut saltem mediocres. His deinde subjicit Aristoteles ea de epicleris, quæ
 antè*

antè recitavi. Tum rursus addit, potuisse olim regionem alere equites mille & quingentos, pedites autem tricenis mille: suo vero tempore nè mille quidem esse, qui alantur: & re ipsa compertum esse, quæ ad ordinem hunc pertinent, ea malè apud Spartanos habere, cum ne unam quidem sufferre civitas cladem potuerit, sed prope perierit ob virorum paucitatem: (intelligit cladem ad Leuctra Bœotiar.) Quæ porro sequuntur aut dicta prius sunt, aut ad rem parum faciunt, aut in locum magis commodum differenda. Plutarchus in Agide affirmat, illius regis tempore, quod aliquot ætatibus sæculo Aristotelis fuit inferius, cum omnia laberentur in pejus, civium Spartanorum numerum ad DCC redactum fuisse, & ex his solos quasi c, agri sortes omnes & reliquas fortunas possedisse, cæteros rerum omnium egenos præsentiam indignè tulisse & cum fortunâ suâ esse rixatos, opum verò multò maximam partem tum fuisse penes feminas, & has omnibus de rebus privatis & publicis consiliorum fuisse participes, plurimumque omnino apud viros potuisse. Sed hæc labentis reipub. fuere vicia: de quibus plura dicenda sub finem. Nunc ad reliqua reipublicæ adhuc stantis, & Lycurgi instituta ma-

gnam partem retinentis & libera, stilus
rursum vertendus.

Sparta diu muro non cincta.

Sparta ex præcepto Lycurgi muro ac
mœnibus cincta non fuit. Putabat
enim præcepti autor, virorum virtute
& robore munitam urbem esse oportere,
eamque munitionem validiorem
esse quovis muro & turribus ac propugnaculis,
& mœnia esse alendæ ignavia,
sedes mœnibus carentes acuere
virtutem, & ad fiduciam in armis ponendam
haud parum facere: censebat, virorum
fortium esse, hosti procul sede patriâ
occurrere, nec sinere ad urbem eum
accedere. Idque per multa sæcula
sic observatum ad bella Thebana, &
cladem Leuſtricam: qua infractis civitatis
viribus, instante hoste Epaminonda,
& exercitu ad urbem Spartam adducto,
trepidatio coëgit tumultuario opere
locis incurſui hostili maximè obnoxiiis
morum excitare, annis circiter quingentis
post leges à Lycurgo latas. A quo tempore
deinceps variis casibus jactata Sparta,
mœnibus includi quàm patere maluit.

Solen.

Solennes preces Spartanorum.

Solenne Spartanis fuit; cum fortuna
 iis staret incolumis, Deos Deasque
 precari, ut benè honesteque agentibus
 bona & honestis actionibus digna sibi
 contingerent: quas preces *ἱερὰ*
 gratam numini dictam fuisse, Plato
 significat. Sacra, quæ Diis suis facie-
 bant, quos armatos omnes utriusque
 sexus sanctè colebant, faciebant quàm
 minimo impendio, existimantes, ad a-
 nimum magis sacrificantis purum &
 scelere mundum, quàm ad sumptuosas
 magnificasque hostias Deos respicere.

Lex funebris.

DE funeribus quoque legimus sta-
 tuisse Lycurgum, ut apparatu sim-
 plici ac tenui, & sumptu minimè ma-
 gno fierent: ne quid præter vestem pur-
 puream, & oleæ folia cum corporibus
 inhumaretur: ut fas esset in urbe &
 quidem juxta templa corpora terrâ
 condere, & monumentis ea honorare,
 præsertim illorum, qui virtute florue-
 rant, ac de patriâ benè fuerant meriti:
 ut tituli quoque laudum monumentis
 inscriberentur, si pugnando pro patriâ
 cecidissent: ut ejulatus indecorus in
 faciendis funeribus abesset, luctusque

diebus xi finiretur. Funerum regionum peculiaris ratio fuit, de quibus paulò pòst. Abundavit urbs deorum templis celebribus, & populus superstitionibus, uti diximus, multum deditus fuit, & ludos diesque festos egit frequentes.

Dies festi Spartanorum.

INTER festivitates majores eminuère Hyacinthia & Carnea, quibus celebrandis tota civitas vacabat, quæque negligere aut actionibus profanis interturbare aut abrumpere summum nefas credebatur. Hyacinthia verni temporis fuisse, ex Herodoto & Thucydide colligimus, & per complures dies durasse. Carnea in æstare incidisse, & annum Spartanis inchoasse, ac nomen primo mensi dedisse, & Apollini sacra fuisse, satis constat: Pausanias in Laconicis, urbis ædificia describens, & loca sacra recensens, ædem Minervæ Chalciæ præcipuâ religione cultam asyli quoque vicem præstitisse ait, sfram in colle supra reliquos se attollente, quem propterea urbis arcem appellarunt. Quamvis enim planum urbis solum fuerit, ut perhibet Polybius, tamen hic illic tumores in eo modicè se erexere quos colles nuncupat Pausanias. Idem memorat forum peramplum, spectatu dignum,
in

in quo sana, facella, signa plurima, porticus illustris ex Persarum manubiis primum extracta, unde nomen Persicæ ei datum, post verò multo tempore amplior & splendidior facta: tum curia senatus xxviii-virum, prætoria ephorum, nomophylacum, Bidæorum, & ultra id sanum Minervæ ab Ulysse quondam positum. Partem fori, ubi simulacra erant Apollinis, Dianæ, Latonæ, chorum dicit esse vocatum, ex eo quòd iudi gymnici epheborum illic peragerentur. In diversa fori parte quâ alter exitus ex eo patebat, Sciadem affirmat fuisse, quod umbraculum sonat, à Theodoro Samio architecto quondam structam, locum habendis concionibus, etiam sæculo sup dicatum, sed multa horum posterioris & elegantioris ævi fuisse. In festivitibus suis, & cum res poscebat, Lacones cantu sunt usi gravi tono ac simplice, qualis veterum Musica fuit, eamque melodiam ad belli disciplinam quoque transtulerunt. Contractus eorundem civiles simplices olim, & rudes fuisse, & sæpius rerum permutatione, quàm pecuniæ æstimatione facti. Arcanum verò reipublicæ hujus fuit hoc, si legati ad civitates, aut principes, aut reges tractandis rebus magnis mittendi essent, ut non amici

inter se, sed æmuli mitterentur, quò & diligentius & fidelius expedirent, quod in mandatis habebant: quod sæpe rei-publicæ magno bono traditur fuisse. Idem ut plurimum observatum in iis, qui regi aut duci in bellum eunti, ut à consilio ipsi essent, adjugebantur, quos alienis ab ipsò animis, quàm amicitia devinctis esse maluerunt.

Magistratus majores.

Nunc ad magistratus majores, partem civitatis primariam, de quibus paucula modò antè dicta, rursus me verto. Reges, ut dixi, binos in civitate reliquit Lycurgus, dignitate quidem & honoribus eximios, sed potestate solitâ domi penè exutos. Liberi horum, qui in spem regni suscipiebantur, non omnibus educationis legibus, quibus cæteri, erant subjecti, sed in nonnullis status regii quædam habebatur ratio: quanquàm & heic severa omnia, & ad gravitatem composita, atque istuc directâ, ut à primâ pueritiâ promptè parere legibus, parvoque contenti esse, æstum & frigus, famem & sitim ferre, dura & difficilia pati addiscerent; in omni denique vitâ justitiam colere, & ad severitatem magis quàm ad facilitatem se comparare assuescerent. Mortuo regi

regi succedebat filius primogenitus, si superesset, aut si is ante patrem obiisset, nepos ex eo superstes, etiam si filii alii, nepotis patrui, non deessent. Si filii, aut nepotes ex filiis non extarent, succedebat regis defuncti frater natu maximus, si plures essent uno. Si nec frater superesset, superesset autem fratris filius, is patruo sufficiebatur, & si essent plures, cæteris præficiebatur, qui prærogativam ætatis habebat. Denique ex agnatis regnum capiebat, qui regi defuncto erat proximior. Proximior autem intelligebatur ex fratre majore prognatus, & anteponebatur fratris alterius minoris filio, imo ipsi fratri regis minori, si viveret. Nec oberat proximiori, etiam si pater ejus aut avus ignominia notatus, aut capitis damnatus esset. Quod si puer esset, aut infra ætatem regiam, cui successio debebatur, (nam posthumi quoque succedendi jus habebant,) tutor ei dabatur, quem *ἀγοστήτης* dicebant, agnatus proximus, qui loco ejus regia munia obibat, ac regnum administrabat. Majorennis regnum iniens, sacramento reipublicæ se obligabat, & in regni leges jurabat. Hoc verò honoris, ut dictum supra, regibus tribuebatur, ut initia agendorum ab iis ducerentur, in consiliis omnibus
 ipsi

ipsi *αἰετοῦρα* tenerent, primi senten-
 tias dicerent, ab omnibus magistratibus
 olim iisdem assurgeretur. Deinde &
 ager iis latior assignatus fuit à Lycurgo,
 ad tuendum statum regium, modicus
 tamen, qui nec indigere eos mediocri-
 bus, nec affluere divitiis permetteret.
 In cœnis quoque & conviviiis publicis
 duplex portio ipsis est tributa, ut habe-
 rent, quod aliis, quos honorare vole-
 bant, possent elargiri: ex singulis sacri-
 ficiis pars aliqua regibus data: ex quo-
 libet seropharum partu porcellus unus
 iisdem cessit, ne sacra facturis victima
 unquam deesset. Erant omnium sacro-
 rum administri quasi sacerdotes, & sa-
 crificabant frequenter. Adhæc habita-
 bant domo publicâ, & utebantur pu-
 blicis tabernaculis tum ad cœnas, tum
 ad usus alios, semperquæ secum habe-
 bant contubernales Pythios, binos &
 binos, quos pro re natâ mitterent ad
 consulenda oracula: Pythios etiam &
 proxenos, quibus cura excipiendorum
 & tractandorum hospitem publicorum
 erat demandata, soli pro arbitrio suo
 designabant: causas virginum *ἐπι-
 κλήρων* seu *πατρύχων*, quibus solis to-
 ta parentum hæreditas obveniebat,
 ideoque certatim à pluribus procis ferè
 pete-

petebantur , cognoscebant , interque
 procos contendentes judicabant : ad-
 optionum quoque arbitri erant , ut nisi
 rege alterutro præsente adoptio nulla
 ritè posset fieri : & de viis publicis ju-
 dicandi & decernendi potestatem ha-
 bebant : legatis etiam tum hostium tum
 amicorum ad civitatem missis ipsi pro
 jure suo ex voluntate civitatis concepta
 responsa dabant , cumque his domum
 eos dimittebant. Herodorus significat,
 quod à nullo alio veterum proditum
 memoriæ est , binorum suffragiorum
 jus in senatu reges habuisse. Scribit
 enim, licuisse iis , si in senatum ipsi non
 venirent , per senatores sanguine sibi
 maximè propinquos bina suffragia fer-
 re. Sic namq; verba apud eum habent:
 Καὶ παρίζειν ἐκλίσσας τοῖς γέροσι,
 ἑξὶ δυνῶν δέξαι τεύχεοντα , ὡς ὃ μὴ
 ἔλθῃσι , τὰς μάλιστα ἑφ' ἑ γερόντων
 ἀρεσχηγόντας ἔχειν τὰ πῶν βασιλέων
 γέρσα δύο ψήφους πτερυγίας , τελέτω
 ὃ πλὴν ἐωυτῶν. Nam nisi præsentes re-
 ges jus illud binorum suffragiorum ha-
 buissent , tribuere idem absentes pro-
 pinquis suis senatoribus non potuif-
 sent. Plato autem libro III de legibus
 de statu Laconum summatim disserens
 ait, cælestem providentiam rebus Spar-

tanis consulentem dedisse iis geminam regum profapiam, ex unâ stirpe descendentem, quod mediocritati congruentius: dein divino quodam consilio moderatam senum potestatem *ισχυρον*, hoc est, æquipollentem in suffragiis, insolenti regum potestati fuisse adjunctam, atque eo modo, præsertim addito etiam postea ad tumentem adhuc paucorum potentiam comprimendam ephororum magistratu, rempublicam maximè temperatam extitisse. Hæc potestas regum domi, perarcta sanè, si cum jure aliorum regum cōferatur.

Accedebat, quod *παρόντες* etiam reges essent, & ad judicia de ipsis constituta vocari, & si criminum convincerentur, sententiis judicum damnari possent, salvo aliquo ad populum provocandi jure. Atque hoc est, quod de iis Aristoteles in politicis ait, regnum in republ. Laconicâ maximè legibus astrictum videri: quodque Xenophon de consilio Lycurgi in fine libelli de republicâ Laconicâ scribit, tribuisse eum regibus domi agentibus honores modicos, non multum superantes modum privatorum: nec voluisse aut tyrannico sensu fastuve animos horum inflare, aut potestatis regiar̃ invidiam civibus inferere: attamen mortuos velut he-

roas cumulari honoribus exquisitis iussisse. Hi verò honores qui fuerint, ex Herodoto discimus. Mortuo nimirum rege, missi equites celeres per universam regionem Laconicam excessum ejus vulgabant: mulieres per urbem incedentes lebetes pulsabant: Lacones & Lacœnæ omnes luctu squaliebant domatim: secus facientes pœnas dabant. Deinde frequentes ex totâ regione in urbem congregati, & his additi Spartani omnes sexus utriusque, & Helotes maximo numero, tum frontes suas pungebant, tum horrendum ejulabant, fumosque defuncto faciebant: eum regum optimum fuisse altâ voce prædicabant. Quòd si peregrè diem obiisset rex, simulacrum ejus toro benè strato impositum efferebant & sepulchro condebant. Adhæc in dies decem iustitium indicebant: magistratus ab omni munere publico abstinebant, &, si Heraclidæ fides habenda, per triduum forum quoque omne paleis conspersum silebat, nec in eo vendere aut emere, quicquam fas erat. Denique ut sepulti regis memoria gratior esset, successor ejus omnibus, qui regi aut reipublicæ aliquid debebant, debitum id remittebat. Hæc Herodotus. Diversæ autem familiaræ reges, diversis in partibus urbis sepultos

pultos fuisse, & eorum quibusdam singularis virtutis ac meritorum ergò statuas esse positas, Pausanias in Laconicis ostendit. Et ita quidem regum res habuere domi. Militiæ autem multò major eorum potestas ex legibus Lycurgi priscis temporibus fuit. Nam in exercitu, quem rex ducebat, supremum ac absolutum imperium in omnes solus habebat, uti & ἄρχων, qui vicem regis minorennis gerebat. Circum se autem in castris habebat, equitum præfectum, polemarchos quatuor, cohortium præfectos, aliosque ordinum ductores, ut eorum consiliis & operâ promptâ posset uti, leges verò à nemine accipiebat: sed exercitum ducendi & bellum gerendi potestatem accipiebat à civitate, & nonnunquam eadem iubente domum reducere exercitum cogeatur.

Ephorum initium & munus.

ac potestas.

HÆc reipublicæ Laconicæ ratio & status fuit à Lycurgo usque ad id tempus, quò Ephorum potestas eidem accrevit. De ephorum verò initio variant autorum honorum sententiæ. Nam sunt, qui ad ipsum Lycurgum id referant, imprimis pater historiæ Hero-

Herodotus. Sed plurium consensus Theopompo regi, Polydori collegæ, initium hoc tribuit, quem ajunt ab uxore propterea culpatum, quod creatis ephoris regum jus minuisset, angustiusque filiis relicturus esset quàm ipse à parente accepisset: sed ipsum respondisse, angustius fortasse, sed sine dubio diuturnius. Fuit autem Theopompus Nicandri regis filius, Charilai nepos, cujus Charilai tutelâ defunctus Lycurgus, ejusdemque patruus, leges suas Lacedæmoniis tulit. Et ex Aristotele Plutarchus tempus hoc à *ρομφησις* Lycurgi ad primos ephoros à Theopompo creatos metitur annis cxxx, atque primum ephorum ab eo editum fuisse Elatum nomine. Ex quo tempore sensim crescente potestate novi hujus magistratus magna mutatio status reipublicæ est inuenta. Cleomenes apud Plutarchum, ephorum potentia infestus, quorum se cæde recens polluerat, quosque in universum sublato è republicâ cupiebat, ad populum verba faciens, causæque suæ subserviens sic disseruit: à regibus primum ephoros fuisse creatos, idque longo post Lycurgum tempore, cum difficili ac diuturno bello Messenio rex uterque foris distinebatur, nec domi rebus urbanis ob-

eundis vacare posset: (& duravit sane primum bellum Messenium per annos continuos quasi xx, cum Polydorus & Theopompus regno Spartano praesent:) creatos vero in eum finem, ut in urbe regum vices gererent, jusque civibus dicerent, diuque in eo gradu constitisse, ut regum ministri esse censerentur: post paulatim altius conscendisse, ac demum insolentes factos omnem reipublicae potestatem sub *ἐφορας* nomine in se vertisse. Sic ille in commodum, ut dixi, causae suae. Quae de initio eorum si vera, causam non habuisset Theopompi uxor exprobandi marito, quod exprobravit: nec verè dicere potuisset Plato, tertium servatorem reipublicae Laconicae (Theopompum designans) exultare adhuc ac ferocire videntem regium imperium, frenum ei injecisse ephorum potestatem; nec Aristoteles, eundem Theopompum regnum Laconicum potestate minuisse, tempore auxisse; nec Cicero, à Theopompo ephoros ita Lacedaemone oppositos regibus fuisse, ut tribuni plurimi Romae consulibus. Nec tamen ego idcirco affirmare ausim aut velim, simul omne jus, quod post florentibus Persarum ac Graecorum rebus penes ephoros fuit, mox ab initio à Theopom-

po iis esse tributum, sed id sensim contentione plebis profecisse reor, & alia post alia incrementa cepisse, pari modo ac Romæ tribunitiæ potestati accidisse non nescimus. An verò cum Asteropo ἐφορεύον tenente, ut ait Cleomenes, ad summum pervenerit, id etiam ego in medio relinquo. Cætera, quæ huc pertinent, & certa nobis sunt, sic habent. Fuere ephori in republicâ cum jam ἐφορεία adolevisset, numero v, annum munus habentes, quorum unus ἐπώνυμος hanc ob causam dicebatur, quod nomine suo annum signaret, pari modo ac Athenis archon, Romæ bini consules. Inchoabant autem munus fluente æstate, & finiebant: quod ex comparatione duorum locorum Thucydidis libro v est manifestum, quamvis aliter sentiat Nicolaus Cragius. Primus, aut in primis à Theopompo creatus ephorus nominatur apud Plutarchum Elatus: primus ἐπώνυμος fastos signans putatur fuisse Chilon, unus ex septem Græciæ sapientibus, Cyro apud Persas regnante, Servio Tullio apud Romanos, Olympiadis LVI anno primo. Quod si verum, institutum signandi fastos nominibus ephorum eponymorum fuerit non admodum vetu-

stum. Eligebantur ephori quinque quot-
annis in comitiis ex toto populo, sus-
fragiis ejusdem populi, sine discrimine
generis aut opum, sæpeque fiebat, ut
etiam infimæ fortunæ homines ad hanc
dignitatem eveherentur: quod notat &
reprehendit Aristoteles. Erat enim ma-
gistratus hic prorsus popularis ad tuen-
dam communis populi libertatē com-
paratus, & regum, senatusque, & alio-
rum, qui in civitate eminebant, poten-
tiæ suspectæ ac periculosa oppositus: ad
cujus exemplar tribunitia potestas tu-
tandæ libertati plebis contra opes con-
sulum ac senatus patritiorumque Ro-
mæ videtur instituta. Atque hanc ob
causam expetebantur maximè ad hoc
munus ii, qui in populo erant ingeniis
acribus, ac libertatis amantibus, & po-
rentium gratiæ cedere nesciis. Verùm
accidit heic, quod Romæ circa munus
tribunitium. Nam potestas modica ini-
tio, cum temporis progressu, crescente
ephororum ambitione, modum ferè ex-
cessit, & reipublicæ formam aristocra-
ticam in democraticam propemodum
convertit: quod ex subiectis patefcet.
Erat iis curia in urbis foro sita, ut ex
Pausaniâ recitatum, juxta regum & se-
natus curiam, & in hac sellas quinque
pari cum ipsis numero, *Ἰφὸρ ἐφὸρ καὶ*

nuncupata. In his ipsi sedentes munus suum exercebant, consultabant de republicâ, & decernebant, jus civibus dicebant, & quæ alia antè diximus. Ærarium etiam, postquàm pecunia & opes debellatis Athenis in civitatem importatæ essent, in potestate habebant, & de eo ferè pro arbitrio disponebant: & jam eò autoritatis pervenerant, ut nulli magistratui majori studio & promptitudine pareretur, & his citantibus magistratus cæteri statim, reges etiam tertium vocati, coram iis se sisterent, omnes magistratus, & in his reges quoque, iisdem cederent, ipsique, quod cuncti reliqui, qui cum potestate erant, faciebant, soli regibus è sellis suis non assurgerent. Ad hæc hi & reges singulis mensibus mutuo se jurejurando adstringebant, hi quidem civitatis nomine, reges nomine suo: quo jurejurando reges pollicebantur, secundum leges receptas se imperaturos, civitas, se jurementum hoc sanctè servantibus regnum inconcussum esse præstituros. Præterea administrabant domi penè omnia, quæ aliquod momentum in republicâ habebant, concionem populi regerant, bellum pacemque concionis suffragiis scisciebant, fœdera jungebant aut irrita faciebant, exercitus decernebant,

commeatus sufficiebant : demum jus
 habebant usurpabantve tum præmiis
 honorandi, tum pœnis affiendi quos
 & quando volebant, à magistratibus
 quoque omnibus rationes exigendi, &
 eosdem, atque adeò ipsos reges, si colli-
 beret, imperio exuendi, in carcerem
 compingendi, capitis denique arcessen-
 di, damnandique : ut non sine ratione
 Plato & Aristoteles scripsisse videantur,
 speciem tyrannidis potestatem ephoro-
 rum apud Spartanos habere. Sed mo-
 deramen in eo hoc erat, quòd potestas
 tantum esset annua, & quòd, cum nu-
 mero quinque essent ephori, si quid ini-
 qui pararent eorum duo, reliquorum
 trium dissensione aut intercessione a-
 verti id posset. Nam singuli potestatem
 non habebant, sed ea penes collegium
 erat : in eo verò id valebat, quòd plu-
 rium suffragiis decernebatur. Porro
 cum ephoris magistratibus ineuntibus
 annum quoque suum Lacedæmonii in-
 choabant. Et ex Aristotele affirmat Plu-
 tarchus, ephoros initio muneris sui vo-
 ce præconis præcepisse omnibus civibus,
 ut labii superioris pilos ponerent, & le-
 gibus mentem adverterent, ne ipsi ne-
 cessum haberent in eos animadverte-
 re. Quorum prius ad obsequium etiam
 in minimis promptè præstandum per-
 tinuisse,

tinuisse, Plutarchus arbitratur. Alterum ad timorem incutiendum, ne quid temerè à quoquam contra leges committeretur, spectasse non est dubium. Quapropter & timori tanquàm numini sacellum Sparta dicatum fuisse *συστήριον* ephorum proximum, idem Plutarchus ostendit. Quocum connexum hoc est, quòd eodem prudente autore, ex eodem quoque Aristotele, iidem ephori in auspicio magistratus sui velut bellum indicare solebant Helotibus Spartano- rum mancipiis, decreto edito, non esse nefas eos occidere. Vnde existeret ea, quæ Crypria dicebatur, institutum sanè barbarum & sævum, & ab ingenio miti & æquo Lycurgi abhorrens. Quam ob causam censet Plutarchus contra Aristotelis mentem hoc quoque Lycurgo adscribentis, cœpisse id demum aliquot post Lycurgum sæculis, cum tempore ingentis terræ motus Helotes cum Messeniis in exitium Lacedæmoniorum rursum conspirassent, & urbem ipsam in non levè discrimen adduxissent. Hinc enim exacerbatos ait Lacedæmonios gravius odium in eos concepisse, & denudò in ordinem coactos tractasse asperius, ac de minuendo eorum numero, quem formidabilem sibi arbitrabantur, consilia cudisse. Fuisse verò institutum

hoc Cryptæ tale tradit: principes juvenutis per intervalla temporis validissimos & solertissimos ejus ætatis emississe solis pugionibus armatos, & cibi quantum satis erat secum ferentes: hos interdiu obscuris locis heic illic sparsos delituisse, noctu verò viis se committentes quoscunque Helotum deprehenderent, mactasse, sæpè etiam in agrum profectos robustissimos quosque eorum & valentissimos interemisse. Durarunt ephori in republicâ ad regnantem Cleomenein, qui libertate civitatis oppressâ hos quoque è medio sistulit. Præter hos & reges cum senatu, alii quoque magistratus in republicâ Spartanâ fuere. Herum in numero Bidixi erant, quos juniorum certaminibus præfedissee, & controversias eorum diremissee, & curiam in foro juxta regum senatusque & ephororum curias habuisse, ex Pausaniâ dixi, pari numero cum ephoris, obscuro in historiis: & his etiam obscuriores harmosyni, ab Hesychio tantum in lexico memorati, præfecti, ut idem ait, servando decenti mundo muliebri, *ἀρχὴ ἡς ἐν Λακεδαιμονίᾳ ἐπὶ τῇ ὑπογυμνίας τῇ γυναικῶν*, reprimendo scilicet exorbitanti fœminarum luxui in veste rebusque cæteris instituti: tum empedori, soli quoque Hesychio nominati,

qui

qui ἀγοράνομοις fuisse, id est, foro rerum
 venalium præfuisse eos interpretatur:
 νομοφύλακες, quos in foro quoque cu-
 riam habuisse, Pausanias dicit, quorum
 tamen nulla in historiis uspiam men-
 tio, legum custodes, quod nomen ar-
 guit, operam dantes, ne leges latæ dis-
 perirent, aut oblivione oblitterarentur,
 factisve abolerentur: cujus generis ma-
 gistratum in Græciæ civitatibus usita-
 tum fuisse bono publico, Cicero de le-
 gibus disputans testis est. His vero cla-
 riores fuere, & in historiis celebrati har-
 mostæ, hippagretæ, polemarchi, pro-
 dici, Pythii, proxeni. Quorum cele-
 berrimi ἀρχοῦν domi in comitiis po-
 puli creati, peregrè cum imperio ad civi-
 tates socias aut bello devictas ad cla-
 vum sessuri mittebantur. Nam, ut di-
 ctum à nobis alibi, in more Lacones
 habebant, in civitatibus quas aut armis
 superassent, aut quovis modo imperio
 adjecissent suo, relicta iis reliquâ liber-
 tate oligarchias instituere, & viris de-
 cem, pluribusve, quod erat rarius, in se-
 natum descriptis, rempublicam earum
 regendam permittere. Istis verò decu-
 rionibus ex civitate suâ præfectum ad-
 debant, qui rerum summæ præsideret,
 & conservando statui instituto, & reti-

nendis in fide Laconicâ populis curas
intenderet, bellumque contra hostes, si
res posceret, administraret. Eum *ἀρμο-
στὴν* appellabant, quæ vox moderato-
rem significat. Et quia hæc sine milite
fieri non poterant, copias militares ma-
jores minoresve pro rerum usu ac ne-
cessitate illi attribuebant: eratque har-
mostes propriè civitatis aut provinciæ
gubernator. Interdum enim singulis,
interdum pluribus civitatibus singuli
harmostæ præerant. Quod si bellum
aliquod majus existeret, præter harmo-
stas alii etiam copiarum terrestrium ac
maritimarum duces in provincias aut
insulas Lacedæmone mittebantur. Mu-
nus harmostarum anno ferè termina-
batur, nisi id decreto populi, quod fie-
bat nonnunquàm, ipsis prorogaretur.
Quod idem in belli ducibus terrâ mari-
que valebat. Præter ista, quæ de har-
mostis aliis, qui Dictatorum Romano-
rum instar, rebus in urbe turbatis Spar-
tæ creati sint, scribit Cragius, & exem-
plo Agesilai firmare studet, atque huc
verba Dionysii Halicarnasæi allegat,
quia satis aperta certaue non sunt,
consultò prætereo. Hippagretæ erant
in urbe tres ab ephoris ex præstantissi-
mis juniorum electi: quorum quilibet
centum sibi adscisciebat, quos putabat
inter

inter coætaneos esse cæteris omnibus præstantiores, iisque ipse præerat. Et hi trecenti à tribus hippagretis lecti existimabantur reliquam omnem totius civitatis juventutem virtute superare. Cum his perpetuum certamen erat iis, qui se tanquam virtute inferiores in electione præteritos esse dolebant: quod certaminum de virtute pulcherrimum fuisse, & ad studium fortitudinis plurimum animos acuisse, Xenophon affirmat. Hos hippagretas an veris magistratibus accensere conveniat, mecum ipse ambigo. Polemarchos in urbe quoque rerum aliquid administrasse, & arma curasse, & exercitiis nonnullis militaribus domi præfuisse, Cragius opinatur, sed non satis firmis rationibus opinionem suam tuetur. Nos in rebus militiæ de iis dicemus. De prodico diximus, ubi de regum successione egimus. Cui locus in republica non erat, nisi regni hæres defuncto rege minorennis esset quam ut regii muneris negotia capescere & obire ipse posset. *Πρόξενος* excipiendis & curandis hospitibus præpositi fuere, non à populo, sed à regibus designati, ut docet Herodotus: qui quot numero fuerint, quamdiu in munere manserint, nobis incertum. In hospitem numero legatos quo-

que fuisse habitos, mihi non dubium. Pythios à regibus etiam creatos, idem Herodorus testatur & cum eo Xenophon; & uterq. affirmat, duos à regum uno, totidem ab altero fuisse electos. Ex quo clarum est, quatuor simul eam dignitatem tenuisse. Nomen habuere ab oraculo Apollinis Pythii, ad quod consulendum à regibus solebant mitti, quorum proprium erat, oraculorum curam & custodiam habere. Quam ob causam Pythii semper regibus præsto erant domi & militiæ, ad mandata expediri, dicti propterea à Xenophonte regum contubernales, Græcè *σὺνδωκοί*. An hos augurum nomine designet Cicero, quos regibus & senatui assediisse perhibet, ut credit Cragius, id ego nec affirmare nec negare ausim. Missos autem fuisse non Delphos solum, sed ad alia quoque oracula celebriora, facile Cragio assensero. De prædonomo quoniam supra dictum satis, repetere heic non libet. *Κήρυκες* magistratus ipsi non erant, sed magistratuum majorum ministri: quos præcones & caduceatores Latine rectè dixeris. Duplex enim eorum ministerium erat. Aut enim voluntatem ac mandatum magistratuum multitudini voce suà exponebant denuncia-
bantque; unde à vocis magnitudine

& claritate maxime probabantur: aut
 ad absentes mittebantur, & mandata
 mittentium perferebant, erantque hoc
 in ministerio velut sacrosancti, quos
 violare magnum nefas credebatur. Ho-
 rum operà utebantur ephori, cum vi-
 rum aliquem illustrem peregrè agen-
 tem domum revocarent, & iudicio se-
 sistere iuberent. Exemplo est Pausanias,
 regis vicem gerens, ad quem scytala per
 caduceatorem missa fuit, quâ præcipie-
 batur ei, ne à caduceatore domum re-
 petente discederet, nî pro hoste haberi
 vellet. Erat autem scytala epistolæ bre-
 vissimæ genus, cum magistratus impe-
 ratori aut belli duci peregrè agenti, aut
 hic vicissim magistratui secretò aliquid
 significatum vellet, quod ab hoste fortè
 interceptum legi ab eo, & intelligi non
 posset. Quod literarum genus à scuticâ
 nominatum quale fuerit, in noctibus
 Atticis A. Gellius libro xvii cap. ix ac-
 curatè describit. De magistratibus ha-
 stenus. De senatu abunde dictum su-
 præ, qui consilio imperioque ex insti-
 tuto Lycurgi præerat civitati, inter re-
 ges & populum seu concionem medius.
 Ad hanc concionem, cujus obiter tan-
 tum mentio antè facta, nunc revertor.
 Hæc amplissimum fuit totius populi
 concilium, à magistratu convocatum,
 penes

penes quod suprema erat rerum Laconicarum potestas. Populo censebantur cives liberi legitimo matrimonio ex Lacone libero & liberâ Laconicâ nati, non Spartam solum metropolim, sed & cætera Laconix municipia habitantes, ex instituto Lycurgi ritè educati, & viri jam facti, ætate tricenarii: & præter hos si qui civitate erant donati: quod olim sub primis regibus Heraclidis factum frequentius, cum multis etiam simul hoc datum fuit, ut numero civium, qui belli cladibus exhauriebatur, consuleretur: posteris temporibus accidebat rarius & parcius, cum jus civitatis suæ pretiosum Lacedæmonii haberent, & non nisi singulis aut paucis bene meritis id conferrent. Extra conjugium ritè contràctum suscepti quamquam parentibus utriusque sexus Lacedæmoniis, & secundum leges Lycurgi non educati, in civibus non habebantur, nec frui civitatis jure, nec concioni se miscere mittebantur. Eratque civium verorum numerus pro civitatis claritate & potentiâ non magnus: servorum autè publicorum, quos *ἐῳλῶτες* dicebant, quorum operâ cives utebantur, multò major. Vnde sæpè pericula reipublicæ extitère. Inter cives autem censi etiam fuère, quos Mothaces vo-

carunt, testibus Athenæo in dipnosophistis, & Æliano in variâ Historiâ. Fuisse verò tradunt iidem alienos à sanguine Laconico, sed à teneris cum ingenuorum Laconum liberis Laconico more ex præceptis Lycurgi educatos & in institutis iisdem adultos, quibus id tribuisse Lycurgum, scribit Ælianus, ut, si in cæptis persisterent, reipublicæ fierent participes. Quo in genere fuisse Callicratidam virtute illustrem, & Gylippum Syracusanis auxilio missum, & clarissimum Lysandrum Athenarum debellatorem, Ælianus affirmat: & de Lysandro astipulatorem ex prisco historiæ scriptore Philarcho habet Athenæum: quàm verè, dubitare me fateor propter autoritatem Plutarchi, qui in Lysandri vitâ, quam accuratè & diligenter descripsit, affirmat, cum Aristocleto patre natum ex Heraclidarum genere fuisse, quamvis regum familiæ exsortem, & in re tenui.

*Populi Spartani distinctio in tribus,
sex & ὥσας xxx.*

Cæterum, populus totus civitatem conficiens divisus putatur fuisse in φυλὰς, quas tribus interpretamur, sex, & quælibet φυλὴ rursùm in ὥσας quin-

quinque , ut hæ fuerint omnes numero xxx : quod ex vetustissimo oraculo Apollinis , quod Lycurgo redditum , posse videtur elici. Similiter populus idem , quod ex Xenophonte constat , domi distinctus fuit in partes alias sex , quas *μέρας* vocabant , velut *μείρας* , portiones , quas non malè coniecit Cragius ad tribus convenisse , hoc est , in qualibet tribu *μέραν* fuisse , sed comprehendisse tantum ætatem militarem , exclusis junioribus & senioribus , quibus anni erant infra xxx , & supra lxx , qui in tribu quoque erant , atque ita tribum latius patuisse quàm *μέραν*. Quod sanè congruit cum eo , quod idem Xenophon ait , cuilibet *μόρα* domi etiam unum *πολέμαρχον* præfuisse. Verosimile enim , polemarchum militarem rem respexisse , quâ cum junioribus & senioribus nisi tempore necessitatis nihil erat commune. Nec ab hac ratione abhorret , quod idem Cragius existimat , domi quoque *μέρας* singulas in *λόχους* quaternos , & hos in binas *πεντηκοντίας* , & istas rursus in totidem *εναμνηάς* fuisse distributas. Nam tota respublica Spartana , quod dictum etiam prius , magis ad bellum , quàm

quàm ad pacis rationes jam tum ab initio, autore Lycurgo, fuit comparata. De quibus paulò pòst rursus, cum de militiâ Laconicâ differendum. Divisionem ejusdem populi in tres choros, puerorum scilicet, & juvenum ac senum, heic prætereo, quia magni non est momenti. Sed & anteephoros, aut auctam eorum potentiam, in concionum ratione aliquid fuisse turbatum, & ab instituto primo capisse deflectere, veruntamen ad normam à Polydoro & Theopompo regibus revocatum, docemur à Plutarcho in Lycurgi vitâ, ubi fundamentum instituti, rhetram Delphicam (sic vocatum oraculum diximus Lycurgo ex adyto redditum) recitat. Qui locus cum oraculo quoniam ad universam hanc rem non parum facit, operæ pretium duco, totum eum heic adscribere. Oraculi verba hæc sunt, antiquitatem penè obsoletam spirantia.

Διὸς Συναίης καὶ Ἀθηνᾶς Συναίης
 ἱερὸν ἰδρυσάμενον φυλαὸς φυλάσσοντα,
 καὶ ἁγίας ἁγιάζοντα, τελεῖοντα γερυσίαν
 σὺν δὲ χαρίταις καὶ εὐσυνίᾳ, ἄρχας
 ἐξ ἄρχας ἀπαιτᾷ μετὰ Βασιλέας
 πρὸ Κνωκίων, ὅπως ἐσφίρειν τε καὶ
 ἀφίστασθαι γαμωδῶν γυλῶν, ἢ μὲν καὶ
 κράτῳ.

κράτος. Hactenus oraculum. Dein
 addit Plutarchus, interpretans obsoleta
 & obscura: ἐν τέτοις τὸ μὴ φυλάς
 φυλάξαι, καὶ ὥσας ὠσάξαι, διέχει
 εἰς ἑκατὸν μίαι τὸ πλῆθος εἰς μετέ-
 δας, ὧν τὰς μὴ φυλάς, τὰς δὲ ὥσας
 προσηγρόσκειν. ὁρχαγὴ δὲ οἰβαπλεῖς
 λέγεται. τὸ δὲ ἀπεκλάζειν, ἐκκλησιάζειν.
 ὅπτις δὲ ὁρχὴν, καὶ τὴν ἀσπίδα τὴν
 πολιτείαν εἰς τὸ Πύθιον ἀνῆψε. Τὴν
 δὲ Βαθύχαν, καὶ τὴν Κνακίαν καὶ οἰ-
 νῶντα προσηγρόσκειν. Ἀρσεντέλης
 δὲ τὸν μὴ Κνακίωνα πόπαιμον, τὴν δὲ
 Βαθύχαν, γέφυραν. Ἐν μέσῳ δὲ τέτων
 τὰς ἐκκλησίας ἦγον. Atque his subji-
 cit, locum eum intermedium sine stru-
 cturâ, sine apparatu fuisse, vacuum sci-
 licet ab iis, quæ avocare sensus à rebus
 in concione propositis, & impedimen-
 tum afferre deliberationibus possent.
 Tum progreditur ulterius: Τῷ δὲ πλῆ-
 θος ἀθροισθέντι εἰπεῖν μὴ ἔδει γνώ-
 μιν τῶν ἄλλων ὑφεῖτο, τὴν δὲ ὑπὸ τῶν
 γερόντων, καὶ τῶν βασιλέων προτεθείστων
 ἐπικρατῶν κύριον ὃ δῆμος. Ὑστε-
 ρον μὲν τοι τῶν πολλῶν ἀφαιρέσει καὶ
 προτεθεί-

αὐθιγὰς τὰς γνώμας ἀναρεφόντων
 καὶ ἀφροδισιζομένων Πολύδωρον καὶ
 Θεόπομπον οἱ βασιλεῖς πᾶσι τῇ ῥή-
 τρι παρὲνέγραψαν. Αἱ δὲ σχολιαὶ ὁ
 δῆμος εἰρεῖα, τὰς πρεσβυτέρους καὶ
 ἀρχαγέτας ἀποστῆρας εἶμεν : τὰτ'
 ἔστι, μὴ κυρεῖν, ἀλλ' ὅλους ἀφίστασθαι, καὶ
 ἀγαλῦειν τὸν δῆμον, ὡς ἐκτρέποντα,
 καὶ μεταποιεῖν τὴν γνώμην ἀφ' ἧς τὸ
 βέλεπον. Ἐπεισαν δὲ καὶ αὐτοὶ τὴν
 πόλιν, ὡς ἔθετο ταῦτα ἀφροδισιζόντων.
 Quibus statim subjicit Plutarchus ver-
 sus Tyrtaei vetustii poetæ id attestantis.
 Rhetoræ, vel oraculi verba sic vertit do-
 ctissimus Crusenius: *Vbi templum ex-*
truxeris Iovi Syllanio & Minerva Syl-
lania, populumque distribueris in tribus
& obas, senatus constitues annumeratis
regibus xxx virorum, & prout tempo-
rum articuli postulabunt, conciones ha-
bebis inter pontem & Gnacionē amnem,
ubi agent cum populo senatores, & di-
mittent concionem, neque jus erit populo
verba faciendi. In prioribus mutata
 constructione sensum utcumque repræ-
 sentat Crusenius : in postremis verosi-
 militer conjectat potius quàm Græca
 reddit; in annotationibus etiam non
 intelligere se fatetur. Lapsus in versione

totum oraculum non versum relinquit. Plutarchus interpretans vetusta oraculi verba ostendit, φυλας φυλάξαι, ηὐδας ὠδαίξαι, esse idem quod distinguere & distribuere multitudinem in partes, quas φυλας & ὠδας olim dixere : δρχαγίταις nuncupatos esse reges : ἀπιδάξιν significasse, conciones habere. Principium verò & causam rei publicæ institutæ significat Deo impolari. Porro demonstrat, concione coactâ nemini reliquorum fuisse permis-
sum, γνώμῳ εἰπεῖν, id est, sententiam aliquam suam ad deliberandum proponere, sed quod senatus & reges proponerent, de eo iudicandi potestatem populum habuisse. Postea verò cum multitudo demendo addendoque sententias propositas perverteret, & violenter detorqueret, reges collegas Polydorum & Theopompum ista rhetoræ priori ascriptisse : Si quid pravè populus rogassit, ab eo senatus & reges secessionem faciunto, id est, ratum id non habento, sed omnino discedunto, & populum dimittunt, velut id quod propositum, pervertentem, & mutantem in deterius. Post quæ recitatis Tyrtæi versibus docet Plutarchus hoc quod diximus suprâ, cum videret
popu-

populus, nimiam adhuc esse paucorum potentiam, ipsum velut frenum ei iniecisse ephorum potestatem annis circiter cxxx post Lycurgum, primumque ephorum creasse Elatum regnante adhuc Theopompo, eodem illo, qui cum collegâ Polydoro rhetor posterioris jam recitata fuerat autor. Superstes enim vixit Polydoro circiter annos ix aut x, regnumque tenuit cum filio ejusdem Eurycrate, occupatus ut plurimum bello Messenio, ut juri dicundo, & aliis regii muneris negociis domi vacare non posset. An verò senatus interea potestate suâ abusus sit, aut severitate plebem offenderit, quod significare Plutarchus, notans paucorum potentiam *ὑπερμέτρη*, videtur, occasionemque dederit flagitandi magistratus hujus plebei, qui contra injurias potentiorum infirmiores tueretur, & populi jus factum testum servaret, ut Romæ, cum tribuni plebis in eâ civitate sunt nati, factum, id nobis est obscurum. Rex quidem uterque Polydorus & Theopompos, fuit optimus, ut docent scriptores veteres, imprimis inter posteriores Pausanias. Verum ut vocandæ dimittendæque concionis jus ex oraculo & instituto Lycurgi olim penes reges & senatum tantum fuit, & locus ejus pro-

prius non alibi quàm ad Cnacionem
amnem, ita jus hoc regum & senatus,
ut antè ostendimus, secutis temporibus
ad ephores transit, & habendæ con-
cionis locus in ipsa urbe ad fori exitum,
ubi Scias à Theodoro Samio artifice ex-
tructa fuit, cœpit esse, ut est apud eundè
Pausaniam. Fuit verò concio duplex,
concilium scilicet solorum habitatorū
Spartæ, quod concionem minorem vi-
detur Xenophon appellare, & cōvocata
civium multitudo ex totâ Laconiâ, quæ
simpliciter concio, aut concio major
nūcupabatur. Convocabatur ordinariè
statis temporibus aut quando & quoties
res poscebat. In concionibus ordinariis
ut plurimū magistratus annui creaban-
tur, fortè etiam alii: de quo certi nihil
habeo. In cæteris agebatur de legibus, si
quæ ferendæ, de bello, pace, fœderibus,
& aliis rebus summis. In his etiam po-
pulus judicium exercebat, & sententiam
ferebat, quoties vel rex, vel procerum
magnorū alius in discrimen capitis aut
status sui vocatus ad populum provo-
cabat. In his omnibus mentem suam
populus declarabat non calculo, aut
manuum elevatione, sed acclamatione,
interdum etiam, si hæc non satis di-
stincta videretur, discessione in loca di-
versa. Hucusque de concione.

Libertini apud Spartanos.

PRÆter ingenuos cives erant etiam in civitate libertini, è servitute manumissi. Manumittebantur autem non separatim à singulis civibus velut dominis, quemadmodum alibi ferè solebat fieri, sed autoritate publicâ. Nam publici juris aliquid populus in Helotas ac Messenios in servitutem datos habebat, quamvis iidem singulis etiam operam præstarent in colendis agris, & negociis servilibus aliis. Conferebatur hoc libertatis beneficium in eos, qui publicè de civitate erant benè meriti vel in præliis, si quando re poscente, ad arma essent vocati, vel modis aliis. Manumissos νεοδαμώδεις dicebant, præsertim Lacedæmone sedem habentes, & civitati quasi insitos, quamvis non pari in omnibus jure cum civibus ingenuis: cæteros interdum eodem etiam nomine afficiebant, interdum tantummodò ἀπελευθέρους nomina-
bant, & vel in colonias mittebant, vel, ubicunque animus iis erat, solâ libertate contentos sedes figere sinebant. In urbe verò & reliquâ Laconia qui manebant, an obeundæ concionis, & gerendorum honorum jus habuerint, & tribubus ac moris ascripti sint, obscurum.

In militiam cum ingenuis educatos, & stipendia fecisse, clarum. An phiditiorum participes fuerint, nec hoc à quodam veterum expressum: mihi quidem parum id verosimile. De distinctione τῶν ὁμοίων & τῶν ὑπομειόντων ex Xenophonte quod disputat Cragius, id magnas quoque tenebras habet, quanquam ὁμοίως ingenuos fuisse, dubitabile nō existimem. Xenophon conjunctionem Cynadonis detectam exponens velut distinctos & diversos inter se conjunctionis ejus socios recenset εἰλωτας, νεοδαμῶνδεις, ὑπομείονας, περαιοίκας, sed quem locum in civitate tenuerint, non ostendit. Περιοίκας enim heic intelligere, qui τῶν περαιοκίδων, regionem videlicet urbi Spartæ proximè circumjectam habitabant, Laconici generis, nullus dubito.

Εἰλωτες servi.

Εἰλωτας antiquissimos Lacedæmoniorum servos, quos nec privatim manumittere, nec extra Laconicam vendere, per legem Agidis regis nomothetῆς Lycurgi antiquiorem, licuit, ob multitudinem civitati sæpè formidini fuisse, antè quoque à me notatum est.

Et

Et Xenophon suâ etiam ætate sollicitam quàm maximè civitatem habuisse testatur. Nam cum Thebani & eorum socii infestis armis urbem Spartam premerent clade Leuctricâ viris jam antiè exhaustam, visum primoribus civitatis, ait Xenophon, publicâ voce Helotibus denunciare, si qui eorum arma capere contra hostes, & in ordinibus consistere vellent, fide publicâ iis promitti libertatem: ad quam vocem cum plures quàm sexies mille nomina professi essent, & ordinibus sese miscuissent, ob multitudinem nimiam consternata civitas fuit: sed copiarum aliarum amicarum adventu motus ille rursus concidit. Sic ille. De Partheniis bello Messenio primo ex promiscuo juvenum & virginum Lacænarum concubitu natis, & à reliquis Laconibus ob probrosos natales contemptui habitis, quia ultra unam ætatem Spartæ non durarunt, non libuit quicquam dicere superiùs, nec heic libet. Fusc de his Iustinus ex Trogo libro 111, & Strabo libro vi.

Iudicia Sparta.

Iudicia hoc modo Spartæ habuère. Primis temporibus post Lycurgum raræ erant lites de rebus privatis, quia pecunia de quâ litigaretur, nulla erat

in usu. Pòst labentibus Lycurgi institutis, experunt etiam hæ crebrescere, & judicia quoque alia cumulari. Iudices fuerunt initio reges, & senatus: deinde ephori: dèum etiam dirimendis controversiis arbitri lecti. Reges, ut antè quoque dictum, causas virginum ἐπικλήρων quæ unicæ & solæ parentum hæredes, atque adhuc innuptæ erant, ideoque plurium nuptiis ambiebantur, quas πατρίχες etiam Herodotus nuncupat, cognoscebant: iidem adoptionibus quoque ut ritè fierent, præsidebant, & si quid de viis publicis curandis controversum, dijudicabant. At senatus xxviii-virum, cum aliarum gravium causarum, tum capitalium judicia potissimum exercebat, & in his, ut prudentius ageretur, haud quaquàm properanter procedebat, sed actionem in dies aliquot plerumque ampliabat, actores & reos audiebat, in testes & testimonia diligenter inquirebat: denique id curæ habebat, ne quid statueretur temerè, quod postea corrigi non posset. Ephori in rempublicam primum introducti lites privatas de contractibus & negociis similibus dirimebant. Verum cum tempore, crescente ipsorum potentiâ, maxima quæque judicia iidem illi sibi vendica-

runt, & non solum aliorum civitatis primatum, sed regum quoque causas cognitioni suæ subjecerunt, cum essent ipsi homines sæpè è medio vulgo. Quod sanè uti erat, ita perindignum, & periculosum censuit philosophorum princeps Aristoteles, præsertim cum, ut idem ait, judicarent *αὐτογνώμονες*, hoc est, non scriptas certasve leges, sed opiniones suas in ferendis sententiis sequerentur. Itaque nec sine multo certamine inter eos & senatum regesque, ut hæc judicandi potestas iis permitteretur, res fuit perducta. In quo certamine nihil tam valuit pro ephoris, quàm gratia vulgi, quòd patronos libertatis suæ, & è medio sui non rarò progredientes quàm maximâ potestate pollere avebat. In regum verò causis, cum caput aut fortuna eorum in discrimen vocabatur, hæc ratio ferè servabatur, ut ex Pausaniâ, qui *Ἐπὶ τῇ Γρατοῖᾳ* scripsit, discimus. Sedebant in tribunali senatores xxviii, & cum his ephori quinque, & rex alterius familiæ, ad quem causa non pertinebat, ut essent omnes xxxiiii, iique causam cognoscebant, deque eâ sententiam singuli per suffragia ferebant, & id denique ratum habebatur, in quod plures consentiebant. Hoc modo Pausanias rex,

Plistoanactis filius, Pausaniæ ejus, qui ad Platæam Mardonium cum Persis cecidit, nepos, in causâ majestatis apud hos judices reus, cum suffragia xv contra eum, xix pro eo lata essent, absolutus fuit. Quod si contingeret aut minus benè constitutum hoc judicium esse, aut pronunciatum minus æquum reo videri, solebat hic ad populum provocare, & populus, quem ephori regebant, ex horum mente de causâ plerumque statuebat.

De arbitris dicere parum habeo, qui deligebantur ab his qui controversiam habentes, apud judices contendere, aut judicii aleam experiri volebant, iique id operam dabant, ut litem inter hos ex æquo & bono componerent, aut si istuc pervenire non possent, ex compromisso per arbitramentum finirent.

Modus agendi in judiciis.

IN omnibus verò judiciis actio minime operosa erat more aliorum populorum. Aberant quippe oratores, qui accusarent, aut patrocinaarentur, cogebanturque actores ipsi, qui litem aut crimen intendebant, in judicio dicere strictè ac breviter, idemque facere rei; quamvis gratiâ suâ ac favore nonnunquam viri magni periclitantibus adisterent,

sterent, ac prodesse studerent. Hoc quoque heic in more fuit positum, ut in iudiciis publicis contra criminum reos actio daretur cuivis volenti, etiam iis, qui erant in magistratu: quod ephorum exemplis frequentibus doceri potest, quos in rempublicam peccantes viros potentes in iudicio reos egisse passim in historiis legimus. Quod idem Romæ quoque factitatum esse à tribunis plebis, non rarò etiam à magistratibus aliis, historiæ ejus gentis loquuntur. Vt verò alibi, ita Lacedæmone quoque probationes, quarum in iudiciis usus, partim tabulis scriptis, partim testibus constitère. Sed in testibus hæc cautio erat, ne facile servorum aut inimicorum testimonia contra viros illustres reciperentur. Tabulæ de privatis negociis aut contractibus confectæ apud Lacedæmonios *κλέρα* dictæ fuere, uti ex Plutarcho in vitâ Agidis regis discimus.

Pæna damnatorum.

Pœnarum genera, quæ fontibus irrogabantur, sive iudicio damnatis, sive ex legum præscripto, aut magistratuum jussu, fuere varia. Quarum in numero notissimæ hæc: pecuniaria multa, olim tenuis ac rara, cum argenteæ & aureæ pecu-

pecuniæ usus in civitate non esset, post
 gravior & frequentior; quam qui pen-
 dere non volebant, aut non poterant,
 in exilium ibant: ignominia multiplex;
 in primis ἀπυρία, quæ habebat exclu-
 sionem ab honoribus ac muneribus pu-
 blicis, itemque præsentis potestatis seu
 muneris publici ademptio: vincula collo-
 manibusque injecta, carcer *ργιάδας*
 appellatus: verbera ac flagellatio: exi-
 lium: mors suppliciorum ultimum,
 quod strangulando peragebatur in car-
 cere noctu; deinde cadavera evecta, &
 ex carcere extracta, loco ignominioso
 carceri vicino, terrâ condebantur. Quæ
 omnia argumento sunt, peccandi licen-
 tiam apud Lacedæmonios, sæculum
 non esse vocitatam. Quemadmodum
 autem pœnis severis delicta illic corri-
 piebantur, ita variorum honorum præ-
 miis virtutum studium excitabatur.
 Quibus duabus rebus respublica maxi-
 me contineri, sapientissimus Solon so-
 lebat dicere.

Premia virtutum.

PRæmia verò Lacones solis honoribus
 metiebantur, quos omnibus opibus
 ac possessionibus potiores habebant,
 imò quibus ipsam quoque vitam sæpè
 postponebant: parique ratione ignomi-
 niam

niam ac infamiam ipsâ morte acerbior-
rem ducebant. Honores autem alii vi-
vis tribuebantur ob virtutem & bene-
merita, alii mortuis. Inter viventium
honores erant senatoria dignitas, ma-
gistratus, *ægeidia* in solennibus con-
ventibus, cingulum, corona oleagina.
Mortuos autem potissimum positos in
publico statuis, sepulchris ac monu-
mentis splendidius structis, cippis ere-
ctis, orationibus aut carminibus func-
tibus, ad laudem eorum, qui pro pa-
triâ mortem oppetierant, compositis,
honorabant.

Instituta ad militiam pertinentia.

DICTUM antè, ad belli magis quàm ad
pacis rationes rempublicam Laco-
nicam fuisse compositam. Quapropter
de belli institutis quædam heic breviter
subjicienda. Primum hoc notatu di-
gnum, quòd Lacedæmoniis quondam,
cum vigerent leges Lycurgi, vita domi
quàm militiæ fuerit adstrictior ac diffi-
cilior tum in disciplinæ ratione, tum in
exercitiorum & laborum assiduitate: ut
mirum videri non possit, tam alacres
ac promptos ad militandum eos fuisse.
Bella iis terrestria multò antè quam
maritima in usu fuere, ad quæ non nisi
serò se comparavere: imò diu militia
mari-

maritima apud eos fuit verita. Olim in more fuerat, ut modò uterque rex, modò alter tantum exercitum terrestrem duceret. Pòst, priusquàm in Græciam Persæ invaderent, ob discordiam Cleomenis & Demarati, qui novo bello Attico duces in exercitu fuerant, bellumque infelicitè gesserant, legem latam scribit Herodotus, ne in posterum uterque rex in bellum idem exiret. Quæ lex ex eo tempore vim suam tenuit, nisi fortè necessitas aliqua diversum suaderet. Nam & ratio eos docebat & experientia probabat, plurium par imperium bello esse inutile. Quam ob causam deinceps communi ratione uni bello, atque uni exercitui unus quoque præerat summus dux ac imperator: & is ut plurimum rex erat, interdum regis minorennis tutor, nonnunquàm quoque alius, sed ferè ex genere Heraclidarum. Idem verò sive rex sive alius, cum exercitu domo egressus non solus tantum summum in exercitu imperium tenebat, sed potestatem quoque imperandi ac decernendi absolutam habebat. Præfectos autem militum, seu ordinum ductores imperio suo parentes ducebat varios, alios aliis inferiores, πολεµάρχες, λοχαγῶνες, πτεληγεσῆρας, ἐνωµοῦρχες, eosque jam plures,

jam pauciores pro numero morarum,
 ὅτ' *μερῶν*, hoc est, cohortium majo-
 rum, quæ in exercitu ejus erant. Nam
 interdum *μέρας* plures, interdum pau-
 ciores educebat, prout ratio belli, quod
 gerebatur, poscebat. *μέρα* autem, ut
 Xenophon affirmat in libro de repu-
 blicâ Lacedæmoniorum, de re militari
 ejus civitatis agens, ex instituto Lycurgi
 olim habuit *πολέμαρχον* unum, *λοχα-
 γῆς* quatuor, *πεντηκστῆρας* octo, *ἐνω-
 μοῦχους* sedecim. Vnde porro pate-
 scit, quot in *μέρα* *λόχοι*, *πεντηκστῆς*,
ἐνωμοῖαι ex ejusdem instituto tum
 fuerint. In confessio enim est, quemad-
 modum *μέρων* totam unus regebat po-
 lemarchus: ita singulis *λόχοις*, *πεντη-
 κστύρῃ*, *ἐνωμοῖαις* singulos *λοχαγῆς*
πεντηκστῆρας, *ἐνωμοῦχους* præfuisse.
 Et quia idem Xenophon eodem loco
 nos docet, Lycurgum universos Lace-
 dæmonios tam equites quàm gravis ar-
 maturæ pedites (intelligo eos, qui erant
 in ætate militari) domi distribuissē in
μέρας hujusmodi sex, secundum ean-
 dem rationem constare etiam potest,
 quot *λόχοι*, *πεντηκστῆς*, *ἐνωμοῖαι*,
 & quot ordinum horum omnium præ-
 feci,

fecti, imò quot viri bellis apti ex ista distributione eâ tempestate fuerint in toto corpore civitatis. Nam πεντηκςὺς sine dubio ex numero armatorum nomen accepit, significavitque manum quinquaginta viros complexam: ex quo reliqua æstimari facillè queunt. Ut enim dupla fuit ad ἐνωμοσίαν πεντηκςὺς, ita ad ipsam vicissim duplus fuit λόχος, & ad λόχον quadrupla fuit μύρα. Sic fuerint in civitate λόγοι xxiii, πεντηκςύες xlviii, ἐνωμοσίαι xcvi, viri bello apti, atque in hos ordines descripti mcccc: in cohorte autem, quam λόχον dicebant, armati cccc, in λόχῳ c, in ἐνωμοσίᾳ xxv. Quod sanè à conditione civitatis, qualis fuit Lycurgi temporibus, cum adhuc populi frequentia non abundaret, non valdè abhorret. Nam in hunc numerum tantummodò veniebant genuini cives, qui ætate annis xxx maiores, & lx minores erant: cæteri excludebantur, quos istis haud pauciores fuisse verisimile est. Studium verò Lycurgo non fuit, ut multos, sed ut bonos ac fortes cives Sparta haberet.

Inqui-

Inquilini & servi.

ET præter hos magna multitudo inquilinorum, qui liberi quidem, sed civitatis jure haud præditi erant, Spartam habitabant: multoque plures etiam servi quàm liberi. Quin imò posteris quoque temporibus non tam copiâ magnâ suorum quàm firmo robore hostibus suis formidini fuisse, & sæpè ex iis præclaras victorias retulisse Spartanos, ex historiis cognoscimus. Eosdem etiam cum opus esset, servos suos Helotas armasse, & in expeditiones secum duxisse, ex Herodoto discimus: qui scribit, in exercitu Græcorum ad Plataeas, ubi cum Mardonio Persâ de rerum summâ est dimicatum, cum Laconum omnium essent decem millia, in his Spartiatis (qui metropolim Spartam habitabant) quinquies mille fuisse, & horum Spartiatarum quemlibet habuisse secum septem Helotas levibus armis instructos, velut custodes vel stipatores, conficientes universè numerum xxxv millium. Locus sanè notabilis, docens, quid tum urgente gravi periculo in usu fuerit. Quanquàm autem isti, quos dixi, singuli ordines militares sensim cum tempore, crescente civium multitudine, virorum numero quoque creverint,

& quælibet πεντηκῶς plures quàm quinquaginta complexa sit, ac vel duplo triplove facta sit major, similiterque pro parte ratâ ordines quoque reliqui, tamen apud posteros nomina eadem retinuerunt: quemadmodum in decuriis, centuriis, manipulis, cohortibus, legionibus Romanis, ac in rebus aliis factum olim esse, & hodiè quoque fieri videmus.

Equites in exercitu.

Verùm soline pedites gravis armaturæ nomen πεντηκῶς dederint, an & equites pauculi, peditibus additi, ad explendum illum numerum accensi olim sint, id ego dubium esse existimo. Quorum hoc Xenophontis verbis, ubi de moris totius civitatis loquitur, conforme videtur: illud autem verosimile magis, proptereà quòd equites primis illis temporibus pauculi admodum fuerint, & tantummodò accessio quædam supernumeraria, additamentumve non tam minorum ordinum, quàm totarum morarum: qui deinde in expeditionibus conjuncti ex moris omnibus equitatum à peditum agminibus separatim constituerint. Nam ab initio perexiguus equitum usus fuit apud Lacedæmonios, & robur in eo penè nullum:

in

in pedestri verò exercitu omne quasi momentum situm fuit, etiam iis temporibus quibus res Græciæ maximè floruerunt. Quod autem subicit ibidem Xenophon, *ἐν τῇ τῶν δὲ μορῶν ἀφ' παρεχρήσεως καὶ δίδωνται τότε μὲν εἰς ἐνωμοτίας, τότε ἢ εἰς τρεῖς, τότε εἰς ἕξ*, id est, ex his verò mori, cum id præcipitur, nonnunquam milites per ἐνωμοτίας disponuntur, interdum in ternas, interdum in senas, hoc sanè si mendum liberiorum non habet, est perobscurum, nec à quoquam hætenus satis explicatum. Verumenimverò distributionem illam exercitus Laconici ex Xenophonte paulo antè recitatam perpetuam non fuisse, sed variasse, vel unus Thucydides locus nos docet evidentissimè. Nam is libro quinto bellum inter Lacedæmonios & Argivos anno ab initio belli Peloponnesiaci undecimo commotum, & acies utrimque instructas exponens, nec morarum vocem usurpat, & totum exercitum Laconicum, ut stabat ad prælium accinctus, in λόχους septem, λόχον quemlibet in πεντηκοντίας quatuor, πεντηκοντίω rursus in ἐνωμοτίας quatuor dividit, præter Sciritas, genus militum apud Lacones peculiare, quos tum dicit,

ut & aliàs, in cornu aciei sinistro constitisse. Et tamen præfectos omnes horum ordinum iisdem planè nominibus, quibus Xenophon afficit, & eodem eos ordine quoque recenset. Πολεμάρχης quippe regi, his λοχαγὸς, λοχαγεὶς πεντηκστῆρας, & his rursum ἐνωμοτάρχης subijcit. Quem locum, quia illustis est, & multis huc pertinentibus lumen affundit, totum hic ipsius autoris verbis adscribendum puto. Βασιλείως γὰρ ἄρχειν, ait Thucydides, ἡ δὲ ἐκείνους πάντα ἄρχειν, καὶ τοῖς μὲν πολεμάρχοις αὐτὸς φράζει τὸ δέον· οἷδε τοῖς λοχαγεῖς· ἐκείνοι δὲ τοῖς πεντηκστῆρασι· αὐτὸς δὲ ἔτοι τοῖς ἐνωμοτάρχοις· καὶ ἔτοι τῇ ἐνωμοσίᾳ. Καὶ αἱ ἐφ' ἑαυτῇ εἰσὶν, ὡς π βέλων, καὶ τὰ αὐτὰ χωρῆσαι, ὅτε παχέαι ἐπέρχονται. σχεδὸν γάρ τοι πάντες, πολλὰ δὲ λίγες, τὸ στρατὸν πεδὸν ἔχοντες Λακεδαιμονίων ἄρχοντες δὲ ὄντων ἐσὶν, καὶ τὸ ἐπιμελὲς ἔδραμον πολλοῖς περὶ στήθεσσι. Τότε δὲ δέρας μὲν δυνάμειον σκίρῃται αὐτοῖς καὶ δίσανθαι, αἱ ταύτην τὴν τάξιν μόνοι Λακεδαιμονίων ἐπὶ σφῶν αὐτῶν ἔχοντες.

Et post nonnulla, Ε'κ μείζι τοῖςδε λο-
 γισμῶ ἔξεσι τῷ σκοπεῖν τὸ Λακεδαι-
 μονίῳ τότε ᾧ ῥα γινόμενον πλῆθος.
 λόχοι μὲν γὰρ ἐμάχοντο ἐπὶ αἰνῶ Σκι-
 ραίων, ὄντων ἐξακισίων. Ε'ν δὲ ἐκείνῳ
 λόχῳ πεντηκισύες ἦσαν τέσσαρες, καὶ ἐν
 τῇ πεντηκισύῃ ἐνωμοσία τέσσαρες. Τῆς
 τε ἐνωμοσίας ἐμάχοντο ἐν τῷ πρώτῳ
 ζυγῷ τέσσαρες. ἐπὶ δὲ βῶθ' ἐβάζοντο
 μὲν ἑκάστης ὁμοίως, ἀλλ' ὡς λοχαγὸς
 ἐκαστὸν ἐβόλετο: ἐπίπαν δὲ κατέστησαν
 ἐπὶ ὀκτώ. ᾧ δὲ ἅπαν, πολλὰ Σκι-
 ραίων, τέσσαρσι τοῖς καὶ δυοῖν δέοντες πεν-
 τήκοντα ἄνδρες ἢ περὶ ταύτας ἡμέ-
 ρας.

Ecce, rex summum in exercitum impe-
 rium habet, & omnia regit, mandat
 polemarchis, polemarchi λοχαγοῖς, hi
 πεντηκοντῆρες: ab his mandata acci-
 piunt ἐνωμοτάρχαι, ab enomotarchis
 singuli milites in enomotiis, perferun-
 turque hoc modo mandata regis grada-
 tim quidem, sed quàm celerrimè ad uni-
 versum exercitum, ac singulos in exer-
 citu dispositos milites: & propemodùm
 totus exercitus, paucis demptis, duces
 sunt ducum, curaque rerum agendarum
 ad multos pertinet: Sciriæ verò semper

in cornu aciei sinistro locati : & cætera
antè dicta. Tum porrò hæc : *ἐνωμοτία*
in fronte aciei istius milites habebat
quatuor: aciei latitudo aut profunditas,
quamvis non ubique par, sed pro arbi-
trio cujusque *λογαγῆ*, ut plurimum mi-
litum octonūm erat: frons verò aciei
in longum porrecta milites tenebat
ccccxlviii, exceptis Sciritis : Sciritæ
erant dc. Et affirmat vetus scholiastes
Thucydidis ad hunc locum, *ἐνωμοτίαν*
quamlibet habuisse viros xxxii, du-
cto scilicet numero quaternario, qui e-
rat in enomotia fronte, in octonarium,
qui profunditate ejus continebatur, at-
que hac ratione in toto illo exercitu La-
conico, exclusis Sciritis & sociis, fuis-
se bellatores ter mille quingentos octo-
ginta quatuor: manus sanè non ma-
gna sed valida. Porrò rex accepto do-
mi exercitu in expeditionem iturus bis
sacrum faciebat ; semel in urbe, iterum,
cum jam ad fines Laconia venisset, in-
cedens semper præcedente igne sacro
ab arâ sumpto : tertium sacrificabat
in conspectu hostium, prælio propin-
quus. Idem cum hoste dimicaturus in
mediâ versabatur acie, unde imperia
expedire quàm commodissimè per to-
tum exercitum poterat : ibatque pro-
ximè

ximè ante eum armatus Olympionica, quod honoris erat maximi: eumque etiam comitabatur & circumstitebat lectissima pugnatorum manus, in discrimine præsidio futura. Tum verò in pugnam jam procedens, tibicines hunc in finem per aciem passim dispositos tibiis canere jubebat, ut ad earum modulamen composito animo pariter ac gradu, servatis ordinibus suis, in adversum hostem universi irent, quemadmodum lex præcipiebat. Id enim melius esse, & parandæ victoriæ certius, quàm si cursum, & cum inordinato effusaque impetu in prælium ferrentur, Lyncurgus legis auctor judicaverat. Ducebat verò in prælium suos, ut eadem lex volebat, veste purpureâ indutos, & omnis gratiâ coronis redimitos velut victoriam reportaturos. Et cum ephorum potestas in republicâ adolevisset, mos cœperat, ut ex eorum collegio duo regem in bella euntem comitarentur consilii causâ. Xenophontis autem sæculo, ut ex historiâ ipsius patet, interdum regi, præsertim in bellum difficile ac longinquum proficiscenti, consilarii quoque alii numero plures prudentiâ & auctoritate pollentes adjungebantur. Ad hæc in more quoque erat, ut rex, qui exercitum domo eduxerat, expe-

ditione finita, eundem non solveret, sed domum ipse reduceret, socios verò ac mercede conductos, sub curâ præfectorum in sua, quâ cuique commodum, dimitteret: Denique domum reversus sacro rursus peracto imperium deponeret. Et quæ de rege hætenus dicta fuere, ea in regis minorennis tutore, ac quolibet imperatore alio, cui belli auspicia commissa erant, locum habebant.

Reliqua militia Laconicæ.

Cætera militiæ Laconicæ, cum res terrâ gerebatur, sic habebant. Regem, cum imperio summo ducem designatum ante plenilunium peractum ex urbe educere exercitum fas non erat: egressus cum exercitu agmine composito incedebat; castra, cum opus esset, nisi natura loci aliud posceret, in orbem formata ponebat, eaque, cum in hosticum venisset, ex legis præscripto, sæpè movebat, curam eorum per excubias diligentem interdiu ac noctu habebat, militemque intra castra exercebat: militis Laconici arma erant, ensis brevis ac recurvus, hasta longa, galea, scutum æreum: usitatum ei, in castris non sine hymno cœnam claudere, hastam semper circumferre & ad
manus

manus habere : si quando comineatus petendi causâ castris exhibat , non sparsim vagabatur , sed denso agmine servatis ordinibus procedebat , nec procul à castris , ut tutior esset , progrediebatur : eques noctu extrâ castrorum obequibat. Servi foris etiam tendebant. Erant quoque in institutis militiæ hæc : Adversum hostes eosdem bellum sæpè non gerendum , ne ii belli artes discant , & usu multo habitum ac promptitudinem sibi parent : maritimâ militiâ abstinendum : turrium murorumque oppugnationes declinandæ : in prælio vincendum aut occumbendum : fugâ , quæ turpis & morte peior , salutis non consulendum : scutum in pugnâ amittens ignominiosus habendus : hostibus in fugam effusis & victoriam concedentibus cædendo non instandum , nec ultra modum in eos sæviendum : cæsorum corporibus spolia non detrahenda : trophæum modò in victoriæ loco erigendum : victoria strategemate parata , quàm parta apertâ vi , majoris gloriæ censenda : Lacones infra annos x x x , & supra l x nati in expeditiones non ducendi , sed tuendis rebus domi relinquendi , nec nisi cogente necessitate aut periculo gravi aliter faciendum . Stipendiorum ratio verus
apud

apud Lacones perobscura. Olim, cum
usus auri & argenti nullus apud eos es-
set, nec publici census ulli, videntur
sine stipendiis aliis reip. militasse, tantum
commeatu contenti, quem vel à repub.
accipiebant, qui militabant, vel ex hoste
quærebant. Quem autem resp. præbebat,
in eum aut tota civitas, aut ii maxime,
qui domi manebant, de privatis suis cõ-
ferebant. *Ærarium* publicum quippe
nullum: quod bellis gerendis sæpe offi-
ciebat, aut difficultates haud parvas
creabat. Põst, cum aurum & argen-
tum cæpissent adamari, ususque eorum
crebrescere, & è manubiis à *Lysandro*
in urbem investis *ærarium* esset datum
initium, ac sociorum multi vectigales
facti, alia ratio instituta, sed eadem po-
steris quoque non satis perspecta. Hoc
solum constat, ex eo tempore stipen-
dium militi *Spartano* ex *ærarium* solu-
tum: *æarii* verò curam ac potestatem
potissimum penes *ephoros*, populi du-
ces, fuisse: *ærarium* spoliis hostium, &
sociorum tributis cum tempore locu-
pletatum, pecuniæ magnitudine, *æraria*
reliquarum *Græciæ* civitatum procul
superasse. At sociis *Græcis*, qui signa
Laconum frequentes sequebantur, à ci-
vitatibus suis stipendia pendebantur:
& si quæ civitates ex fœdere militem non
mitte-

mittebant, ab iis pecunia in usum belli præstabatur, quod fieri ex fœdere licebat.

Militia maritima.

REs maritimas serò admodum & tenuiter premente Græciam Xerxe Spartani tractare cœperunt. Dein post longum intervallum fervente bello Peloponnesiaco eodem respexerunt, ac maiore studio contra majorum morem, & Lycurgi mentem in eas incubuerunt, & demum ope sociorum, qui classibus valebant, oppressis Atheniensibus maris imperium in se verterunt. In his rebus maritimis hæc iis legitima fuerunt. Cōstat autem classē quacunque quamvis in ea multo plurimę essent naves à sociis instructę, interdum perpaucę ab ipsis, tamen usurpatione quadam majorum, aut jure per manus accepto velut Græcię principes, summum ei ducem ipsi dabant, quem *ναύαρχον* vocabant, cujus auspiciis omnia gerebantur. Huic *ἐπιστολέα* aliquem ut plurimum adungebant, quem legatum classis dicere possumus. Nam vicem navarchi absentis tenebat & nomine ejus res gerebat, summoque post cum classis imperio potiebatur. Nonnunquam etiam fiebat, ut navarcho titulus imperii, honoris ergo, tribueretur, *ἐπιστολῆς* verò ob usum & peritiam rerum,

rum, cui tamen navarcho per leges esse non licebat, imperium commendaretur. Quod Lyſandro accidit, qui Araco navarcho creato, viro rerum Asiaticarum ac maritimarum ignaro, imperandique artium adhuc experti ἐπιτελὼς additus, ipse earum rerum & artium peritissimus cuncta pro arbitrio administravit, & res maximas gessit, Atheniensium classem ad flumen Ægos delevit, urbes multas in Hellesponto, Asia, insulis, occupavit, Samum obsidione pressit, Athenas ipsas in eas angustias redegit, ut deditionem facere, & statum reipublicæ suæ mutare cogerentur. Quominus autem navarchus pro Araco crearetur, lex obstabat, quæ vetabat, eundem bis imperium classis habere, ut Xenophon & Plutarchus testantur. Ipse verò classis imperator jam antè fuerat, & successorem acceperat Callicratidam, qui in prælio ad Arginusas insulas fortiter pugnans nuper occubuerat. Verum an annua fuerit ex lege navarchorum potestas, parum constat: Hoc modò ex Thucydide & Xenophonte patet, singulos vix annum in hoc imperio expleſſe, qui ab initio potentix Laconum maritimæ in eo sibi mutuò successère ad debellatas à Lyſandro Athenas. Horum primus fuit

Astyocho in oram Asiæ ad res gerendas missus anno belli Peloponesiaci xx, inito paulò antè fœdere cum Dario Persarum rege, cum post cladem Sicul^aam civitates maritimæ passim ab Atheniensibus cæpissent deficere. Astyocho deinde Mindarus anno belli ejusdém xxi est susceptus. Post hunc juxta Cyzicum cæsum secuti ordine sunt Eteonicus, Cratisippidas, Lysander, Callicratidas, Aracus cum legato Lysandro. Lysander paulum ultra vertentem annum in præfecturâ hac classis relictus universum maris imperium Lacedæmoniiis suis asservit. Nondum deinde exacto quadriennio, post eversum à fratre Artaxerxe Mnemone rege Cyrum Persam, iniquitate Tissaphernis regii præfecti, amicitia inter Lacedæmonios & Persas soluta fuit, missusque à Lacedæmoniiis Thimbron cum copiis militaribus harmostes sine titulo navarchi, ut civitates Asiæ Græci nominis ab injuria Tissaphernis tueretur, ac libertati restitueret. Cui non satis feliciter rem gerenti successor missus Dercyllidas. Dercyllidæ demum per triennium munere hoc haud parum felicius defuncto, cum spe majoris incrementi rerum Læconicarum surrogatus, & in Asiam eandem cum copiis amplioribus missus est

est rex Ageſilaus: eique, quòd nunquàm antè acciderat, imperium pariter terra marique commiſſum Olympiadis xvi anno primo. Is verò in proſperrimo rerum terreſtrium curſu claſſis imperium tradidit Piſandro conjugis ſuæ fratri, præteritis aliis præſtantioribus. Qui Ageſilao ſororio, ob bellum fraude Perſica in Græcia reſuſcitatum, ab ephoriſ domum ex Aſia revocato, à Conone Athenienſe ad Cnidum ingenti prælio navali ſuperatus vitam cum claſſe amiſit. Hac clade imperium Laconum maritimum infractum pene concidit, & magnam partem ad Athenienſes rediit. Et quanquàm multa à Spartanis, ſarta cum Perſis gratia, inſtaurando ei deinceps mota ſint, parum tamen proſectum, novis identidem hoſlibus novis bellis contra eos in ipſa Græcia excitatis. Imperatori claſſis, ejuſve legato parebant reliqui præfecti omnes: qui tot erant numero, quot in claſſe triremes aut naves armatæ, quos proprio nomine, omnibus Græcis uſitato, *τριμύτης* indigitabant, ſinguli ſingulis triremibus præſidentes. Hos ſatis conſtat ab iis civitatibus eſſe datos, quæ triremes inſtruebant, ac in claſſem conferebant, aliæ plures, aliæ pauciores. An verò quælibet civitas
etiam

etiam ἐμισάριον aliquem ediderit, qui imperii aliquid in trierarchos cæteros ejusdem civitatis haberet, parens tamen totius classis navarcho, id non satis certum est. Mihi quidem hætenus ex veterum monumentis cognoscere non licuit. Trierarchos autem singulos in suæ triremis classarios imperium habuisse, controversum non est. Classarii quot fuerint in singulis triremibus, dici non potest: nec numerus in his semper idem. Distinctos fuisse in tres ordines, imos, medios, summos, quemadmodum apud cæteros Græcos, sic quoque apud Lacedæmonios, quidam auctoritatem scriptorum mediæ ætatis secuti opinantur. Stipendio tamen pares fuisse omnes ex iis, quæ apud Xenophontem in rebus Græcis, & Plutarchum in vita Lysandri legimus, verosimile est. Nam nulla illic distinctio. Meruisse autem stipendium diurnum tres obolos, idque à Cyro Persa intercedente Lysandro auctum obolo uno, ut esset jam ordinarium obolorum quatuor, eamque ob causam classarios multos relictis Atheniensibus in classem Laconicam se contulisse, ex iisdem autoribus discimus. Vnde colligere licet, Athenienses tum temporis obolos tantum tres, aut certe

minus quàm obolos quatuor in stipendium diurnum classiariis suis pependisse. Oboli tres valebant drachmæ Atticæ dimidium : drachma Attica erat denario Romano minor. Nam septem denarii pares erant octo drachmis. Et denarius Romanus legitimi ponderis æquabat partem quasi septimam daleri imperialis hodierni , drachma Attica octavam ejusdem. Ex quibus æstimari stipendia ista vetera possunt. Sed nec statum , perpetuove idem stipendium id fuit , & majus pediti gravis armaturæ quàm classiario , & equiti multo majus quàm pediti solutum. Solutum autem classiariis aliquandiu à Persarum rege ex pacto : antè & post à civitatibus quæ naves in classem dabant , vel quæ navium loco pecunias in hunc usum conferebant. Classarios verò , quibus naves ab ipsis Spartanis datæ implebantur , paucos ex Laconibus , plurimos ex peregrinis conscriptos fuisse credimus : quia Lacones rei nauticæ erant rudes , usu maris per leges Lycurgi prohibiti : & quamvis ab oriente & meridie mari alluerentur : tamen litora habebant admodum importuosa , ut unus portus recipiendis triremibus toto litorum tractu reperiretur idoneus. Ei Gytheo nomen erat in sinu reducto , ubi & unicum

cum navale habebant Lacedæmonii: de quo igni cum ipsis navibus dando ad vires Lacedæmoniis incidendas consilium quondam Atheniensibus sug-
gestisse Themistocles, sed id autore Aristide ab Atheniensibus esse repudiatum, perhibetur.

IV.

APPENDIX
DESCRIPTIONI REIPV-
BLICAE LACONICAE
subjicienda:

*Complexa historiam succinctam labentis
tum reipubl. & status, tum fortune
Lacedæmoniorum.*

CVjusmodi respublica Laconica fuerit, hactenus nobis expositum: nunc quomodo, & per quos gradus pessum iverit, breviter dicemus. Nervos ei incisos fuisse, & vires fractas bellis Thebanis, ostendimus. Accessere clades bello sacro, cui sese cum Atheniensibus Lacedæmonii quoque misuere, acceptæ, ut jam penè despectui inter reliquas illustres Græciæ civitates Spartana haberetur. Causa labentis fortunæ præcipua

ac propria fuit neglectus legum & institutorum Lycurgi, quod dictum etiam prius. Initium ejus ductum à victoriis Lyfandri, quòd auri & argenti usum à Lycurgo vetitum, cum opum & elegantia ac deliciarum studio in civitatem primum invexere: quanquàm Lyfander ipse in re familiari tenui, & veteris moris retinens vitam clausurit. Illo verò usu semel admissò cupiditas habendi ita exarsit in animis civium, ut in Alcibiade suo, seu exactè verum dicens, seu supra verum modum propter argumentum subjectum, testetur Plato, jam tum sæculo isto plus auri & argenti privatim possèdisse Lacedæmonios, quàm omnes Græcos reliquos, regesque etiam ejus civitatis fuisse locupletissimos, omnium rerum copià abundantes. Cum opum ac pecuniæ affluente possessione morum severitas sensim prolapsa, victus tenuis ac parvus in luxum versus, exercitationum & laborum assiduitas ac tolerantia decrementum passà, disciplinæ partes multæ solutæ, artes militares neglectæ, & torpescentes, denique virtus illa prisca elanguit: postremò ex fortunarum inæqualitate pro amore mutuo, quo sese invicem Lacones complecti solebant, despectus, livor, odium iis obrepere.

Et tamen nonnunquàm memoriâ gloriæ majorum stimulati senescentium animi ad fortia consilia capienda, & majorum vestigia sequenda se commoverunt. Exemplum esto: Cum omnis reliqua Græcia partim cladibus attrita, partim blandis sermonibus & promissis, ostentatâque singulari benevolentia persuasa Corinthi in publico conventu, Philippum Macedoniæ regem, qui conventum indixerat, summum ducem suum, velut *ἀντοκρατορα* ad bellum contra Persas gerendum communi decreto designaret, soli Lacedæmonii id recusarunt. Idemque facere secundo, cum à Philippi morte successor ejus Alexander patrio regno feliciter inito, tumultuantibus initio Græcorum plebisque, velut imperium illud Macedonum qualecunque excussuris, sed mox felicitate juvenis consternatis, in Peloponnesum repente advolans eandem istam dignitatem eodem in loco, quo conventum convocaverat, & petisset à civitatibus & obrinuisset. Soli scilicet à consensu illo decretoque rursus se segregarunt. Existimabant enim idque palàm ferebant, perindignum esse, minimeque sibi patrium, aliena signa jam sequi, quorum auspiciis, ut Græciæ principum, alii militare soleant. Post quæ

deletis in Græciâ Thebis ad incutien-
dum cæteris terrorem, quodd arma su-
mere, & vim expectare ausæ fuissent,
cum in Asiam trajecisset Alexander, &
ad Granicum fl. ac Issum urbem duo-
bus ingentibus præliis Persas vicisset,
Syriam Ægyptumque armis occupasset,
transmissoque Euphrate in Assyriâ ad
ultimum certaminis discrimen juxta
Tigridem se pararet, Lacedæmonii lon-
ginquam ejus absentiam speculati, &
periculis, quibus victoriosus juvenis se
objiceret, in spem erecti in Græciâ arma
contra eum moverunt, & reliquas ci-
vitates ad resumendam libertatem in
idem bellum secum traxerunt. Sed res
administrata majoribus animis quàm
viribus ac successu auspiciis Agidis re-
gis. Cui cum occurreret Antipater Ma-
cedoniæ præfectus, veteranus Philippi
dux, ingenti exercitu XL mill. partim
ex Macedoniâ partim ex Græciâ con-
flato instructus, gravissima pugna in
Peloponneso commissâ, victi quidem
cum rege suo Lacones eorumque socii,
multitudine nimirum hostium obruti,
qui duplo ferè majore numero erant,
fortunæ cesserunt, sed tam fortiter rem
gesserunt, ut hostibus quoque admira-
tioni essent: imprimis Agis rex jam sa-
ucius, & ægrè se sustinens, & jam à
proxi-

proximis ex acie aliquo usque elatus, cum in se venientes Macedones cerne-
ret, suis, qui reliquerant, abcedere, & melioribus patriæ rebus se reservare ius-
sis, ipse genibus nixus tam animose eos excepit, & feriit, ut fortuna quidem multò minor, sed virtute militari nihilo inferior Alexandro censeretur. Tandem verò lanceâ pectus trajectus vitam cum sanguine profudit. In ea pugna partium Laconicarum quinquies mille ccc lx occubuisse, hostium supra duo m cecidisse feruntur: licet Curtius horum numerum coarctet, Laconum verò vix quenquam nisi vulneratum in castra redisse fateatur. Antipater victoriâ contentus, nec quicquam amplius in victos molitus, tantum legatos ad regem Alexandrum deprecandi causa, ex sociorum consilio mittere eos iussit. Græcia omnis hac clade Laconum territa conticuit, quievitque. Alexander culpam deprecâtionibus ignovit. Græcia enim quietâ opus se tum adhuc habere putabat. Sed Dario debellato, Persia ipsa & Persici imperii provinciis in oriente & septentrione subactis, Indiâ in potestatem redactâ, cum victor Babylonem revertisset, & nihil jam metuens literas inde in Græciam misisset, quibus præcipiebat, ut civitates exulibus liberum in patriam

reditum concederent , rursus com-
 moti Græci , quibus id contra opinio-
 nem accidebat , & tyrannicum do-
 minatum contra leges sapere videba-
 tur , in arma versi sunt . Vnde bel-
 lum Lamiacum quod dictum , fuit
 ortum , gestum anno proximo à mor-
 te Alexandri contra eundem Antipa-
 trum , principibus civitate Atticâ &
 Ætolis . Quod desit tandem in op-
 pressionem libertatis Atticæ , & domi-
 natum Antipatri : de quo dictum in
 rebus Atheniensium . Interea flac-
 cescente virtutis vigore apud Sparta-
 nos , quod reliquum ejus erat , ab Areo
 rege, Pyrrhi Epirotæ , inclyti bellatoris
 cœtaneo , & ejusce filio Acrotato , ex-
 tinctum periit . Hi enim phiditiorum
 morem , ut nos docet Athenæus , sol-
 verunt , & à victu parco , qui in phi-
 ditiis usurpabatur , in delitias , & ef-
 fusum epularum luxum , exemplo &
 autoritate præeuntes , civium cœnas
 traduxerunt . Inde in omnem molli-
 ciem , & quæ eam comitantur vitia , ci-
 vitas prolapsa pristinae disciplinæ & se-
 veri moris nihil ferè retinuit . Præ-
 fertim cum Leonidas , qui post Acro-
 tatum pro filio ejus Areo juniore im-
 pubere regnum administravit , & post
 mortem ejus rex factus fuit , prædeces-
 sorum

forum vestigia sequeretur, & Lycurgi
 instituta consultò pessundaret, & pro
 rege tyrannum se gerere occiperet.
 Quam ob causam turbato regni statu
 (nec enim omnes id ferre poterant)
 principe Lyfandro ephoro, ex posteris
 Lyfandri Athenarum debellatoris, re-
 gno dejectus, & Cleombrotus quidam,
 qui & gener ipsius & proximus agnatus
 erat, dejecto surrogatus fuit. Sed malo
 reipublicæ fato, idem à factione suâ re-
 surgente reductus pulso Cleombroto
 prioribus vestigiis insistere perrexit, at-
 que adeò se ipso factus est deterior. Cul-
 cum & jam antè, & tum rursus obfi-
 steret Agis alterius familiæ rex juvenis,
 ex prioris Agidis fratre Eudamidâ pro-
 nepos, & instituta Lycurgi instaurare ac
 reducere in scenam summo studio nite-
 retur, atque ipse exemplo in omnibus
 præiret, agros opesque suas, & matris
 aviæque, quæ locupletissimæ erant, ipsis
 volentibus in medium conferret, pro-
 mulgatâque lege novam divisionem &
 sortitionem ad exemplum Lycurgi mo-
 liretur, atque omne æs alienum abole-
 re, & æqualitatem illam facultatum ve-
 terem restituere pararet, ab avunculo
 suo Agefilao ephoro, homine supra
 modum avaro, & potente, ac fraudibus
 grassante, deceptus ac destitutus, ut per-
 Y 5 agere,

agere, quod cæperat, non posset, tandem ab ephoris cæteris in gratiam Leonidæ per summum scelus in carcerem abreptus, ibique cum matre & aviâ, forminis optimis, manu carnificis strangulatus vitam finiit, regum Spartanorum integerrimus, & publici boni amantissimus. Non diu post Leonidæ defuncto successit in regnum filius ejus Cleomenes, ingenio peracri, excelsa, audaci, sed æquè vafro, magnæ potentix ac famæ parandæ avidissimo: quod ejus ingenium velut in speculo repræsentatum in parallelis suis depingit Plutarchus. De rebus ejusce, quoniam autore eo maxima reipublicæ facta est conversio, dicemus paulò prolixius. Duxerat vivente adhuc, & penè cogente patre conjugem Agiatidem, Agidis regis occisi viduam, Gylippi filiam, magnas opes possidentem, indole & formâ eximiam, inimicissimam Leonidæ, sed utriusque mariti amantissimam: à quâ Agidis instituta & consilia in administrandis privatis publicisque negociis, cujus gratam universo populo memoriam esse videbat, perdidicit. Ad ejus igitur imitationem initio sese componens civibus benignum, facilem, affabilem se ferebat, eratque in veste, & omni vitæ ratione adstrictus, luxum omnem & regium fastum aver-

sans,

sans, & quasi fastidiens, totusque popularis, ut regii moris nihil in eo conspiciere posses. Verum omnia hæc ad verum in civitate dominatum sibi parandum referebat, longè diversum ab Agide spectans. Nam, ut dixi, magni nominis & magnæ potentiaæ cupidine ardebat. Nomen autem regium se quidem ferre, potestatem verò & vim regni penes ephoros esse experiebatur : quod concoquere animus ejus vastus, sublimis, ad majora adspirans haudquàm poterat. Itaque novatis rebus sibi opus esse rebatur. Quod quia inter arma proclivius esse quàm in pace arbitrabatur, bellum quærebat. Ad quod cum occasionem ipsi daret Aratus Sicyonius Achæorum prætor, rerum societatis Achaicæ augendarum studiosissimus, eam cupidissimè arripuit. Nam ephoris volentibus, quibus Arati conatus etiam displicebant, exercitu confecto, in Aratum & Achæos duxit: & cum prima feliciter successissent, telam orsus est, quâ magna pars Peloponnesi turbata fuit, & bella ex bellis nata ephoris, ne adversarentur sibi, pecuniâ & gratiâ maternâ corruptis. Atque interim Archidamum Agidis fratrem fugâ è manibus patris Leonidæ elapsum, cum occideretur Agis, apud Messenios exulantem,

tem, cui regni successio in eâ familiâ debebatur, honestissimo prætextu velut ad regnum in patriam revocatum, dissimulatâ voluntate suâ, per eos, qui Agidem necaverant, quasi vindictam ab eo metuentes, interemit, ut solus in scepro maneret. Nec diu pòst in Arcadiâ re feliciter gestâ, animo ad majora audenda erectus, negotio cum vitrico, viro locuplete, & inter cives potentiâ præcipuo, Megistono, cui mater firmandi filii ergo denupserat, communicato, & per hunc pluribus sibi cõciliatis, facinus concepit & patravit immane, atque hætenus in civitate Laconicâ inauditum. Nam ad urbem adducens militares copias priusquàm ipse eam ingrederetur, ephoros in triclinio pro more publicè cenantibus, nec quicquam minus opinatos, quos sacrosanctos & inviolabiles civitas habere solet, per præmissos satellites inter ipsas epulas trucidavit: eumque magistratum regibus & populo, ut dicebat, gravem, & præter instituta Lycurgi in republicâ receptum, & paulatim ex humili conditione ad potestatem regiâ majorem progressum, e republicâ sustulit. Horum cædi statim addidit cædem decem aliorum, qui succurrere ephoris conati fuerant. A quiescentibus vinum abstinuit. Postridiè sellas epho-

ephororum quatuor disjecit, unâ tantummodò relictâ, in quâ sedens ipse jus populo, quod ephori facere solent, dicturus erat; simulque LXXX cives proscriptos, quos suspectos habebat, misit in exilium. Tum concione convocatâ, cum multa dixisset, quibus rationem reddebat factorum suorum, ostendissetque etiam Lycurgi exemplo, sine vi ac metu reformati rempublicam, & pestes in eâ subnatas, & robur jam nactas (sic ephoros vocabat) summoveri non posse, ut plebem turbatam demulceret, sibi que devinceret, quasi Agidem imitaturus promisit, æs alienum universum se deleturum, agrosque & reliquas fortunas omnium, ut fecerat quondam Lycurgus, ad æqualitatem redacturum, atque ita invidiam simultatemque è civitate profligaturum; quin etiam optimis-quibusque peregrinorum in civium numerum adscriptis civitatem contra pericula tutiorem effecturum. Statimque novis tabulis propositis, iussit omnes, quicquid possiderent agrorum & aliarum rerum, in commune conferre: primusque id fecit ipse, & ut idem quoque facerent, amicos, quibuscum jam antè egerat, induxit: horumque exemplum, ut tradit Plutarchus, omnes deum cives secuti sunt. Quo facto, & è per-

peregrinis civium numero suppleto, nova partitio instituta, vocatique in sortes etiam in exilium paulò antè ab eo pulsi, iisque reditus in patriam, turbis sedatis, promissus. Delecti ex omni numero validissimo quater mille pedites, armaturâ gravi instructi, edoctique pro lanceis sarissas utrâque manu tractare, & clypeis novo modo uti, valida manus in omnes casus parata. Tum ad formandam juventutem, & revocandam in usum disciplinam veterem, & exercitia & convivium decentem in modum instauranda Cleomenes conversus, priscaque & generosa vitæ omnis ratio Laconibus olim usitata in scenam ab eo reducta, paucis invitis, pluribus spontaneis morem ei gerentibus. Ad hæc ad invidiam nominis monarchiæ declinandam frater Euclides (alii Epilidem vocant) regni collegâ ab eodem adscitus: duobusque reges ex eadem familiâ tum primum Lacedæmone facti, quanquam verè imperii jus penes unum Cleomenem manserit. Sic domi rebus constitutis, & quasi in tuto locatis, cum exercitu egressus ex urbe est, ut inanem & falsam de se opinionem vicinis inimicis demeret. Audiebat enim cum alios, tum maximè Aratum Achæorum prætorem existimare

mare & discurrere, ob res domi commotas non ausurum ipsum ab iis nunc discedere, & foris quicquam tentare. Quam ob causam cum exercitu Arcadiam vicinam ingressus in fines Megalopolitanos irrupit, omniaque circum circa diripuit, & cum ingenti prædâ regrediens, cum ludiones Messane venientes in itinere fortè interceptisset, in hostili regione theatro excitato, velut otiosus & nihil metuens per diem totum ludos edidit spectante exercitu, iisque ipse præsedit. Id fecit, non quòd his afficeretur animus ipsius, sed ut quasi ex alto despicere se hostes suos, iisque hoc modo insultare demonstraret. Nam ad oblectamenta ludicra, ad delicias, & regium luxum quod attinet, non alium se ferebat dominatu jam parvo, cum nomine pariter & re rex esset, quàm antè, cum ad dominatum adspiraret, omninoque iisdem artibus quibus paraverat, eundem tuebatur, dissimillimus aliorum regum. Nihil in eo aulici fastus, nullæ delitiæ, nullus splendor aut pompa, nulla apud eum ludionum, psalteriarum, similium hominum turba: in victu, veste, omni apparatu etiam tum parcus, sobrius, adstrictus, ut mos veterum Laconum habebat: quem morem non præcepto solum, sed exem-

plo quoque suo adstruebat & promovebat : omnibus comis , benignus , alloquium petentibus precesque offerentibus ultrò occurrens , in colloquio benevolentiam & vultus hilaritatem præ se ferens , omnibus commodus : legatis & hospitibus quos convivio excipiebat , mensa altera juxta suam appositâ , in cibo & potu plusculum indulgens , non adstringens eos ad asperiores morem Laconicum. Denique exemplar se præstitit hac morum civilitate principis laudatî , & amorem ac favorem multorum vicinorum extra pomeria regni sui sibi conciliavit , portas quoque urbium sibi aperuit , easque à societate Achæorum alienatas ad se traduxit : promptitudine verò armorum , & audaciâ ac felicitate Achæos , in eorum regionem invadens , consternavit , prælioque commissò latè vicit , Aratum certamen detrectantem , hætenus florentem gloriâ , virtuteque & gratiâ inclytum , in contemptum apud eos & eorum socios adduxit : & nisi in subitum morbum ex hauustu aquæ frigidæ in itinere , qui cum vehementi sanguinis fluxu usum linguæ ei ademit , incidisset , obtinuisset ab Achæis id , quod poscebat ; totius scilicet gentis ejus princeps designatus fuisset. Verum dum ipse La-

cedæ-

cedæmonem reversus valetudinem curabat suam, Arati solertiâ res fuit conversa. Vrebat enim hoc Aratum, quod ignorare non poterat, fortunæ & potentix Cleomenis incrementum, suum decrementum futurum. Itaque ad incidendum fortunæ illius cursum occultè fædus cum Antigono Macedonum rege pactus, cum omnium ordinum societatis Achaicæ conventus ageretur Argis, ad quem etiam venturus erat Cleomenes, ut quod nuper cæperat cum Achæis, pertexeret, callidè persuasit Achæis iisdem, ut ab adventante peterent, ut aut acceptis obsidibus xxx solus colloqui ergò urbem ingrederetur, aut si cum exercitu venire mallet, ad Cyllarabium, locum extra urbem, agi secum pateretur. Quibus ad ipsum relatis cum jam urbi propinquus esset, indignatus vehementer, quod conditio- nes has sibi ignominiosas, & prioribus promissis non satis congruas esse arbitraretur, extemplo bellum Achæis indixit. Secutaque est apud Achæos magna rerum commutatio, multæque civitates ab iis averse, plebe passim in spem novarum tabularum ad exemplum eorum quæ Lacedæmone erant acta, erectâ. Nec mora, exercitu in Achaiam raptò Pellene urbs ab ipso occupata;

Argos inopinato adventu ejus oppressum captumque, Phlius Cleonæ partibus adjectæ, Corinthus etiam à Megistono ipsius vitrico in potestatem redacta. Epidaurus, Træzen, Hermione, Argivæ regionis urbes, ab ipso Cleomene in fidem acceptæ: ager Sicyonius vastatus, tota Peloponnesus turbata. Sed cum Antigonus acceptâ in pignus fidei arce Corinthi cum exercitu Peloponnesum ingressus esset Arato & Achæis auxilia laturus, Corinthus statim à Cleomene defecit, exemplumque hujus Argos quoque, quò se Cleomenes paulò antè receperat, secutum, omnis fortuna Cleomenis subitò mutata: uxor quoque ejus, quam impensè amabat, in ipsâ illâ fortunæ conversione, morte rapta. Quo tempore Lacedæmonem reversus Cleomenes ad vires recolligendas, à Ptolemæo Ægypti rege literas accepit auxilia contra Antigoni promittentes, si matrem Cratesideam & liberos suos obsides in Ægyptum mitteret. Hac conditione quamvis durâ admittens, cum non abnueret mater, sed ultrò filium, ut id faceret, hortaretur, in spem rursus erectus ad conficiendas armandasque quàm maximas copias sese accinxit. Inter quæ Antigonus exercitu suo cum Achæis conjuncto Arcadiam ingressus

gressus Tegeam, Mantineam, Orchomenum, quæ partium erant Cleomenis, ab eo avulsit. At Cleomenes servis ad pileum vocatis, quotquot eorum quinque minas Atticas conferre vel-
 lent, (confecta hoc modo sunt quingen-
 ta talenta,) duo manumissorum millia
 more Macedonico armavit, ad eos leu-
 caspidibus Antigoni opponendos: con-
 cepitque animo facinus arduum. Erat
 tum fortunâ florens urbium Arcadiæ
 maxima Megalopolis, in se nec minor
 nec infirmior Lacedæmone, ob quam
 potissimum vocantibus Achæis in Pelo-
 ponnesum cum copiis venisse Antigo-
 nus, non longè ab eâ tum remotus, di-
 cebatur. Hanc, ut constituerat, repen-
 tino incursum, ut omnium opinionem
 anteverteret, Cleomenes invasit, supe-
 ratoque muro, quâ minimè custoditus
 erat, oppressit, potestatisque suæ fecit,
 cæsis civium, qui resistere ausi fuerant,
 circiter mille, cæteris fugâ, quâ quisque
 poterat, è manibus ejus sese eripienti-
 bus, plurimis verò Messenen cursum in-
 tendentibus. Ad hos à Lysandridâ, qui
 cum paucis aliis vivus in potestatem
 ejus venerat, persuasus præconem cum
 eo ipso & Theoridâ Messenen misit, de-
 nunciavitque, licere profugis ad sua in-
 violata reverti, & in patriâ vivere, si

reli&is Achæorum partibus Lacedæmoniorum societati & amicitia se dare velint. Quam conditionem benignitatis specie præclare blandientem cum recusarent, profugi à Philopœmenē principe civitatis suæ, juvene tum primum ad famam succrescente moniti, qui dicebat, non hac mente, ut patriæ & fortunis ipsos restitueret, sed ut domum reversos simul omnes perderet, ista Cleomenem polliceri, nec ferendos esse tam nefarii consilii internuncios, actutumque istinc abire cogendos, Cleomenes ira incensus, ac velut in furorem actus urbem Megalopolim hætenus adhuc illæsam militi diripiendam dedit, signa & tabulas pictas, quibus urbs abundabat, Spartam transferri jussit, plurimas maximasque urbis partes evertit. Tum properanter Spartam repetiit, Antigoni & Achæorum metu, quos existimabat Laconiam absente se esse invasuros. Sed cum quiescerent hi conventu agendo occupati, & militem sparsim in hybernis haberent, ipse cum audisset Antigonom cum amicis & pauculis copiis Argos profectum esse, cum exercitu suo in agrum Argolicum incurrit hoc consilio, ut Antigonom amicorum & sociorum res uri, agi, ferri videntem & audien-

audientem vel pudore & calumniis malevolorum motum ad inconsultam pugnam eliceret, vel certamen detrectantem in odium contemptumque adduceret. Verum actum egit. Nam Antigonus sapienter contumelias suorum perpeti & devorare maluit, quàm fortunam omnem temerè in discrimen dare. Ille autem obvia cuncta vastans, & ad Argorum muros accedens, insultationumque & illusionum & contumeliarum in inclusos nihil faciens reliquum, tandem velut satiatus se recepit. At cum audisset Antigonum Tegeam concessisse, ut inde regionem Laconicam adoriretur, ipse rursus alia via Argos contendens totum agrum Argivorum denuò pessum dedit, sata jam maturescètia protrivit, & in proxima urbis iterum progressus, hostis contemptum omnibus quibus potuit modis ostentavit. Cumque cognovisset, Antigonum quoque Argos redisse, & viarum angustias præsidii insedisè ad reditum impeditum sibi faciendum, dissimulato omni metu exercitum Phliuntem Argivi agri oppidum reduxit, ibique dejecto Ologunti præsidio, secundum Orchomenum Arcadicum descendens in sua devenit: atque his actis, ait Plutarchus, non solum Spartiatis suis animos addidit,

parte Cleomenis mercenariorum plurimi, Spartani, ut vult Plutarchus, exceptis c c, omnes, atque in his fortissimè pugnans Euclides Cleomenis frater & collega. Cleomenes ipse cum paucis equitibus Spartam se recepit de fortunâ jam prorsum desperans, & brevissimè cum suis locurus ne cibo quidem potuve sumpto per noctem statim Gythium contendit ad mare, atque ibi cum intimis naves conscendens in eum finem jam antè paratas relicto portu in Ægyptum se contulit ad Ptolemæum regem sibi amicum.

*Αὐτονομία cum vetere libertate ab
Antigono & Achæis Lacedæmoni
reddita, & statim rursus
corrupta.*

ANtigonus victor cum Arato & Achæis obsistente nemine Spartam ingressus (suaserat enim civibus discedens Cleomenes, ut in præsens fortunæ cederent) veterem rempublicam cum plenâ libertate civitati reddidit, & sine ullo maleficio, ne præsidio quidem illic relicto, discessit. Civitas ephorum magistratu cum reliquo ordine civili ex formâ solitâ instaurato, de novis regibus creandis ne audire quidem æquo animo potuisse traditur, quandiu in

vivis erat exul Cleomenes. Adeò perditè hunc ea, quæ post cladem supererat, popularis multitudo amabat. Eadem verò disfluenta jamdudum legibus & legitimis imperiis parère, libertatem benè ferre nescia, quietis impatiens, turbida, factiosa, fidis monitoribus aspera, cum hostem externum non haberet, domi tumultuabatur, & sanguine civili sese polluebat. Et ferè cujusmodi ephoros annuos habebat, ita huic aut illuc impellebatur. Resumpserant tum arma contra Achæos Ætoli, nunquam ferè quieti, gens ante omnes cæteros Græcos effera, infida, prædandi semper avida, ut eam describit Polybius. Achæorum verò socius & amicus erat Philippus Macedoniæ rex Demetrii filius, eo tempore adhuc juvenis, sed ingenio haudquaquam socors, non iners, qui non ita nuper defuncto Antigono successerat. Ab Ætolis ad arma cum ipsis jungenda sollicitabantur Lacedæmonii: quorum nonnulli, qui ingeniis erant turbulentissimis, & civium cæde dextras polluerant, jam tum secretò cum iisdem conspiraverant, & sædus junxerant. Et jam plurimorum animi publicè quoque istuc inclinabant, cum è senioribus quidam, qui rectius sentiebant, surgentes graviter contradicebant,

rent,

rent, & memoratis Macedonum & Achæorum recentibus beneficiis, Ætolorum autem nuperis atrocibus maleficiis, majori parti populi persuaferunt, ut existimarent, in societate illorum esse manendum, ab horum fœdere abstinendum; effeceruntque ab ephoris, qui tunc erant, adiuti, ut in eam sententiam decretum scriberetur. Quare efferati partium adversarum principes, & secum frémentes, qui statum talem ferendum sibi non putabant, stimulatim Achæorum odio, tum prædarum cupidine, facinus animis conceperunt scelestissimum. Erat in more Lacedæmoniis à majoribus per manus tradito, solenni die, cum sacrum fiebat in æde Minervæ Chalciacæ, cui præsentibus adesse, & sacrum peragere omnes simul ephoros oportebat, universos, quibus ætas iusta erat, in armis pompam ducere juxta ædem eandem. Ea pompa cum duceretur, juvenes quidam conjurati, à principibus factionis conducti subito in ædem irrumpentes, quæ ab omni memoriâ tutum confugium & asylum esse solet hominibus etiam facinorosis, capitisque pœnam promeritis, ephoros omnes sacris operantes ad ipsam Dææ mensam atque aram trucidarunt. Immane scelus omnem modum

dum atrocitatis excedens, ut ferebant gentilium jura & religio, siue trucidatos spectares, qui inviolabiles & sacrosancti habebantur, siue tempus, siue locum, siue negotium, cui tunc trucidati vacabant. Adeò tum jus & fas à factiosis istis contemnebatur, dummodò pervenirent illuc, quo contendebant. Patrato tam immani scelere, alios etiam è seniorum numero, quos senatores fuisse existimo (Πρόπορες enim Polybius appellat, qua voce participes senatus dici solent) occiderunt: reliquos, qui Ætolicæ societati non assentiebantur, in exilium egerunt. Tum è factione suâ novis ephoris creatis fœdus cum Ætolis palàm pepigerunt. Tanto flagrabant odio in Achæos, tanta in Macedonas ingratitude laborabant, tanto deniq; amore ac desiderio Cleomenem suum, illorum hostem, de se, uti judicabant, benè meritum, quem ope Ægyptii redituum in patriam sperabant, regem popularem persequiebantur.

Novi reges Lacedæmone creati.

Verum cum non multò post nunciarum esset, hunc cum liberis in carcere Ægyptiaco ob tentatas res novas peremptum esse, tunc ademptâ spe de reditu illius, ut speciem restituerent reipublicæ

publicæ prioris, ad creationem novorum regum tum ephori, tum multitudo popularis respexerunt. Creatusque est triennio jam à fugâ Cleomenis circumactō ex Eurysthenidis Agesipolis quidam admodum adhuc puer successionis jure proximus. Nepos enim erat ex filio Cleombroti, qui rex aliquandiu fuerat, Leonidæ gener & æmulus agnatusque, patre ejus eodem cum ipso nomine jam defuncto. Ex Proclidis quantum superessent etiam ex Agidis fratre Agesilao filii duo regni capaces, & præter hos alii remotiorum graduum, tamen his omnibus præteritis (credo quod Cleomenis factio vindictam ab his metueret) Lycurgus à regio stemmate alienus, sed in factione acer, sceptro donatus fuit. Conflatum igitur bellum difficile contra Macedonas & Achæos, maximis periculis & detrimentis totam regionem Laconicam & ipsam urbem Lacedæmonem involvit. Nam Philippus castigatis primum domi Ætolis, dein cum magno exercitu in Peloponnesum veniens, & Achæis se jungens, direptis & evastatis obviis, quæ Laconici juris erant, ad ipsam Lacedæmonem accessit, castrisque inter urbem & Eurotam fluvium urbi proximum positis in summum discrimen & terro-

terrorem maximum eam conjecit, & ob hyemem ingruentem istinc abiens, rursus in agrum Laconicum reversus, oppidis etiam minoribus occupatis universum eum miserrime afflixit. Deinde in Macedoniam revocatus, rebus illic constitutis, in Aetolos conversus, istuc necessitatis eos redegit, ut tum ipsi, tum ipsorum socii Lacedæmonii malis fracti talibus conditionibus pacem petere & admittere cogerentur, quales ab hostibus dabantur. Factum, cum bellum durasset annos quasi tres, & paulo antè in Italiâ malè contra Annibalem Pænorum ducem pugnatum esset à Romanis ad Trasimenum Hetruriæ lacum. Res gesta hoc bello nomine Lacedæmoniorum auspiciis regis Lycurgi. Belli hujus jam ardentis initio, cum in Triphylia regione Eleis & Messeniis & Arcadibus finitimâ feliciter rem gereret Philippus, regno pariter & vitæ Lycurgi insidiæ domi structæ à Chilone quodam stemmatis regii viro, qui ob genus se regno digniorem censebat, & sibi ab ephoris, à quibus præteritus, & regnum Lycurgo venditum erat, insignem injuriam esse factam arbitrabatur. Consilii autem ejus erat, exemplo Cleomenis novæ sortitionis & partitionis agri spem plebi subicere: quâ

quâ ostentatâ sibi persuasum habebat, plebem hujus rei cupidam statim partibus suis accessuram. Deitu adscitis sibi ducentis, quos consilii participes fecerat, rem ipsam sic occæpit. Primum in ephoros, quibus erat infensus, & quos pro Lycurgo omnia facturos esse, & sibi impedimento futuros exillimabat, pro more loco usitato simul cænantes impetum fecit, eosque inter epulas, ut quondam Cleomenes, neci dedit, dignos prorsus tali eventû, inquit Polybius, qualem facinoribus suis promeruerant. Tum rectâ se ad ædes regis Lycurgi curriculo se contulit: sed is monitu & ope vicinorum & amicorum, dum domus invadebatur, furtim celeriterque subductus manus e, us evasit, & fugâ in locum tutum se recepit. Chilo autem hoc conatu præcipuo frustratus, quanquàm jam penè de re desperaret, tamen audendum ratus, cum suis in forum dato impetu, inimicis, quos illic reperit, manus intulit, necessarios & amicos verbis excitavit, cæteris spes illas, quas diximus, ostentavit. Sed cum neminem videret moveri, partibusque suis jungi, non paucos autem contra se coitiones facere, abjectâ prorsum omni spe subduxit se clâm, & occultâ fugâ per universam regionem Laconicam, elapsus,

elapsus, exutus omni fortunâ exul ad Achæos pervênit. Lycurgus in sua rediit. Ephoris occisis alii surrogati. Apud quos haud diu pòst Lycurgus delatus, & suspicione sinistrâ gravatus, cum id ipse persentisceret, metuens sibi ad Ætolos confugit. Sed postea errore suspicionis comperto ab iisdem ephoris revocatus sceptrum recepit. At quamdiu in scepro manserit, aut in vitâ superstes fuerit, nobis non constat. Nam quæ de Polybio nobis restant naufragii tabulæ, qui ista posteritati tradidit, de hisce silent. Hoc solummodò cognoscimus, collegam Lycurgi Agesipolim nondum puberem ab ipso Lycurgo & factione ejus, incertum, quam ob causam, aut quâ arreptâ occasione, in exilium esse actum, exulemque apud Achæos cum multis aliis patriâ ejectis vitam tolerasse diu. Sic enim de eo Livius libro IV decad. IV ex Polybio sua transcribens, exponens acta T. Quintii Flaminii in Græciâ sub consularu L. Valerii Flacci, & M. Portii Catonis, qui congruebat ad annum urbis Romæ conditæ D LIX : *Ipsorum quoque Lacedæmoniorum exules permulti tyrannorum injuriâ pulsî spe recuperandæ patriæ in castra Romana (ea ad urbem Lacedæmonem posita erant) convenerunt.*

Multi

*Multi antè erant jam per aliquot a-
 tes, ex quo tyranni tenebant Lacedamo-
 nem, alii ab aliis expulsi. Princeps erat
 exulum Agesipolis, cujus jure gentis re-
 gnum Lacedamone erat, pulsus infans ab
 Lycurgo tyranno post mortem Cleomenis,
 qui primus tyrannus Lacedamone fuit.
 Hæc ipsa verba Livii. Et Polybius eclo-
 gâ XLIX: Eo tempore, inquit, (id tem-
 pus congruebat cum anno urbis Ro-
 mæ D LXXI, cum consules essent Q. Fa-
 bius Labeo, M. Claudius Marcellus,
 annis post mortem Cleomenis in Ægy-
 pto & initium regni Lycurgi apud La-
 cedamonios quasi xxxvi,) legati Ro-
 mam missi fuere ab iis, qui Lacedamone
 exulabant, inter quos erant Arcesilaus
 & Agesipolis, qui cum puer esset, rex
 Sparta fuerat. Hos pirata in mari fortè
 deprehensos occiderunt: in quorum lo-
 cum alii submissi Romam venere. Ita
 Polybius. Post hunc Agesipolim patriâ
 pulsus solum Lycurgum regno incu-
 buisse, mihi verosimile est. Post Lycur-
 gum Machanidas tyrannidem Spartæ
 invasit, qui nomine & re suis tyrannus
 fuit. Verum in quod tempus initium
 ejus inciderit, nec hoc nobis notum ob
 amissam majorem partem lucubrati-
 onum Polybii. Primam ejus mentionem
 reperio apud Livium ad annum urbis
 Romæ*

Romæ conditæ D XLVI, quo consules
Romani fuere, M. Claudius Marcel-
lus v, T. Quintius Crispinus, uterque
cruenta morte in consulatu illo absum-
ptus: qui annus XIII fuit belli Punici II,
Olympiadis cxiii primus. In actis verò
anni proximè sequentis, quo Asdrubal
Barchinus Annibalis frater ex Hispaniâ
in Italiam cum exercitu veniens ad Me-
taurum occubuit, idem Livius, & ante
hunc Polybius libro x, cujus fragmenta
habemus, eundem Achæos bello vexan-
tem memorant. Machanidam hunc
ephoros regnantibus graves & invisos
exemplo Cleomenis è civitate rursus
sustulisse, haud quicquam dubito, quo-
niam nulla eorum durante tyrannide
ipsius & tempore sequenti memoria
apud autores extat, qui res ipsius & ævi
proximi exposuerunt. Idemque de se-
natu, & magistratibus aliis, quorum
aliquod momentum in civitate fuit,
suspicio: certum dicere non possum.
Fuisse eum Achæis libertatis patronis
semper molestum, armisque eos infe-
llassè, eoque potentia pervenisse, ut
toti ferè Peloponneso formidabilis es-
set, ex Polybii fragmentis, & historiâ
Livii licet cognoscere. Tandem magno
& diu ancipiti prælio non procul Man-
tinea à Philopœmene Achæorum præ-
tore

tore superatum manu ipsius victoris, dum fossam trajicere, & fugâ se servare conniteretur, occubuisse anno secundi belli Punici xv, Q. Cæcilio Metello, L. Viturio Philone cōsulibus, qui erat urbis Romæ D XLVIII, tabula naufragii Polybiani, qua totum prælium prolixè descriptum est, nos docet. Machanidæ extincto statim successit Nabis tyrannus multò crudelior, qui Phalaridem Agrigentinum, & Dionysium junio-rem Syracusanum immanitate facinorum æmulari voluisse videri potest. Instituta ejus tyrannica, & mores verè immites, & machinam cruciandis primoribus civitatis, qui opes habebant, ab eo excogitatam, cui Apegæ nomen, compendio descriptam reliquit Polybius historiarum libro XIII, cujus fragmenta quædam ad nos pervenere. Et testimonium sævitæ ejusdem luculentum perhibet apud Livium T. Quintius Flaminius Romanus imperator decadis IV lib. IV. Verba Polybii quoniam totum tyrannū nobis repræsentant, & oculis subjiciunt, ac miserrimum statum & fortunam civitatis Spartanæ sub ejus tyrannide evidenter describunt, heic adscribere operæ pretium esse existimo. NABIS, inquit, *Lacedæmoniorum tyrannus*, qui tertium jam annum rerum po-

riebatur, nihil ille quidem majoris rei ag-
gredi aut moliri audebat, quod recens
adhuc esset memoria devicti ab Achaïs
Machanida, sed mansura diutius ac du-
re tyrannidis principia ponebat & fun-
damenta jaciebat. Reliquias enim no-
minis Spartani funditus delebat: eos qui
opibus aut gloriâ majorum ceteris præsta-
bant, solum vertere cogebat. Horum fer-
tunas & uxores iis, qui inter reliquos
eminebant, & mercenario militi divi-
debat. Hi autem erant homicida, effra-
ctores, vestimentorum fures, velticula-
rii, hoc est, parietum perfores. Nam hoc
duntaxat genus hominum, quibus propter
impia facinora, & immania scelera pe-
dem in patria sua ponere non licebat, se-
dulò Nabis toto undique ex orbe terra-
rum ad se accersebat. Horum ille patro-
num & regem cum se constituisset, stipen-
darios & satellites eos sibi instituisset, in
longum videlicet tempus istorum ope &
impietatis suæ famam & dominationem
erat extensurus. Itaque præter illa, quæ
jam diximus, cives in exilium pellere non
contentus, id operam dabat, ne quis exu-
libus locus esset tutus, ne ullum persu-
gium securum. Alios enim percussoribus
submissis per vias occidebat, alios ab exi-
lio revocatos trucidabat. Postremò in iis
urbibus quas habebant exules, conductis

per homines, nullo modo suspectos domibus
 qua vicina essent iis, quas illi incoherent,
 Cretenses eò miscebat, qui parietibus ru-
 ptis per apertas fenestras exulum alios
 stantes, alios decumbentes sagittis confi-
 gebant, ac morti dabant; ut miserum La-
 cedæmonius nullus ad perfugium locus sa-
 tis tutus, nullum tempus à periculo esset
 immune. Atque hac sane ratione pluri-
 mos eorum è medio sustulit. Idem Nabis
 machinam quoque, si tamen machina ea
 est dicenda, talem struxerat. Simula-
 crum muliebre erat pretiosis vestibus in-
 dutum, firma similitudine Nabidis uxo-
 rem insigniter referens. Quoties autem
 civium aliquos tyrannus ad se vocabat,
 ut pecuniis eos emungeret, principio qui-
 dem longâ, câque benignâ oratione ipse
 compellabat: periculum, quod regioni &
 urbi ab Achais imminebat, ipsis ponebat
 ob oculos; quantum stipendiariorum nu-
 merum salutis ipsorum causâ aleret, si-
 gnificabat; quantos in sacris procurandis
 aut negotiis publicis sumptus faceret. E-
 jusmodi sermonibus si qui moveri se sine-
 rent, hoc illi ad destinata exsequenda sa-
 tis erat. Sin aliqui essent, qui pecunias
 pendere recusantes iussa capeßere detre-
 ctarent, in hac tum verba tyrannus e-
 rumpebat: Ego quidem fortasse, quod cu-
 pia, persuadere tibi non possum, Apegam

verò hanc (id nomen Nabidis con iux ha-
 bebat) puto tibi persuasuram. Cum qui-
 bus dictis confestim aderat simulacrum,
 de quo jam lecuti sumus. Tum excitata e
 sede famina per speciem comitatus pre-
 hendens dextram illius, mox utraque
 manu eundem amplectebatur, & paula-
 tim ad pectus compressabat. Erant au-
 tem ei cubiti & brachia ferreis clavis
 plena, quos vestiu occultabat. Similiter
 etiam in mammis infixos clavos habe-
 bat. Quando igitur brachia imprefferat
 dorso mulieris, mox organis quibusdam
 attractum intendebat, & paulatim ad
 mammam adducens eum, qui premebatur,
 omne genus vocis coquebat edere. Atque
 hoc modo multos interemit, qui pecunias
 dare recusabant. Hactenus Polybii ille
 locus, sic ferè in Latinum sermonem
 conversus à dōctissimo Casaubono. T.
 Quīntius apud Livium in facie eidem
 tyranno crudelia facinora exprobrat, &
 omnium tyrannorum, qui fuerant un-
 quā, eum vocat sāvissimum & vio-
 lentissimum in suos. Et tamen hunc in-
 fami dominatu nuper adeò potitum,
 In pactis pacis cum Philippo Macedo-
 niz rege inita, quæ coiit P. Corn. Sci-
 pione Africano, P. Licinio Crasso Divi-
 te consulibus, anno belli Punici secundi
 xiv, urbis Romæ D XLIX, placuit Ro-
 manis

manis velut amicum ac socium suum formulæ adscribi, & pòst etiam toto ferè dominatus tempore, quanquàm sæpè injurius in eos esset, indulgentius, quàm par esset, quamque reliqui omnes Græci justum & rectum esse judicarent, ipsum habere, ut tum Polybius, tum Livius literis prodiderunt. Fuit Nabis, ut ante eum Cleomenes, Lycurgus, Machanidas, Achæis semper inimicus, & ut plurimum armis infestus. A Philippo Macedone, ut arctius eî obligaretur, fidei jure Argos accepit, sed mox ab eo animum avertens ad Romanos se vertit, sed fide etiam pessimâ. Argivos interea malè mulctatos & pressos exco-riavit, Argivas conjugum Apege sui similitudinæ emungendas tradidit. Decedere deinde hac urbe cum juberetur à Romanis, qui paulò antè victo ad Cynoscephalas Philippo rege omnem Græciam jugo Macedonico liberaverant, non prius iis paruit, quàm eorundem & Achæorum & aliorum sociorum conjunctis armis id facere coactus fuit. Quod factum L. Valerio Flacco, M. Porcio Catone coss., anno urbis Romæ D LIX, Olympiadis CXLVI anno secundo. Eo bello surgente, cum ad obsidendam cum tyranno Lacedæmonem, relictis Argis, quam leviter armis tenta-

verat, se accingeret T. Quinrius Romanus imperator, & jam Laconiam cum exercitu ingressus esset. haberetque secum in exercitu Spartanos exules magno numero, à prioribus tyrannis, & hoc ipso Nabide patriâ ejectos, rem atroci tyranno congruam Nabis in urbe patravit. Nam populo ad concionem vocato disseruit de periculo sibi & toti civitati circumstante, dixitque, ignoscendum sibi esse, præsertim cum salutis omnium intersit, si quos ob statum præsentem suspectos habeat, eos prohibeat potius, ne quid moliri possint, quàm molientes puniat: Itaque quosdam se in custodiâ habiturum, donec ea, quæ instet, tempestas prætereat: hostibus externis repulsis, à quibus minus periculi sit, quàm ab intestinâ proditione, extemplò eos se emissurum. Sub hæc citari nomina lxxx fermè principum juventutis jussit, atque eos, ut quisque ad nomen responderat, in custodiam tradidit. Noste insequenti omnes interfecit. Heilotarum deinde quidam (hi sunt, ait Livius, jam inde antiquitus castellani, agreste genus) transfugere voluisse insimulati, per omnes vicos sub verberibus acti necantur. Hoc terrore obstupuerant adeò multitudinis animi, ut de novandis rebus

bus ne cogitare quidem, nedum consilia concipere auderent possentve. Interea exercitus à T. Quintio imperatore ad Sellasiam Laconix oppidum in ripâ Eurotæ fl. clade Clæomenis nobilitatum promotus: atque inde ad ipsam urbem Lacedæmonem ductus, castra inter urbem fluviumque Eurotam urbi illic maximè vicinum, juxta ipsa urbis mænia locata: bis tumultuariis præliis pugnatum, tyranni copiæ in fugam datæ, & in urbem compulsæ: ad hæc præter alia Laconix maritimæ loca Gytheum oppidum cum portu commodo à Romanis captum, Lacedæmonique omni maris usu exclusi. Tyranno in extremas angustias redacto, petente ipso ad colloquium de pace ventum. Congressi coràm Quintius & Nabis, multaue hinc inde jactata: demum pacis conditiones tyranno præscriptæ, permissumque ei, ut de his cum suis in urbe deliberaret: quod ab eo factum. Cum ob nonnulla in conditionibus quæ privatim multos urebant, fremitus, & ex fremitu tumultus in multitudine urbanâ existeret, ac tyrannus quæreret, quid à se fieri vellent, responderetque multitudo, in bello ut persisteret, occasio commodum à tyranno rapta, quam exoptabat, armaque resumpta. Tum à

T. Quintio urbs coronâ cincta, oppugnataque graviter ab omni parte: quibusdam locis, quâ murus intermittebat, testudine factâ in urbem penetratum: tyrannus periculo consternatus fugam, si quâ possêt evadere, jam circumspectabat. Actumque tunc de urbe fuisset, nisi tyranni gener Pythagoras in periculis intrepidus proxima quæque, quâ irrumpebant Romani, igne subiecto flammis dedisset, & irrumpentes timore correptos recipere se coëgisset. Verum cum instaret rursus Quintius, & terroris causas obsessis admove-ret, omnium horum animis timore prostratis, repetito de pace colloquio Pythagorâ internuncio, demum iisdem conditionibus quæ antè erant dictæ, pax convênit: quanquàm sublatum tyrannum quàm pacem ei datam Achæi & reliqui omnes Græci maluissent, deque eo liberè apud Quintium quere-rentur. Sed secus visum Quintio viro summæ prudentiæ & moderationis ac æquitatis, qui periculum à Magno Antiocho, Syriæ rege potentissimo in Europam maximis cum copiis reditum parante, & mox adfuturo, habebat ob oculos, & Lacedæmonem nobilissimam Græciæ urbem, quanquàm tyranno tum parentem, sed in ordinem jam redâ-

redactam, ut nocere vicinis non posset, incolumem conservare, quam cum exitio hujus tyrannum delere malebat. Legum pacis tyranno dictarum præcipuæ hæ fuere: ut Argos, urbem metropolim, cum cæteris oppidis Argolidis, abductis præsidiis liberum dimitteret, ac Romanis traderet: naves civitatibus maritimis, cum facitaret piraticam, ademptas redderet omnes, nec ipse navem ullam præter duos lembos remorum XVI haberet: perfugas & captivos omnes sociis Romanorum restitueret: Messeniis item (nam & hos ante aliquot annos subitâ vi oppressos diriperat) omnia, quæ comparerent & à dominis agnoscerentur, exulibus quoque Lacedæmoniis liberos & conjuges quotquot harum vellent ad maritos reverti, redderet: in Cretâ insulâ ne quam urbem haberet: quas habuerat, Romanis dimitteret: ne quam societatem cum ullo Cretensium, aut quoquam alio institueret: civitatibus omnibus quæ in potestate ipsius fuerant, præsidia abduceret, seque ipse, suosque ab his abstineret: ne quod oppidum, ne quod castellum in suo alienove solo conderet. Obsides harum rerum daret quinque ad arbitrium imperatoris Romani, atque in his filium suum: talenta centum argenti

confestim, & L porrò quorannis penderet per annos VIII. De exulibus patriæ reddendis verbum nullum, quod tacitè gaudebat tyrannus: quanquàm in castris Romanis, ut dixi antè, Agesipolis, cui regnum Spartæ debebatur, multi-que alii è primoribus civitatis spe restitutionis in castris Romanis fuerant. Sed difficile tyranno quiescere, & in pactis manere diu. Itaque cum Antiochus Syriæ rex cum exercitu maximo adventare, & rursus in Europam trajecturus essè diceretur, & Ætoli ad arma contra Romanos se pararent, ipse sub finem anni, quo consules apud Romanos erant L. Quintius, Titi frater, & L. Domitius Ahenobarbus, ad recuperanda Laconia maritime ductis istuc copiis Gytheum summâ vi terrâ marique obsedit, pluribus locis illic occupatis, & prælio navali feliciter commisso, Gytheum ipsum quamvis probè munitum expugnavit. Verum Philopœmenes Achæorum dux, paulò antè mari à Nabidis classè victus, confectis justis copiis in Laconiam invadens, & copias circumducens, cum aquatores partium utrarumque levi certamine circa rivum aquationi commodum contracto, iusto prælio occasionem dedissent, post acrem dimicationem tyrannici exercitus robur in fugam

gam dedit: tyrannum trepidè in urbem se recipere coëgit, rursusque non procul Lacedæmone dispositis, quâ eundum erat, insidiis, copias ejus urbem quoque, ut jussæ erant, repetentes, cum in eas impetum fecisset, ita cecidit, vix ut quarta pars incolumis evaserit. Tum omnia circum circa prædando, urendo, quæ tyranni erant, à victore vastata, exercitus victor domum à Philopœmene reductus. Non multò autem post, tyrannus hic Nabis petitâ ab Ætolis amicis ope, ab Alexameno Ætolo cum auxiliaribus mille peditibus & trecentis equitibus ad eum misso, & præceptis secretis instructo, insigni dolo, & facinore audaci, paulum à suorum multitudine sevocatus, inspectantibus suis crucidatus est. Exitus tyranno dignissimus. Alexamenus confestim ad regiam tyranni contendit, & thesauros ejus in prædam vertit. Ætoli, qui civitatis liberatores videri volebant, civitatem diripere. Quâ re perindignâ commoti Lacedæmonii, & velut in furorem acti, concursu facto, armisque correptis Ætolos totâ urbe vagos mactarunt, & Alexamenum in ipsa regiâ oppressum, ac nequicquàm cum paucis se tuentem obtruncarunt. Qui cædentium Laconum manus evadere Ætoli potuerunt, fugâ

fugà in Arcadiam vicinam delati, ab oppidorum magistratibus comprehensi sub coronâ venierunt.

*Lacedæmon à Philopamene societati
Achæorum adjuncta.*

PHILOPÆMENES occasione hac usus, cum omnia metu turbata Lacedæmone essent, subito istuc advolans, evocatis populi primoribus & blandâ oratione compellatis, quâ Alexamenus uti debuerat, sine armis civitatem societati Achæorum adjunxit. Conventionis summa hæc fuit, ut pax & societas Lacedæmoniis cum Achæis esset conditionibus iisdem, quæ antea dictæ tyranno fuerant: quod quanquàm nec Livius ad hunc locum adscribat, nec reperiamus in fragmentis Polybii, nec in vitâ Philopæmenis sit apud Plutarchum, tamen ex iis, quæ narrantur, sequuta esse, sic conspicuum. Acciderunt ultima hæc M. Acilio Glabrione, P. Corn. Scipione Nasicâ cost., qui erat annus urbis Romæ D L XIII, cum in annum usque x v i Nabis Lacedæmoni incubuisset. Gaudebat civitas, immanem tyrannum à cervicibus suis esse amotum, & pacem se tutam habere cum vicinis. Sed urebant eam exules, qui jam pridem tyranno adhuc superstiti post pacem prin-

principe T. Quintio cum eo compo-
 sitam, & nunc quoque eo sublato, freti
 legibus pacis Laconix maritima fre-
 quentes habitabant Achæorum per-
 missu, quorum fidei & custodix loca il-
 la à Romanis erant commissa. Quà ra-
 tione fiebat, ut maris usu libero La-
 cedæmon excluderetur. Is dolor cum
 sensim cresceret in animis multitudi-
 nis, emporio peregrinarum rerum æ-
 gerrimè carentis, conspiratio quorun-
 dam facta, & Las vicus maritimus in-
 opinato incursu nocturno repentè oc-
 cupatus non sine cæde. Verum luce or-
 tâ recollectis animis idem vicus ab in-
 digenis & exulibus, qui sedem cum vi-
 canis ibidem habebant, expulsis occu-
 patoribus, recuperatus. Quà occasio-
 nè, quia res ad omnes pertinere vide-
 batur, quotquot oram maritimam te-
 nebant, inquilini pariter & indigenæ
 communi nomine legatos misere ad
 Achæos, qui & querelas deferrent hac
 de re, & protectionem regarent. Phi-
 lopœmenes, qui tum rursus prætor
 gentis erat, & exulum causâ, quos resti-
 tuere in conventionem nuperâ non po-
 tuerat, inprimis favebat, consilium ad
 exponendas querelas, precesque feren-
 das legatis absque morâ dedit, effecit-
 que, ut decretum scriberetur, quale ii
 cupie-

cupiebant. Ex eo statim legati Achæorum Lacedæmonem missi, postulatum, ut autores affinesque rei apud Las actæ, quoniam ea pacta conventa essent violata, Achæis dederentur: quod nisi fieret, fœdus à civitate ruptum Achæos existimatu-
ros.

*Plebs Spartana in furorem acta ob postulatam Achæorum, eadem suorum patrat, ac in fidem & patrocini-
um Romanorum se confert.*

Hoc verò imperium nimis superbum & indignum Lacedæmoniis visum: clamare itaque vulgò, obstitendum initiis: metuendum, ni id fieret, paulatim jugum civitati Philopœmenem, qui jamdiu hoc moliretur, impositurum, eamque exulibus traditurum. Mox irâ furentes ex iis, quibus consiliorum aliquam societatem cum Philopœmene atque exulibus suspicabantur, viros x x x indicta causa occidunt, simulque decernunt renunciandam societatem Achæis: & statim legatos ad consulem Romanum M. Fulvium in Cephallene insulâ tunc agentem mittunt, eumque orant ut in Peloponnesum veniat ad urbem Lacedæmonem in fidem ditionemque populi Rom. accipiendam. Quæ cum omnia ab Achæorum

rum legatis ad suos relata essent, in proximo conventu eorum, consentientibus omnium civitatum voluntatibus bellum Lacedæmonis indictum : illatumque id statim fuisset, nisi hyems ingruens impedivisset : incursionibus tamen minutis Lacedæmoniorum fines à terrâ & mari vastati. Ad hæc sopienda Romanus consul in Peloponnesum cum venisset, iussu ejus concilium apud Elidenses indictum, & Lacedæmonii ad disceptandum istuc acciti. Ibi non disceptatione solum, sed etiam altercatione partium, ut inquit Livius, auditâ aliquandiu, consul satis ambitiosè partem utranque fovendo, incertaque respondendo, demum una denunciatione finem ei imposuit, præcipiens nimirum, ut bello abstinerent, donec Romanam legatos ad senatum misissent. Itaque legatio utrimque Romam missa: exulum Laconicorum causa, petentibus ipsis, commendata est Achæis. Principes legationis Achæorum fuere Diophanes & Lycortas, Polybii historiæ scriptoris pater, uterque Megalopolitanus: quorum ut sæpè aliàs, sic hac quoque in re discordes erant sententiæ. Diophanes Romam veniens senatui disceptationem rerum omnium permittebat, cū optimè controversias inter Achæos
& La-

& Lacedæmonios dicebat finituum.
Lycortas ex præceptis Philopœmenis
postulabat, ut Achæis ex fœdere ac le-
gibus suis, quæ decrevissent, agere lice-
ret, libertatemque sibi illibatam, cujus
ipsi auctores essent, præstarent. Hæc ipsa
verba Livii sunt: qui porrò addit:
*Magna auctoritatis apud Romanos tum
gens Achaorum erat: novari tamen ni-
hil de Lacedæmonio placebat. Ceterum
responsum ita perplexum fuit, ut & A-
chæi sibi de Lacedæmone permixtum acci-
perent, & Lacedæmonii non omnia con-
cessa iis interpretarentur. Hac potestate
immodicè Achæi ac superbè usi sunt, Phi-
lopœmeni continuatur magistratus. Qui
veris initio exercitus indicto castra in fi-
nibus Lacedæmoniorum posuit: legatos
deinde misit ad deposcendos auctores defe-
ctionis, & civitatem in pace futuram, si
id fecissent, pollicens & illos nihil indi-
cæ causâ passuros. Silentium præ metu
ceterorum fuit. Quos nominatim depo-
poscerat, ipsi se ituros professi sunt, fide
acceptâ à legatis, vim absfuturam, donec
causam dixissent. Ierunt alii etiam illu-
stres viri, & advocati privati, & quia
pertinere causam eorum ad remp. cense-
bant. Nunquàm aliàs exules Lacedæ-
moniorum Achæi secum adduxerant in
fines, quia nihil aque alienaturum ani-
mos*

mos civitatis videbatur: tunc exercitus totius prope antesignani exules erant. Ii venientibus Lacedamonius ad portam castrorum agmine facto occurrerunt: & primò laceffere jurgii, deinde altercatione ortâ cum accenderentur ira, ferocissimi exulum impetum in Lacedamonios secerunt. Cum illi deos, & fidem legatorum testarentur, & legati & prator summo- veret turbas, & protegeret Lacedamonios, vinculaque jam quosdam injicientes arceret, crescebat tumultus concitatâ turbâ. Et Achæi ad spectaculum concurrerunt: deinde vociferantibus exulibus quæ passi forent, & orantibus opem, affirmantibusque simul, nunquàm talem occasionem habituros, si eam prætermisissent, fœdus, quod in Capitolio, quod Olympiæ, quod in arce Athenis sacratum fuisset, irritum per illos esse: priusquàm alio de integro fœdere obligarentur, noxios puniendos esse: accensa his vocibus multitudo ad vocem unius, qui, ut ferirent, inclamavit, saxa conjecit: atque ita XVII, quibus vincula per tumultum injecta erant, interfecti sunt. LXIII postero die comprehensi, à quibus prator vim arcuerat, non quia salvos vellet, sed quia perire causâ indictâ nolebat, objecti multitudini irata, cum aversis auribus pauca locuti essent, damnati omnes, & iraditi

diti sunt ad supplicium. Locum, in quo
 hac acta, Compasium Polybius vocat. Hoc
 metu injecto Lacedamonii imperatum,
 primum, ut muros diruerent: deinde ut
 omnes externi auxiliares, qui mercède
 apud tyrannos militassent, terrâ Laco-
 nicâ excederent: tum uti quæ servitia
 tyranni liberassent (ea magna multitu-
 do erat) ante diem certam abirent: qui
 ibi mansissent, eos prehendendi, venden-
 di, abducendi Achaï jus esset. Lycurgi
 leges moresque abrogarent, Achaorum as-
 suerent legibus, institutisque, ita unius
 eos corporis fore, & de omnibus rebus fa-
 cilis consensuros. Nihil obedientius, ait
 Livius, fecerunt, quàm ut muros dirue-
 rent, nec agrius passi sunt, quàm exules
 reduci. Decretum Tegea in concilio com-
 muni Achaorum de restituendis iis factum
 est: & mentione illatâ externos auxilia-
 res dimissos, & Lacedamonii adscriptos
 (ita enim vocabant eos qui à tyrannis
 liberati erant) urbe excessisse, in agros
 dilapsos, priusquam dimitteretur exer-
 citus, ire prætorem cum expeditis, &
 comprehendere id genus hominum, &
 vendere jure prada placuit: multi com-
 prehensi venierunt. Porta ex eâ pecu-
 niâ Megalopoli permissu Achaorum refe-
 cta est, quam Lacedamonii diruerant. Et
 ager Belbinatis, quem injuriâ tyranni
 Lace-

Lacedæmoniorum, restitutus eidem civitati ex decreto vetere Achaorum, quod factum erat Philippo Amyntæ filio regnante. Per hæc velut enervata civitas Lacedæmoniorum diu Achæis obnoxia fuit. Nulla tamen res tanto erat damno, quàm disciplina Lycurgi cui per DCCC annos assueverant, sublata. Sic de his Livius, cujus verbis hæc recitare, quàm meis, malui. Acciderunt verò ista Lacedæmoni exeunte anno urbis Romæ D Lxv, Cn. Manlio Volsone, M. Fulvio Nobiliore coss., quem proximè secutus est annus refeçtâ pace, & fædere percussio à Romanis cum Antiocho Magno Syriæ rege insignis.

Lacedæmonii impatienter ferunt fortunam suam.

VERUM accidit Lacedæmoniis, quod solet iis, quos fortunæ præsentis vehementius pœnitet. Fremere, indignari, nimis inique & injuste secum actum queri, & his querelis aures omnium, maximè verò Romanorum, qui cæteris plus poterant, quoties ferebat occasio, publicè & privatim opplere, animosque obtundere. Nec deerant à Romanis, qui in hæc fomitem iis sufficerent, ambitione ducti, & civitatis suæ viribus feroces, ingeniisque turbidi: qui concò-
B b 2 quere

quere non poterant, Achæos sua facta
 tuentes, libertatem, patriam, & fœde-
 ris, quod cum Romanis icissent, æqua-
 litatem memorare, per quam nec sibi
 in ea, quæ extra Peloponnesum Roma-
 ni, nec Romanis in ea, quæ in Pelopon-
 neso Achæi agerent, inquirere fas esset,
 essentque non ipsi minus quàm Roma-
 ni in rebus suis *ἀντιπαροίτοις* : quan-
 quàm affirmarent iidem Achæi, nihil
 omnino à se in causa Lacedæmonio-
 rum factum, quod non optimo jure &
 potuerint facere, & debuerint, & quod
 non expediret tum Achæiæ statui, tum
 ipsis Lacedæmoniis, tum etiam sociis
 Romanis, si secus factum fuisset. In Ro-
 manis, qui ignem hunc foderent, ha-
 bebantur Q. Cæcilius Metellus, Appius
 Claudius Pulcher, Q. Marcius Philip-
 pus, qui alii post alios cum collegis ad
 inspiciendas res Macedoniæ ac Græciæ
 à senatu Romano fuere missi : qui præ-
 ter alias causas, quibus ipsi singuli per
 se movebantur, etiam tacito desiderio
 senatus & primorum civitatis suæ in-
 serviebant. Istorum verò hoc consilium
 erat, postquam jam metus & pericu-
 lum à Philippo & Ætolis, & maximè ab
 Antiocho potentissimo Syriæ rege nu-
 per in ordinem redactò decessissent,
 contra quos fida & felici opera Achæo-

rum ipsi usi fuerant, fovendo dissensiones sociorum, & eos inter se committendo, vires eorundem solvere. Sed arcanum hoc verbis profiteri omnes omnino pudebat. Id verò in hac contentione acrius animos Achæorum mordebat, quòd inter accusatores suos Lacedæmonios etiam eos cernerent, quos ipsi nuper duro exilio liberatos patriæ & fortunis restituerant, à quibus pro summo beneficio hæc sibi pessima gratia referretur; qui cum cæteris eadem deditiorum Achæis objectarent, quam ipsimet obnitentibus frustra Achæorum præfectis principes patraverant. Dolebantque iidem Achæi, Lacedæmonios, quos ope suâ superstitute tyranno domuerant & fregerant Romani socii, nunc accusatores sibi induci, & in agenda causa inter Romanos comparere. Sed perniciosissimum erat, quod ipsi Achæi hac in re dissensionibus laborarent, iisque publicorum consiliorum concordiam distraherent, quidam etiam Romanorum gratiam, per quam domi potentiam se suam aucturos sperabant, libertati & saluti patriæ anteferrent. Cujusmodi Diophanes erat, Lycortæ æmulus, & isto multo nequior Callicrates Leontesius, verus patriæ suæ proditor. Senatus autem Romanus in-

ter hæc variis ac lubricis, nec satis inter se congruis responsis, quoties usus erat, ludebat, & dissentientium animos vel suspendebat, vel mutuo inter ipsos committebat, & lites alebat. Cum recens ea, quæ dixi, acta cum Lacedæmoniis essent ab Achæis, missi sunt Romam à Lacedæmoniis, quibus acta eadem maxime adversa erant, legati, qui Philopœmenem autorem eorum præcipuum accusarent, & contra injustam hanc vim auxilium rogarent. Philopœmenes id intelligens Nicodemum Elium eodem misit, qui criminationi illorum occurreret, & sua civitatisque acta tueretur. Senatus utrisque auditis, ita respondit, facile ut intelligi posset, displicere ipsi tum muros Spartæ esse dirutos, tum reip. prioris formam esse solutam, tum eadem in Compasio esse patratam: nec tamen quicquam eorum, quæ statuerant Achæi, rescidit, irritumve esse iussit. Responsum ipsum scripto conceptum, referendû ad suos, legatis datum. Importunitate quoque eorum, qui à Lacedæmoniis venerant, literæ extortæ consuli M. Lepido ad Achæos, quibus hi de iis, quæ contra Lacedæmonios haud rectè ferebantur, egissè, arguebantur. Retulit hoc responsum Nicodemus domum reversus
in

in publico tótius societatis Achaicæ concilio, quod tum coëgerat prætor Aristænus, Philopæmenis successor, quo cum ipsi & simulas intercedebat, & in gerenda rep. non benè conveniebat, Romanis verò plus satis addictus. De responso senatus nulla tum orta contentio: & de consulis literis nihil etiam motum. Datas has esse flagitationi Lacedæmoniorum non erat dubium. Vixdum soluto hoc concilio venit Argos cum collegis ex Macedoniâ expeditis illic mandatis Q. Cæcilius Metellus vir consularis, ad cognoscendas res Peloponnesi missus à senatu, qui aures jam commodaverat Lacedæmoniis, & tum instruendum se dabat prætori Achæorum Aristæno, & Diophani Megalopolitano. Incidit hic Cæcilii adventus in panegyrim Argivorum: in cuius gratiam Aristænus statim eodem convocavit omnes magistratus civitatum societatis Achaicæ. In horum consessu verba faciens Cæcilius videri sibi dixit nimis duriter & acerbè actum esse cum Lacedæmoniis, monuitque præsentem, darent operam, ut perperam facta emendarentur. Quæ omnia præsens prætor Aristænus audivit silens, & silentio probare visus fuit. Diophanes autem, vir militiæ quàm pacis artibus

melior , non solum non contradixit
 Metello , factumve Achæorum excusa-
 vit , sed odio Philopœmenis impulsus
 aliud quoque crimen ingessit , læsorum
 scilicet ab Achæis Messeniorum autore
 Philopœmene. Quæ audiens & intel-
 ligens Metellus existimavit, periniquum
 esse, præeuntibus istis non omnes con-
 fectim in sententiam suam descendere.
 Sed obstabant Philopœmenes & Lycor-
 tas & Archon , qui multis rationibus
 liquidum faciebant , rectè omnia , quæ
 ad Lacedæmonios pertinerent , admi-
 nistrata fuisse , maximeque ex utilitate
 ipsorum Lacedæmoniorum : nec ho-
 rum quicquàm mutari nunc posse sine
 humani divinique juris violatione .
 Itaq; visum omnibus qui aderant , nihil
 esse movendum , & in hanc sententiam
 respondendum legato Romano. Quà
 eorum mente cognitâ Metellus secum
 stomachans postulavit concilium so-
 ciorum sibi dari , quod potestatem ha-
 bebat majorem , sperans in eo effectum
 se daturum , quod apud pauciores effi-
 cere non posset. At ii, qui aderant, po-
 poscerunt , ut mandata senatus , si qua
 haberet, hac de re ederet. Ad quod cum
 ipse taceret , (nec enim scriptum hujus-
 modi mandatum secum tulerat ,) di-
 ctum ei , fieri non posse , quod peteret.

Lege

Lege enim vetitum esse, multitudinem convocare, nisi petens mandata senatus scripta, de rebus de quibus putaret in concilio agendum esse, exhiberet. Tum verò adeò in iram exarsit Metellus, cum videret, nihil eorum, quæ poscebat, sibi concedi, ut ne responsum quidem ullum magistratum voluerit accipere, sed absque omni responso discesserit. Achæi animos hos & Cæcilio huic Metello & nupero M. Fulvio suspectos esse ab Aristæno, & Diophane, & horum sociis, odio Philopœmenis stimulis, arbitrabantur, iisque totam hanc culpam imputabant. Romam igitur Cæcilius reversus cum collegis animo exulcerato, cum in senatu exposuisset acta à se in Macedoniâ, & summatim quædam de rebus Achæorum memorasset, introduci in senatum curavit diversarum partium ex Græciâ legatos, eodem advectos. Ex quibuserant Lacedæmonii Areus & Alcibiades è numero veterum exulum à tyrannis olim patriâ ejectorum, quos cum multis aliis Philopœmenes & Achæi nuper patriæ rebusque domesticis restituerant. Qui in curiâ Romanâ conspecti auditque ob extremam ingratitude Achæicorum legatorum oculos & animos graviter perstrinxerunt, & rei indignitate

eorundem iram ingentem commoverunt. Istorum enim oratio peracerba erat in Achæos : per hos scilicet Lacedæmonis vires prorsus infractas esse, multitudine civium per vim abductâ, civitatemque continuis periculis obiectam, redactam ad tantam defensorum paucitatem, præsertim muris etiam per eosdem nudatam : ademptam insuper ei totam libertatem, quippe quæ non solum decretis Achæorum parere, sed etiam primoribus eorum semper quasi ancillari cogeretur. Contra quæ Apollonidas Sicyonius, qui cum collegis aliis missus ab Achæis erat, tum ut accusationibus Cæcili Metelli, quem omnes norant nihil æqui de rebus ipsorum esse relaturum, tum ut criminationibus Lacedæmoniorum responderet, & de omnibus quod verum erat, patres edoceret, accuratè disseruit, multisque modis demonstrare conatus fuit, non potuisse ullo modo alio rectius res Spartanæ constitui, & iis benè consuli, quàm à Philopœmenē & Achæis esset factum. Quod verò Metello data copia concilii non esset, id jure reprehendi non possit. Lege enim cautum apud Achæos esse, ne fas sit, concilium cogere, nisi de societate aut bello sit deliberandum, aut literas à senatu Romano ca

no ea de re quis afferat : quorum nihil in legatione Metelli fuerit. Ad quæ as-
 surgens Metellus ira fervidus in Philo-
 poemenem & Lycortam , & universos
 Achæos invehit , & totum id quod
 in re Laconica actum ab iis , acerbis ver-
 bis laceravit. Senatus omnibus auditis,
 respondit Achæorum legatis, missurum
 se denuo legatos in Græciam , qui ex-
 actius in omnia inquirant : operam ve-
 rò dandam Achæis , ut eo , quo par sit,
 honore legatos populi Romani in Græ-
 ciam venientes accipiant , quemadmo-
 dum sciant suos legatos Romæ excipi.
 Ita Polybius. Livius sic ait ; (ejus enim
 verba quoque producere , non alienum
 fuerit :) *Achai maximè concilii negati*
crimen excusabant recitando legem , qua
nisi belli pacisve causa , & cum legati ab
senatu cum literis , aut scriptis mandatis
venirent , vetaretur indici concilium. Ea
ne postea excusatio esset , ostendit sena-
tus , cura iis esse debere , ut Romanis le-
gatis semper adeundi concilium gentis
potesitas fieret , quemadmodum & illis,
quoties vellent , senatus daretur. Hæc
 Livii verba. Porro ex decreto senatus
 legati alii in Macedoniam & Græciam
 profecti sunt quorum princeps fuit Ap-
 pius Claudius Pulcher superioris anni
 consul , ferocis ingenii vir , majorum
 suo.

suorum simillimus. Is Philippo rege ad præstanda ea, quæ in feriendo fœdere cum Romanis promiserat, adactō, cum collegis in Peloponnesum festinavit, ut Achæorum animos humiliaret. Contra cujus actiones ut præparata consilia haberent, Lycortas ejus anni prætor, Polybii historiographi pater, ex disciplinâ Philopœmenis conformatus, priusquam Romani advenirent, concilium suis indixit. *Ibi, inquit Livius, de Lacedæmoniis actum: ex hostibus eos accusatores factos: & periculum esse, ne victi magis timendi forent, quam bellantes fuissent; quippe in bello sociis Romanis Achæos usos, nunc eosdem Romanos aq̃uiore Lacedæmoniis quam Achæis esse, ubi Arcus etiam & Alcibiades, ambo exules, suo beneficio restituti legationem Romam adversus gentem Achæorum ita de ipsis meritam suscepissent, adeoque infestâ oratione usi essent, ut patriâ pulsi, non restituti in eam viderentur. Clamor undique ortus, referret nominatim de iis: & cum omnia ira, non consilio gererentur, (sic placuit Livio, parum æquo Achæis,) capitis damnati sunt. Paucos post dies legati Romani venerunt. His Clitore in Arcadiâ datum est concilium. Priusquam agerent quicquam, terror Achæis injectus erat, & cogitatio, quam*

quàm non ex aquo disceptatio esset futura ; sed quòd *Areum* & *Alcibiadem* capitū ab se in concilio proximo damnatos cum legatis se accusaturos videbant, nec hiscere quisquam audebat. *Appius* ea, quæ apud senatum questi erant *Lacedæmonii*, displicere senatui ostendit ; eadem primum ad conflictum factam eorum, qui à *Philopæmene* ad causam dicendam evocati venissent : deinde cum in homines ita savitum esset, ne in ullâ parte crudelitas eorum cessaret, muros dirutos urbis nobilissimæ esse, leges vetustissimas abrogatas, inclutamque per gentes *Lycurgi* disciplinam sublatam. Hac cum *Appius* dixisset, *Lycortas*, & quia prætor, & quia *Philopæmenis*, auctoris omnium quæ *Lacedæmone* acta fuerant, factionis erat, ita respondit : Difficilior nobis, *Appi* *Claudi*, apud vos oratio est, quàm *Roma* nuper apud senatum fuit. Tunc enim *Lacedæmoniis* accusantibus respondendum erat : nunc à vobis ipsis accusati sumus, apud quos causa dicenda est. Quam iniquitatem conditionis subimus, quòd ab illa spe decidimus, iudicii animo te auditurum esse posita contentione, quâ paulò antè egisti. Ego certè, cum ea, quæ & heic antea apud *Q. Cæciliū* & postea *Roma* questi sunt *Lacedæmonii*, à te paulo antè relata sint, non
tibi,

tibi, sed illis me apud te respondere credebam. Cadem obiicitis eorum, qui à Philopæmene pratore evocati ad causam dicendam interfeciti sunt. Hoc ego crimen non modo non à vobis Romani, sed ne apud vos quidem nobis obiiciendum fuisse arbitror. Quid ita? quia in vestro fœdere erat, ut maritimus urbibus abstinerent Lacedæmonii. Quo tempore armis capti urbes, à quibus abstinere iussi erant, nocturno impetu occupaverunt, si T. Quintius, si exercitus Romanus, sicut antea, in Peloponneso fuisset, eo nimirum capti & oppressi confugissent. Cum vos procul essetis, quo alio, nisi ad nos socios vestros, quos antea Gytheo opem ferentes, quos Lacedæmonem vobiscum simili de causa oppugnantes viderant, confugerent? Pro vobis igitur iustum piumque bellum suscepimus. Quod cum alii laudent, reprehendere ne Lacedæmonii quidem possint, dii quoque ipsi comprobaverint, qui nobis victoriam dederunt: quoniam igitur modo ea, quæ belli jure acta sunt, in disceptationem veniunt, quorum tamen maxima pars nihil pertinet ad vos. Nostrium est, quod evocavimus eos ad causam dicendam, qui ad arma multitudinem exciverant, qui expugnauerant maritima oppida, qui diripuerant, qui cadem principum fecerant.

rant. Quod verò illi venientes in castra interfecti sunt, vestrum est Arcu, & Alcibiade, qui nunc nos, si diis placet, accusatis, non nostrum. Exules Lacedamoniorum, qui in numero ii quaque duo fuerunt, & tunc nobiscum erant, & quod domicilio sibi delegerant maritima oppida, se potitos credentes, in eos, quorum opera patria extorres ne in tuto quidem exilio posse consenescere se indignabantur, impetum fecerunt. Lacedamonii igitur Lacedamonios, non Achai interfecerunt: nec jure, an injuriâ cassisint, argumentari refert. At enim illa certè vestra sunt, Achai, quod leges disciplinamque vetustissimam Lycurgi institutis, quod muros diruistis: qua utraque ab iisdem objici qui possunt? cum muri Lacedamonii non à Lycurgo, sed paucos ante annos ad dissolvendam Lycurgi disciplinam extructi sint. Tyranni enim nuper eos arcem & munimentum sibi, non civitati paraverunt: & si existat hodie ab inferis Lycurgus, gaudeat ruinis eorum, & nunc se patriam, & Spartam antiquam agnoscere dicat. Non Philopœmenem expectare, & Achaos, sed vos ipsi Lacedamonii vestris manibus amoliri, & diruere omnia tyrannidis vestigia debuistis. Vestra enim illa deformes nota servitutis erant: & cum sine muris per
 octin-

offingentos prope annos liberi, aliquando etiam principes Gracia fuiſſetis, muris velut compedibus circumdatis vincti per centum annos ſerviſti. Quod ad leges ademptas attinet, nego antiquas Lacedæmoniis leges Achæos ademiffe, quas non habebant, ſed noſtras dediffe, nec male conſuluiſſe civitati, cum concilii noſtri eam fecerimus, & nobis miſcuerimus, ut corpus unum, & concilium totius Peloponneſi eſſet. Tunc opinor, ſi aliis ipſi legibus viveremus, alias iſtis injunxiſſemus, queri ſe iniquo jure eſſe, & indignari poſſent. Scio ego, Appi Claudii, hanc orationem, qua ſum adhuc uſus, neque ſociorum, apud ſocios, neque libera gentis eſſe, ſed verè ſervorum diſceptantium apud dominos. Nam ſi non vox illa vana præconis fuit, qua liberos eſſe emnium primos Achæos juſiſti, ſi fædus ratum eſt, ſi ſocietas, & amicitia ex æquo obſervatur, cur ego, quid Capuâ captâ feceritis Romani, non quero? vos rationem repoſcitis, quid Achæis Lacedæmoniis bello victis fecerimus? Interfecti aliqui ſunt, ſinge à nobis. Quid? vos ſenatores Campanos ſecuri non percuiſtiſti? muros diruimus: vos non muros tantum, ſed urbem & agros ademiffiſti. Specie, inquit, æquum eſt fædus apud Achæos, precaria libertas apud Romanos

manos etiam imperium est. Sentio, Appi, etsi non oportet, non indignor: sed oro vos, quantumlibet intersit inter Romanos & Achaos, modo ne in a quo hostes vestri nostrique apud vos sint ac nos socii, imo ne meliore jure sint. Nam, ut in a quo essent, nos fecimus, cum leges iis nostras dedimus, cum ut Achai concilii essent, effecimus. Parum est victis quod victoribus satis est: plus postulant hostes, quam socii habent. Quae jurejurando, quae monumentis literarum in lapide insculptis in aternam memoriam sancta, atque sacrata sunt, ea cum perjurio nostrorum tollere parant. Veremur quidem vos, Romani: &, si ita vultis, etiam timeamus: sed plus veremur, & timemus deos immortales. Cum assensu maxima partis est auditus, & locutum omnes pro maiestate magistratus censebant, ut facile appareret, molliter agendo dignitatem suam tenere apud Romanos non posse. Tum Appius suadere se magnopere Achaïs dixit, ut dum liceret voluntate suâ facere, gratiam inirent, ne mox inviti & coacti facerent. Haec vox audita quidem cum omnium gemitu est: sed metu injecto imperata recusando, id modo petierunt, ut Romani, quae viderentur de Lacedaemoniis, mutarent: nec Achaos religionem obstringerent, irrita ca, quae jure-

Cc jurando

jurando sanxissent, faciendo. Damnatio tantum Aræi, & Alcibiadis, qua nuper facta erat, sublata est. Huc usque ipsa verba Livii. Appius ex Peloponneso in Cretam vicinam trajecit cum collegis, & res ibi turbatas inter Gortynios & Cnossios, civitates insulæ maximas, arbiter delectus composuit, Romamque rediit, haud satis propitius Achæis, imprimis infensus partibus Philopœmenis & Lycortæ. Paulò post Romam venêre legationes variæ regum & populorum, pleræque omnes mandatis instructæ à suis contra Philippum Macedonem: qui eodem tunc misit Demetrium filium suum, quem Romanis, apud quos obses fuerat, carum esse haud ignorabat, pro sese responsurum. Macedonicis rebus in curia Romana pro tempore præsentis expeditis, & multis delictis ob Demetrium Philippo condonatis (quod testimonium à senatu ei perhibitum, & patri denunciatum optimo juveni in invidiam exitialem vertit) Lacedæmoniorum legati, in factiones quatuor tunc divisi, ad exponenda mandata sua in senatum vocati, cum varietate mandatorum turbarent senatus mentes majoribus negociis intentas, dati sunt iis viri tres rerum Græciæ cumprimis periti ob legationes priores, & res illic actas:

actas : in quibus T. Quintius Flamin-
 ius erat, ut ista cognoscerent, & si pos-
 sent, definirent. Factio prima poscebat,
 ut exilium passis bona omnia restitue-
 rentur, quæ initio irrogati exilii posse-
 derant : altera petebat, cujus causam
 agebant Areus & Alcibiades. de quibus
 ante dictum, ut singulis illis tantum
 redderetur, quantum talento æstima-
 retur uno ; reliqua in benè meritos ci-
 ves erogaretur. Tertia, cujus princeps
 Serippus erat, postulabat, ut in eo sta-
 tu civitas Laconica conservaretur, qui
 fuerat tum, quum ea societatis & rei-
 publicæ Achaicæ particeps esset. Pro
 quarta laborabat Charon, cujus hæc
 erat petitio, ut qui mortis damnati, aut
 in exilium acti Lacones essent, patriæ
 redderentur omnes, & respublica in
 eam, quæ jam dicta, formam restitue-
 retur. Et de istis quidem restituendis, &
 civitate societati Achaicæ relinquenda,
 opera trium delectorum inter partes
 omnes post multam disceputationem
 tandem convênit. Cætera de exulum
 bonis controversa manserunt. Quæ
 verò partium consensu probata fuere,
 ne fortè rursus dissilirent, studio eo-
 rundem delectorum in scriptum relata,
 & partium omnium sigillis signata
 sunt. Erat tum Romæ quoque Xenar-

chus Achæorum legatus, in eum finem istuc missus, ut ait Polybius, tum ut fœdus & societatem cum Romanis renovaret, tum, ut ad ea, quæ Achæis & Lacedæmoniis controversa erant, animus adverteret. Hunc quia unice cupiebat T. Quintius, qui in delectorum numero erat, istuc adductum, ut iis, de quibus inter partes Laconum jam convenerat, etiam ipse subscriberet, hoc usus astu est. Vocavit eum ad se, & injecto primum nescio quo terrore, mox nihil tale opinantem ex improvviso interrogavit, placerentne ipsi, quas legendas dabat, condiciones: hæsitantem verò ob exulum, & capitis damnatorum restitutionem, quia ea Achæorum decreto, & columnæ inscriptioni adversabatur, tandem tamen, quia scriptum erat, ut Lacedæmon eadem cum Achæis republ. censeretur, quod erat præcipuum, perpulit eundem, ut sigillum suum reliquorum sigillis adderet. Sed frustraneum id, ad exules quod atinebat, apud Achæos erat, qui quod sine mandato Xenarchus signaverat penè invitus, ad obligandam remp. nihilū quidem valere censebant. Quod quamquam eodem loco non legatur in fragmentis Polybii, tamen ex iis, quæ secuta apud eundem leguntur, diurnâ luce fit clarius.

clarius. Dimissis legatis Q. Marcius Philippus vir consularis à senatu in Macedoniam & Peloponnesum iussus est proficisci. Interim Dinocratis Messenii viri improbi & inquieti operâ Messene à societate Achæorum recessit, armaque contra eam ab Achæis sunt sumpta.

Quo bello ætate jam gravis Philopæmen octavum Achæorum prætor in insidias fortè prolapsus, & equi ruinâ penè oppressus in potestatem hostium venit: & in urbem Messenen abductus, autore præcipuo Dinocrate, qui tum prætor urbis erat, in tetræ carcerem subterraneum tantus vir, quantum eo sæculo post Aratum Græcia non habuit, detrusus est, & propinato veneno statim peremptus. Incidit hæc ejus mors, ut scribit Livius, in eundem annum, quo duo alii clarissimi viri, P. Cornelius Scipio debellator Carthaginis, & Annibal Pœnus Carthaginensis, civitatis Romanæ terror, periére, cum consules apud Romanos essent Q. Fabius Labeo, C. Claudius Marcellus, qui erat an. urbis Romæ Varronianus D LXXXI. Et jam Romam reverterat è Macedoniâ Q. Marcius non satis æquus Achæis quia non in omnibus succinuerant voluntati & desiderio ipsius. Referebat enim ad senatum in hanc sententiam:

Achæos jam fixum habere, nihil deinceps referre ad Romanos; sed sublatiſ spiritibus propoſuiſſe ſibi, omnia per ſemet adminiſtrare: rectè facturum ſenatum, ſi in præſentiâ legatos eorum (nam hi quoquè cum legatis extorrium ex urbe Lacedæmone advenerant) negligenter tantummodò audiat, & leve ſaltem iudiciu edat, facta Achæorum ſibi diſplicere: ita enim brevi futurum ſine dubio, ut Meſſenii, poſtpoſito odio vetere, cum Lacedæmoniis in conſenſionem veniant, & conſilia cum iis contra Achæos jungant: eo periculo ex conſpiratione duarum prævalidarum civitatum percuſſos Achæos Romam ſtatim ad roganda auxilia penè ſupplices advolaturos tanquàm ad confugium ſuum. Cuius conſilio obſequens ſenatus vocatiſ Lacedæmoniorum legatiſ, ut civitatem illam incertam & ſuſpenſam teneret, vafrè reſpondit; facta à ſe pro iis, quæ fieri potuerint: nunc verò exiſtimare ſe, ad eorum ſuam negotium hoc non pertinere. Achæiſ verò petentibuſ, ut ſi fieri poſſet, auxilia ſibi mitterentur ex ſœdere contra rebelles Meſſenioſ; aut, ſi fieri id non poſſet, ſaltem hoc provideret ſenatus, ne quid frumenti aut armorum ex Italiâ Meſſenen importaretur,

hiſ

his inquam Achæis huiusmodi responsum senatus dedit, alienum ab utroque, quod petebatur : etiam si Lacedæmonii aut Corinthii, aut Argivi à societate ipsorum deficerent, non mirari Achæos debere, si nihil ad se id pertinere senatus arbitraretur. Quod præconii instar fuit, inquit Polybius, quo significabatur, si qui recedere ab Achæis vellent, id per Romanos ipsis licere. Interea legati Romæ retenti expectatione eventus belli, quod contra Messénios Achæi gerebant. Lycortas quippe avidus ulciscendæ nefariæ necis Philopœmenis, quem velut patrem suum coluerat, graviter Messénios premebat : & jam eorum deduxerat, ut maxima populi pars hæctenus metu magistratuum suorum, qui principe Dinocrate Philopœmenem peremerant, oppressa, tum ipsis hostibus freta pacem petendam clamaret. Cui cum obniti diutius factio Dinocratis non auderet, missi legati ad Lycortam cum hoc responso in urbem rediére, non aliam ad pacem & delictorum veniam patere viam, quàm si rebellionis, & mortis Philopœmenis autores statim dederentur : de cæteris omnibus arbitrium liberum Achæis permetteretur, & in arcem præsidium sine morâ reciperetur. Admissa mox omnia urgente

necessitate. Lycortas immisiss in arcem cetratis, ipse cum delectis exercitus sui urbem ingressus, & pro fortunâ præsente populum in concione affatus, pollicitusque, sine vitio fidem omnibus servatum iri, ea, quæ ad rerum summam pertinere ostendit, ad totam gentem Achæorum se rejicere testatus est. Et opportunè accidit, alterum cōcilium gentis tunc Megalopoli congregatum esse. Rei in Philopœmenem patrati facinoris jussi omnes sibi mortem consciscere: primusque eorum sese interemit Dinocrates. Exercitus cum triumpho inde abductus. Messenii in concilio Megalopolitano præcipuo studio Lycortæ in gratiam recepti, & societati Achaicæ restituti, gaudentibus omnibus, & gratiam Lycortæ habentibus. His de rebus Romæ certior factus senatus, velut oblitus prioris sententiæ suæ, accersitis Achæorum legatis sic jam respondit, providisse se, ne quisquam ex Italiâ vel arma vel comineatum Messenam inferret: quod quidem cum priore responso haudquaquàm congruebat: arguebat verò, Romanos in more positum habuisse, tempori se conformare.

*Lacedæmonii in partes domi
scissi.*

CUM autem legati Lacedæmonio-
rum Româ domum redissent, &
responsum hoc senatus, quod diximus,
populo exposuissent, turbatus populus
in diversa consilia & studia se scidit.
Major pars è re civitatis putavit, cum
Achæis plenè reconciliari, & in com-
munionem reipublicæ eorum, si impe-
trari id posset, concedere. Et hi virtute
& æquitate Lycortæ in rebus Messeniis
plurimum movebantur. Sed erant, qui-
bus ista sententia quàm maximè displiceret,
quique secum statuerent, patriâ
potius excedere, quàm tali decreto lo-
cum dare. Oderant enim Achæos, &
malè sibi conscii vindictam ab iis me-
tuebant. Quæ cum Lycortas cognovisset,
præturam adhuc gerens, ex templo
concilium Achæorum Sicyonem con-
vocavit. In eo ipse discutiendam rem
de Lacedæmone in societatem reipubl.
Achaicæ recipienda proposuit, multis-
que usus rationibus non negligendam
occasionem esse commodè se nunc of-
ferentem, & cur utilem fore consocia-
tionem istam existimaret, demonstra-
vit. Sic enim disquirebat, Romanos, qui-
bus antea autore præcipuo Diophane,

disuasore se, arbitrium liberum de hac
permissum urbe fuerat, nunc totum id
ab se rejicere: respondisse enim legatis
Lacedæmoniorum, res eorum ad se
nihil pertinere: cupere autem eos, qui
nunc rerum Lacedæmone potissimum
potiuntur, Achaicæ societatis & reipu-
blicæ fieri participes, quorum desiderio
si morem gesserimus, inquiebat, duo
perquàm utilia nobis assequemur: nam
tum eos nobis jungemus, qui semper
Achæorum genti benevoli & fidi fue-
runt, & deinceps ejus decreta probaturi
& confirmaturi sunt, & pro accepto
beneficio parem gratiam volentibus
diis, nobis relaturi; tum cum veteri-
bus exulibus, quorum ingratos atque
impios animos experti sumus, sponte
suâ urbe decessuris, & melioribus lo-
cum in ea daturis, in republicâ nihil
habaturi sumus commune. Verum ob-
sistebat Diophanes, & qui cum eo fa-
ciebant, semper adversantes consiliis
Lycortæ, & jam è vivis sublatis Philo-
pœmenis: monebantque Achæos, ne
in gratiam paucorum urgerent & pre-
merent etiam ipsi fortunam misero-
rum extorrium, qui contra jus & fas
patriâ ejecti essent.

Lacedæmon in communionem reipublicæ Achaicæ recepta.

SED vicit sententia Lycortæ, & Lacedæmon in communionem societatis Achaicæ est recepta, atque hoc decretum columnæ, quod fieri in iis, quæ firma & immota censebantur, solebat, inscriptum: & ex exulum numero illi, qui nunquàm ingrati atque improbi in Achæos animi signum edidissent. Mansitque ab eo tempore Lacedæmon confors reipublicæ Achaicæ. His rebus confectis, missus Romam est ab Achæis Bippus Argivus, à Lacedæmoniis Charon, qui de omnibus senatum facerent certiozem. Ab exulibus autem Cletis quoque istuc legatus, qui ipsorum causam contra legatos cæteros tueretur. Qui cum omnes Romæ abundè auditi essent, senatus quidem nihil eorum, quæ à civitate Spartanâ acta erant, reprehendit, aut indignè se ferre ostendit: exulibus verò promisit, ad Achæos se scripturum de illis in patriam restituendis. Idem senatus post aliquot dies à Bippo cognoscens, cui id in mandatis etiam erat datum, ut eam rem gestam exponeret, Messenem quoque priori loco & statui ab Achæis esse restitutam, nec hoc improbavit, legatosque omnes huma-

humaniter habuit. Reversus verò in Peloponnesum exulum Laconicorum legatus Cletis, literas senatus pro exulibus scriptas Achæis exhibuit. Sed hi responderunt, non antè quicquam hac de re statuere se posse, quàm, quos ipsi Romam misissent, domum quoque redissent. Nec multo pòst Roma redux Bippus cum nunciasset, literas illas magis importunitati exulum esse datas, quàm è voluntate senatus profectas, nihil porrò de iis tunc actum. Hæc gesta L. Emilio Paulo, Cn. Bæbio Tamphilo reipublicæ Romanæ consulibus, anno urbis Romæ D L X X I I. Altero anno pòst, A. Postumio Albino, C. Calpurnio Pisone in consulatu agentibus, prætor Achæorum Hyperbatus, è factione Diophanis, exulum eorundem causam & literas senatus Romani coram concilio in scenam reduxit, fretus subsidio Callicratis Leöntesi viri turbulenti & pravi. At Lycortas, qui recens cum filio Polybio tum adhuc juvene, & Arato Sicyonio Arati prioris filio ætate jam provecta, quos omnes nominatim Prolemæus rex ad se miti petiverat, ex honorata legatione Ægyptiaca domum reversus, postulata dicendi copia, movit concilium, ne se moveri Romanorum literis paterentur ad mutandum

dem aliquid, quod mutari sit nefas: Romanos sanè facere id, quod eos deceat, quum miserorum hominum precibus æquitatis speciem habentibus morem gerant: sed ubi edocti ab aliquo fuerint, eorum, quæ petuntur, alia fieri haud posse, alia ingens dedecus cum detrimento sociis & amicis ipsorum inferre; non solere eos pertinacius agere, & ad vim se conferre: nec credibile, sui dissimiles eos in hac re esse futuros: quinimo putandum, ubi cognoverint, non posse nos petitioni eorum locum dare, nisi iusjurandum, leges, fœdera columnis inscripta, quibus communis nostra respublica contineatur, violamus, discessuros proposito suo, & arbitrarios, justam nos causam habere, cur moras nectamus, nec eorum petitioni statim morem geramus. Sed obniti sententiæ huic prætor Hyperbatus & Calliocrates Leontesius, & contendere summo opere, sine morâ faciendum, quod peteretur à Romanis, nec voluntati horum ullam legem, ullum columnæ impressum fœdus, aut omnino quicquam aliud esse anteferendum. Quam ob causam cum in diversa irent concilii sententiæ, placuit tandem legatos mittere Romam, qui de his, quæ dicta à Lycortâ erant, senatus mentem exquirerent.

Statimque editi sunt, qui legationem obirent, Callicrates ipse pestis patriæ pessima, Lyfiades Megalopolitanus, Aratus Sicyonius, & his certa mandata, quibus insisterent, data. Qui Romam cum venissent, Callicrates solus in senatum vocatus, id quod clam ipse procuraverat, & dicere jussus, neglectis omnino mandatis, in orationem ejusmodi ingressus est, ac si pecuniâ emptus ad prodendam patriæ libertatem advenisset. Nec enim solum sententiam senatus, quod facere jussus erat, super eo, super quo inter se dissentiebant Achæi, non inquirebat, nec solum eos, qui à se in republicâ dissidebant, auctoriter cœpit accusare, sed etiam ipsum senatum Romanum velut negligentem officii sui commonere, & quid facto opus esset ad pessumdandum patriæ suæ jus ac libertatem, docere. Ipsos nimirum Romanos dicebat sibi deesse, & causam dare, cur minus morigeros Græcos haberent, sive aliquid per litteras ab ipsis peterent, sive quid imperarent: duas jam esse in omnibus civitatibus populari statu gaudentibus factiones, quorum altera censeret, obsecundandum Romanis per litteras aliquid petentibus, nec ullam legem, ullum fœdus etiam columnæ inscriptum, aut aliud quidvis voluntate Romano-

rum

rum potius habendum : altera in alia omnia iret, statuens, à legibus, fæderibus, juris jurandi religione non esse discedendum, moneretque populum, haud facile horum quicquam transgressionem violandum : Et hanc vulgo A-chæorum gratiorem esse, majoresque applausus invenire : ità fieri, ut qui partium Romanorum sint, apud vulgum jaceant despecti, & calumniis quoque sint obnoxii : alteri gloriâ & honore florent. Quod si senatus velit, posse eum hæc quàm celerrimè mutare. Nam si vel leviter significarit, istuc animos se advertere, confestim rempublicam gerentes ad partes Romanorum transituros, & plebem præ metu exemplum eorum secuturam. Si autem hoc facere senatus neglexerit, sine dubio, qui jam adhuc partium Romanorum sint, ad factionem adversam concessuros, in qua paratam laudem & opinionem honestatis apud vulgum sint habituri: Et jam nunc videre licere, nonnullos maximos honores in civitatibus suis esse consecutos, & gloriâ florere, qui nihil aliud ad petendos magistratus attulerint, quàm quòd se quàm maximè strenuè petitioni & voluntati senatus dicerentur opposuisse, & leges patriæ decretaque facta defendisse. Quæ si placerent
Roma-

Romanis, & pati possent, à Græcis auctoritatem suam temni, tenerent sanè morem suum: sin displicerent, & postulatis suis morem geri vellent, rem poscere, ut à more illo discederent. Quod ut facere occiperent, seriò eos hortabatur. Notum esse, in re Messenià quid paulò antè acciderit. Nequicquàm scilicet monente & graviter dehortante Q. Marcio, non expectatà voluntate Romani senatus, bellum esse in Messenios susceptum & gestum, agros vastatos, clarissimos civitatis viros partim in exilium actos, partim per varios cruciatus interemptos, ob hanc potissimum causam, quòd ad dīceptandam controversiam Romanos appellassent. Nam secus jam agi in negotio exulum Lacedæmoniorum: jamdudum intercessissē per literas pro iis Romanos, & restitutionem petiissē, nec adhuc ab ea petitione desistere: tantum verò abesse, ut morem gerere factionis istius principes in animos suos induxerint, ut fædus etiam icerint & columinæ inscripserint, ac maximo iurejurando se obstrinxerint, nunquam in restitutionem exulum se consensuros. Hæc Callicratis oratio ad jugulandam patriæ libertatem, pro quâ tuendâ missus ipse fuerat, nocentissimus pugio fuit.

fuit. Auditi deinde exules sunt: quorum brevis, & ad movendam erga calamitosos misericordiam comparata oratio fuit. Callicratis collegas ad exponenda mandata à senatu admissos esse, ex Polybii fragmentis non comparet. Non adfuisse, cum verba faceret, & nefarium consilium depromeret Callicrates, satis manifestè arguunt verba ejus, quæ paulò post subjiciuntur, Achæorum neminem scivisse, talia à Callicrate in senatu Romæ esse dicta. Exulibus è curia dimissis, ait Polybius, censuisse senatum, non aspernanda esse Callicratis monita & consilia; quosdam etiam disservisse, humiliandos esse in Græciâ, qui Romanorum voluntati adversarentur, extollendos autem, qui pro ea laborarent: factumque esse in eam sententiam decretum, ut in singulis civitatibus ita fieret; hinc porro extitisse, procedente tempore, ut assentatorum plena essent omnia, verorum autem amicorum copia rareficeret. Et tum, affirmante eodem, non solum ad Achæos literas dedit senatus, extimulans eos ad exules restituendos, sed etiam ad Ætolos, Epirotas, Athenienses, Bæotos, Acarnanas, petens ut rem eandem promoveant; in eum finem, ut frangerentur ahi mi Achæorum.

In responſo autem legatis horum domum redituris dato nominatim de ſolo Callicrate adjecit, reliquorum nullam mentionem facta, tales in ſingulis civitatibus eſſe convenire, qui rempubl. gererent, qualis ſit Callicrates. Atque ita hoc gaudio ovans, quaſi in re benè geſta, Roma in Græciam eſt reverſus, cum exitii patriæ ſuæ Achæiæ, atque adeò totius Græciæ verum fundamentum jeciſſet. Nam in eum uſque diem æqui fæderis rationem cum Romanis quodammodo Achæi tutati fuerant temporibus difficillimis fidi eorum ſocii, & præclaris inſtitutis florentes ſtatum & fortunam ſuam auxerant. Sed audaci ſcelere Callicratis cœperunt in deterius vergere, qui id, cujus cauſa miſſus Romanam erat, prorsus vertit in contrarium. Is exponens legationis ſuæ acta & eventum, metu à Romanis omnium ferè mentes, maxime verò vulgi complevit, & qui legibus pœnas pendere debebat, inſigni præmio à populo ſcleratae fraudis ejus ignaro ornatus fuit. Prætor enim gentis in annum ſequentem designatus eſt: ſtatimque cum poteſtatem iniſſet, exules Lacedæmonios pariter & Meſſenios contra jus & fas, calcatis ſanctiſſimis patriæ legibus in urbes quoſque ſuas reduxit. Quin leges quoque

que Lycurgi, quas abrogaverat Philopœmenes, Lacedæmoniis tum reddiderit, aut in eam rem studium impenderit, & fundamenta ejus jecerit, apud me dubium non est. Nam acta Philopœmenis & Lycortæ, & qui earum partium erant, rescindere aiebat, & abrogationem illam displicuisse Romanis, eosdemq; eandem Achæis exprobrasse non ignorabat. Omnia autem studia sua istuc referebat, ut Romanis placeret, & grata faceret, quibus se totum mancipaverat. In usum quidem redisse apud Lacedæmonios Lycurgi instituta pleraque, ad disciplinam præsertim pertinentia, abundè docent ea, quæ antè in descriptione reipublicæ Laconicæ ex Cicerone, Strabone, Pausaniâ recitavimus. Hic Pausanias in Achaicis affirmat, non per Callicratem Achæorum prætorem, quod ait Polybius autor multo certior, sed per legatos Romanos in Græciam rursus missos, principe legationis eodem Appio Claudio, exules Spartanos in patriam esse reductos. In quo nisi error Pausaniæ sit, verosimile fuerit, legatos eos Callicrati, ut facilius res conficeretur, fuisse adjunctos. Et adjicit Pausanias, alia quoque à legatis iisdem ad Spartanos pertinentia esse acta: absolutos nimirum criminis, & multæ

exemptos eos, quos Achæi præcipitan-
tius, ut ferebatur, causâ non plenè co-
gnitâ damnaverant: Spartam quidem
communi reipublicæ Achæorum non
exemptam, sed judicia tantum de Spar-
tanorum capite aut vitâ ad externos (sci-
licet ad Romanos, ut ex alio loco Pau-
sanix paulò pòst sequente patet) trans-
lata; cæteras eorundem causas Achæo-
rum foro relictas. Et demum addit
Pausanias, novo tunc muro Spartam
etiam fuisse cinctam. Postremò subji-
cit, exules Spartanos patriæ redditos
quiescere non potuisse in Achæos odio
tumentes, omniaque consilia sua istuc
retulisse, iis ut facerent malè. Horum
verò operâ abusum esse Callicratem
dubium non est, quem agendæ fabulæ
ab se inchoatæ instituisse strenuè, nec an-
tè desissè, quàm fœderis æqui jus, quod
cum Romanis Achæi diu habuerant, in
clientelam vertisset, ex Polybio cogno-
scimus. Observabat ille dicta factaque
singulorum secum in gerendâ republicâ
non facientium, & ad Romanos defe-
rebat, traducebatque; liberius verbum
in crimen rapiebat, non promptè &
statim postulatis succincentes, Roma-
norum hostes nuncupare non vereba-
tur. Denique omnes ferè, qui rempu-
blicam gesserant, maximè qui copiis
milita-

militaribus præfuerant, cum inter Romanos & Persea regem Macedoniae bellum gereretur, suspectos Romanis faciebat. Postremò, cum devicto Perseo Romani viros x in Macedoniam misissent, qui & res ejus regni constituerent, & in statum populorum Græciæ inquirerent, apud hos calumniis suis id effectum dedit, ut Achæorum viri illustres, patriæ amantes, velut præjudicio suorum notati, quanquàm id falsum esset, solummodò autem à Callicrate, & ejus sociis delati, inter quos Lycortas quoque, & ejus filius Polybius erant, plures quàm in ille Romam mitterentur, verbo ad dicendam causam, revera, ut per Hetruriam in custodiis haberentur, & procul à patriâ abessent. Atque hi, quanquàm intercederent sæpius pro iis Achæorum legati eam ob causam Romam missi, testarenturque publicè suorum nomine, in patriâ nullo præjudicio notatos esse, qui in custodiis haberentur, tamen per totos annos xvii impetrare non potuerunt, ut aut causam sibi dicere, aut è custodiis exire liceret. Datum id, ut dicit Polybius, delatori & patriæ proditori Callicrati, in periculo futuro, si ab eo injustè delati ad suos redirent. Post annum xvii pauciores trecentis, qui in vivis super-

erant, (reliquos enim fatum consum-
pserat,) demum dimissi: quorum in
numero fuit Polybius, qui Romæ ma-
nere apud principes civitatis, quibus
carus esse cæperat, quàm in patriam
pessimorum hominum Callicrati simi-
lium libidini jam servientem redire
maluit. Eodem tempore, quo hi di-
missi fuere, quod accidit L. Quintio
Flaminio, M. Acilio Balbo consulibus,
cum initia surgerent belli Punici III,
prætor Achæorum erat Menalcidas
Spartanus Callicrate nequitia non in-
ferior. Et eum in præturâ secutus est
Dizus Megalopolitanus utroque illo
nihil melior. Horum improbitate ob
pecuniam Oropiam malè partam à
Menalcidâ, de qua inter se dissidebant,
constitutum est bellum inter Achæos &
Lacedæmonios: quod velut manu
duxit Romanos ad arma contra A-
chæos capienda, quibus tandem duce
L. Mummio Achæi magno prælio su-
perati, Corinthus urbs Achaïæ prima-
ria capta & excisa, Achæorum respub.
funditus deleta, Achaia cum cæteris
Græciæ regionibus Romanorum pro-
vincia facta.

*Lacedæmonis fortuna & status post
deletam Achaorum republ.*

EXinde Lacedæmon inter Pelopon-
nesi urbes præcipuo honore culta à
Romanis ob gloriam majorum, & im-
munitate ac specie quadam libertatis
donata, fortuna haud temnenda sub
imperio populi Romani floruit disci-
plinæ Lycurgi constanter inhærens; le-
viter turbata bello Mithridatico, sed
statim quieti reddita. Imperante Cæsare
Augusto, qui Romani imperii provin-
cias diligentius ordinavit, ex voluntate
ejus, Laconia omnis bifariam distincta
fuit. Nam oppida hujus $\chi\chi\iota\iota\iota$, maxi-
mè ea, quæ mari erant vicina, Spartanæ
urbis juri exempta, & suis legibus vive-
re permiffa fuere: quæ qui habitabant,
 $\epsilon\lambda\lambda\omicron\upsilon\pi\epsilon\rho\lambda\acute{\alpha}\kappa\omega\nu\epsilon\varsigma$, liberi Lacones, sunt
nuncupati. Reliqua regio omnis cum
oppidis & vicis Spartæ urbi contributa,
& ejus tribubus accensa mansit, & hinc
addita quoque fuit Messenii agri pars.
Quæ ex Pausaniâ patent. Strabo etiam
docet, sæculo suo (is floruit, ut alibi
dixi, sub eodem Augusto Cæsare, & ejus
successore Tiberio) Euryclem quendam,
nimiâ Cæsaris gratiâ abutentem sub
præfecturæ nomine dominatu Spartam
aliquandiu pressisse, sed eo everso civi-

tatem fortunæ priori esse redditam, & ab iis, qui Euryclem everterant, in meliorem ordinem gubernandi, id est, administrandæ reipublicæ fuisse redactam. Quo tempore credo, quia non invito Cæsare, dominus à cervicibus depulsus, & libertas restituta fuit, templa duo, alterum Cæsari Augusto, alterum parenti ejus C. Iulio Dictatori Lacedæmone extracta fuisse, quorū in descriptione urbis meminit Pausanias. Is civium frequentiā, ædificiis sacris & profanis, publicis & privatis eximiam fuisse suo tempore, cum Romano imperio præfiderent Antonini duo, Pius & Philosophus, in Laconicis ostendit.

Status Lacedæmonis mediocris sub ditione Romanâ usque ad Græciam à Turcis oppressam.

POSTEA rara ejus apud scriptores mentio, & obscura memoria per multa sæcula. Fortunam tamen mansisse mediocrem usque ad Græciam à Turcis oppressam, ex Laonici Chalcocondilæ historiâ satis constat. Apud quem legimus, Mahometem II ejus nominis Turcarum imperatorem, cognomento Magnum, qui Constantinopolim imperii orientalis sedem armis cepit, in Peloponnesum pervadentem, urbem

Lacedæ-

Lacedæmonem, in quam Thomas Palæologus Peloponnesi princeps se receperat, obsedisſe, & dedente principe in poteſtatem ſuam redegiſſe. Quo tempore nomen adhuc vetus eam tenuiſſe ex ipſa narratione intelligimus. Poſt à Turcis peſſumdata, cum fortunæ prioris reliquiis nomen quoque amiſit: hodiè Mizithra nuncupata à barbaris, oppidulo aut vico quàm urbi ſimilior, ruinas tantum & rudera veteris magnificentiæ oſtendens.

Ambitus & forma veteris Sparta.

HAbuiſſe eam in mœnium ambitu ſtadia XLVIII ſuâ ætate Polybius teſtatur, & tamen duplo majorem fuiſſe Megalopoli Arcadiæ patriâ ſuâ, quamvis ſtadiis L per circuitû patente. Quod incredibile dicit videri iis, qui geometriæ ſint ignari. Nec tamen rationem ejus ipſe explicat. Ea præcipue poſita fuit in circumferentiâ diversâ forma. Circumferentiam Spartanæ urbis circularem ferè fuiſſe, ex Xenophonte alibi diximus. Solum ejus circumferentiâ clauſum planum ut plurimum erat, hic illic collibus modicè ſe attollens, ædificiis & ſtructuris variis, niſi quâ forum & quædam areæ aliæ patebant, obſitum: aditus ejusdem, per quos in ur-

bem gressus ferebat, pleriq; anfractuosi ac difficiles, etiam cum muro non clauderetur. Imminebat urbi ab oriente Taygetus mons præruptus & excelsus ea parte, ex Arcadiæ finibus veniens, & Laconiam totam penè usque ad mare meridiem versus percurrens, sed non pari altitudine, sæpè etiam valdè subsidens, & propemodum intermissus. Ad cujus radices labebatur fluvius Eurotas, gelidus, profundus, aquis majorem anni partem abundans, in eadem Arcadia juxta Alphæi fluminis alterius totâ Peloponneso celeberrimi fontes ortus, & Laconiam à septentrione ingressus longoque tractu versus meridiem defluens, qua Spartam prætervehebatur, Taygeti radice radens, non longius sesquistadio ab eo in ortum distabat: dein reliquam regionem permeans in sinum maris, qui inter promontoria Maleam & Tænarum fundebatur, non procul Gytheo exibat.

F I N S.

INDEX

I N D E X.

A.

Æ Rarium Atheniensium. 81. <i>Lac-</i> <i>num.</i>	332	—
<i>Adulteria Sparta inaudita.</i>	253	—
<i>Ἀνδροσέως lex.</i>	61	—
<i>Archontis jurisdictio.</i>	74	—
<i>Archontes decennales, & 1x annui.</i>	<u>17. 24</u>	—
<i>Areopagi judicia.</i>	19	—
<i>Areopagiticus Sepatus.</i>	29	—
<i>Athenæ conditæ. 7. 8. 10. earum status</i> <i>post mortem Alexandri M. 185. bo-</i> <i>diernus. 214. obfessa & captæ. 196. 214</i> <i>direptæ. 201. 202. ab Adriano impe-</i> <i>ratore ornata.</i>	208	—
<i>Atheniensium libertatis initia. 10. ejus-</i> <i>dem diminutio. 185. seq. ea reddita. 190</i>		—

B.

<i>Bidiai qui fuerint.</i>	241. <u>296</u>	—
----------------------------	-----------------	---

C.

C assander.	186. <i>seq.</i>	—
<i>Cælibum apud Lacon. pœna.</i>	252	—
<i>Cleomenes. 348. seq. præclarus belli dux</i> <i>existimatus. 358. victus fugit in Æ-</i> <i>gyptum.</i>	359	—
<i>Codrus rex Athenarum.</i>	15	—
<i>Concio quid, ejusque potestas. 49. 302. lo-</i> <i>cus & tempus. ibid. a quibus convoca-</i> <i>batur. 50. ordo agendi.</i>	51	—
	Con-	

I N D E X.

Concilia majora in rep. <i>Attica.</i>	19
Corinthus capta & excisa.	422

D.

Demetrius Phalereus praefectus.	189
Draco legislator. 19. 20. Draconis lex contra homicidas.	166

E.

Educatio puerorum apud Athen.	119.
110. apud Lacones.	231
Educatio & exercitatio puellarum Laconicarum.	243. 244. seq.
Εἰλωτες servi.	312
Ephetarum iudicia. 19. 64. eorum designatio.	ibid.
Ephororum initium & munus. 288. seq. eorum iurisdiclio.	314
Epitadei ephori lex.	266
Exercitia Laconic. puerorum annis vii majorum. 232. seq. adolescentium. 235. ex ephebis egressorum.	241. seq.
Εὐφρονο 87. eorum munus.	89

F.

Fœnus nauticum.	175. 176
Festi dies Spartanorum.	280
Frumentaria lex.	173
Funebres leges Atheniensium. 170. 171. Laconum.	279

I N D E X.

H.

H Eliaſticum judicium.	65.66	—
Heliaſtici juramenti formula.	69	—
Hippagreta.	298	—
Homicidium.	166.167	—
Hyperides.	186	—

I.

I udicia Athenienſ. præcipua. 63. eorundem genera.	63.64	—
Iudicia Sparta. 313. ſeqq. <u>modus</u> agendi in judiciis.	316	—

L.

L acedæmon obſeſſa à Romanis. 375. 376. ſocietati Achaorum adjungitur. 380. <u>ab ea</u> revellitur. 383. Turcū dedita. 425. <u>ejus ſitus</u> .	ibid.	—
Laconum libertas. 215. 216. ſermo.	263	—
Leges Solonis. 103. 121. 124. 138. 141. ſeqq.	—	—
Legum Athenienſ. annua reſenſio. 52. legum abrogandarum patroni. 54. legum ſciſcendarum modus.	56	—
Λετρεῖς varii.	92	—
Leonidas rex.	344	—
Libertini apud Spartanos.	311	—
Λογισαί. 87. eorum munus.	89	—
Lycurgi leges. 249. 250. &c. <u>abſurda</u> & <u>ſædæ</u> .	255	—
Lycurgus legiſlator. 218. 219. 220. 222. ſcopus ejus in ſcribendis legibus. 223. <u>ejus effe-</u>	—	—

- I N D E X.

esse lib. 242. 243. ab Aristotele reprehensus. — 270

M.

M Achanidas tyrannus Spartæ. 367. vi-
ctus & casus. — 369

Megalopolis urbs capta & direpta. 355.
— 356

Melanthus Athenarum rex. — 35

Militares leges Atheniens. 170. Laco-
num. — 319. seq.

N.

N Abis Sparta tyrannus. 369. seqq. ejus
crudele facinus. 374. ejus interi-
tus. — 379

Navarchus, ejusdemq. potestas. — 333. 334

Negotiationum leges. — 171. 172

Νομοθέται. — 53

Νομοφύλακες. — 78. 297

Novemviri. 17. 18. 72. 73. eorum colle-
gium. 24. iusjurandum. 28. eorum im-
munitas. — 76

O.

Ostracismus. — 57

P.

• Πάρηδροι. — 75

Parthenii. — 313

Φιδίππα instituta. 218. seq. abrogata.
344

Pole-

<i>Polemarchi.</i>	74.199	
<i>Populus Spartanus divisus in Φυλὰς,</i> <i>ὠδαῖς, & μύραις.</i>	303.304	
<i>Populus Atheniens. in 3 classes divisus.</i>		
10.11. in quatuor. 22. in decem tribus.		
39. <i>ejus conventus sive Ecclesia.</i>	49.	
<i>munus ac potestas.</i>	ibid.	
Φερίεῖαρχοι.	78	
Πωλῆται.	83	
Πρόδικος.	283	
<i>Proxeni.</i>	299	
<i>Prytanes 38.40. Prytanum munus.</i>	42.43	
<i>Prytanæa quid.</i>	41	
Φήλαρχοι.	77	
<i>Pythii.</i>	300	

Q.

<i>Q</i> <i>Vastores varii.</i>	81.83.84.85.86	
<i>Quæstus peregrinis in foro Attico in-</i> <i>terdictus. 138. Laconicis vetitus.</i>	260	

R.

<i>R</i> <i>Eges Sparta, eorumque jura.</i>	282.	
<i>& cæteris pluribus. eorum potestas in</i> <i>bello.</i>	288.328	
<i>Regum Laconum potestas temperata.</i>	224	
<i>Ῥήτῃα quid.</i>	305	
<i>Reipublica Attica vitia.</i>	109.110	
<i>Respublica Atheniens. à Solone ordina-</i> <i>ta. 22. à Clisthene mutata.</i>	39	
	S. Se-	

I N D E X.

S.

- S**enatus Spartanus regibus adjunctus
virorum. 28. 224. ejusdem jus ac po-
testas. 225. ejus designandi ratio. 226
Senatus eorum virorum. 37. ejus munus.
ibid. ejusdem designandi ratio. 38. in
visu centum annis. 40. 191. suffragan-
di Senatus ratio. 43. 44. ejusdem mu-
nera. 43. 47. premium. 48
Σιτωναί, annonae curandi praefecti. 90
Solon legislator Atheniensium. 20. ejus
leges varia. 103. seq. ejus leges bis ab-
rogatae, bis restituta. 105. sensim labefa-
ctae. 206
Spartanorum festi dies. 280. preces so-
lennes. 279 loca sacra. 280. forum. 281.
Curia. ibid. cantus. 281
Στρατιῶν. 79. eorum numerus. 80. de-
signatio. 94. munus ac potestas. 95
Symmoriam. 59. civium ditiorum. 131

T.

- T**hebae in lauribus. 189
Thesmothetarum jurisdictio. 73
Timocratis lex. 126
Τετραρχία quid. 60. 337

F I N I S.